

DE CODICE
EVANGELIARIO

FOROJULIENSI

DISSERTATIO EPISTOLARIS.

VENETIS,

MDCCLII

APUD JOHANNEM PAVLUM, JO. TAV. AL. & CO.

DE CODICE
EVANGELIARIO

FORO JULIENSI
DISSERTATIO EPISTOLARIS
CLARISS. VIRO
JOSEPHO BLANCHINO
PRESB. ORAT. ROMANI.

EDITIO SECUNDA

NOTIS ILLUSTRATA,

ET

BENEDICTO XIV.

PONTIF. MAX.

NUNCUPATA.



VENETIIS,

MDCCCLIII

SUPERIORUM PERMISSU, AC PRIVILEGIIS.

DE CODICE
EVANGELIARIO

FORO JULIENSIS
DISECTATO EPISTOLARIIS

CLARISSIMO VIRO
JOSEPHO BLANCHINO

PRESB. ORAT. ROMANI.

EDITIONE SECUNDA

NOTIS ILLUSTRATA

ET

BENEDICTO XIV.

PONTIF. MAX.

IN INCURATA



ANNO 1815

MDCCLII

SUPERIORUM PERMISSU AC PRINCIPALIS

BENEDICTO XIV.

PONTIF. MAX.

LAURENTIUS A TURRE PRÆB. ORAT. UTINEN.



*P*ontificiam Majestatem
DOCTRINA & VERITATE decet
esse ornatam. Hisce quasi pretio-
sissimis gemmis in pectore gestan-
dis, jussit Deus Rationale summi
Sacer-

*sacerdotis coram Domino ingressuri
signari, ac splendere. Etenim prae-
lucere aliis debet lumine doctrinae,
exemplo virtutum, qui supra cae-
teros eminet fastigio dignitatis, at-
que honoris amplitudine. Ex quo
autem fonte haec sapientia, ex quo
divinarum, atque humanarum re-
rum scientia hauriri oporteat; ubi
legem, ubi regulas, morumque di-
sciplinam exquirere, Tu optime
nostis BENEDICTE XIV. Maxime Pon-
tifex; qui in sacris scripturis le-
gendis, Canonicis sanctionibus ad-
discendis, atque dictandis, necnon
SS. Patribus versandis totam pene
vitam traduxisti. Vides igitur,
BEATISSIME PATER, qua ratione,
quove studio movear ego, ut Te ad
harum vigiliarum mearum prae-
sidium compellarem. Etenim Evan-
geliorum antiquissimum Codicem Fo-
rojulensem quasi prae manibus ge-
stare, Tibique sistere mihi videor,
quum*

quum pro virili conatus sum illum
adornare, & in aliorum commodum,
atque utilitatem proferre. Neque
equidem, nisi ex hoc uno uberrimo
omnium bonorum fonte eas egregias
virtutes Tibi adjunxisti, quae Te
dignum praedicarent, qui in ter-
ris Christi vicariam potestatem ge-
reres. Testes habebant sapientissimi,
ac venerabiles illi Comitiorum pro
eligendo Summo Pontifice Patres
Tuam in Urbe a prima adolescentia
optimae indolis rationem, & consue-
tudinem, morum integritatem, bo-
nam conversationem. Testes illis
erant sanctissimi Pontifices, qui ho-
noribus, gravissimisque Magistra-
tibus tamquam praemia Tuis virtu-
tibus Te auxerunt, atque cumula-
runt. Testes denique sibi adscive-
re Volumina illa Tua omnigenae do-
ctrinae, ac sanctorum sapientia re-
fertissima; non tam Catholicorum
virorum, quin & Haereticorum ea
legen-

*legendium utilitate maximè commen-
data ; quae singula profecto satis
erant , ut omnium Patrum vota Te
unum expeterent , Te unum quaere-
rent , dignumque probarent , qui
Apostoli Petri Cathedram conscen-
deres . Quapropter mirum , atque
portento simile videri potest , cur tam
sero , post nempe sex mensium exa-
cto , dimensoque cumiculo Te datum
fuisse Ecclesiae universali Pasto-
rem ; atque adeo diutius quaererent
Patres illi sapientissimi coram Do-
mino Christum ejus ; & modo hunc ,
modo illum respuerent , quos certe
non elegerat Dominus ; quin statim
in Te uno , cujus praeclara meri-
ta , coelestem sapientiam , doctri-
nam , caeteraque animi tui ornamen-
ta satis perspecta habebant , om-
nium oculi , mentesque converteren-
tur . Vere igitur dictum fuit , quod
ludit Dominus in orbe terrarum ; sed
& magnifice prolatum , delicias ejus
esse*

Reg. I. c.
16. v. 9.

Prov. 8.
31.

esse cum filiis hominum. *Quandoqui-*
dem tam subita omnium animorum,
ac voluntatum consensione in Te uno
conspiratum est, ut probaret uni-
versus orbis, Te summum Pontifi-
cem non ab hominibus, sed divini-
rus datum fuisse. Quare Deus O.
M. qui Te ad tantae dignitatis
fastigium evexit, qui magni oneris
fuit auctor, ipse, & administratio-
nis tuae erit adjutor; & si quan-
do humilitate vires tuas metiris,
quasi non merenti dignitas sit da-
ta; tamen, ut es etiam grandi ani-
mo, cum Sanctissimo Leone decesso-
re Tuo non desperas, neque defi-
cis, quia non de Te ipso, sed de
illo praesumis, qui in Te magna ope-
ratur Deus. Modo de Tuo Pontifi-
catu loquar? Quae in Pontificatu
dixisti, fecisti, scripsisti, decrevisti,
admirabilia sunt, ut de Sanctissimo
Magno Gregorio restatur Ecclesia.
Satis ergo erit dixisse, Te omnium

S. Leo
Serm. 1.
in oct.
Consecr.
c. 11.

Leet. Br.
Rom.

S. Ber-
nard. de
Confid.
ad Eug.
l. II. c. VI.

*virtutum stipatum caterva in hanc
plenitudinem potestatis vocatum
fuisse. Quare locus non est otio, ubi
sedula urget sollicitudo omnium Ec-
clesiarum. Roma testis mihi locu-
ples sit, quae Te ad omnia pieta-
tis officia erga pauperes, & pere-
grinos effusum quotidie videt; quae
sua Tempia, suas Aras, publica
Aedificia ad suum magnum splen-
dorem, & dignitatem aucta admi-
ratur; quae saeculi felicitatem si-
bi adesse gestit, dum litteras, bo-
nasque artes suis regiis Aedibus
quasi contubernio a sapientissimo
Pontifice exceptas gratulatur; qua-
rum cultu & incremento dum se
ornari maxime sentit, litteratorum
hominum laudes etiam praedicat,
& praemia intuetur. Urbes, Pro-
vinciae universae Sanctitatis Tuae
diuioni subiectae admirantur Justi-
tiam, Fortitudinem, Prudentiam,
Pietatem, quibus mitissimo imperio
omnes*

omnes in officio continēs, malis
poenas, bonis praemia decernis;
quum & calamitosissimis tempori-
bus subditorum lachrimis, gemiti-
busque ingenti auri vi paterna cha-
ritate occurristi. Sed & totius Eu-
ropae Catholici Principes laetan-
tur sub tanto Pontifice pacem &
concordiam sibi partam esse; Ec-
clesiarum Praesules omnes ex ze-
lo, quo eos complecteris, ex eaque
nimia charitate, qua Pater filios
in sinu Tuo foves, & qua erga
commissas tibi oves arctaris, one-
ris impositi grande levamentum
quotidie experiuntur. Denique ad
omnes vel remotissimos totius orbis
populos & nationes Tuarum vir-
tutum fama pervenit; earumque
praesidium sibi adesse sentiunt,
sibique plaudunt sub tanto Pasto-
re, atque Doctore; votaue sua
continenter aeterno Deo nuncupant
pro Tua incolumitate, qui viros

Apostolicos ad evangelizandum misisti in omnibus finibus eorum nomen Domini Nostri Jesu Christi, in quo solo oporteat eos salvos fieri. Haec sunt, BEATISSIME PATER, inter Tui Pontificatus praeclara facinora, quae nulla unquam lingua, nulla aetas reticebit. Quibus propterea Virtutum meritis SANCTITAS TUA, nobile genus sibi vindicat (utpote Prophetarum, & Apostolorum filius) similibus moribus; quod non aliunde nobile, quam morum ingenuitate, & fidei fortitudine fit, ut ait S. Bernardus. Quaecum ita sint, BEATISSIME PATER, Tuo quasi jure Tibi vindicas sacrorum Evangeliorum Volumina, quae verba Dei continent, quae spiritus & vita sunt, & ex quibus tota divina antiqua, & nova lex pendet. Verum & quanto in honore, cultuque fuerint semper habiti venerabiles isti Codices aut a summis

*mis Pontificibus sacra peracturis; aut a Sanctis Conciliorum Patri-
bus, de totius Ecclesiae Catholicae
legibus, & disciplina acturis; aut
a pissimis Regibus, magnisque Prin-
cipibus viris loca sancta veneratu-
ris, nostrum profecto non est tan-
ti ac doctissimi Pontificis in me-
moriā redigere. Quare nec longa
oratione complectendum omnes il-
los doctissimos viros, qui sacros li-
bros scriniis, & Bibliothecis abdi-
tos, & per omnes pene regiones
vel exterarum gentium lingua con-
scriptos ingenti labore, atque stu-
dio conquisitos doctissimis adnota-
tionibus, & castigationibus pristi-
nae puritati restituerunt, & e te-
nebris erutos incredibili Reip. Chri-
stianae bono ab interitu vindica-
runt. Unum porro, BEATISSIME
PATER, nostrae aetatis Claris-
simum lumen mihi haud licet hic
praeterire, quem Tu optimi nosti,*

Ep. xxii.
ad Eu-
roch.

*Josephum Blanchinum Romani Ora-
torii decus eximium ; qui quum
Sanctum praecipue Hieronymum in
studio sacrarum litterarum quasi
facem praeferentem ad imitandum
sibi delegerit , propterea novimus
quam frequenter eo hortatore , te-
nenti Codicem somnus obrepat , &
cadentem faciem pagina sancta su-
scipiat . Ipse , inquam , in conqui-
rendis undique sacris Codicibus di-
ligens adeo fuit , ut nec labori par-
ceret , nec impensae ; in adornan-
dis vero , & eruditis lucubrationi-
bus illustrandis , omnium sapien-
tum virorum consensu & privatis
hominibus , & Catholicae Ecclesiae
utilem certe operam , studiumque
navavit ; quum praecipue Italiam
antiquam Versionem abs se felici-
ter inventam strenue defendit . Ve-
rum de illo plura dicere mihi qui-
dem verecundum esse debet , qui
ejusdem Instituti homo sum ; sed
& Te-*

Et Tecum agere, SANCTISSIME PATER, qui ejus pietatem, Et doctrinam quam plurimi quum facias, benevolentiae Tuae testimoniis ornare illum in dies non desinis. Multis porro jam editis sui ingenii, ac studiorum fructibus QUADRUPLOCIS EVANGELIARII aureum equidem Volumen tandem in lucem emisit. Cumque ego FOROJULIENSEM EVANGELIARIUM Codicem antiquitatis plane venerandae eidem exscripsissem, addito etiam characterum specimen, placuit humanissimo Viro in Appendice Tom. II. una cum mea Epistola, in qua de aetate, statu, forma, fortuna, atque aliis pro ingenii mei modulo illum admonebam, integrum edere. Quo factum est, ut tantum honoris, ac laudis Epistolae meae vel ex caeterorum doctissimorum hominum judicio accesserit, quantum non modo sperare, sed nec mihi fingere, aut
cogi-

cogitare quidem unquam auderem.
Interim amici mei, inter quos prae-
cipue Canonici Forojulienses modo
consilio, modo hortatione, jure
quoddam suo tandem me impule-
runt novam hanc sui Codicis Evan-
gelarii lucubrationem parare, ite-
rumque adornare, atque in vulgus
emittere. Quum itaque hac prima
vice per me haec mea in lucem
edantur, atque sola extra Blan-
chinianum praecclarissimum Opus
vagare cogantur; maximum sane
eis erat optandum, atque quaeren-
dum praesidium, magnaue erant
auctoritate fulcienda. Te porro
unum, BEATISSIME PATER, sibi adjun-
gere oportebat, qui supremus Custos
es, atque verus Interpres Sacrae Scri-
pturarum. Te auspice, & Patro-
no nova luce donari iterum debue-
rant, qui non homines solum be-
nevolentia complecti, sed totum S.
PHILIPPI NERII Institutum gratia,
& ho-

& honore prosequi antiquum habui-
 sti, nec modo de dignaris. Imo quid
 de ipso Sancto Patre dicam? Vel
 antequam ad celsissimae dignita-
 tis, & auctoritatis hujus culmen
 provehereris, publice testatus es
 summam erga ipsum quam profi-
 teris, venerationem, & cultum.
 Nonne ejus excelsas virtutes, ac di-
 vinitus accepta dona atque merita,
 quae numero, magnitudine, ponde-
 re vix mortalium mentes, fidemque
 caperent, qua polles rerum expe-
 rientia, atque eximia Tua sapientia
 in majore quodam lumine colloca-
 sti, & quae probasti, strenue de-
 fendisti? Addo etiam, quod sicuti
 gratulamur, immortalis memoriae
 Caesarem Cardinalem Baronium,
 Te Auctore, Venerabilem esse di-
 ctum, ita speramus fore, ut sub
 tanto Pontifice Beatorum albo ad-
 scriptos tandem colamus Venerabi-
 les nostrae Congregationis Presby-
 teros

c. ix. n.
 iii. pl.
 iii. cap.
 xxv. n.
 xix. cap.
 xxx. n.
 16. cap.
 xxxi. n.
 4. c. xl.
 n. 10. l.
 iv. p. i.
 c. xix. n.
 25. 26. &
 27. edit.
 Patav.

Loc. cit.
 l. iii. c.
 xxvi. n.
 12.

teros Juvenalem Ancinam Episcopum Salutiensem, & Antonium de Grassis Oratorii Firmani; ut propterea quantum Summi Pontifices decessores Tui, Paulus IV. Pius IV. Pius V. Gregorius XIII. Sixtus V. Gregorius XIV. Clemens VIII., addo & Leonem XI. (qui tunc in minoribus agebat) S. PHILIPPO NERIO adhuc in terris degenti honoris, gratiae, & venerationis tribuerunt, Tu, BENEDICTE XIV. in Caelis regnanti cultum, & gloriam augere, atque perficere videaris. Tuum ergo Nomen, BEATISSIME PATER, quod libellus iste in fronte gerit sit Codici Forojuliensi pro gemmis, atque auro, quibus olim sacri hi Codices ornabantur. Sit & Forojuliensi Capitulo (urget amor Patriae) munimen, atque ornamentum, cui saeculis octavo, nono, & decimo, Aquileja funditus eversa, contigit Metropolitanæ digni-

*dignitatem, atque jura sustinere;
Quod decessores Tui, Coelestinus III.
Pius II. Paulus IV. Clemens VIII.
Paulus V. pupillam oculi sui dixe-
re; quod honoribus, privilegiis,
beneficiis cumulatum, atque satis
ampla quasi Episcopali jurisdictione
auctum sub sua, & D. Petri
protectione susceperunt. Sit tan-
dem Utinensi Congregationi; sit
mibi, quamvis immerenti filio vi-
tae solatium, mortis praesidium;
dum interim Tuis sanctissimis pe-
dibus provolutus, eos deosculando
Tuam Apostolicam benedictionem
supplex rogo, atque expostulo.*

Dabam Utini die V. Januarii MDCCLIII.

NOI RIFORMATORI

Dello Studio di Padova.

A Vendo veduto per la Fede di Revisione, ed Approbazione del P. F. Paolo Tommaso Manuelli Inquisitore nel Libro Intitolato: *Dissertatio Epistolaris de Evangeliariorum Forojuliensi*; Autore Laurentio a Turre &c. non v'esser cosa alcuna contro la Santa Fede Cattolica, e parimente per attestato del Segretario nostro, niente contro Principi e buoni costumi, concediamo licenza a Simone Occhi Stampatore di Venezia, che possa esser stampato, osservando gli ordini in materia di stampe, e presentando le solite copie alle Pubbliche Librerie di Venezia, e di Padova.

Dat. li 1. Giugno 1753.

(Gio: Emo Proc. Riform.

(

(Alvise Mocenigo 4^o. Cav. Proc. Riform.

Registrato in Libro a Carte 13. al Num. 82.

Gio: Girolamo Zuccato Segr.

C L A-



CLARISS. VIRO
 JOSEPHO BLANCHINO
 VERONENSI PRESBYTERO
 Congregationis Oratorii de Urbe
 LAURENTIUS A TURRE
 PRESBYTER CONGREGATIONIS
 Oratorii Utinensis.

S. E T F.



LXXIMUM Opus, cui V. C. titulum fecisti; *Vindiciae Canoniarum Scripturarum*, sero ad nos perlatum est. Illud primo a te emissum accepimus ex Foliis Florentinis hujus anni, num. 9. ex quibus quanti faciendum esset facile intelleximus. Etenim vel ex brevi illa Operis summa collegi te suscepisse Opus, quod perinde nomini tuo laudem non modicam, quam rei Literariae, atque adeo Catholicae Ecclesiae utilitatem afferret. Quamquam vero foetum hunc tuum tardius, quam par erat, ad nos pervenerit; satis tamen perspecta erat pietas, atque doctrina, quae te haeredem ac nepotem praedicant Viri Illustrissimi FRANCISCI BLANCHINI, cujus nomen dixisse, laudasse est. Atque utinam mihi contingeret, quemadmodum a te fieri omnes norunt, Philippi a Turre Patruī mei vestigia sequi! ita profecto, quae olim fuit inter Praefules celeberrimos literarum & amoris necessitu-

A

do, in-

do, inter nos etiam veluti rediviva effloresceret. Quo desiderio jam accensus, statim ut Librum tuum percurri, quem Comes Franciscus Florio Canonicus Theologus Metropolitanae Ecclesiae Aquilejensis, omnium virtutum splendore, atque doctrina ornatissimus, mihi legendum perhumaniter concessit, gavissus sum optimam mihi sese occasionem obtulisse te conveniendi, tecumque, quam expetebam, amicitiam ineundi. Igitur literas dedi Joanni Baptistae Comiti Camucio Decano Eccl. Aquilejensis isthic tunc forte degenti pro tuendis Ecclesiae suae juribus, rogavique, ut de mea erga te observantia, ac summo studio certiolem te redderet, Variantesque Lectiones ex per vetusto Codice Evangeliorum, quem servant Ill. Canonici Ecclesiae Foro-Julienfis, depromendas meo nomine exhiberet. Cumque ex literis tuis plenis amoris atque humanitatis id tibi fore gratissimum deprehenderim, laudatum Codicem, quem, commodius ut lustrare possem, etiam domum deferre mihi perhumaniter concessum fuit, statim diligentius versare coepi. De hoc fusius tecum V. C. disserere constitui: dabisque veniam, si virium mearum tenuitatem parum reputans, de rebus paullo obscurioribus, in quibus tu sapienter, & summa semper cum laude versaris, tecum agere non sum veritus.

Notum satis est quanta religione Libri omnes Sacri custodirentur, quae in illorum traditores poenae manerent, qui demum Fideles vitam potius profundere, quam eos Gentibus prodere non dubitarent. Sed Evangeliorum volumina prae coeteris Canonicis Libris cultum praecipuum meruerunt: verba etenim vitae aeternae habent, auctoremque ipsum Deum & Dominum nostrum Jesum Christum noverunt; qui non in tabulis lapideis, ut olim, sed in cordibus carnis Apostolorum novam hanc legem amoris plenissimam scripsit. Ut propterea Origenes Homil. 13. in Exodum, alique Sancti Patres Sancta Dei Evangelia non minori reverentia se colere dixerint, quam ipsum sacratissimum Jesu Christi Corpus, sub speciebus panis & vini nobis oblatum. De quo honore & reverentia liceat & illud addere, quod Patruus tuus, Vir omni semper Praefationis laude nominandus, observat ex Ordine Romano, in *Notis Historicis ad Anastasii Biblioth. Vitas Rom. Pontificum*, To. II. p. 14., ab Episcopo scilicet sacrum Codicem sigillo muniri consueville, postquam Evangelium ex eo publice in Ecclesia perlectum fuerat; tum Romae in more positum, ut per Regionarios Subdiaconos Archivo Apostolico conderetur. Quod factum suspicor ad tollendas Praecipue Haereticorum fraudes, quibus solemne erat Scripturas turpiter depravare.

Foro-Julienfis Evangeliorum Codex in lucem nunc tantum prodit; vix enim ejusdem meminerunt ante haec tempora Docti Viri. Primus omnium Justus Fontaninus, postea Archiepiscopus Ancyranus, in sua Epistolari Dissertatione *Delle Masnade*, edita anno 1698. pag. 8.

inter

inter antiquissimas plurium saeculorum scripturas, quibus abundat Tabularium Canonorum Forojulensium, Codicem nostrum laudat, uti supra mille annos, nempe Saeculo VI. nostrae Salutis, exaratum. Tenuiori charta scriptum refert; addens, ejus margines illustribus nominibus Langobardorum, Patriarcharum, Episcoporum, Ducum, Regum, Imperatorum, inter quos Caroli etiam Magni, passim refertos. In alio item Opere *Vindiciae Diplomatum* Lib. I. c. IV. n. IX. pag. 56. eodem Evangeliariorum obiter laudato, denuo asserit illum esse VI. Saeculi. Philippus a Turre Episcopus Adrienensis anno 1716. in Patriam valetudinis curandae causa per aliquod tempus n. oratus, eundem Codicem diligenti disquisitione revolvit; ut colligo ex ejus schedis, inter quas Specimen Characteris, necnon & nomina quaedam e marginibus descripta, variantesque lectiones nonnullas inveni. Tum de hoc Sacro Volumine doctos amicos movit, inter quos eruditissimum Virum Equitem Antonium Franciscum Marmi, qui Epistola, quae penes me extat, data Florentiae die 29. mensis Augusti ejusdem anni 1716. Episcopo in haec verba respondit: *Il MS. che V. S. Illustrissima ha osservato degli Evangelj in codesto Archivio, è veramente venerabilissimo per la sua antichità; e meriterebbe le sue dotte riflessioni per quello che riguarda la Versione Italiana, e i frammenti, che de' SS. Padri ne possiamo avere: essendo appunto il Codice del tempo, in cui fioriva S. Agostino: quibus postremis verbis nescio an ex sua, vel ex Praefulis sententia loquatur.* Tertius, qui Codicem Forojulensem suis Scriptis laudat, est Clariss. Vir Marchio Scipio Maffejus Tom. I. ar. 2. pag. 52. *Osservazioni Letterarie*, ubi descriptionem instituens Bibliothecae Manuscriptae a se dispositae, nostrum hunc inter antiquiores, & pretiosiores recenset, spondens se etiam ejus Variantes Lectiones publici juris aliquando facturum. Quas, cum Codicem ipsum nunquam suis oculis lustraverit, a Philippo Episcopo Adrienensi ejus amantissimo forte acceperat. Hi sunt, qui de Codice Evangeliariorum Forojulensi publicis suis Scriptis meminerunt, recentiores omnes: nullum enim inter antiquos invenio.

Ego demum post tot Clariss. Viros, te auctore, mi Blanchine, manus, quamquam harum rerum minus peritus admovi, & hoc Sacrae antiquitatis monumentum quo potui studio & labore pervolvi. Itaque veluti artis anatomae peritissimi mortui corporis singula vel minutissima scrutantur; formam, materiam, characterem, variantes lectiones, marginales notas, numerum, & magnitudinem foliorum, omnia, quam diligentissime potui, investiganda mihi proposui. Abs te interim peto, Vir Clarissime, ne me singula, quae par est sedulitate, persequentem moleste feras: non enim fas esse duximus, aut tibi non obtemperare, aut aliquid eorum praeterire, quae nostras conjecturas illustrare possent: alterum quippe hujus operis esse pretium

ducimus, alterum meae erga te observantiae, & obsequii munus. Evangelarii igitur Foro-Julienſis forma eſt quadrata; quod primum eſt idemque fere certum antiquitatis argumentum. Folia ſiquidem in longum uncias decem, & ultra, in latum vero novem pedis Veneti menſuram exaequant. Quoquo verſus autem haec per dimidium unciae olim creſcebant: namque ea culter tonſorius per latera ſingula praecidit. Hinc factum, ut marginales notae, aut partim, aut omnino diſſectae ſint. Id evidenter apparet ex duobus, vel tribus foliis, quae intus in angulis plicata tondentis ferri aciem fugerunt, nobiſque primaevam libri formam ſervarunt. Ejus operculum ornatur foris a dextris ſerico panno, vulgo *Velluto*, rubei coloris, antiquitate tamen ſatis conſumpto. (1) Dexterum latus cooperit lamina argentea deaurata, ſed levi manu, ut vix hodie auri quid reliquum ſit. In ejus medio eminet figura Salvatoris, qui in dextera manu librum apertum tenet, ſiniſtra more Latino benedicit, ſpherico ſive ovali circulo concluſa. Quatuor angulos, quatuor animalia, quibus nobis Sanctos Evangelistas ſemper repraeſentavit Chriſtiana antiquitas, exornant. Haec ad fidem, & populi pietatem promovendam fuerunt ſumma religione inventa. Portabat enim Subdiaconus Codicem Evangeliorum ante pectus, clauſumque, verſa ad populum imagine Salvatoris uſque ad ambonem, ubi Diacono illum tradebat. Folia ſunt numero 270. ex membrana tenuiſſima, de quibus poſtea plura dicemus. Scriptura duabus columnis per ſingula folia procedit: columnas ſingulas XIX. lineae, ſeu verſus, quamvis inaequales implent. Characteres forma ſunt aequales: niſi quod (in omnibus fere antiquis Codicibus obſervatur) ſaepe majores adhibentur, ubi Capitula; aliquando, ſed raro, ubi ſoli verſus inchoantur. Quod ſi in fine lineae aliquid eſt addendum, non raro ſuppletur minusculis literis. Earum ſtructura, ut diximus, ſemper aequalis apparet; atque hac de cauſa lineolis duabus clauduntur ſtylo ductis. Atramentum ex nigro modo palleſcit; & colore, ſeu pigmento illiti ſunt characteres; & ubi vetuſtate non periit, primo aſpectu captus aureos putares. Quaterniones num. XXXV. complectitur Codex, fere omnes VIIII. foliis, ſive paginis formatos. Fere, inquam, omnes; primus enim eſt ex VI. foliis, quae continent Epiſtolam S. Hieronymi, Capitula & Breves Evangelii S. Matthaei, uſque ad ejus initium. Ultimus Evangelii S. Lucae, necnon & S. Joannis ex IV. tantum foliis conſtant. Caeterum optimae notae Codex iſte; ut raro ſe offerant integri verſus, qui vel perſpicilli ope, aut ſaltem adverſo lumini oppoſitis foliis commode legi non poſſint. Ubi enim atramentum eſt conſumptum; forma tamen literarum manet per ferrei ſtyli alte immiſſi veſtigia, non abſque aliqua foliorum jactura. Majus porro damnum illatum eſt ab inepto librario, qui folia quaedam ab invicem diſſecta adglutinavit craſſioris membranae tegumento, ut aliquando
mediam

mediam columnam per latum, & longum obduceret; quod nec levi manu valui semper diducere, & separare. Accidit praeterea & Forojulienſi Codici, quod in aliis pluribus factum dolemus, & in Codice argenteo Evangeliorum Regii Monasterii Brixiani S. Juliae eveniſſe monet Vir doctiſſimus Philippus Abbas Garbellus in Epistoſta tibi nuncupata, imperitorum nempe criticorum audaces atque inſulſae correptiones. Nulla tamen eſt raſura in verbis; ſed ubi manus appoſuerunt, ducta tantummodo linea, ſecutae verba, & deſuper ſuas correptiones addidere. Omnium Evangeliorum primus verſiculus minio, ſive rubeo colore ſignatur; eodemque modo numeri Capitulorum in margine poſiti, necnon & Brevium, atque Capitulationum. Rubeo quoque colore ſunt illita verba in fine Epistoſtae S. Hieronymi, *Explicit Epistoſta Hieronymi*, ſcilicet prima, & tertia litera rubefcit: & ad calcem Evangeliorum ſimiliter, v. g. *Explicit Evangelium ſecundum Matthaeum*, unumquodque verbum, unam lineam formans, incipit a rubea litera, ceteris alternantibus. Quem morem, ſignandi nempe Capita, Verſus, & alias marginales Notas minio, ſeu rubeo purpureove colore, praefertunt antiquiores Codices; ut tu in Epistoſta ad eruditiſſimum Virum P. Joannem Chryſoſtomum probas etiam auctoritate, nempe ex D. Hieronymo in Praefatione ad libros Job, & Tomo altero *Vindiciarum* luculentius te demonſtraturum promittis. Doctiſſimus Monachus Montſauconius in ſua *Palaeographia Graeca* L. I. c. 1. pag. 3. haec pariter me docuit: *Praeter atrum colorem, inquit, ad titulos Capitum, & Articulorum, maximeque ad praecipuas librorum inſcriptiones, itemque ad notas marginales breviores, ad alias notulas quae ad marginem remittunt, ad majusculas literas, uſurpatur ſaepiſſime minium, ſive ruber purpureusque color. Qui mos perantiquus ab Ovidio memoratur,*

Nec titulus minio, nec cedro charta notetur.

Verum, quae eſt veterum horum fere omnium monumentorum fors & conditio, Forojulienſis Codex aliquam ſenſit temporum injuriam. Nam totum in primis deſt Evangelium S. Marci, ſolis remanentibus Brevibus, & Capitulationibus. Deſiderantur inſuper & poſtrema folia Evangelii S. Joannis, ſic enim finit, *cum ergo eſſet ſero die illo una ſabbatorum*: quae verba in Vulgata Editione ſunt verſ. xix. Capit. xx. & in noſtro Codice hic ſignatur Caput xxxviii. Hinc ſecundum diſtributionem Capitum Vulgatae Editionis deſunt in Codice Forojulienſi duo poſtrema Capita S. Joannis, nempe xxi. & xxii. Porro Sancta quatuor Evangelia eo ordine in Codice Forojulienſi digeſta ſunt, quem pollicetur S. Doctor Hieronymus *Praefatione ad*
Dama-

Damasum in quatuor Evangelia his verbis: Igitur, inquit, haec praesens Praefatiuncula pollicetur quatuor Evangelia, quorum ordo iste est, Matthaeus, Marcus, Lucas, Joannes, Codicum Graecorum emendata collatione, sed veterum. Non idem certe semper ordo neque in Graecis, neque in Latinis exemplaribus. Ast illo temporis ordine sanctos Evangelistas scripsisse memoriae proditum est. Quod nec sine mysterio, nec sine aliqua significatione, quam & declarat, contigisse credidit S. Augustinus L. 1. de Consensu Evangelistarum, Cap. 11.

Singula, quae hic adnotare libuit, Forojulienſis Codicis vetustatem, atque dignitatem nobis plurimum haud dubie commendant. Ut autem vera, quantum conjectura & ratione assequi possumus, ejus aetas dignoscatur, haec ex characterum forma, cujus specimen tibi statim mittendum curavimus, ex stylo, locutione, ortographia, & si quae sunt hujusmodi alia, peti potissimum debent. Ex his autem saltem Saeculo quinto vertente exaratum fuisse mihi facile persuadeo: quamquam alias non ignorem, opus esse nocturna versasse manu, versasse diurna Codices hujusmodi, ut quid de eorum aetate, & tempore, si non fortasse certum, probabile saltem statuamus. Et mox laudatus Montfauconius, qui in hoc studio tantum valuit ingenio & experientia, quantum vix alter, ipse, inquam, de hac re in laud. Palaeogr. ita nos monet. *Monendum tamen est, inquit, & si allatae in hac Palaeographia characterum variae aetatis Tabulae multum ad temporis notitiam juvare possint, necessariam tamen esse oculorum consuetudinem: nam quantacumque diligentia in repraesentanda Veterum scriptura adhibeatur, ab exemplarium Manuscriptorum formis aliquantum semper deflectitur. Observanda item sunt in antiquis Codicibus atramenti conditio, color, temperatio, & nescio quae alia vetustatis signa, quae ne verbis quidem exprimi possunt, nedum in apographa hujusmodi scripturarum referri.* Haec de extrinseca, ut ita dicam, Codicis nostri forma, atque substantia: ad intrinsecam veniamus.

Ei refero variantes lectiones, stylum, ortographiam. Quoad Variantes, eae, si placet, plurimae; sed nullius ferme ponderis sunt: quin dixerim magni esse momenti: cum nec sensum, nec integritatem minuant Authenticæ Scripturae, addantque immo robur, & munimen maximum. Clare siquidem comprobatur, quae est tua sententia, Vir doctissime, Vulgatum Sacrae Scripturae Textum, quo hodieque Sancta Catholica Romana Ecclesia utitur, non esse, ut male opinantur Haeretici, Italam adulteratam, vitiisque & erroribus scatentem, sed Hieronymi curis, & correctione, Italam illam puram & sanam, qua eadem infallibilis Magistra nostra Ecclesia primitus utebatur. Hanc tu conclusionem deduxisti, in laudata tua Epistola argumentis firmissimis, ex vetustissimorum praecipue Codicum Hieronymianam Versionem perpetuo praeferebant uniformi collatione. En verba tua hic non
ommit-

committenda: *Ex ipsis, inquit, illa utilitas percipi poterit, quae a me initio, ni fallor, est explicata dilucide, scilicet Canonis Sacrosancti Concilii Tridentini tuta defensio. Stabit illud quidem, quod controversiam inter Catholicos, & Haereticos maxime continet, scilicet Vulgatam nostram Authentice esse, & ejus auctoritate Ecclesiam vite gubernari in Religionis; morumque negotiis; nihilque in ea perperam esse conjectum, nihil interpolatum, nihil additum, nihilque detractum, aut Librariorum vitio, aut Interpretum inscientia.* Tantam porro discimus coepisse homines libidinem de Latinis Novi Testamenti Translationibus, ut innumerae pene fuerint concinnatae, ex quibus perturbationes non modicae ortae sunt, erroresque multi in genuinum textum injecti, ut Antiqua Italica Versio vix amplius posset dignosci. Quam querelam movens S. Aug. (Tom. 2. Edit. Venet.) Lib. 2. cap. 11. de Doctr. Christiana, „Qui Scripturas, ait, ex Hebraea lingua in Graecum verterunt, numerari possunt; Latini autem Interpretes nullo modo: ut enim cuique primis Fidei temporibus in manus venit Codex Graecus, ausus est interpretari. Cui malo, maximoque incommodo occurrens Sanctissimus Pontifex Damasus, ut Novam & emendatam ab erroribus Italiam daret Ecclesiae, S. Hieronymum auctoritate, & consilio suo impulit ad hoc opus aggrediendum. Qui sibi demandatam provinciam suscipiens, Italiae Versionis vitiatas lectiones Novi Testamenti Librorum instauravit. Ea interim Versio, quam Italiam vocat antiquitas, abs te primum inventa, & strenue demonstrata, nullum in posterum ambigendi locum apud sanae mentis homines relinquet. Si vero duobus vetustissimis Codicibus Hieronymianae Editionis puro contra redimendis, Perusino inquam, & Vaticano, addas & Forojulensem nostrum, quid amplius possit in re tanta desiderari, vix, ac ne vix quidem mente capere valeo. Variantes interim, quas tu ad examen poteris revocare, satius duxi extra ordinem scribere, ne molem ingerant Epistolae nostrae.

Quod stylum, & locutionem attinet, ex hac etiam multum dignitatis atque praeii Codici nostro accedit: in quo, ut dixi, ipsissima habetur Versio S. Doctoris Hieronymi, quam antiquam Italiam voco, sed ab eodem emendatam, & redditam pristinae integritati. Tibi enim immortales tandem a bonis omnibus debentur grates, qui triplicem statum nostrae Vulgatae deprehendisti, facta nempe collatione duorum vetustissimorum Codicum Vallicellani, & S. Pauli, ex quorum dissensione mire hanc veritatem elucescere, tuamque sententiam atque propositum magis magisque firmatum videmus. Animadvertisti siquidem Paulinum Codicem, Hieronymianam quamvis praeferat Versionem, (per quam S. Doctor, comparatione facta Exemplarium Hebraeorum in Vet. atque Graecorum in N. T. ad suum pristinum candorem Antiquam Italiam reddiderat) eam tamen diu-

turnitate temporis non malo ingenio, sed inscitia, atque Amanuensium incuria mire dehonestatam, & deturpatam praeferre, ita ut nemo purum & genuinum S. Patris foetum in eo amplius agnosceret. Vallicellanus contra, qui est Codex autographus correctionis factae ab Alkuino jussu Caroli Magni, nobis exhibet puram, atque integram Versionem S. Hieronymi ab eodem Alkuino pristinae integritati restitutam: *In illo namque (inventum est tuum, nec a me dissimulandum) ingenti, & paucis annis vetustiore S. Pauli Bibliorum Volumine, Vetus, ac non limata ab Alkuino Hieronymiana Translatio est; ad secundum Vulgatae Scripturae statum propterea referenda; quae quantum distat a Codice Vallicellano, tantum ei paulo post aut redditum, aut detractum, aut mutatum fuisse puto ab eodem Alkuino rogatu Caroli Magni, ope Codd. integriorum.*

Ad Orthographiam transeo. Et notandum primo loco venit, ita sibi invicem literas, verbaque cohaerere, sine aliqua comarum, punctorumve distinctione, ut unumquemque versum, verbum unum diceret; ut tu de Codice Evangeliariorum Veronensi dixisti. Porro praefert etiam orthographia illorum temporum idiotismos, & in pronunciatione defectus, ex multarum linguarum commixtione ortos tunc, cum Latina lingua Barbaris in Italiam ingressis in comuni loquendi consuetudine desere coepit. Si autem attendamus V. Cl. Scipionem Massijum *Verona Illustrata* Lib. xi. col. 310. & seq. Barbarae Nationes minime vitiarunt Linguae Latinae scripturam, aut locutionem, ut vulgo putatur. Mos enim iste in scribendo, ait ille, ut in istis Codicibus videmus, per duo priora Saecula stante Republica invaluerat: quod & in sua Historia Diplomatica pergit ostendere, & tu ipse antiquis Inscriptionibus evincis. Quod si verum esse ex documentis, quae afferuntur, fateri oportet, non tamen ausim negare Barbaros hosce homines, sicuti politissimos mores, ita & elegantissimam linguam scriptionemque ad eorum similitudinem foede traduxisse. Qua de causa, ut iterum tuo ore loquar, *frequentissimis cognatarum literarum mutationibus Codex abundat*: quae singula passim in vetustissimis Codicibus sunt obvia: iique vetustiores habentur, qui hisce mutationibus locupletantur. Aliqua exempla in medium profero. Saepe igitur litera B pro V, & e contra: verbi gratia, *fabum* pro *favum*, *brebis*, *brebiabuntur* loco *breviis*, *breviabuntur*, *mandabit* pro *mandavit*, *octabo* pro *octavo*, *abe*, pro *ave*. Sic *laba*, *lababant*, pro *lava*, & *lavabant*; *noba* pro *nova*, *tuvicines* pro *tubicines*, *honorificabit*, pro *honorificavit*. Litera B. pro P. ut *scribtum*, *suprascribio*, pro *scriptum*, & *suprascriptio*; & e contra, ut *candelaprum* pro *candelabrum*. Item A pro E non raro usurpatur: ex. gr. *revertatur* pro *revertetur*, *sciatur* pro *scietur*, *fuerant* pro *fuerunt*: ideoque tempus praesens pro futuro, & pro praeterito futurum facientes, quaeis

queis sensus verborum obscuratur, atque invertitur. Saepissime O pro V, & e contra: ut *nomisma* pro *numisma*, *tribolis* pro *tribulis*, *fulgor* pro *fulgur*, *ficos* pro *ficus*, *fructos* pro *fructus*, *cumburendum* pro *comburendum*, *adulescens* pro *adolescens*, *cunfestum* pro *confestim*, *bus* pro *bos*. T pro D, & e contra: ut *reliquid* pro *reliquit*, *aput* pro *apud*, *athuc* pro *adhuc*, *quodquod* pro *quotquot*, *at* pro *ad*, *istut* pro *istud*, *nunquit* pro *nunquid*. Frequentius vero E pro I, & e contra: sic *lugine* pro *lugere*, *contendit* pro *contendet*, *diligis* pro *diliges*, *vindentes* pro *vendentes*, *discidite* pro *discedite*, *eices* pro *ecies*, *habis* pro *habes*, *dinario* pro *denario*. Et M pro N, *temtabis* pro *tentabis*, & e contra. Item *commovet* pro *commovet*. Et raro, quando occurrunt in uno verbo praesertim composito duae cognatae literae, una in aliam mutatur, more veterum: hinc *inluminare* pro *illuminare*, *includendum* pro *illudendum*, *conloquebantur* pro *colloquebantur*, *adligate* pro *alligate*, *adlatum* pro *allatum*, *adnuerunt* pro *annuerunt*, *adcurrens* pro *accurrens*, *adpretiati* pro *appretiati*. Item *thesauros* & *thesaurizare*, pro *thesauros* & *thesaurizare*, *cottidie* pro *quotidie*: quae duo postrema exempla singularem antiquitatis notam praefecerunt. Observavimus etiam adverbia cum diphthongo, ut *hodiae*, *splendidae*, *verae*, loco *hodie*, *splendide*, *vere*. Saepius duae literae in unam coalescunt, neque semper in fine linearum; aliquando enim in principio, aliquando in medio, exempli gr. duae literae E & T, quibus sic conjunctis frequenter apparent in margine initiales Capitum; aliàs & in medio verborum, ut *PERAM*; & etiam in fine, ut *FVERVN*. Et frequenter ad extremum linearum, intra quas certum verborum literarumve numerum Scriptor voluit continere, minusculas literas contraxit, & literam M hac ratione signavit.

Intrinsicam demum atque integram Forojulensis Codicis partem constituunt Sancta Evangelia, necnon Breves, Capitula, & Praefatio sive Epistola S. Hieronymi, *Papae Damaso*. In hac porro Sancti Doctoris Epistola hoc animadversione dignum est, eam non integram, ut in Vulgatis fere omnibus Editionibus, reperiri, sed desinere in haec verba, *reperies & loca, in quibus vel eadem, vel vicina dixerunt. Explicit Epistola Hieronymi*. Hinc novum, atque singulare vetustatis inditium nostro Evangeliarum accedit. Quae etenim leguntur in Editionibus, praecipue recentioribus omnibus, sed & in quibusdam antiquis Codicibus, addita fuerunt vertente VII. Saeculo: nam tu me docuisti, hoc assumentum legi in quodam Codice Vaticano VIII. Saeculi, seorsim tamen a genuina S. Doctoris prodroma Epistola. Eodemque modo testaris, te vidisse & in altero Codice Vallicellano Saeculi X. aureis literis, & atramento scripto, signato E. 17. in hanc formam: *Incipit Praefatio S. Hieronymi Praebyteri in Evangelia. Beato Papae Damaso, Hieronymus. Novum Opus*

facere me cogis ex Veteri, ut post &c. & finit his verbis, reperies & loca, in quibus vel eadem, vel vicinia dixerunt. Opto ut in Christo valeas, & mei memineris, Papa Beatissime **EXPLICIT TRAEFATIO.** Manu vero ipsius Antiquarii = *Incipit Argumentum ejusdem in Evangelia = Sciendum etiam, ne quis ignarum &c. usque non potest contra id comparatio esse, quod solum est.* Quae accessio seu Monitum ad Epistolam S. Hieronymi, temporis decursu tamquam genuinum S. Doctoris haberi coeptum est; ut ex laudato Vallicellano Codice manifeste apparet, in quo appellatur *Argumentum ejusdem*, & eidem S. Doctoris Epistolae conjungitur, utque doctissimus P. Martianay, & post ipsum Cl. Dominicus Vallarsius in Editione Veronensi Operum S. Hieronymi in Notis ad eandem Epistolam optime animadvertunt.

Capitum item numerus multum difert a Vulgatis Editionibus. Sunt etenim multo plures; &, quod mirum videri possit, non ab exordio narrationis cujuspiam rei gestae, sed in medio sermonis plerumque signantur. Initio cujuscumque Evangelii, rerum omnium summas Librarius perstrinxit duobus veluti indiculis: alterum *Brevis*, *Capitulationum* alterum, ut in aliis, & in nostro Codice, appellatur. Breves porro S. Matthaei in margine signantur usque ad numerum xiv. reliqui ex oscitantia omissi; suntque omnes numero xxx. circiter. Capitulationes vero numero lxiij. Breves S. Marci sunt xii. Capitulationes xvi. Breves S. Lucae xx. Capitulationes lxxvii. numerantur. Denique S. Joannis Breves xlii. & Capitulationes xxxviii. Mos is fuit, ut tu V. C. probe nosti, antiquis Scriptoribus atque Interpretibus, suis libris indicem Capitulorum praefigere, ut uno intuitu, quae tractarentur, posset Lector agnoscere. Quod tamen non omnes uno eodemque modo atque ordine praestitisse animadvertit supra laudatus Martianay in *Divina Bibliotheca, Prolegomen.* llii. Tom. i., ubi multa hac de re magna eruditione congerit. Et videndus etiam Ven. mem. doctiss. Card. Thomasius, quem tu exornas: ipse enim integrum edidit Tractatum de Veteribus Sacrorum Bibliorum Libris. Varietas interim, & discordantia, quae in numero versuum, & capitulorum in antiquis S. Scripturae Codicibus apparet, Scriptorum, & Amanuensium ingenio tribuenda potius, quam ad certam legem, aut rationem aliquam sunt referenda. Hoc sane evincit Codex antiquissimus Epistolarum S. Pauli Bibliothecae Benedictinorum S. Germani, ad cujus calcem, post catalogum librorum Canonicorum Novi Testamenti, subditur haec nota: *Matthaeus* (habet) *versus* 2600. *Joannes* *versus* 2000. *Marcus* 1600. *Lucas* 2900., uti tu V. C. nos doces in Epistola scripta Amplissimo Viro Josepho Mariae Comiti de Thunn Sac. Rom. Rotae Auditori, Praesuli omnium virtutum laude ornatissimo. Et in altera,

ra, quam inscribis Viro eruditiss. Patri Joanni Chrysostomo; ad rem nostram, etiam hanc tibi communem facis cum Martiano sententiam, nempe, de antiquis Sacrorum Bibliorum Capitulis, & Sectionibus, quod de Translationibus Latinis Scripturarum docuerunt Sancti Hieronymus, & Augustinus, tot esse genera hujusmodi divisionum, seu *Capitulationum*, quot sunt Codices. Quod evenisse omnes Viri docti contendunt ex multitudine Interpretum Sacrarum Scripturarum, qui singulis ex Graeco in Latinam linguam versionibus pro arbitrio & voluntate, non ratione aliqua, ineptas inutilesque sectiones & lemmata sibi finxere: & propterea, inquit Martianay, tot erant Interpretationum exemplaria latina diversa tempore Hieronymi & Augustini, quot habebantur Codices Sacri.

Interim accipe V. C. Forojulienfis Codicis integrum complexum atque ordinem. Praecedit Epistola S. Hieronymi ad Damasum sic ...
pae Damaso ronymus &c. = Explicit Epistula Hieronymi. Inc. Evangel. secundum Matthaeum. Succedunt Breves S. Matthaei, nulla alia praefixa nota ... *vitas Christi. Magorum munera = Expliciunt Brebes. = Sequuntur Capitulationes = Initium Evangelii secundum Matthaeum. Natus est Jesus in Bethlem civitate &c. Explicuerunt Capitulationes. Emmanuel. amen. Incipit Evangelium = Liber generationis Jesu Christi Filii David, Filii Abraham = Explicit Evangelium secundum Matthaeum = Incipit secundum Marcum = Brevis secundum Marcum.*

^A
 ALLEMLUJA = *Explicit Brevis secundum Marcum.* Inde Capitula-

^F
^N
*tiones = Erat Johannes baptizans Jesum: & venit super Jesum spiritus: & fuit temptatus in deserto &c. = Explicuerunt Capitulationes secundum Marcum. * Hic locus est dandus eidem Evangelio. In folio autem sequenti = Explicit Evangelium secundum Marcum = Incipit secundum Lucam. Postea de more ejusdem Capitulationes = I. Zacharias Angelo non credens, obmutuit &c. = Expliciunt Breves Evangelii Lucae = I. Incipit Capitula ... secundum Lucanum de initio Evangelii &c. Incipit Evangelium = Quoniam quidem multi conati sunt ordinare narrationem, quae in nobis completae sunt, rerum &c. = Evangelium secundum Lucanum explicat = Incipit secundum Johannem. Postea Breves = I. Pharisaeorum Levitae &c. = Explicit Brevis secundum Johannem = Incipiunt Capitulationes secundum Johannem = Expliciunt Capitulationes cata Johannem. Amen. Incipit Evangelium secundum Johannem = In principio erat Verbum, & Verbum erat apud Deum, & Deus erat Verbum.*

Quod maximum futurum est hujus nostrae Epistolae argumentum, memineris velim mi Blanchine, nos supra movisse querelam de textu Evangelii S. Marci, quod in Codice Forojulienfi totum

desideratur. Non illud quidem primo defuisse putes; verum a reliquis tribus de industria separatim. Ut autem hoc ostendam, longior sim necesse est. Rationibus & argumentis disputandum non est, ubi contingat rerum evidentia probari id, de quo dubitatur. Breves siquidem, & Capitulationes, argumenta inquam, & compendium Evangelii S. Marci, quae adhuc in Codice leguntur, nonne satis indubiam fidem faciunt extitisse & Evangelium ipsum; & ceu impressa pulvere aut luto vestigia furemprehendunt? Plura tamen hac de re investigare pulchrum tandem, atque operis ac laboris qualiscumque huius nostri fore premium existimavimus. A qua nempe manu, qua occasione, quo tempore, & causa Evangelium S. Marci a caeteris tribus coactum fuerit exulare; an autem perierit omnino, an latitet alicubi ceu membrum a suo corpore recisum, inquirendum est. Quod si, Vir humanissime, fastidium & molestiam parient in longum nimis producta rerum & argumentorum momenta, novitas & studium veritatis, quam unice, ut ingenuos homines decet, sectabimur, ut confido, te allicient, recreabuntque.

Narrat igitur eruditissimus Monachus D. Bernardus de Montefaucon *Diarii Italici* cap. 4. pag. 55. se vidisse Venetiis in Thesauro sive Cimeliarchio vetustissimum Codicem Evangelii S. Marci, cuius accuratam descriptionem nobis exhibet: quae quamvis sit aliquanto prolixior, utile erit totam hic ob oculos ponere. Sic ergo scribit: *Est Codex ille quadrus, operculo argenteo deaurato, confectus ex phyllyra seu papyro Aegyptiaca multo tenuiore, quam Codex Iosephi Mediolanensis: & sune, ut inspicienti sedulo visum fuit, hallucinantur, nisi fallor, qui membranaceum dicitant. At quia omnium una vox est, esse membranaceum, vellem ab aliis rem accuratius explorari. Folia agglutinata simul sunt, & putrida, ut non facile possint diduci sine fractatione: nam locus perquam humidus; & brevi periturus funditus est Codex, si isthic maneat. Characteres autem, etsi vix legi possint, evidenter Latini sunt: nam multoties occurrunt literae D, & R, quae non habent eandem in Graecis, atque in Latinis formam. Quod ait autem nuperus quidam (is est Massimilianus Massonius in suo Itinere per Italiam anno 1688.) se legisse vocem KATA, is in prima littera hallucinatur: est quippe B sic scriptum ΙΞ, uti solet in antiquis Codicibus bene multis. Est igitur BATA ex vocibus, quae frequenter occurrunt in Evangelio, ut IBAT AUTEM: nulla enim distinctio vocum est in hoc Codice. Quod autem se vidisse putat litteram Δ Graecam, errat similiter; est enim Α, cuius transversa linea non comparet; & clausa videtur inferius, quia duabus lineolis characteres inferne & superne clauduntur, ut in scribendo rectius procederetur. Cum autem ait, se in litteram Σ incidisse, haud feliciter; nam similem nunquam vidi, accuratius licet inspexerim. Haec de Manuscripto, cuius causa Eruditorum turba adducitur in partes, Ajuntque vulgo, Autographum esse S. Marci. Nul-*

lum sa-

lum sane Codicem me vidisse memini, qui majorem isto antiquitatis speciem praeferat. Quod autem Latine scriptus sit Codex, in controversiam vocari nequit ex Historia mox adferenda, cujus exemplum accepi ab eruditissimo Viro Justo Fontanino. Judicent alii, utrum, si ea demas quae de qualitate & materia asserit Montfauconius, caetera optime me conveniant Codici Evangeliorum Foro-Julienfi.

Verum ad praecedentia tempora sermonem convertamus, atque historiam ipsam, quam doctissimus Monachus a Claro Fontanino accepit, attentius percurramus. Anno igitur MCCCCLIV. (non MCCCCLV. ut in Diario signantur Literae) Carolus IV. Imperator, eum Aquilejae degeret, a Fratre Nicolao Patriarcha dono obtinuit, ut ipsemet testatur in Apographo sua manu scripto, duos ultimos quaterniones Evangelii S. Marci, qui in Ecclesia sua Metropolitana tunc servabantur. Eos ad Archiepiscopum & Capitulum Pragensē remisit, ut ceu pretiosissimam S. Marci reliquiam haberent, ac venerarentur. Siquidem fama ferebat, ea folia Autographa esse S. Evangelistae, scilicet totum Evangelium ejus manu conscriptum Aquilejae exstare. Legendae sunt Epistolae Imperatoris a Montfauconio editae, datae supra memorato Episcopo & Capitulo. Legenda est etiam ibi attestatio quaedam in Urbe Pragensi servata de Originali Evangelio S. Marci. Verum omnium luculentissimum testimonium in hac causa censerī debet charta quaedam, seu memoriale ab ipso met Patriarcha Nicolao tribus exinde annis, ex quo Imperatori concesserat partem ipsius Evangelii, confectum, nempe anno MCCCCLVII. quod primum edidit Petrus de Ludewig Tom. v. lib. 111. in *Diplomatario Boemica-Silesiaco* num. LXV. relatum a doctissimo P. Bernardo Maria de Rubeis *Monum. Eccl. Aquil.* cap. 11. ex qua charta docemur, quibus verbis & incipiunt, & desinunt folia Pragensia. Host est principium: *& secundus accepit eam, & mortuus est.* (XII. 21.) Finis vero iste: *illi autem profecti, praedicaverunt ubique, Domino cooperante, & sermonem confirmando sequentibus signis. Amen.*

Anno MCCCCXX. Originale (ut opinio erat) Evangelium S. Marci in potestate erat Civium Foro-Julienfium. Epistolam profert ipse Montfauconius Thomae Mocenico Serenissimi Ducis Venetiarum, quam & prius vulgaverat Basilius Zancharolus Canonicus Foro-Julienfis *Antiquit. Foro-Jul.* Lib. 111. memoratis Civibus scriptam sub die penultimo mensis Maji ejusdem anni, qua abs se conceptum summum desiderium, ut Evangelium scriptum manu S. Marci penes ipsos existens assequeretur, declarat, vehementerque postulat. Cujus voluntati statim obsequentes, illud remiserunt per Plebanum quemdam, quem *Antistitem* vocare placuit Joanni Candido *Commentar. Aquil.* Lib. 2. ea de causa missum ad Civitatem Foro-Julii, (non Aquilejam ad sacras Virgines D. Benedicti, ut idem Auctor falso scribit, a quibus etiam

desideratur. Non illud quidem primo defuisse putes; verum a reliquis tribus de industria separatim. Ut autem hoc ostendam, longior sim necesse est. Rationibus & argumentis disputandum non est, ubi contingat rerum evidentia probari id, de quo dubitatur. Breves siquidem, & Capitulationes, argumenta inquam, & compendium Evangelii S. Marci, quae adhuc in Codice leguntur, nonne satis indubiam fidem faciunt extitisse & Evangelium ipsum; & ceu impressa pulvere aut luto vestigia furem deprehendunt? Plura tamen hac de re investigare pulchrum tandem, atque operis ac laboris qualiscumque hujus nostri fore premium existimavimus. A qua nempe manu, qua occasione, quo tempore, & causa Evangelium S. Marci a caeteris tribus coactum fuerit exulare; an autem perierit omnino, an latitet alicubi ceu membrum a suo corpore recisum, inquirendum est. Quod si, Vir humanissime, fastidium & molestiam parient in longum nimis producta rerum & argumentorum momenta, novitas & studium veritatis, quam unice, ut ingenuos homines decet, sectabimur, ut confido, te allicient, recreabuntque.

Narrat igitur eruditissimus Monachus D. Bernardus de Montefaucon *Diarii Italici* cap. 4. pag. 55. se vidisse Veneriis in Thesauro sive Cimeliarchio vetustissimum Codicem Evangelii S. Marci, cujus accuratam descriptionem nobis exhibet: quae quamvis sit aliquanto prolixior, utile erit totam hic ob oculos ponere. Sic ergo scribit: *Est Codex ille quadrus, operculo argenteo deaurato, confectus ex philyra seu papyro Aegyptiaca multo tenuiore, quam Codex Josephi Mediolanensis: & sane, ut insipienti sedulo visum fuit, hallucinantur, ni fallor, qui membranaceum distillant. At quia omnium una vox est, esse membranaceum, vellem ab aliis rem accuratius explorari. Folia agglutinata simul sunt, & putrida, ut non facile possint diduci sine fractura: nam locus perquam humidus; & brevi periturus funditus est Codex, si isthic maneat. Characteres autem, etsi vix legi possint, evidenter Latini sunt: nam multoties occurrunt literae D, & R, quae non habent eandem in Graecis, atque in Latinis formam. Quod ait autem nuperus quidam (is est Massimilianus Massonius in suo Itinere per Italiam anno 1688.) se legisse vocem KATA, is in prima littera hallucinatur: est quippe B sic scriptum Ͷ, uti solet in antiquis Codicibus bene multis. Est igitur BATA ex vocibus, quae frequenter occurrunt in Evangelio, ut IBAT AUTEM: nulla enim distinctio vocum est in hoc Codice. Quod autem se vidisse putat litteram Δ Graecam, errat similiter; est enim A, cujus transversa linea non comparet; & clausa videtur inferius, quia duabus lineolis characteres inferne & superne clauduntur, ut in scribendo rectius procederetur. Cum autem ait, se in litteram Σ incidisse, haud feliciter; nam similem nunquam vidi, accuratius licet inspexerim. Haec de Manuscripto, cujus causa Eruditorum turba diducitur in partes, Ajuntque vulgo, Autographum esse S. Marci. Nul-*
lum sa-

lum sane Codicem me vidisse memini, qui majorem isto antiquitatis speciem praeferat. Quod autem Latine scriptus sit Codex, in controversiam vocari nequit ex Historia mox adferenda, cujus exemplum accepi ab eruditissimo Viro Justo Fontanino. Judicent alii, utrum, si ea demas quae de qualitate & materia asserit Montfauconius, caetera optime convenient Codici Evangeliorum Foro-Julienfi.

Verum ad praecedentia tempora sermonem convertamus, atque historiam ipsam, quam doctissimus Monachus a Claro Fontanino accepit, attentius percurramus. Anno igitur MCCCCLIV. (non MCCCCLV. ut in Diario signantur Literae) Carolus IV. Imperator, cum Aquilejae degeret, a Fratre Nicolao Patriarcha dono obtinuit, ut ipsemet testatur in Apographo sua manu scripto, duos ultimos quaterniones Evangelii S. Marci, qui in Ecclesia sua Metropolitana tunc servabantur. Eos ad Archiepiscopum & Capitulum Pragensense remisit, ut ceu pretiosissimam S. Marci reliquiam haberent, ac venerarentur. Siquidem fama ferebat, ea folia Autographa esse S. Evangelistae, scilicet totum Evangelium ejus manu conscriptum Aquilejae exstare. Legendae sunt Epistolae Imperatoris a Montfauconio editae, datae supra memorato Episcopo & Capitulo. Legenda est etiam ibi attestatio quaedam in Urbe Pragensi servata de Originali Evangelio S. Marci. Verum omnium luculentissimum testimonium in hac causa censei debet charta quaedam, seu memoriale ab ipso met Patriarcha Nicolao tribus exinde annis, ex quo Imperatori concesserat partem ipsius Evangelii, confectum, nempe anno MCCCCLVII. quod primum edidit Petrus de Ludewig Tom. v. lib. III. in *Diplomatario Boemica-Silesiaco* num. LXV. relatum a doctissimo P. Bernardo Maria de Rubeis *Monum. Eccl. Aquil.* cap. II. ex qua charta docemur, quibus verbis & incipiunt, & desinunt folia Pragensia. Hic est principium: & secundus accepit eam, & mortuus est. (XII. 21.) Finis vero iste: illi autem profecti, praedicaverunt ubique, Domino cooperante, & sermonem confirmante sequentibus signis. Amen.

Anno MCCCCXX. Originale (ut opinio erat) Evangelium S. Marci in potestate erat Civium Foro-Julienfium. Epistolam profert ipse Montfauconius Thomae Mocenico Serenissimi Ducis Venetiarum, quam & prius vulgaverat Basilius Zancharolus Canonicus Foro-Julienfis *Antiquit. Foro-Jul.* Lib. III. memoratis Civibus scriptam sub die penultimo mensis Maji ejusdem anni, qua abs se conceptum summum desiderium, ut Evangelium scriptum manu S. Marci penes ipsos existens assequeretur, declarat, vehementerque postulat. Cujus voluntati statim obsequentes, illud remiserunt per Plebanum quemdam, quem *Antistitem* vocare placuit Joanni Candido *Commentar. Aquil.* Lib. 2. ea de causa missum ad Civitatem Foro-Julii, (non Aquilejam ad sacras Virgines D. Benedicti, ut idem Auctor falso scribit, a quibus etiam

etiam Oratores Venetos Sacrum pignus obtinuisse eodem errore affectum) quod & ingenti totius Urbis gratulatione receptum fuit.

Anno MDLXIV. Ferdinandus Archidux Austriae, (pergit historiam narrare Montfauconius) binis datis literis praecipit Francisco a Turre ex Comitibus Vallis Saxiae Oratori suo apud Venetam Reipublicam, ut a Senatu, sin minus precibus impetrare possit quinque quaterniones Evangelii S. Marci manu ipsius exaratos, nullis parcat impensis, omnemque lapidem moveat, ut illos ad se remittat. Verum frustra omnem operam & tempus tandem se insumisse idem Orator rescripsit.

Confer interim, si placet, V. C. quae de Codice S. Marci Veneto, aut Pragenfi superius sunt dicta, cum iis quae nos de Codice Evangeliorum Forojulienfi, quem illustrare pergitur, pariter supra narravimus: utrumque invenies Latine scriptum. & chartam utriusque membranaceam: in utroque haud dispar est foliorum magnitudo: characteres uterque praefert herbae siccae, sive flavi coloris. Quid plura? Quamquam non ignoro doctissimorum Virorum non unam esse, eandemque sententiam; quin inter ipsos dissidia orta, ex qua materia confectus sit Codex ille Venetus. V. C. Marchio Scipio Masseyus *Istoria Diplomatica* Lib. 2. n. x. pag. 78. opinionem non probat Cl. Montfauconii, qui, ut vidimus, Codicem Venetum vult esse ex phylira, seu papyro Aegyptiaca: eosque reicit, qui membranaceum affirmarunt: suamque in medio novam sententiam proferens, & rei periculo abs se facto, statuit ex charta bombycina esse confectum. Ipsius verba refero, *ma nuova cosa io dirò, e non pertanto certa, che costesto Evangelario nè di papiro fu, nè di membrana, ma di carta bombacina: di tanto io mi sono assicurato replicatamente con la vista, e col tatto.* Et quamvis rationibus etiam adductis hanc suam firmare sententiam conetur, adhuc tamen ab Eruditis Viris in partes itur. Ut vel ex hoc uno discamus exemplo, quam fallaces, & ad decipiendum proni sint hominum sensus, iisque minime fidendum.

Verum ego non fallaces sensus sequutus, sed demonstrationi innixus, profero, Te iudice, V. C. veritati, ut puto, prorsus consonam sententiam; quae te, ut stupore non modico afficiet, ita & novitate non parum delectabit. Dicam itaque ego fidentius: Modo causa finita est: dum apertissime evincam, Codicem, sive Evangelium S. Marci, Venetiis summo honore & religione servatum, nec ex papyro, nec ex bombycina esse; non Graece, sed Latine scriptum; non denique autographum esse ipsius Evangelistae: de quibus singulis inter Eruditos hucusque fuit acriter disputatum. Te iterum, eruditissime Vir, appello, tuam auctoritatem postulo. Et quoniam, qua polles ingenii vi, totum causae meae consilium prospexisti, ut, quod sentis, libere dicas, iterum rogo. Ego interim sic statuo. Folia Evangelii D. Marci

Vene-

Venetiis recondita, itemque Pragae servata, integrum ejus Evangelium componunt, quod autographum putabatur, quodque in Codice Evangeliariorum Forojulienſi deſſe narravimus: proinde quidquid de tribus Evangeliiſ in hoc Codice contentis aut diximus hucuſque, aut infra dicemus, illi omnino convenit.

Duo ergo quaterniones, quos Carolus IV. Imperator a Nicolao Patriarcha Aquilejenſi impetravit, & Pragam miſit, diſtracti atque ſeparati fuerunt a Codice Evangelii S. Marci tunc in Urbe Aquileja exiſtente. Quinque quaterniones ejuſdem Evangelii, Venetias delati ſunt ex Forojulio. Ergo folia ſeu quaterniones Codicis Evangelii Pragenſis, & Veneti ſunt unum & idem; per quod totum Evangelium S. Marci componitur: ergo ex uno eodemque Codice profeſti. Quod, quam verum certumque ſit, quinque nempe quaterniones Venetias ex Forojulio delatos, ex eodem eſſe Evangelii S. Marci volumine, quo ſunt Pragenſes, iterumque hos, atque illos convenire cum Codice, quem nunc prae manibus habemus, mox clarum fiet.

De quaternionibus a Nicolao Patriarcha Carolo IV. elargitis, ex pluribus documentis conſtat. Et primo ex Epistoſis ab eo ſcriptis Ernesto Archiepiſcopo, & Capitulo Eccleſiae Pragenſis apud Bollandi Continuatores ad diem xxv. Aprilis, in Commentario praevio §. 11. num. 8. *Noverit, ait Carolus, veſtra devotio, quod nuper ad fines Italiae procedentes in Eccleſia Aquilejenſi invenerimus Librum Evangelii S. Marci Evangeliſtae, Latinis literis in ſeptem quaternis, propria ejuſdem S. Evangeliſtae manu conſcriptum: cujus duos quaternos ultimos inſtancia magnarum precum obtinuiſmus, vobisque pro decore S. Pragenſis Eccleſiae Matris noſtrae per nobilem Ludovicum de Hoënlog dirigimus. Datae ſunt Feltri, die ultimo menſis Octobris, Regnorum noſtrorum Anno nono, ideſt anno 1355. Audiendus hac de re idem Imperator in quodam ſuo Apographo a Montſauconio edito loc. c. p. 57. in haec verba: Ego Carolus Quartus &c. vidi librum Evangeliorum S. Marci de ſua propria manu ſcriptum, integrum ab initio uſque ad finem, in ſeptem quaternos, in poſteſtate Patriarchae Eccl. Aquilejenſis &c. De quo libro, petitione mea apud Patriarcham, & Capitulum diſtae Aquilejenſis Eccleſiae, obtinui iſtos duos quaternos ultimos libri praediſti: & alii quinque praecedentes manſerunt in Eccleſia ſupradicta. Et haec ſcripſi manu mea propria, anno ab Incarnato Verbo MCCCCLV. in Vigilia omnium Sanctorum, Regnorum meorum nono, ideſt eodem anno, eodemque die, quo datae fuerunt ſupradictae Literae. Sed res haec certior eſt apud omnes Scriptores rerum Forojulienſium, quam quod ſuper ea quaestio moveatur. Sequiore tempore, Cl. Rubeis Monum. Eccl. Aquilejen. cap. 11. rem hanc pertractans, ita rem narrat: in Civitatem Forojulii delatus eſt Codex, nempe reliqui quinque quaterniones, ex ſeptem duobus jam Carolo IV. dono datis. Teſtimonium profero ex aliis literis Veneti Senatus ſupra a nobis memoratis, Communitati Civitatis Austriae ſcri.*

scriptis, anno MCCCCXX. die penultimo mensis Maji pro obtinendo Codice S. Marci, seu reliquis quaternionibus, quas refert idem Mont-fauconius pag. 60. & antea edidit Basilius Zancarolus loc. cit. ubi hæc leguntur: *Proinde cum certam ac firmam notitiam habeamus, quod liber Evangeliorum, scriptus propria manu gloriosi Evangelistæ Beati Marci, est & reperitur ad præsens in manibus Venerabilis Viri V. Decani Vestrae majoris Ecclesiae &c.* & sane non immerito scribunt ad præsens, cum antea fuerit Codex iste Aquilejæ: sequitur enim, *quoniam intelleximus, & certo cognovimus, quod idem Liber, apud Aquilejam diu negligenter habitus, & male conservatus, pervenit ad terminos, ad quos indignum, & contra Religionem est permittere devenire res tales, & tantæ devotionis: & paulo infra, nam sancta & honesta requirimus, ut videlicet margaritæ de luto Aquilejæ in templum Domini referantur.* Quod autem folia Pragensia conveniant cum Evangelario Foro-Julienſi, de quo nunc agimus, res est exploratissima. Ea siquidem sunt ex tenuissima membrana, forma quadrata, & literis Latinis exarata. Scriptura per duas columnas ex utraq; foliorum parte est disposita. Quaelibet columna lineas implet XIX. quarum alia est longior, alia brevior. Testimonium horum habeo a Cl. Viro Justo Fontanino, qui in quadam sua familiari Epistola sub die 15. mensis Augusti anni 1716. ad Philippum a Turre, se fecisse experimentum scribit, nempe collationem Codicis Foro-Julienſis cum Pragensi, per characterum illius (2) specimina ex Urbe Pragensi ad se missa.

Constat ergo duos quaterniones, sive folia Evangelii S. Marci Pragæ missa per Carolum IV. ea esse, quæ putabantur Autographa, atque olim Aquilejæ exstabant: idemque constat de quinque reliquis quaternionibus Venetiis delatis ex Civitate Fori-Julii, qui septem quaterniones integrum formant præfatum S. Marci Evangelium. Iterumque, ut diximus, folia Pragensia, & Veneta conveniunt cum nostro Codice Foro-Julienſi: ergo ad nostrum hunc Codicem spectant. Itaque omnis inter Eruditos exorta disputatio de materia, de scriptura, de antiquitate Evangelii S. Marci Venetiis servati, abeat, atque recedat oportet. Tot, tantisque (ni fallor) rationum ponderibus minime obstantibus, morem geramus oportet Saeculo huic nostro in Arte Critica satis exposito, & delicatissimo quorundam fastidio, qui antiquitati bellum inferentes, Codices, chartas, libros omnes, lapides ipsos tamquam recentiorum temporum figmenta traducere ausi sunt. Objectis itaque occurramus, quæ de Evangelio S. Marci nobis disputantibus negotium facessere videntur.

Et primo quidem, quod attinet ad pervulgatam antiquam traditionem de Autographo S. Marci Aquilejæ jam per multa Saecula custodito, postea Pragam, & Venetiis translato, hanc initio simplex, eademque pia credulitas potuit inducere, cui traditum erat S. Mar-

Marcum sua manu, dum Aquilejae moraretur, suum scripsisse Evangelium; ita ut paulatim vel sapientum Virorum animos haec opinio pervaserit. Sunt enim, qui nihil suspicantur, *nisi quae terris semota, suisque temporibus disjuncta vident*. Et sane apud Eruditos Viros certum est, (ut de S. Marco loquar) illum non Latine, sed Graece suum scripsisse Evangelium. Post SS. Augustini, & Hieronymi aperta idem assentientium testimonia, quis id audeat negare? Ille Lib. 1. c. 2. *de consensu Evangel.* ait, *Matheus Hebraeo scripsisse perhibetur eloquio; ceteri Graeco*. Et Hieronymus Praefatione in Evangelia ad Damasum apertissimis hisce verbis scribit: *de Novo nunc loquor Testamento: quod Graecum esse non dubium est; excepto Apostolo Matthaeo, qui primus in Judaea Evangelium Christi Hebraicis literis edidit*. Pergitque S. Doctor dicere, secundum Graecum Autographum se correxisse Veterem Vulgatam Novi Testamenti Latinam Versionem. Non sunt igitur audiendi, quidquid in contrarium ex proprio magis ingenio, quam aliqua ratione fulti, Recentiores quidam, ceteroquin doctissimi, scripserunt. Et venia danda Em. Cardinali Baronio, qui ad annum Christi 45. sola traditione de Autographo S. Marci olim Aquilejae existente, inde Venetias translato, & Graece scripto, argumentum sumsit asserendi, Sanctum Evangelistam ex Latino in Graecum sermonem suum vertisse Evangelium, dum Aquilejae moraretur. Quem errorem admisit & Cornelius a Lapide Praefat. in Marcum, sequutus quemdam sibi narrantem, Venetum Marcianum Codicem scriptum esse Graecis literis. In eundem impegerunt lapidem nostrates Historici Henricus Palladius Lib. 5. *Rev. Foroju.* Joannes Franciscus ejus nepos *Histor. Foroju.* part. 2. & Joannes Candidus *Comment. Aquilejen.* Lib. 2. Illi porro veritatem sunt assequuti, qui vetustissimum quidem affirmarunt Venetum hunc Codicem, Originale vero esse constanter inficiati sunt.

Ceterum popularis hujus traditionis originem rimari; nec injucundum, nec a proposito nostro alienum erit. Ac primo, nihil de re hac audiri coepisse ante Saeculum ix. inde constat, quod altum de ea silentium sit apud Paulum Warnefridum, qui circa medium VIII. Saeculum florebat, eoque jam inclinante conscripsit Langobardorum Historiam. Qui res Forojuenses non obiter narrat, qui Aquilejensis Ecclesiae, cui addictus fertur exstitisse Diaconi officio, non raro meminit, qui demum fabellis aliis Opus suum inspergens, ingenium praefert satis pronum ad nimiam credulitatem, ita ne rem hanc praeterire potuit, si tunc temporis suorum popularium animos fama haec pervasisset? Quid quod, S. Paulinus, qui eadem aetate, nempe anno 776. Ecclesiam nostram suscepit regendam, Scriptisque illustravit, nullam tam insignis Autographi mentionem ingerit, quamquam frequens se illi occasio praeberit, ac praesertim Hymno V.

in Sanctum Marcum, quem e schedis Adriensis Episcopi in lucem protulit Cl. Vir Jo. Franciscus Madrisius, qui carmen hoc non levi conjectura ductus Aquilejensi Antistiti adscribit.

Sed negativo huic argumento vim nullam subesse quis forte suspicari posset, quod praesto sit quoddam ix. Saeculi nondum adulti testimonium, ex quo colligamus, jam tum altas radices jecisse traditionem de Autographo Sancti Marci Evangelio in Aquilejensi Ecclesia servato. Siquidem a Cl. Muratorio Tom. iv. Anecd. Lat. ac rursus Tom. xvi. Collectionis Rerum Italicarum vulgatum est Chronicon Patriarcharum Aquilejensium, in cujus Praefatione haec leguntur: *Evangelium propria manu scripsit (Sanctus Marcus), quod hodie in Aquilejensi Ecclesia, omnibus volentibus, quia tale lumen sub modio poni non debet, sed super candelabrum ut luceat omnibus, demonstratur*. Equidem hoc Chronicon complectitur in utraque Editione vitas Patriarcharum usque ad Nicolaum, qui obiit anno 1358. ac propterea Vir Doctissimus suspicatur, sub Ludovico Turriano, qui Nicolaum exceperit, aut non longe postea conscriptum fuisse, vel saltem ante anno 1420. quod ex rebus mox allatis rectissime colligit. Sed Chronicon idem ex Apographo Tabularii Forojulienfis mendis aliquibus expurgatum nova luce donavit V. C. Bernardus de Rubeis in *Appendice ad Monum. Eccl. Aquil.* in quo illud observatione dignum est, quod non, ut in Muratorii editione visitur, pertingat ad Nicolaum u que, sed desinat in Maxentio, qui ad Sedem Patriarchalem promotus fuit anno 811. Hinc *Monumentorum* cap. I. n. 11. & in *Admonitione ad Appendicem*, censet, Chronicon hoc Saeculo ix. nondum adulto concinnatum esse, atque ex vetustiori hoc tum Muratorianum, tum alia, quae circumferuntur, aucta esse. Pergit etiam difficultates excutere, quae ex suo Chronico peti possent, ubi Aquileja *famosissima* dicitur, & *Italiae caput*. Sed Virum Doctissimum maxima fugit difficultas, ex qua confici videtur, Chronicon Patriarcharum, quamquam ultra Maxentium non procedat, antiquiorem esse non posse Saeculo xi. adeoque mutilum potius haberi debere Codicem Forojuliensem, ad cujus fidem Editionem suam ipse adornavit, quam successorum Maxentii nominibus rebusque gestis auctum Chronicon quoddam vetustius. Legimus enim in Forojulienfi exemplari, quod recentior editio repraesentat, legimus inquam in Niceta, *Castrum Forojulense, quod NUNC Civitas Austria appellatur*. In Paulo, de Paulo Diacono loquens, scribit, *qui fuit Natione Civitatis: & paulo post habet, Civitatem Austriam, quae tunc (vivente Paulo Diacono) Castrum Forojulense dicebatur*. In Calisto, in *Castro Forojuliano, quod nunc Civitas Austria appellatur*. In S. Paulino, & *rediens in Civitatem austriacae*. Regionem porro Forojuliensem, quam & primam Venetiam cum Auctore Chronici dixerunt Vesteres, post Langobardorum in Italiam ingressum *Austriam*, Saeculo nempe

nempe sexto, fuisse appellatam nos omnes docent. Sed & hoc vocabulo praesertim designatam nostram hanc Provinciam Forojuliensem ex nostro Paulo Diacono in suae Gentis historia didicimus. Imo utramque Regni sui partem in Italia distinxit Rex Luitprandus in *Neustriam*, idest occidentalem, & *Austriam*, idest orientalem; ut omnibus Viris Doctis notissimum est: a quibus solet inter cetera praeclarum testimonium adduci Legis lv. Lib. vi. ipsius Luitprandi, quam apud V. C. Ludovicum Ant. Muratorium *Rerum Italic. Scriptor.* Tom. i. Part. ii. sic lego, *Si per xxx. dies pignora ipsa, aut debitor, aut fideijussor recolligere neglexerit, si in NEUSTRIA, & in AUSTRIA fuerit, amittat ipsa pignora &c.* Unde Eruditissimus Vir *Neustriae*, & *Austriae* significationem exponens, hoc, ait, praecipue nomine designabatur Ducatus For-Julii. Sic & aliae Legis Langobardicae habent. Ex quibus haec omnia docte confirmat Pater de Rubeis cap. xxv. & his vocibus *Austria*, & *Neustria* Langobardi Francos imitati, orientalem, & occidentalem sui Regni partem designantes, ad partem Italiae ab se occupatam traduxerunt. Pergensque rem hanc Doctissimus Vir illustrare, spectata regia Urbe Ticino, For-Juliensem Regionem, ac ferme totam Venetiam ad Orientem vergentem, dictam fuisse *Austriam* optime nos monet. Civitas vero For-Julii, quae a Diacono nostro nunc *Civitas Forojuliana*, nunc *Oppidum Forijulii*, modo *Castrum Forojulense* dicitur, serius Austria appellata fuit; nec hoc nomen illi inditum putat ante Saeculum XI. Qua de re videfis Caput LIX. ubi Vir laudatus profert vetustiorē chartam anni 1097. cum antiquiores tabulae semper *Forumjulii*, *Forojuliensem* habeant, & ab ipsa Civitate passim illo aevo legatur Comitatus *Forojulensis*. Quod tamen nomen nunquam penitus exiit: unde & plures nos vidimus chartas in Tabulariis nostris post XI. Saeculum datas in *Civitate Forojulii*, quae dicitur *Austria*. Et antequam sic nuncupari incoeperit, etiam *Civitas* absolute dicebatur. Ita in Instrumento anni 1057. legitur donum factum Praeposito *Civitatis* apud Rubeum cit. nec secus in aliis membranis a me visis. Hinc Cl. Fontaninus in sua Epistola *delle Masnade* ait, prae excellentia *Forumjulium* dictam esse *Civitatem*, utpote tunc post Aquilejam everfam caput Regionis effectam. Et ad distinctionem aliarum, credendum est, paulo post cum additamento *Austriae* nuncupatam. De his consulendi sunt idem Fontaninus in Vita Philippi a Turre, tum hic in Commentario *Colon. Forojul.* & tandem Clariss. de Rubeis in saepe laudato Opere *Monum. Aquil. Eccl. C. XXV. LIX.*

Ex his omnibus liquet, ut dicebam, Chronicon additum in Appendice Monumentorum Aquilejensium, vel integrum non esse, nec spectare ad Saeculum IX. vel, quod facilius concesserim, antiquum esse quidem, sed non uno in loco recentiori manu interpolatum;

quae est etiam Doctissimi Rubeis opinio de eo in hunc modum scribentis: *quod additamentis sequioris aevi; vitiatisque Patriarcharum annis corruptum non abnuimus*. Quae cum ita sint, nutat fides testimonii ex hoc Chronico desumpti, ut vetustiore Saeculo undecimo statuamus opinionem de Evangelio Sancti Marci ipsius manu conscripto, atque in Patriarchali Ecclesia servato. Quis enim decernere possit, num narratio haec e primigenia manu profecta fuerit, seu potius num habenda sit velut interpolatoris additamentum? Hoc certe verosimilius videtur in tanto Veterum silentio. Post Saeculum itaque XI. ut conjicimus, seu casu aliquo & errore, seu pia fraude orta haec fabella, jam profecto vigeat quo tempore unus inter Patriarchas nobilissimae Gentis de la Turre (quatuor numeramus) vulgari opinione ductus, Evangelium S. Marci tabulis argenteis contexit, ornavitque insignibus Familiae suae, & Urbis Aquilejensis. Is fuerit vel Raymundus, qui Sedem tenuit ab anno 1274. usque ad annum 1299. aut Paganus renuntiatus Patriarcha anno 1319. qui obiit anno 1332. aut tandem Ludovicus successor Nicolai, sub quo primum indubia habemus hujus traditionis argumenta. Castonus enim, cum, vix dum electus, Florentiae obierit, priusquam Aquilejam adventaret, ornamentis hujus Auctor haberi nequit. Nec idcirco Oratori Caesareo assentiendum, qui Evangelium S. Marci dono missum fuisse suspicatur Veneto Senatui ab uno ex his Familiae suae Patriarchis: nam postea id factum fuisse, anno scilicet 1420. Forojulensium Civium largitate allatis monumentis ostendimus. Mirum praeterea videri possit, qua ratione (quicumque demum is fuerit, qui in unum Volumen operculis argenteis Evangelium S. Marci perpetuo segregavit) cum ea persuasionem motus id fecerit, quod ejusdem Evangelistae manu scriptum fuisse putaret, tria etiam alia Evangelia ejusdem formae, ejusdem materiae, ejusdemque characteris non animadverteret, ut aut eodem in honore haberet singula, aut potius nullum eorum Autographum esse plane cognosceret.

(3) Praeterea haerendum minime arbitror, quod idem Orator in secunda Epistola apud Cl. Montfauconium Ferdinando rescribat, *magnitudinem quaternionum Evangelii S. Marci esse quartae partis unius folii*; ac si ex hoc posset inferri, illos non esse similes Codici Forojulensi, qui magnitudine excedere videtur. Non, inquam, in hoc ulla est difficultas: variae enim, & multiformis magnitudinis charta conficitur: qua de causa ex recitatis verbis non justam foliorum mensuram, (quam postea, ut in quarta Epistola legitur, fidelem remisit) sed formam Codicis quadratam, uti semper est *quarta pars folii*, innuisse videtur.

Difficultatem potius auferent ea, quae laudati Viri Montfauconius, & Maffejus oculati recentiores testes affirmarunt de materia Codi.

Codicis Veneti. Ille siquidem *confectus est*, inquit, *ex phylira seu papyro Aegyptiaca*; iste, nulla prorsus haesitatione scribit, *fu di carta bombacina*. Verum, tantorum Virorum venia, illis opponimus testes oculatos Saeculi XVI. Sane membranaceum dixit Orator Caesareus anno 1554. eo nimirum tempore, quo illum multa quidem vetustate detritum nobis describit, non adeo tamen, ut qua ex materia constaret statui non posset; nec adeo putridum, atque consumptum, qualem post duo fere Saecula eruditissimi illi Viri conspexere. Cl. etenim Montfauconius ita refert, *folia agglutinata simul sunt, & putrida; ut non facile possint diduci sine fractione*. Et Cl. Maffejus plures post annos scribit, *l'umidità ha ridotto i quaderni, imputriditi già da Secoli, a un'impasto, il quale ha quasi fatto tornar la carta a' suoi principii, cioè a quella pasta, di cui con acqua, e bombagio molti Secoli sono si lavorò*. Dumque solidis argumentis probare nititur contra Doctissimum Monachum, papyrum non posse talem subire mutationem; an valeant etiam ad ostendendum, Codicem illum humidissimo loco, atque aëre falso reconditum, non esse membranaceum, sed bombycinum, judicent alii: quam sententiam dum mordicus tueretur Maffejus, certe pro Autographo non agnoscit. In eo enim est, ut ostendat chartam bombycinam, in qua putat scriptum Evangelium illud, initium habuisse in Oriente circa nonum Saeculum: quod etiam ante docuerat Montfauconius in sua *Palaeographia Graeca*, Lib. 1. cap. 12.

Demum recentioribus testibus Viris Clarissimis, recentissimum aequae atque omni exceptione majorem opponimus Franciscum Blanchinum Patrum tuum, qui anno 1720. qua nemo alius diligentia perscrutatus est Codicis materiam, & num Graeci, an Latini characteris forma in literis appareret, sedulo investigavit. Sic igitur Tom. II. Anastasii Biblioth. in *Notis ad Vitam S. Petri*, pag. 14. col. 1. scriptum reliquit: *Autographum Evangelii B. Marci Venetiis asservari in thesauro ejus Ducalis Basilicae fama est, literis Principum id contestantibus: quas edidit R. P. Montfaucon in suo Diario Italico pag. 55. & seq. Beneficio Excellentissimi D. Foscarini Divi Marci Procuratoris, cui Magistratui cura Sacri thesauri demandata est, impetravi, ut evolvere mihi liceret Codicis folia, dum anno superiore 1720. die 2. Decembris Sacra lipsana veneraret ibidem asservata, & adhibito perspicillo diligenter inquirere, num Graeci, an Latini characteris forma in literis appareret a Montfauconio depictis: cujus Diarium consulto meum attuleram, una cum lamella tenui, qua possem putrida folia diducere, citra periculum fracturae. In cassum laboravimus quotquot hoc studio tenebamur: nam licet lumina complura admoveremus, & lentibus crystallinis augeremus visionis angulum, nullum tamen elementi vel Latini, vel Graeci vestigium deprehendere datum fuit: ita detritis aëro, atque erosis (salsedine forsitan aestuariorum) singulis literis, ut nullius figura superesset.*

Narra-

Narratur in Tom. 3. Aprilis, pag. 345. in Metropolitana Ecclesia Pragensi asservari duos ultimos quaterniones ejusdem Codicis S. Marci Latinis literis scriptos, quos Carolus IV. Imperator obtinuit, & memoratae Pragensi Ecclesiae donavit, HUIUS VENETI CODICIS MEMBRANACEA ESSE FOLIA, non autem ex phylira, (ut ille opinatur) NEMO EX PRAESENTIBUS ATTENTE CONSIDERANS DUBITAVIT. Refundenda est in acrimoniam falsi humoris ab Australibus ventis excitati, quibus perflantibus marmora ipsa Ecclesiae S. Marci sunt irrigua, corrosio atramenti, ac literarum, quae apparet in recentioribus etiam Codicibus Evangeliorum eodem armario custoditis, licet horum scripturae antiquitas annos CCCC. non superet. Ea enim se insinuante cum aëre ipso intima in peneralia, quantolibet studio custodita, effectum est, ut quae lineamenta literarum R. P. Montfaucon observanti LATINAE SCRIPTURAE indicium evidens exhibuerant, jam omnino deperdita, intra annos XXII. nullum suae figurae vestigium reliquerint. Hoc est viri diligentissimi atque harum rerum peritissimi judicium.

His absolutis, transitum faciamus ad caetera, quae in Evangeliarum Codice Forojulienſi digna observatione reperiuntur. Haec sunt, marginales Notae, quae nihil cum Evangelii textu habent commune. Has porro singulas fideliter describere curavi studio admodum junicundo, cum innumera propemodum in eis legantur non Latino- rum modo, sed Gothorum, Langobardorum, Theutonum, Illyri- corum, Bulgarorum barbara nomina, quae non dubium, nec uno eodemque tempore, aut loco scripta fuisse, sed pro varia conditione Codicis, modo uno, modo alio in loco consistentis, & pro Natio- num diversa locutione, quae iisdem in locis dominabantur. Ne quae- so refugiant, mi Blanchine, aures tuae audire nonnulla ex primis sex foliis excerpta nomina. Cuopald, Erimilda, Regelenda, Malami- la, Jusinig, Foskoro Subdiacono, Antelf Presbiter, Lauprat, Frigigund, Gottepret, Gifarde, Flodeberte, Habraham, uxor ejus Juridica, Be- dasclavo filius eorum, Thesica Presbiter, Nepokor, Brasclavo, Zileze- na uxor ejus, Hesla, Stregemil filius eorum, Dracig, Cranidoi, Wal- thier, Audeberte, Hengherioch, Odelrich, Arfret, Keginhert, Grimal- de clericus, Pergirdruda, Roseperga, Hilduinus Presbyter, Engelberte, Hilgindruda, Hululolt, Erpabd, Margareza, Elisabetha, Ellanpertus, Boselisa, Sobernuscla, Sclauvenca, Elmeric, Theutherich, Wicpald, Kerlot, Eginulfus, Drago, Centeska Gisleberte Diaconus, Erthien- der- re, Ruotpold, Jacob, Orso Diaconus, Angelarius, Adelbertus, Brascla- va, Giusuldruda, Brasclavo, Kelmker, Radoslau, Moisclava, Dobra- sclava, Bollesclava, Menadruga, Audalde, & cetera hujusmodi.

(4) Longiusculae autem notae haud negligendae sunt. In primis fol. 6. *Leo Diacones, misereatur tibi Deus, & perducatur te ad honorem Sacerdotalem. Amen.* Formula haec forte erat precationis proxime ad Sa-

ad Sacerdotalem dignitatem provehendi, five acclamatio inter ipsam ordinationem usitata. Etiam Sacramentum Ordinationis inter mysteria arcana, non omnibus propalanda, Christiana antiquitas habuit. Quod non oportet ordinationes, ait Laodicensi Concilii Canon 4. sub conspectu audientium celebrari; seu, ut vertit Isidorus Mercator, praesentibus Cathecumenis. Et D. Chrysostomus Homil. 18. scribit: qui in Sacrum Ordinem cooptaturus est aliquem, Fidelium PRECES exigit illo tempore: atque illi assensu suo, quae geruntur, comprobant, & acclamant illa, quae nota habent initiati. Nam apud eos, qui initiati non sunt, omnia retexere fas non est. Haec didicimus ex Eruditissimo Emanuele a Schelestrate de *Disciplina Arcani*, cap. 2. art. 2. qui locum Chrysostomi citat ex Casaubono, *Exercit.* 16.

A tergo ejusdem folii 6. caractere non admodum antiquo sequitur haec alia longior Formula, † *Plebs sancta, ac Deo serviens, quod audire cupit, & videre desiderat. Sicut gavisi sumus de Nativitate Domini nostri Jesu Christi, ita & de Resurrectione ipsius nos omnes mereamur gaudere. Audistis, Fratres Karissimi, nos sumus habi nde diem Sanctum Sacratiss. Paschae id ... XVII. die de mense April. erit Pascha &c. † Caput vero Sexagesimae se ... vigesimo die de mense Februario &c. † Regnante D. N. Jesu Christo, cui honor, & gloria in saecula saeculorum. Amen.* Hac eadem etiam hodie ferme utitur formula Ecclesia nostra Foro-Julienfis denunciando Sacratissimum Pascha, & diem Cinerum, in Festo Epiphaniae post cantatum Evangelium. Eam teneas: *Plebs sancta, Deo serviens, hoc cupit audire, quod & videre desiderat. Sicut ergo gavisi estis de Nativ. D. N. Jesu Christi, ita & de Resurrectione ejus annunciamus vobis universale gaudium. Quapropter, Fratres Carissimi, annuntiamus vobis diem Sanctum & sacratissimum Paschae, quae erit die Caput vero j-junii, die Ut sit pax, & gratia Domini Nostri Jesu Christi cum omnibus vobis.* Qui ritus denunciandi Pascha hac ipsa die Epiphaniae, imo & alia Festa mobilia, praecipue in nostra Italia viguit. Et quamvis non omnes insigniores Ecclesiae eandem saltem antiquam formulam nunc retineant; tamen Pontificale Romanum *Part.* 3. in Festo Epiphaniae eam praescribit & ordinat. Adeundus propterea Cl. Martene de *Antiq. Eccl. Discipl.* cap. xiv. qui originem hujus ritus inquirens, innixus auctoritate Em. Cardinalis Baronii a magno Concilio Nicaeno eam derivat: quod Patriarchae Alexandrino in mandatis dedit, ut calculos adhiberet, & computum, ad inveniendam Dominicam, in qua Ecclesia celebratura erat Sanctum Pascha, atque Ecclesiis per Aegyptum id significaret, quamvis non generatim singulis. Hoc enim praestabat per se Romanus Pontifex, ut, contra Dominicum Macrum, fultus praecipue auctoritate S. Isidori, strenue probat incomparabilis Vir Em. Cardinalis de Lambertinis, hodie BENEDICTUS PAPA XIV. in suis

suis doctissimis *Annotazioni sopra le Feste del Signore*, Titulo, della *Festa della Epifania* §. LXXVI. cui dierum longitudinem, pacem, & temporum felicitatem boni omnes precantur.

In recitata itaque Formula nostri Codicis, annuntiatur futurum Pascha die XVII. mensis Aprilis, & Sexagesima, die XX. mensis Februarii, septimodecimo die de mense April. erit Pascha. † *Caput vero Sexagesimae se ... vigesimo die de mense Februario*. Hic designatus annus quaerendus est, & habebimus etiam annum, quo nota, seu formula fuit in Codice descripta. Non alio sane, quam Saeculo XIV. quaerendus est annus ille, in quo tres Paschae fuerunt celebratae die XVII. Aprilis. Nempe anno 1351. 1362. & 1373. Et si quis mavult assignare Saeculo XV. seligat annos 1435. 1446. 1457. (non autem 1468. qui fuit bissestilis, propter rationem mox afferendam) quibus eodem die 17. Aprilis pariter recurrit Pascha. Annuntiatur etiam, ut vidimus, *Caput*, sive Dominica *Sexagesimae*, *vigesimo die de mense Februario*, contra morem & stylum Pontificalis Romani, necnon recentiorum Mss. Ritualium, in quibus non de *Sexagesima*, sed de *Septuagesima* populus admoneatur. Equidem in supra memoratis annis incidit Dominica Sexagesimae ipso die vigesimo Februarii: ut propterea error suspicari non possit, quod pro *Septuagesima*, scriptum fuerit *Sexagesima*, excepto anno 1468. quia, ut diximus, erat bissestilis, atque adeo excipiendus.

Alium quoque Ritum hoc loco mihi proferre liceat, Vir Eruditissime, nostrae Ecclesiae Foro-Julienfis. Eodem itaque magno Epiphaniae Festo, solemnem Missam cantaturi, e Sacrario progrediuntur Sacris vestibus induti, Sacerdos cum Diacono, & Subdiacono, & aliis Ministris. Diaconus galeam in capite gestat, manu dextera gladium evaginatum gerens. Ubi perventum est ad Altare majus in medio Chori, ad quem per duodecim gradus est ascensus, deponit Diaconus insignia militiae, & incipitur Missa. Hora Evangelii ea resumit, & procedit ad paratum locum, nempe hac die ad summitatem scalae, quo commodius possit a Populo videri, & Sanctum Evangelium audiri. Haec praecipua & magis plana mihi videtur esse ratio, cur in edito loco, sive Pulpito, seu Suggestu, aut Ambone non tantum caneretur Evangelium, sed & Sermones haberentur, Lectores, Sacros Libros legerent, Fidelium nomina ex diptychis recitarentur, Festa, & caetera, quae magis populo nota fieri intererat, promulgarentur. Depositis iterum insignibus, ex oedeo canit Diaconus Evangelium tono longe solito diverso, per antiquas notulas disposito. Quo finito, formulâ supra laudatâ S. Paschae diem annuntiat: & iterum galea, & ense armatus procedit ad Altare; &, facta Celebranti reverentia, exiit; completaque Missa, resumit, ad Sacrarium cum ceteris reversurus. In alio vetusto Codice Evangeliorum per anni Festa dispositorum, quem Diaconus hac die solet deferre, sic notatum legitur: *sequens Evangelium*

dicitur

dicitur *ad Missam in die sancto Epiphaniae, tenendo ense evaginatam: cum quo Diaconus galeatus Sacerdotem concomitans, & Subdiacono concomitatus, ad Altare incedit, CUM NATUS ESSET JESUS*, &c. Hujus ritus Foro-Julien-sis Ecclesiae meminit Dominicus Macrus in suo *Hierolexico*, verbo *Evangelium*. Sed nescio an ipsi, an typographo vertendum, quod loco *Foro-Julien-sis*, scribatur *Forilivien-sis*. Qui autem librum illum Italice vertit hoc titulo, *Notizia de' Vocaboli Ecclesiastici*, correxit hunc errorem. Joseph Catalanus, de *Codice S. Evangelii* Lib. 2. cap. xx. tamquam rem scitu dignam, refert ex supracitato *Hierolexico* ritum hunc Foro-Julien-sis Ecclesiae. Sed praeter errorem loci, & alium vir doctus incaute adoptasse videtur, hoc fieri nempe ad indicium meri & mixti imperii Ecclesiae universalis, ut habetur in *Notizia &c.*, cum sit particularis Ecclesiae Foro-Julien-sis. Finita Missa, Diaconus populum dimissurus, hac utitur formula: *Ite vos, regat ille, apparens Stella duce, supra quo paterna vox, ut hodie, missa est: de qua idem Macrus, Notizia de' Vocaboli Ecclesiastici, verbo Evangelio.* Sed & aliâ simili olim utebatur in die Natalis Domini; & est, ut sequitur: *Ite benedicti & electi in viam pacis: pro vobis Mariae Filius hostia missa est: ut in eodem mox citato Evangeliaro legitur.* Peculiarem hunc ritum benedicendi populum non alibi animadvertere licuit, quam in Mediolanensi Ecclesia, ut docemur ex quodam libro impresso anno 1449. cui Titulus, *Rationale Caeremoniarum Missae Ambrosianae*, ex quo in gratiam Eruditorum nonnulla excerpfit Cl. Ludovicus Antonius Muratorius Tom. iv. *Antiquit. Italic. medii Aevi*, Dissert. 57. de Ritibus Ambrosianae Ecclesiae, pag. 839. & quae sequuntur, ex eodem libro adnotavit: *Sacerdos se volvens ad Populum, dat benedictionem, prout competit diei. Una habetur communis, videlicet: „ Benedicat vos Divina Majestas † Pater, † & Filius, † & Spiritus Sanctus. Amen, „ Sunt nonnullae aliae benedictiones, quae more Ambrosiano in usu sunt, secundum occurrentiam diei, & Missae; videlicet in Adventu Domini dicitur: „ Per Adventum Domini Nostri Jesu Christi benedicat vos Omnipotens Pater, & perducatur ad gaudia Regni Paradisi. Amen. „ In die Nativitatis Domini, ac per totam Octavam dicitur: „ Pro Nativitate Domini Nostri Jesu Christi benedicat vos „ &c. Additque eruditissimus Collector se omittere reliquas Benedictiones, monetque nunc unam tantum haberi.*

Obscuritatem non modicam nobis faciunt Notae sequentes: Prima legitur fol. 83. inter utramque columnam, ubi & notatur caput LX... (62) incipiens his verbis, *Et factum est: cum consummasset Jesus sermones* (hos) *omnes* Matth. cap. 26. 1. Legitur quidem literis grandioribus, de *Autentica III. filia*, textus autem minoribus, quae ejusdem aetatis esse videntur. Secunda Nota est fol. 89. inter utramque pariter colu-

mnam, & habet, de *Authentica* v. *filia*, ad illum versiculum 1. cap. 27. Matth. *Mane autem facto, consilium fecerunt* (omnes) *Principes Sacerdotum*. Tertia est fol. 244. in ejus summitate secus numerum cap. xxv. incipientis, *Collegerunt ergo Pontifices & Pharisei* Joann. 11. 47. ubi lego, *Parabula secunda de Authentica*. Quarta similis nota fol. 248. sic, *Parabula prima de Authentica*; illico post num. capitis xxxviii. *Hæc locutus est Jesus: & abiit, & abscondit se ab eis* Joan. 12. 36. Demum fol. 249. a tergo, in summitate columnae dexteræ, *Parabula quarta, filia de Authentica*, ad ea verba, *Ante diem autem festum Paschæ sciens Jesus* Joannis 13. 1. De hoc nomine *Authentica* non est disputandum; eo enim Hebdomada Major, sive Sancta appellabatur. Quod præcipue videre licet in Ritualibus, & Missalibus Ambrosianis, in quibus legitur *Feria 2. Feria 3. Feria 4. in Authentica*. Vir Clariss. Lud. Ant. Muratorius loco cit. publicavit Ordinem Ceremoniarum Ecclesiæ Mediolanensis, circiter annum 1130. cujusdam Beroldi Mediolanensis, in quo hanc Rubricam habemus, de *Feria quinta in Authentica*: nec alio nomine usquam in toto suo Ordine designat Hebdomadam Majorem: *Magister autem scholarum*, ait ille, *facit semper puerum suum legere primam* (Lectiōem), *quisque in sua hebdomada, excepto in AUTHENTICA, & in Resurrectione &c. = & Notarius semper canit primum Responsorium in Lectione jussu Primicerii sui in diebus Dominicis, & in Quadragesima, & Festis, excepto in prima turba Natalis Domini, & Epiphaniæ, & in Dominica de Caeco, & in QUARTA FERIA, & QUINTA FERIA DE AUTHENTICA.* „ Quid autem sibi velint hic alia verba *Parabula, Filia*, fatemur nos omnino ignorare. Quandoquidem quod verbum magis accommodatum inveniri poterat ad designandam Hebdomadam illam, in qua memoria recolitur illius Passionis, & mortis, qui indubium nostræ Fidei testimonium venit in mundum, estque authenticus liber, authenticumque originale Instrumentum totius Catholice Religionis?

Fol. 91. ad illa verba Matth. 27. 23. *At illi magis clamabant, dicentes: Crucifigatur &c.* legitur, *ad pannus Ecclesiæ lavando*. Sed *levando* potius legendum putarem, ex frequenti literarum mutatione, posita lit. *a* pro *e*. De nullo enim peculiari ritu, & quidem solemnī, mihi saltem constat, quo Ecclesiarum pannus, sive linteamina pro Altaribus, & Sacrificio deputata *lavari* consueverint. Contra vero omnes vel mediocriter in rebus Ritualibus versati sciunt, Altaria, vasa sacra, sed & parietes ipsos, & pavimenta Ecclesiarum abluī, & purificari ex præscripto solere. Non ergo de *lavando*, sed de *levando panno* ritus hic innui videtur. Etenim ex supradicto Ordine Beroldi Mediolanensis habemus, officium fuisse in Ecclesia Mediolanensi minoris Custodis, *portare pannum super Altare* in Ecclesia *Aestiva*; & Cicendelarii, *reportare* in Ecclesia *Hyemali* pannum Altaris,

& consignare Rotulario Ebdomadario in Ecclesia Hyemali. Idem habetur, ubi *Incipit Ordo Missae*. Quid autem sit *pannus*, ex eodem Ordine, sub hac Rubrica, *Qualiter Officium Quadragesimale celebretur in Ecclesia Hyemali*, agnoscimus: ait enim, *In Quadragesima Altare Hyemalis Ecclesiae debet cooperiri cortinâ illa sericinâ, in qua continentur tres Historiae, prima Abrahæ, secunda Joseph, tertia David, usque ad horam illam diei Parasceve, in qua dicit Diaconus, inclinato capite, emisit spiritum. Et super cortinam ponitur PANNUS NIGER, usque ad Ramos Palmarum: & Ostiarius ebdomadarius ponit PANNUM NIGRUM super mensam Pulpiti. In AUTHENTICA autem ponit RUBEUM. Itemque ex alia rubr. Processio ab Ecclesia S. Laurentii in Ecclesiam Hyemalem, clarius innotescit quid sit iste pannus in AUTHENTICA: ait enim, in Ecclesia Hyemali Altare cooperitur PALIO RUBEO, ablato (panno) NIGRO, qui est super cortinam = Primam, & secundam (Lectionem) in AUTHENTICA legit Notarius jussu Primicerii sui. Et primus, Responsorium cantat similiter Notarius in SECUNDA FERIA, & TERTIA jussu Primicerii. In QUARTA, & QUINTA, & in SEXTA. Additque in fine, Praetermissimus etiam, quod in hac praedicta Quadragesima Ostiarius hebdomadarius ponit PANNUM NIGRUM super mensam Pulpiti. In AUTHENTICA ponit RUBEUM.* „ Ex quibus satis manifeste apparet, perperam fuisse scriptum in Codice nostro, *lavando*: agitur enim, ut diximus, de *levando*, sive de una ad aliam Ecclesiam, de uno ad alium locum *portando*, & *reportando* panno ad cooperiendum Altare, & Pulpitum. Cumque in die Parasceve poneretur *niger*, ablato *rubeo*, quando recitabantur illa verba Evangelii de Passione Domini, & *inclinato capite emisit spiritum*, etiam in nostro Evangeliariorio idem ritus designari videtur ad illa verba, at illi magis clamabant, dicentes: *Crucifigatur*. Quae proluxiori calamo tradita sunt; cum de *Authentica* frequens mentio habeatur in Cod.

Antequam vero de Codicis Foro-Julien-sis varia fortuna differamus, ubi nempe scriptus, quando Aquilejam, quando Foro-Julium venerit; alias Notas hic subtexere placet, quae multorum Principum nomina produnt; ut per haec indicia, & eorum quaedam facta, nobis viam faciliorem & magis tutam, veritatem quaerentibus, paremus.

Non foliorum in Codice ordinem, sed temporum tenentes, nobis primo loco occurrit nomen Theodelindae Reginae fol. 107. sic, *Theodelinda R. Filia haec fuit Gribaldi Ducis Bavariae. Clara apud posteros ob strenuam navatam operam pro defensione Catholicae Religionis. Hoc praecipue testantur Epistolae Magni Gregorii ad eam datae an. 584. Primas nuptias Veronae celebravit cum Autari Langobardorum Rege, ut nos docent Dialogi ipsius Sanctiss. Pontificis.*

Autari vita functo an. 590. Theodelinda suorum Langobardorum assensu & voluntate secundum sibi delegit sponsum, & Regni successorem Agilulfum Ducem Taurinatem. Hic primus creditur hujus Gentis Catholicus Princeps, (quamquam non desint, qui eum Ariannum dicant) conjugis ipsius operâ. E vita migravit anno 615. post multa bella egregie contra Gentis suae Duces gesta; pace autem cum Forojulienfi firmatâ.

Fol. 69. a tergo, *Liutprand R.* Liurprandus Langobardorum Rex regnavit ab anno 712. usque ad annum 744. Ejus in Deum pietas, & in rebus gerendis magnitudo maxime enituit. Praecipue vero, quod anno 713. Langobardorum Leges per Rotari, & Grimoaldum Reges datas ipse sapienter auxit; quae possunt legi apud Cl. Muratorium Tom. 1. Part. 11. Rerum Italicarum: cujus propterea praecleara facinora, Langobardorum Nationi magnum apud caeteras Gentes nomen, & gloriam conciliarunt.

Eodem loco praecedit nomen Liutprandi, *Ratchis Rex*. Pemmoni Patri suo successor datus fuit in Ducatu Forojulienfi anno 731. ab ipso Liutprando, qui Pemmonem Ducatu spoliavit ob sacrilegum facinus contra Patriarcham Aquilejensem, qui Forojulium se receperat, molitum. Ratchisius jam Regno potitus, dum anno 749. totus erat in obsidione Perusiae, hortatu Zacchariae Pontificis rerum caelestium amore captus, prius ad ejusdem Pontificis pedes provolutus unâ cum uxore Tisia, & Filia Rattruda, mox Regalibus exutus indumentis, habitum monasticum induit. Hae, in quodam monasterio non longe a monte Cassino ab ipsis erecto; Ratchisius vero, in ipso monte Cassino, ubi sanctissime vixit, & mortuus est.

Fol. 89. legitur, *Aistulfus Rex Ner.* Frater is fuit Ratchisii, & in Regno successor anno 749. Quod porro totius Italiae imperium animo versaverit, & habere tentaverit, apud posteros celebratur. Pipinus, qui Galliis dominabatur, a Stephano II. Papa vocatus, Romam ab Aistulfo obsessam liberavit; nec non & alias urbes ab eo injusto bello captas recuperavit, quarum liberam, & solemnem Ecclesiae Romanae donationem fecit.

Folium 102. a tergo quatuor Principum nominibus ornatur: *Anselmus Dux, Giseltruda soror, Petrus Dux, Ursus Dux*. Anselmus Dux Forojulienfis successit Ratchisio anno 744. quo is ad Regnum evectus est. Ejus etiam exemplum imitatus, terreni Regni spreto fallacibus divitiis, & quaerens caelestes, anno 749. monachum induit cucullum, in loco, qui dicitur Fanano, territorii Mutinensis. Anno 752. celebre fundavit Monasterium Nonantulae, quod cum per quinquaginta annos sanctissime gubernasset, ad Caelum migravit anno 804. in Sanctorum album relatus. Giseltruda ejus soror Aistulfo Regi nupsit. Anselmus in Ducatu Forojulienfi Petrum successorem habuit,

buit, cujus frater erat Ursus Dux Cenetensis. Hujus nobilis memoria exstat in Ecclesia Forojulensi, parva scilicet Tabella, sive Diptychum ex ebore vulgo *Pace*. Quo nomine etiam antiquitus hae Tabellae vocabantur. Concilium Auxoniense celebratum anno 1287. habet, *asser ad pacem*. Et apud Martonense anno 1300. *tabula pacis* dicitur. Communicatio pacis inter primos fideles, a viris separatim mulieribus, dabatur mutuo oris osculo; in osculo sancto salutantes se invicem, quandocunque simul, sive ad orationem, sive ad synaxim, sive ad alia pietatis officia conveniebant, ut nos docet Apostolus. Sed, quoddam hominum ingenia ad malum prona fierent, in pacis, & veri amoris symbolum subrogatae fuerunt sacrae imagines, (quae osculandae etiam hodie porriguntur) plerumque Domini nostri Jesu Christi crucifixi, qui est vera pax, & in cujus osculo debemus semper vivere, & mori. Jam pene obsoleverat etiam haec mutuae inter Fideles caritatis tessera; cum Sanctus Philippus Pater noster, qui totus in eo fuit, ut Apostolicae, atque primaevae aetatis officia, aut collapsa repararet, aut nutantia sustineret, (uti orationem quotidianam, verbi Dei praedicationem, atque perseverantiam in fractione panis Christi) hunc piissimum usum restituit. Itaque in Forojulensi Tabella visitur sculpta Jesu Christi in Cruce morientis imago. A dextero latere, Mater Virgo Maria; a sinistro, Sanctus Joannes dilectus discipulus stantes cernuntur. Supra caput Virginis, legitur *M. EN. FIL. TUUS. Mulier, en Filius tuus*. Supra illud Apostoli, *A P. ECCE. M. TUA. Apostole, ecce Mater tua*. Et per duo Crucis brachia, *URSUS DUX FIERI PCEP*. *Ursus Dux fieri praecepit*. A dextero, & a sinistro latere supra duos Crucis angulos conspiciuntur duae figurae circulari inclusae, nempe *Sol*, & *Luna*, in humano vultu, ad quarum latus, sive manus, faces accensae sunt. De his symbolis in Diptychis ebore dolutis copiose, & erudite disseruit Clariss. Vir Philippus Buonarroti in Opere satis noto, cui titulum fecit, *Osservazioni sopra alcuni frammenti di vasi antichi di vetro*: ad cujus libri calcem tria ex ebore diptycha illustrans, & Forojulensem hanc nostram Tabellam in exemplum adducit.

Fol. 30. legitur *Domine, miserere famulo tuo Orso Diacono. Domine, miserere servo tuo Joanni Clerico, & Rotkecaudo Duci*. Rotgaudus Ducatum Forojulensem accepit regendum anno 774. quo Carolus M. victo Desiderio Rege, Italiam a Langobardorum servitute liberavit. Eorum Duces se omnes victori Carolo dederunt, inter quos & Rotgaudus noster, qui Ducatus confirmationem obtinuit. Sed, cum post biennium a Carolo defecisset cum suis, occiditur: qua de causa Forumjulium tunc venerat Imperator.

Fol. 3. a tergo, *Lodobicus Imp. Ingelberga Regina*. Hic non alius est; quam Ludovicus II. Lotharii filius, qui anno 850. uxorem duxit Ingelbergam,

bergam, aliis *Angilbergam*, & *Engilbergam*, quo anno, vel etiam praecedenti 849. coronatus fuerat Imperator, uti Rex Italiae jam ab anno 844. = Signum †, quod praemittitur ejus nomini, indicare videtur scriptum fuisse statim post ejus mortem, quae accidit anno 875. Ingelberga defuncto marito ingressa est monasterium Sanctae Juliae Erixiae. Ad eam literas dedit Joannes VIII. Papa, quas, post Baronium Tom. x. ad annum 377., recitat Angelica Baitelli in *Annalibus Historicis* Regii Monasterii Sanctae Juliae. Carolus, qui Ludovico successerat, cum exilio Ingelbergam multasset, atque in *Alemanniam* traduxisset, per *Ludoardum Vercellensem Episcopum* Joanni Papae, sicut petierat, Romam remisit, ut habent Annales Francorum Sancti Bertini ad annum 881.

Fol. 4. Gracci Principes occurrunt *Joannes Imperator*, & *uxor ejus Tecla*. Non alius is mihi videtur, quam Joannes Tzimiscies creatus Orientis Imperator anno 968. Multis victoriis enituit, sed inter caeteras memorabilis fuit, quam anno 971. de Russis retulit; ex quorum manibus recepit Persthlavam Urbem Metropolim Bulgariae, & spoliis onustus Constantinopolim solemniter triumpho est ingressus. Scriptores, uxorem ejus Theodoram vocant, filiam Constantini VII. Carolus Ducangius in sua *Historia Bizantina* alteram sive secundam memorat, nomine Mariam, ex familia Seleri. Aut igitur tertia uxor danda illi est, nomine *Thecla*, ut in nostro Codice; aut pro *Techla*, legendum *Theodora*. Apud laudatum Ducangium duas tantum Techlas mihi invenire licuit. Una uxor fuit Imperatoris Michaelis Balbi, qui obiit anno 839. altera filia Theophili, quae post sponsalia cum Ludovico II. Imperatore inita, in Monasterium se recepit.

Fol. 3. a tergo sic lego: in primis Rex illorum (Bulgarorum) *Geor*. Duo hoc nomine Bulgarorum Reges apud Du-Fresne reperiuntur in supra laudata Historia Bizantina, *Dissert. vi.* Primus in ordine est numero XLII. Is regnabat temporibus Nicolai Papae IV. cujus supersunt Epistolae ad Helenam Serviae Reginam, datae anno 1291. ut Regem Bulgarorum induceret ad Catholicam fidem amplexandam. Secundus Georgius est in serie Regum num. XLV. & vivebat post annum 1323. Horum fortasse nullus ad Codicem nostrum spectat. Verum supplenda series horum Regum videtur, quam adornavit Eruditissimus Du-Cangius loc. cit. *Tractat. de Familiis Dalmaticis; &c. Dissert. vi.* *Series historica, & Genealogica Regum Bulgariae*, pag. 239. Tertius, inquam, adendum Rex Georgius, locusque ei dandus inter Baldimirum, cujus Regni initium ignorat Auctor, & Bogorim; proptereaue hujus Georgii tempus statuendum circa initium Saeculi noni.

Ad Occidentales Principes revertimur. Fol. 12. legitur: *Domno Karolo Imperatore. Domno Liutzwardo Episcopo*. Ut autem sciamus, cujusnam Caroli hic mentio fiat, prius quaerendum puto, quis sit iste Liutzwardus Episcopus. Cum enim simul juncta eorum nomina habeantur,

unaque characteris forma sit, etiam uno eodemque tempore scripta fuisse pro certo habeo. Sed & eodem tempore vixisse, & quadam rerum gestarum necessitudine conjunctos suspicari possumus. In Italia Sacra Ferdinandi Ughelli inter Episcopos Ticinenses unum invenio nomine *Luitardum*, sive *Lintardum*, & *Luitprandum*, qui vivebat anno 830. obiitque anno 864. Inter Vercellenses vero reperitur *Luiduardus*, sive *Luthuardus*, aliis etiam *Trussardus*, & *Ludmarus*, Archicancellarius Caroli Crassi Imperatoris. Vitam agebat Luituardus Episcopus Vercellensis anno 880. quo anno ei scripsit epistolam Joannes VIII. Papa, quae etiam inter Decretales recensetur; quique creditur vitam produxisse usque ad annum 901. De eo haec habet laudatus Ughellus in Praefatione ad Episcopos ejusdem Ecclesiae: *Erant enim, inquit, Vercellenses Episcopi Regni Italiae Archicancellarii, antequam a Gregorio V. Pontifice in Romani Imperii ordinatione Colonienfibus Archiepiscopis id munus demandaretur. Primum omnium Luiduardus Vercellensis Episcopus a Carolo II. Imperatore Archicancellarius factus est anno Domini 890. eoque tum munere reliqui deinceps Vercellenses Episcopi diu perfuncti. Hic Luiduardus, ipse est, qui in Germaniam traduxit Ingelbergam uxorem Ludovici II. (de quo supra vidimus ex Annalibus Bertinianis, cum de Ingelberga nobis sermo esset) quique a Doctissimo Mabillonio in sua Diplomatica pag. 120. vocatur Lintwardus; ubi lectorem admonet, Carolum Crassum duos habuisse Cancellarios, Lintwardum scilicet Episcopum Vercellensem, & Liutpertum Episcopum Moguntiacensem. Apud Muratorium in Antiquitatibus Italicis medii Aevi tria extant diplomata, in quibus fit mentio hujus Episcopi Vercellensis. Primum spectat ad annum 883. in quo Carolus Crassus Joanni Presbytero confert Curtem Mauriaticam, cum Ecclesia (Veronenf) Sanctorum Firmi, & Rustici. Huic autem subscribit, *Liufredus Notarius ad vicem Lintwardi Archicancellarii*, Tom. II. Dissert. XIX. pag. 47. Alterum est diploma Ludovici III. qui anno 901. ad Episcopi preces Herrado Vasso dono dedit Curtem quamdam cum Capella: *quoniam, inquit, Leotoardus Venerabilis Episcopus, dilectusque Archicancellarius noster, nostram adiens excellentiam, enixius postulavit &c.* ibid. Tandem Tom. III. diss. XXXIV. pag. 317. Otto Imperator hujus nominis tertius anno 999. confirmat Leoni Episcopo iura, & bona omnia Vercellensis Ecclesiae, & maxime, quae Carolus Imp. Lintvardo Episcopo aut dedit, aut reddidit. Itemque Clariss. Mabillonius nonnulla profert documenta cum subscriptione *Liutvvardi Episcopi, & Cancellarii*. Et inter eorumdem diplomatum Notarios, quidam nomine *Salomon* invenitur. Quod addo, eo quia in nostro Codice paulo post nomina Caroli, & Liutzuardi, legitur *Salomon Diaconus*. Supra laudatus Ughellus etiam inter Episcopos Comenses recenset *Luitardum*, qui electus fuit anno 891. factusque, ut subdit, *Imperii Cancellarius a Ludovico IV. a quo cum suis Successoribus donatus est Abbatia**

batia de Incoronata prope flumen Abduam. Noster Bernardus Maria de Rubeis supra citato loco *Monum. Aquil.* cap. I. num. VII. Epistolam refert cujusdam Romani Pontificis ad Valpertum Patriarcham Aquilejensem, monentis, ne ultra debeat differre consecrationem Lutwardi electi in Episcopum Comensem. Prostat haec sub nomine Stephani in Decreto Ivonis, Part. V. cap. 13. Sed vir doctus evincit ad neminem hujus nominis Pontificem spectare posse; atque Ughellum emendat, qui Luitwardum dat successorem Agilberto anno 891. cum dumtaxat anno 901. Heilberto successerit. Quare cum hoc anno nullus Stephanus, sed Benedictus IV. Christianam moderaretur Ecclesiam, recte concludit, Epistolam a Benedicto datam esse ad Valpertum, non autem a Stephano. Carolus II. sive Carolus Crassus Filius Ludovici II. coronatur Rex Italiae anno 879. & Imperator anno 880. a Joanne Papa VIII.

Fol. 163. lego, *Teudmari Pontificis.* Theutimarus electus est Patriarcha Aquilejensis anno 850. Hoc anno Synodus coacta fuit in Urbe Regia Ticino ab Imperatore Ludovico II. cui interfuit una cum Theutimaro Patriarcha. Sed & anno 855. in eadem Urbe alteri Concilio ambo interfuere: post cujus celebrationem Imperator confirmavit eidem Patriarchae jus Metropoliticum in Gradum Insulam, & in alias partes Istriae, retroactis temporibus acerrime a Theutimari Defensoribus propugnatum. Doctissimus Pater Labbe Concil. Tom. VIII. de hoc Concilio agens, Patriarcham Aquilejensem, qui ei interfuit, *Andream* vocat; sed perperam: nam is fuit Theutimarus. De his videndus P. de Rubeis loc. cit. cap. XII. Patriarchalem Sedem tenuit Theutimarus per quinque circiter annos.

Fol. 11. (5) *Domenico Episcopo.* Inter Aquilejenses quaerendus sane esset. Verum horum primus, qui se hoc nomine offert, est Dominicus Grimanus anno 1498. Scriptura nullatenus hanc aetatem nimis recentem praefert. Nec nomen *Episcopi* convenit Aquilejensibus, aut Gradenfibus, quorum etiam tres Dominici reperiuntur, unus post alium, circa medium Saeculi XI. qui multis retro Saeculis Patriarchali titulo fuerunt ornati. Inter viciniore itaque, occurrunt in Italia Sac. Ughell. Tom. V. numero septem Dominici Episcopi Olivolenses, quorum seriem exceperit illa Patriarcharum Venetorum, omnes ab anno 866. usque ad annum 1074. Nec ulla tamen peculiaris ratio nos movet, ut horum unum potius, quam alium Codici nostro tribuamus.

Fol. 179. *Artuin. Episc.* Inter plures hujus nominis Episcopos apud Ughellum, qui ab initio Saeculi XI. usque ad finem XIII. vixerunt, seligendus videtur Artuinus Episcopus Placentinus anno 1122. antea Monachus, & Abbas Sancti Sabini. Vivebat temporibus Sancti Bernardi Claravallensis, qui ejus opera adjutus fundavit insigne Monasterium

rium Sanctae Mariae de Columba situm in eodem territorio Placentino; quod a suo Monasterio etiam Claravallense nuncupatum voluit, & anno 1135. Cisterciensibus suis Monachis addixit. Obiit Arduinus anno 1147.

Fol. 3. post hanc notulam *werinolfus Ab.* de quo infra, longior alia se offert in hunc modum. *Hic sunt nomina de Bulgaria. In primis Rex illorum Georg. & frater ejus Dox, & alius frater ejus Gabriel. Mihabel, & uxor ejus Maria, & filius ejus Rasate, & alius Gabriel, & tercius filius Simeon, & quartus filius Jacob, & filia ejus Dei Ancella, Praxi ... & alia filia ejus Anna, Zergobula f.... & paulo infra, Antonius Dei Servus.* De Georgio Bulgarorum Rege jam supra vidimus: cujus familiae nomina hic videntur texti omnium, ut puto, tunc adhuc superstitum. *Antonius* porro ille *Dei Servus*, Monasticum Institutum forte profitebatur.

Fol. 4. alia praefert illius Gentis nomina: *Wilelm. Strem. & pater ejus Johannes, & mater ejus Maria ... de Bulgaria. Qui primus venit in isto Monasterio, nomen ejus Sondoke, & uxor ejus Anna, & filius ejus Mihabel, & alius filius ejus Weleoneo, & filia ejus Bogomilla, & alia K... alia, & tertia Maria, & quarta Helena, & quinta Maria, & alia: uxor ejus Sogefclava, & alius Homobonus. Petrus, & uxor ... & Georgius, Petrus, & uxor ejus Sofia, & paulo inferius literis majoribus, Johannes Imperator, & uxor ejus Tecla, de quibus supra pro temporum ordine monuimus. Ex hac interim memoria certo certius colligimus, Evangeliarium Codicem hunc Forojulensem ad aliquod Monasterium jam olim pertinuisse ex illis conceptis verbis, qui primus venit in isto Monasterio. Is videtur Sondoke, cum caeteris filiis ejus, qui in hoc Diptychum sunt omnes relati. Verum non discedendum a Provincia nostra Forojulensi videtur, in qua plura fuisse constat, eaque insignia Monasteria. Duobus interim viis incedendum puto. Quarum unam aperire nobis posset *werinolfus Abbas* notatus fol. 3. alteram nomina Bulgarorum, qui in istud Monasterium commigrarunt.*

Credibile itaque est, *werinolfum* Abbatem praefuisse illi Monasterio, in quo Codex noster servabatur, quo tempore iidem Bulgari illic venerunt. Quis autem is fuerit, nullibi invenire potuimus. Nulla enim Abbatum Monasteriorum Provinciae Forojulensis series fuit hactenus concinnata, (si tamen Monasterium, de quo quaerimus, in hac Provincia fuit, & non potius in Mediolanensi) nec, quae vidimus, vetusta monumenta nobis illum produnt.

Alia itaque via tentanda est, ut, si fieri possit, discamus ex quo Monasterio prodierit Codex noster; & quam *werinolfus Abbas* non valuit nobis aperire, videndum an Bulgari, quorum multa nomina in Codice legimus, nobis commonstrent. In Historia Ecclesiastica memorabilis est Bulgarorum ad Catholicam fidem conversio, quae

accidit anno 861. sub Pontificatu Nicolai I. Regē eorum Pagano *Bogori*, ad Christum autem converso *Michaelē*; ad quem celebrem Legationem misit Nicolaus anno 866. Provincia haec nostra Forojulienſis patuit barbaris Nationibus, & janua quaedam fuit, qua primum diſrupta, ad vaſtandum florentiſſimum Italiae Regnum irruerunt: quorum inſoſeliciū temporum Epochas ſatius eſt ſilentio praeterire, quam inſandum dicendo renovare dolorem. De Bulgaris vero, ut aliqua delibemus, hi prima vice ingreſſi ſunt in Italiam cum Langobardis anno 568. Duce illorum Alboino Rege, pluribus ac immaniſſimis aliis Populis ſociato, ut noſter Paulus Diaconus ſcribit, Lib. 2. cap. 7. *de Geſt. Langob.* Sedes ſuas poſuerunt Bulgari ad Occidentalem partem Ditionis Mediolanenſis, uti obſervavit doctiſſimus Ludovicus Antonius Muratorius, *Antiq. Ital. med. Aevi* Tom. 1. Diſſ. 1. *de Exter. Gentib.* auctoritate fretus ipſius Pauli, qui loc. cit. cap. 26. eam Mediolanenſem oram hoc designat nomine *Ducatus*, ſive *Comitatus Bulgariae*, deducto a Bulgaris nominis ethymo; quod & aliis exemplis Vir eruditiffimus confirmat. Jamque per aliquot antea annos proximis Regionibus auditum erat nomen Bulgarorum; & ſub finem quinti Saeculi anno 489. in inferiori Meſia, & proximo Illyrico a Theodorico Rege non una vice praelio victi ſunt. Sed ex eodem Paulo Diacono Lib. 5. cap. 29. didicimus, a Bulgaris circa medium Saeculum ſeptimum ſub Imperatore Conſtante ſeptem Slavorum generationes fuiſſe tubactas; a quibus proximi hi noſtri Slavi originem duxerunt. Bulgari etiam Langobardos, quondam ſocios & amicos ſuos, praelio vicerunt, occiſo eorum Rege Agilmundo. Iterum a Lamiffio Agilmundi ſucceſſore victi ipſi, fugatique ſunt, Tandem regnante Grimoaldo circa haec tempora iterum Italiam ingrediuntur, nullo ſibi obſiſtente.

Vides, Vir doctiſſime, nullam horum temporum epocham, quae Bulgarorum in Italiam, ſeu conterminas Provincias adventum prodiit, iis, quae de Natione hac in noſtro Codice notantur, poſſe accommodari; ſiquidem ſub alterutro eorum Rege Georgio, decimotertio Saeculo jam inclinante, ejus, & aliorum ſuae Gentis nomina in Codice relata fuerunt: quae ſane nobis Chriſtianos pariter produnt, quaeque frequenter legere licet apud Ducangium in Serie Regum illius Nationis; praecipue autem in Joanne Aſan, qui diem obiit anno 1241. cuique in Regno ſucceſſit Georgius Terter ex familia Seſlerum.

Blanchine mi amantiſſime, liceat mihi te hic interpellare cum Menalca Virgiliano: dic igitur, *dic quibus in terris, inſcripti nomina Regum naſcantur flores?* Et eris, ſatius dicam cum alio paſtore Dometta, & eris mihi magnus Apollo. Dic, inquam, quibus in Tabulariis, & Bibliothecis inveniantur pretioſiſſimi Codices, tot Regum, & Principum

cipum nominibus inscripti? Interim, qua es erga omnes singulari benevolentia praeditus, patienter sustine etiam extremam hanc Epistolae meae partem; quae, etsi justos fines excessit, scias, tibi quoque certo persuadeas velim, quod officii atque observantiae erga te meae declararem, modum, atque magnitudinem, usque adeo excessisse. Quapropter quid de varia Foro-Julien-sis Evangeliorum Codicis fortuna sentiam, breviter, atque libere dicam.

Quantum ergo fieri potest, insistamus nostrae Foro-Julien-sis Provinciae, nec ab ea discedamus, nisi coacti, & invitati. Adhuc ergo nonnulla in Foro-Julio exstant Monasteria Monachorum, quamvis singula Romanis Pontificibus, ut dicitur, commendata. Sed plura olim fuisse, vel in ipsa Urbe Aquilejensi condita, cum primum in Occidente Monachorum Regula est inventa, Sanctus Hieronymus indubium facit testimonium in suis Epistolis: testaturque se iter Aquilejam suscepisse hac sola ductus religione, & pietate, ut Monachos amicos suos inviseret, ac salutaret. Rufinus etiam noster de se ipso proficitur, se adhuc Cathecumenum juxta illorum temporum consuetudinem Aquilejae in uno Monasterio degisse, in quo Monachus effectus est. De iis erudite suo more disserit P. Bernardus M. de Rubeis in saepe laudato Opere, cap. 8. ubi agit de Patriarchatu S. Valeriani, qui ad finem Saeculi quarti Monasticum Institutum plurimum excoluit, atque propagavit. Inter alia, non longe ab ipsa Urbe Aquileja, celebre quondam Monasterium fuisse perhibetur Sancti Joannis in Carso prope Timavum flumen, quod tamen non ultra Saeculum VII. extitisse credidit, ex antiquo lapide inibi reperto, D. Basilii Asquini Clerici Regularis S. Pauli, in quodam Libello: *Ragguglio Geografico del Territorio di Monfalcone*. Volricus quoque Patriarcha, qui ab anno 1085. usque ad annum circiter 1121. Sedem tenuit, in quodam documento a Clar. de Rubeis edito, Ecclesiam S. Joannis de Timavo, *nominatissimum quondam Monasterium* vocat. Exstabat autem adhuc sub finem XIII. Saeculi, quo vivebat Georgius I. Bulgarorum Rex, aliud Monasterium, nunc extra muros Aquilejae nuncupatum S. Martini *della Belligna*, cui illud Sancti Joannis de Carso unitum fuerat, ut ex alio documento Patriarchae Volrici manifeste apparet, quamvis de tempore non constet. Illud tandem S. Martini, per Nicolaum V. Summum Pontificem, anno 1453. Metropolitanæ Ecclesiae & Capitulo Aquilejensi perpetuo adjicitur. Ad hoc Monasterium si Evangeliarum Codex aliquando pertinuit, non simul tamen cum toto Monasterio ad Capitulum Metropolitanum potuisse devenire patet ex ipsa memorata unione, quae accidit postquam Codex jam in potestatem devenerat Venerabilium Canoniorum Foro-Julien-sium.

Verum conjecturas, quibus huc usque certavimus, ne de Patria

nostra Codicem, quem prae manibus habemus, ullo unquam tempore removeremus, nullas adhuc video, quae gravissimis difficultatibus obsitae non sint. Quare, ut ingenue fateamur, eam sententiam libenter amplectimur, quae omnium prima nobis in mentem venit, nimirum Codicem Forojuliensem scriptum fuisse in Ticino Civitate, sive ejus Territorio. Me movent imprimis quatuor illi Langobardorum Reges in marginibus signati, qui in illa Urbe suam Sedem habuerunt. Praeterea mecum ipse reputabam, Theutimarum Patriarcham Aquilejensem anno 855, (qui semel, atque iterum Synodali conventui in eadem Urbe interfuit) hunc sacrum Evangeliorum Codicem, dono, aut alio jure acceptum, ad Ecclesiam suam deferre potuisse. Et sane, uti animadvertimus, cum nullius praeterea Aquilejensis Episcopi, praeter Theutimari, nomen in Codice referatur, suspicionem non modicam nobis ingerit, rationem peculiarem esse, cur Patriarchae illius mentio habeatur. Adde, si placet, & aliam, ut mihi quidem videtur, non aspernandam conjecturam. Adde, inquam, notas illas quinquies signatas de Hebdomada Sancta sive Majori, ex ritu praecipue Ambrosiano *Authentica* nuncupata, aliosque ejusdem Ecclesiae ritus supra a nobis notatos; ut vel ex hac sola conjectura, Codicem Forojuliensem in Provincia Mediolanensi scriptum fuisse exploratissimum videri possit. Ritus enim ille a S. Ambrosio inventus, si credimus Walafrido Straboni, *de Rebus Ecclesiasticis cap. 22. pag. 406.* non in sola Ecclesia Mediolanensi, sed & per totam Liguriam in mores fuit inductus: *Ambrosius*, inquit Walafridus, *Mediolanensis Episcopus, tam Missae, quam caeterorum dispositionem Officiorum suae Ecclesiae, & aliis Liguribus ordinavit, quae & usque hodie in Mediolanensi tenetur Ecclesia.*

Sed quod, ni fallor, non leve suspicioni nostrae pondus addit, illud est, quod labente Saeculo VIII. nec in urbe Aquileja, aut apud ejus Patriarchas, nec forte in tota Forojuliensi Provincia hic liber exsisterit. Sanctus Paulinus, qui hanc Sedem tenuit ab anno 776. usque ad annum 802. ad refellendam pervicaciam, atque errores Felicis Urgellitani, in explicatione cujusdam loci S. Matthaei, videlicet cap. 24. v. 36. ubi loquens Christus Jesus de extremo die Judicii, inquit: *De die autem illo, & hora nemo scit, neque Angeli Caelorum, neque Filius: Sanctus*, inquam, Paulinus Lib. III. cap. 2. antiquorum Codicum fidem expostulans, qui in scrinio suae Ecclesiae servabantur, haec habet: *sed quoniam in antiquariis Evangeliorum authenticis, quae PENES NOS, & in SCRINIO SANCTAE NOSTRAE retinentur ECCLESIAE, FILII vocabulum in eodem Evangelii loco insertum minime valuit reperiri, & Viri Inlustissimi, Beatus scilicet Hieronymus, (in cap. 24. Matth.) atque Ambrosius (Lib. 3. de Fid. cap. 16.) satis in sacro peritissimi eloquio, adfirmant ambo con-*
sona

sona voce, lectis sane ab eis priscis Graecorum Codicibus, in eadem Evangelii folia FILII nomen non fuisse inspectum: unde & ex eo credibile potest videri, longe a vero, & ex superfluo additum. Quoniam, si ab Evangelista celebri fuisset calamo promulgatum, nequaquam post Angelos, FILII positum nomen specularetur, quemadmodum in quibusdam RECENTIORIBUS inspicitur voluminibus exaratum: DE DIE AUTEM ILLO, ET HORA NEMO SCIT, NEQUE ANGELI, NEQUE FILIUS. „ Num S. Patriarcha, si & hunc nostrum Codicem, qui in illo Matthaei commate vocabulum FILII habet, penes se habuisset, & consuluisset, cum *recentioribus* numerasset? Vel cum latere potuit, si in ejus Ecclesia, aut Dioecesi tantae antiquitatis Evangeliarium tunc exstitisset? Nec mirum videri debet, in Codice nostro aliter legi, ac in exemplaribus a Sancto Hieronymo tanto studio, & labore emendatis, ut videre est apud doctissimum Operum Sancti Patris nuperum collectorem Dominicum Vellarfi. Stat tamen pro lectione nostra auctoritas Origenis, apud quem legitur locus ille Matthaei cum hoc additamento, *neque Filius*; uti notavit Vir Cl. Franciscus Madrisius Oratorii Utinensis Presbyter, qui primus multo studio & eruditione Opera Sancti Patriarchae in unum volumen collecta vulgavit. Sed quidquid sit de genuina illius Matthaei textus lectione, nihil tamen favet errori Felicis Urgellitani, ut Sacri Interpretes optime advertunt, & tu aequè nosti, eruditissime Blanche.

Hinc, si quid in re tam remota, atque tenebris involuta, quod vero proximius est, afferri potest, hoc esse censeo. Quo tempore in Regia urbe Ticino duo Synodales conventus sunt habiti, anno scilicet 850. & 855. nominibus Ludovici II. Imperatoris, Liutuardi Episcopi Ticinensis (ni potius Vercellensis is fuit) necnon & Theutimari Patriarchae Aquilejensis, qui omnes interfuerunt, Codex Forojulienfis fuit ornatus & auctus. Item quatuor Reges, qui in eadem urbe Ticino morari solebant, Teodelinda, Luitprandus, qui speciali nota Rex *noster* nuncupatur, Ratchisius, & Aistulfus, dum Codex ibidem custodiebatur, in eo descripti fuerunt. Caetera vero, quae leguntur, Principum, & Episcoporum nomina, postquam Theutimarus ex Ticino Aquilejam Codicem transtulit, verisimilius puto recensita esse. Haec sunt, inter Principes, Joannes Imperator Constantinopolitanus, cum uxore sua Tecla, Georgius Rex Bulgarorum, Carolus II. Imperator; & inter Antistites, Dominicus Olivolenfis, sive alterius Sedis, & Artuinus Placentinus, qui omnes vixerunt post Theutimarum, nempe translato jam Codice Ticino Aquilejam. Quod si certa ratio a nobis petatur, cur horum nomina descripta inveniuntur in hoc Evangeliariorum Diptycho, nullam equidem tam apertam, atque manifestam nobis praesto esse ingenue fatemur. Verum, si con-

si conjecturis locus detur, rem ita constituo. Joannes Tzmisces de Bulgarorum Gente benemereri coepit, cum de Russis, quorum Dominationi subiecta fuerat, triumphavit. Regnante vero eorum Rege Georgio, cum ipse, tum Joannis Imperatoris, & caeterorum Bulgarorum nominibus Codex fuit refertus; cum jam esset in Monasterio Sancti Martini, seu Bellinensi, ubi custodiendum forte tradiderat Theutimarum. Qua autem occasione Bulgari in hoc Monasterium sub finem Saeculi XIII. regnante Georgio I. eorum Rege concesserint, cum penitus ignoremus, potius crederem, horum nomina fuisse scripta antequam ad nostras oras Codex perveniret, regnante alio hujus nominis Rege Georgio adhuc ignoto, ut supra innuimus, in ditione scilicet Mediolanensi, ubi & scriptum illum fuisse satis valido argumento (ni nos ipsos fallimus) demonstravimus. Joannes autem Tzmisces non erit is, qui notatur in Codice, cum ad finem X. Saeculi viveret. Proptereaque alius quaerendus est Joannes Imperator ante medietatem Saeculi IX. quo tempore supponimus librum hunc e Ticino translatum. Certum tamen est Codicem hunc, si ad Bellinense Coenobium aliquando spectavit, in Capituli Aquilejensis potestatem pervenisse antequam Eugenius IV. Monasterium illud Capitulo adnecteret. Caroli Imperatoris nomen nil mirum videri debet in Evangeluario esse descriptum, cum hi Principes haec loca tunc suo regerent imperio. Quod si hic est Carolus Magnus, ut placet Cl. Fontanino in supra citato Libello *Delle Masnade*, peculiaries equidem gravesque rationes inveniuntur, cur Magni Imperatoris nomen de tota Ecclesia, & de Aquilejensi, ut omnibus notissimum est, valde promeriti, hic recenseatur. Inter quas praeferrenda sane omnibus, & quae una satis esse posset, est ratio jurium & honorum, quibus Ecclesiam Aquilejensem largissime cumulavit; necnon testamentariae ejus Tabulae ab Eginardo in ejus vita relatae, confectaeque anno DCCCXI. quibus thesauros suos XXI. Metropolitanis Civitatibus, inter quas *Forum Julii* numeratur, pietate ac liberalitate summa jussit elargiri. Dominicus tandem Olivolensis, & Artuinus Placentinus Episcopi, ille ex vicinitate suae Ecclesiae cum Aquilejensi potuit aliqua ratione de hac benemereri; hic vero cum antea fuerit Monachus, nil mirum, si existente nostro Evangeluario in Monasterio S. Martini Bellinensi, aut in alio hujus Provinciae, locum hic invenerit. Quid enim tam notum eruditis, quam benefactorum nomina post eorum obitum in sacris Diptychis referri consuevisse? Concilium Tullense Tom. x. edit. Venet. apud Saponarias celebratum anno 859. can. 13. statuit, ut *post vocationem (seu mortem) cujuslibet eorum*, scilicet qui ad hoc universale totius paene Gallicanae Eccl. Concilium convenerant, *in Sedibus Episcopalibus, septem Missae, totidemque Vigiliae* (idest *Officium mortuorum*, ut in margine notat Alex. Nat. Tom. 5. Hist. Eccl.) *Domino persolvantur: a Presbyteris autem*

Mana-

Monasteriorum, sive Villarum tres Missae, totidemque Vigiliae dependantur. Exitus autem uniuscujusque, vicissim piis currentibus literis innoscitur.

Erunt fortasse, qui urgeant Forojuliensium Ducum nomina, quae scripta sunt in Codice nostro: omnes autem vixisse, dum Codex ipse Papiæ (ut nos credimus) exstabat adhuc. Verum praeterquamquod recenseri potuere Duces isti post eorum obitum, (nam, ut diximus, solemne fuit referri in sacris Diptychis mortuorum nomina, ut cum pro vivis, tum pro Defunctis oratio fieret a Populo; cum hoc Evangeliorum libro uterentur in Ecclesia ad solemniter canendum Evangelium, ut manifestum sit ex Evangeliiis Dominicarum per anni circulum ad marginem notatis) jam & ex aliis Diptychis, & ex uno in alium Codicem potuerunt transcribi Benefactores jampridem vita functi. Equidem & scriptura, quae unius ejusdemque manus mihi apparet, eorumque nomina, uno eodemque folio simul descripta, omnem prorsus dubitationem tollere videntur. At concedamus scriptum fuisse Codicem nostrum in hac Forojulienſi Provincia, nec ab ea ullo unquam tempore peregrinatum; quid cum Forojulienſibus Luitardus Vercellensis, sive Ticinensis? Cur verò plurium Ducum nostrorum nomina silentur, qui in Forojulio Sedem habuerunt, suisque largitionibus de Patria multum meriti sunt? Cur tandem nullus Patriarcha legitur, praeter unum Theutimarum?

Inquirendum superest, quo tempore ex Aquileja liber iste Evangeliorum fuerit in Urbem Forojuliensem translatus. Praestaret hoc loco Forojuliensis Provinciae statum describere initio Saeculi XV. quo tempore propter exortas civiles discordias, & externa bella tota Regio rapinis, incendiis, caedibusque dilaniata fuit. Quam malorum lumen, schisma in Ecclesia Aquilejensi exortum invexit. Initio enim anni 1402. Bonifacius IX. Summus Pontifex Antonium de Portuuario Aquilejensem Patriarcham dixit. Anno 1408. Gregorius XII. Antonium Patriarchali Sede privavit, anno sequenti ei suffecto Antonio de Ponte. Hinc orta animorum, partiumque studia, hinc humana, & divina conculcata, Summo Pontifici obtemperantibus Forojulienſibus, sive Civitatenſibus, cum aliis plurimis Provinciae Dynastiis, obedientiam vero negantibus Utinenſibus, pluribus aliis sociatis. Sed & universalis Ecclesia tunc temporis diro schismate scindebatur. Cui malo ut remedium adhiberetur, anno 1409. a Cardinalibus Pisis Concilium coactum fuit. Sed Gregorius, aliud, cui ipse praesideret, indixit, locumque elegit *Civitatem Austriae, & Utinum Aquilejensis Diocesis*; quae propter propinquitatem, & cohaerentiam pro uno loco haberi debent, inquit ille in literis Indictionis Arimini datis. Verum Utinenses cum in sententia persisterent contra Gregorium, ipse adiit Civitatem Austriam, suum Concilium inchoaturus; secumque duxit novum ab se electum Patriar-

Patriarcham Antonium de Ponte. Synodi hujus securitatem commendaverat Rupertus Imperator, datis literis die xix. mensis Junii *Comunitati Civitatis Austriae*. Sessiones duas habuit Gregorius die 6. & 22. Junii, in quibus sententiam tulit adversus Petrum de Candia, qui sub nomine Alexandri V. proximis diebus electus fuerat tertius Pontifex, necnon & in Benedictum XIII. Tertia Sessio fuit 5. Septembris ejusdem anni 1409. Non convenientibus Cardinalibus, & Episcopis, soluta est Synodus: & die 8. ejusdem mensis e Civitate recessit Gregorius cum suo comitatu. Sed non fuerunt tuti ab insidiis, quas paraverunt *stipendiarii Domini Patriarchae* (Antonii de Portogruario) & *Utinensium*. Ex eis enim alios coeperunt, alios tradiderunt morti, omnia bona eorum abstulerunt. Papa evasit solus (mentito habitu) cum quibusdam, ut loquitur Auctor cujusdam Chronici Aquilejensis. Schisma Aquilejensis Ecclesiae sublatum est anno 1412. quo, die 6. Julii, electus fuit Patriarcha a Capitulo Metropolitano Ludovicus e Ducibus Techiiis, qui in Ecclesia nostra Forojulienfi missus fuit in temporalem, ut ajunt, possessionem; nec tamen confirmationem obtinuit a Sede Apostolica, nisi in Concilio Constantiensi, post electionem Martini V. anno 1418. Quo anno Provincia Forojulienfis hostilibus, civilibusque armis magis, ac magis agitata fuit, ex una parte Venetis, ex alia Hungaris in auxilium accitis. Tandem, quod iratis Superis Saeculum illud incoepit, ipsis placatis, faventibusque, e tot malis maxima nobis provenit felicitas, qua & hodie fruimur, quaeque nunquam, ut optamus, speramusque, deficiet. Nam anno 1419. prima nostra Civitas Forojulii faustissimo se dedit Venetorum imperio; cujus exemplum anno sequenti sequuta est Urbs Utini, & inde tota Provincia. Rerum harum narrationem fusiori, & erudito calamo tractat Cl. Bernardus de Rubeis, *Monum. Eccl. Aquil.* cap. civ. cv. & seqq.

(6) Sic in Forojulio initio Saeculi XV. omnia tumultibus erant turbata, ut nihil tutum videretur, praecipue in locis apertis, nec muro munitis, ut tunc erat Urbs Aquileja. Itaque anno 1409. Sacras Sanctorum Reliquias, una cum libris, & aliis pretiosis suppellectilibus, Inventario confecto, Civium Forojulienfium fidei Canonici Aquilejenses commendarunt. In hoc Inventario inter caetera tres Evangeliorum libros invenio hoc modo: *Liber Evangeliorum B. Marci, argento deaurato copertus. Unus liber Evangeliorum copertus unâ Tabulâ argento deaurato cum figuris. Liber Evangeliorum habens unam Tabulam ornatam cum Crucifixo, & B. Virgine & Joanne Evangelista. Secundum Inventarium est anni 1418. in quo legitur: Liber Evangeliorum scriptus manu B. Marci, textus argento deaurato. Adde & tertium confectum de anno 1485. in quo nullus liber Evangeliorum traditur custodiendus, sed cum aliis tamen vasis, & sacris suppellectilibus sibi commendatis ab Aquilejensi Capitulo: quibus publice receptis,*

ceptis, Forojulieneses spondent de omnium *restituzione eisdem assignata, & tradita*, PROUT ALIAS FECERUNT. Primi, & tertii Inventarii authenticum exemplar servat Dominus Agricola Sacerdos & Patritius Utinensis. Secundum est penes Clarissimum Bernardum de Rubéis. In primo itaque Inventario tres Evangeliorum Codices descriptos habemus. Primus, ut ego quidem certissime puto, est Evangelium B. Marci, a Codice nostro, de quo usque modo disputavimus, divulsus, & Venetias postea delatum, *Liber Evangeliorum B. Marci, argento deaurato copertus*. In secundo Inventario idem pariter, & magis aperte describitur, *Liber Evangeliorum scriptus manu B. Marci, textus argento deaurato*. Ille vero, quem nunc illustrandum suscepimus, videtur in primo Inventario anni 1409. secundo loco descriptus: tertio autem loco alius Codex signatur, qui continet Evangelia certis quibusdam solemnioribus diebus cani solita, qui adhuc apud Ecclesiam nostram Forojuliensem existit, & quo utitur in solemni Missa in die Epiphaniae; habet enim unam Tabulam argenteam deauratam *ornatam cum Crucifixo, & B. Virgine, & Joanne Evangelista*. Unde notandum venit, quod liber Evangeliorum B. Marci, qui nunc in Veneto Cimeliarchio adservatur, ambabus tabulis argenteis instructus sit, quarum una, ut vidimus, insignia Urbis Aquilejae, alia Turrianae gentis praefert. Duo vero alii Codices Evangeliorum expresse dicuntur habere UNAM TABULAM *argento deaurato cum figuris*; quorum unus est noster, cum figuris Salvatoris, & quatuor Evangelistarum, & alter similiter, habens UNAM TABULAM *ornatam cum Crucifixo &c.* Liber vero Evangeliorum B. Marci absolute dicitur *argento copertus, & textus argento*, nempe ex utraque parte. Nec civile modo, quod tunc in Patria Forojulensi grassabatur bellum, sola potuit esse causa, cur Libros, Reliquias, aliaque Sacra ornamenta anno 1409. Aquilejenses Canonici Forojulienfibus traderent; sed & ipse adventus in hanc urbem Gregorii XII. Generale Concilium celebraturi; ut Ecclesia his aucta suppellectilibus, Sanctum Pontificem, Actionemque sacram debito honore prosequeretur.

Ex quibus perspicuum est, utrumque Codicem, scilicet cum illum, qui unum continet S. Marci Evangelium, tum alterum reliqua tria Evangelia complectentem, ex Aquileja delatos fuisse Forojulium anno 1418. (7) Sed difficultas aliqua repeti posset ex Inventario anni 1485. tertio loco a nobis producto. Si enim Aquilejenses Canonici fatentur, hoc anno omnia sibi restituta a Forojulienfibus, quae retroactis temporibus eorum fidei depositi nomine commenda-
verant, PRO UT ALIAS FECERUNT; ergo tres illi Codices anno 1409. & horum unus, nempe *scriptus manu B. Marci*, anno 1418. in custodiam traditi, fuerunt postea Dominis suis restituti.

F

Hujus



Hujus argumenti vis nulla alia potest ratione dissolvi, nisi dicto factum opponendo. Cum enim ex una parte Canonici Aquilejenses testentur se a Forojuliensibus omnia recepisse; ex alia constet, Codices non fuisse restitutos, dicere cogimur, aut parum sollicitos in rebus suis repetendis, quin & immemores fuisse Canonicos Aquilejenses, aut, quod mihi magis arridet, ab Aquilejensibus Canonicis, quorum non pauci tunc temporis simul erant Forojulensi Ecclesiae adscripti, tres illos Evangeliorum Codices sua sponte fuisse dono concessos. Quis enim sibi persuadeat, Aquilejenses anno 1485. sua Forojuliensibus secundo, & tertio commodasse, eorumque fidem etiam sponte commendasse, si eos fraudulentos vel semel experti fuissent? Anno igitur 1409. Codex noster Evangeliorum ex Aquileja Forumjulium migravit; Liber vero Evangelii S. Marci anno 1418. quem biennio post, ut supra narravimus, anno nempe 1420. Senatus Venetus expetiit a Forojuliensibus, & pro munere recepit.

An rebus adeo obscuris quid lucis attulerim, penes te, Vir Clariss. penes alios esto judicium. Reliquum modo est, ut abs te duo enixe, maximeque petam. Unum, ut, cum de iis, quae ab studiorum meorum ratione longe absunt, disputationem susceperim, des veniam, eaque humaniter, & benevole complectaris. Nihil enim aliud a me postulasti, praeter variantes lectiones Codicis Evangeliarum Forojulensis. Ego vero excurri, & vagatus sum satius, quam proposueram; ut plane intelligeres, quanti apud me Tua valeat auctoritas; atque voluntatem erga te meam, studiumque non modo tibi probarem, verum, & apud alios testatum relinquerem. Quod si re quidem ipsa non mihi satisfacio, velim desiderium hoc meum saltem commendationem aliquam apud te inveniat: sciasque tantum gloriae, & utilitatis ex hoc mihi futurum, quantum alii, si haec nostra emendaveris, atque probaveris, utilitatis capient, & voluptatis. Caeterum cur non benevolentiam, & gratiam tuam vel ex hoc uno mihi despondeam, qui homines agrestes, atque inurbanos, ne dicam barbaros, tecum aversatus, vetera monumenta intra privata septa minime patior concludi; non laudari a te volens, sed ut intelligas qua ratione & ego *ab ipsis absum longissime, non divortio caritatis, sed literarum*; ab illo, inquam, hominum genere, *ad tumultuanda monumenta vetera nato, maximo Historicae veritatis detrimento*. Alterum est, quod a te, Vir humanissime, peto, veniam scilicet, si sero nimis meo erga te officio sum functus, desiderioque satisfeci: hanc enim petimus, damusque vicissim, quoties occupatos nos inveniant amicorum postulata. Vix enim Codicis nostri Variantes Lectiones, barbara illa nomina, & caeteras marginales notas, quibus ille abundat, satis improbo labore absolveram, cum studium hoc intermittere multis negotiis occupatus, & jam serio de dando nomine Congregationi Oratorii cogitans, coactus sum.

sum. Voti compos factus, Aedesque S. Patris Philippi Nerii ingressus, quis melius novit, quam tu, an opus urgere potuerim, iisque studiis vacare ea contentione, qua opus erat.

Interim Deus Opt. Max. qui est omnium bonorum fons, & origo, diu incolumem te servet, tuaque studia, tuosque labores ad totius Christianae Religionis profectum susceptos protegat, atque novo in dies te dicit Caelestis sapientiae lumine; ut Majorum nostrorum exemplo valdeas Scriptis tuis eos redarguere, qui sanam doctrinam non sistent; & Haereticorum pervicaciam retundere, in quibus non subest scientia Dei. Qui propterea in Sacrarum Scripturarum interpretatione dum parvulos decipiunt, & ipsi decipiuntur: *neque enim*, ut bene advertit S. Augustinus (Tom. 2.) *Tract. 18. in Joan. natae sunt haereses, & dogmata perversa illaqueantia animas, nisi dum Scripturae bonae intelliguntur non bene, & quod in eis non bene intelligitur, etiam temere, & audacter asseritur.* Tu vero, qui, ut ait S. Hieronymus adversus Luciferum, *non in legendo, sed in intelligendo Sacras Scripturas omne studium contulisti*, vetustissimorum Codicum pene incredibili diligentia & labore collatione facta, e purissimis fontibus, quibus inconcussa manet nostra Fides, veritatem haurire, non rivulos Haereticorum impuros in exponendis Sacris Voluminibus sectari didicisti. Tandem, Clariss. Vir, meique amantissime, perge, ut coepisti, de Ecclesia, ac re Literaria bene mereri: cumque rectum sit tibi & elegans in omni re iudicium, nostra haec emenda, & corrige; ne inaniter, & sine causa ea suscepisse videamur. Vale.

Dat. Utini, IV. Kal. Decemb. An. Dñi MDCCXIII.

EPISTOLAREM DISSERTATIONEM ADNOTATIONES.

Pag. 4. lin. 12. (1) **D** *Extrum latus cooperit &c.*)

Eruditissimum Virum Antonium Franciscum Gorium, Praepositum Baptistarii Florentini, & in Patrio Lyceo Histor. Professore meritissimum, spartam hanc ab te V. C. sibi oblatam, de externis antiquorum Codicum Sac. Evangeliorum ornamentis, qua in omni scientia pollet, epistolari Dissertatione, quam Tu Part. II. pag. DLXXIII. eximio Operi *Quadruplicis Evangeliarj* adjunxisti, egregie illustrasse non ignoras; deque internis etiam aliorum Codicum picturis Commentarium se editurum, data fide spondisse. Tu vero argentum tegumentum Evangeliarj Foro-Julien-sis, ejusdem magnitudinis, ejusdemque formae, uti a nobis accepisti, aenea tabula caelatum omnibus conspiciendum exhibuisti. Quae interim doctissimus ille Vir de Figura Salvatoris, de symbolicis animalibus erudite scripsit, cum magna voluptate sint legenda; tum si labores, atque studium nostrum in adornando Codice Foro-Julien-si collatum probavit, id summae ejus humanitati tribuendum esse omnes certo sciant; nunquam vero tanti nostra facienda, ut apud eruditos homines laudem aliquam promereri possimus.

Pag. 16. lin. 22. (2) (*Specimina ex Urbe Pragensi ad se missa &c.*)

Tibi ergo, Blanchine ornatissime, quo es in rebus tuis singulis diligentii studio praeditus, & erga amicos benevolentia summa affectus, debeo specimen etiam alterum foliorum Evangelij S. Marci in Metropolitana Ecclesia Pragensi asservatorum; quae tabula eleganter aere incisa gratulandus ad me misisti; debeo & *Notitiam* de praesenti statu ejusdem Codicis. Verum quum fusiori calamo de his sit agendum, consulto ad calcem harum Adnotationum *Addenda* rejicimus. Videant ergo modo iterum docti Viri, & dijudicent, specimina haec invicem conferendo, quam belle conveniant; apices, formam, linearum denique numerum, ceteraque expendant, & quae olim observationibus, argumentis, rationibusque pro modulo nostro perpendimus, an ex solo ingenio fuerint producta, an etiam ex rebus ipsis satis ponderis, & auctoritatis accedat, decernant.

Pag. 20. lin. 32. (3) (*Praeterea haerendum minime arbitror &c.*)

Non te latent V. C., quae Eruditissimus Auctor *Historiae Literariae* (Franciscus Antonius Zacharias Soc. Jesu) Venetijs editae an. MDCCCL. T. I. vernaculo sermone scripserit, Mirificum Opus

Opus tuum *Quadruplicis Evangelij*, ut instituti ab se ratio, & consilium ferebat, ad examen vocans, laudat ille quidem opus laude dignissimum, nec tamen praetermisit, quae ipsi probanda minime videbantur. Te interim tua decet defendere, ac tueri; ea tamen ingenuo homine, & probo digna sententia, ut mihi per epistolas testaris, quam nobis commendat S. Doctor eximius Hieronymus epistola cxxxiii. ad Ctesiphontem (T. i. edit. Veron. pag. 1035.) ubi de illis loquitur, qui sua scripta carpere, & repellere semper erant parati: *aut enim, ait ille, bona erunt, & contradicam eorum calumniae: aut reprehensibilia, & confitebor errorem: malens emendare, quam perseverare in pravitate sententiae.* Hanc igitur nostram epistolarem Dissertationem tibi inscriptam, & a te eo in opere luce donatam idem Auctor *Hist. Lit.* non praeterit: eamque tanquam magno viro dignam (heu! oblitteranda verba) commendat. Verum nec singula, quae inibi scripsimus, sibi probari ingenue fatetur. Ubi enim egimus de Codice Evangelij S. Marci, qui in Veneta ejusdem Ducali Basilica, sive, ut vocant *Thesaur.*, reconditur, quum nos minime assentiri posse fateremur iis, qui illum tanquam autographum olim vulgaverunt, & nunc credunt, & tam folia, sive portionem ejusdem Evangelij inibi existentem, quam eam, quae Pragae olim missam fuisse tradidimus, ab Evangeliariorum Foro-Julien-si avulsam scripserimus; Claris, inquam, ille Vir contra ea, quae

ad haec demonstranda rationum momenta, & auctoritates attulimus, nonnulla opponit, & hoc loco haec nobis ingerit. Verbis etenim Caesarii Oratoris, inquit, quibus magnitudinem quaternionum Codicis Veneti, quartae partis unius folij esse tradidit, per nos vim adlatam fuisse, cavillationemque appellat, & uti se explicat Italico sermone, *violenta stracchiatura.* Verum pace ejus, cujus ceteroquin in critica arte ingenij acumen miramur, denuo fidenter asserimus, atque putamus Caesareum Oratorem, non justam, & ut ita dicam, mathematicam foliorum dimensionem prae oculis habuisse, quando haec Ferdinando Principi de his scribebat; sed nulla habita ratione chartae majoris aliquando, aliquando minoris formae, *quadratam* omnino per ea verba, *quartae partis unius folij*, explicasse. Tamen uno tantum verbo V. C. hic a me compelliari patiatur. Licitum ergo ne est in unaquaque facultate, de quacumque demum controversia agatur, post solida argumenta, post non aspernandas rationes, & ratiocinia; licitum ne, inquam, est propositam quaestionem minus clavis, minusve solidis etiam conjecturis ornare, aut aliquando etiam interpretari? Quis porro a nobis jure postulet, ut rationes rationibus, argumenta argumentis, auctoritatibus auctoritates semper ex aequo singula respondeant?

Pag. 22. lin. 3. a fin. (4) (*Longiusculae autem notae &c.*) Fortasse haec benedictio referri etiam potest ad eam, quam Sacerdos Diacono Evan-

Evangelium solemniter ex ambo-
ne annuntiaturus impertitur .
Non unam tantum fuisse , sed
plures harum benedictionum for-
mulae ex antiquis , & recentio-
ribus Liturgiæ rerum Scrip-
toribus plane constat . Nostræ
aliquanto similis videri potest
haec , quæ in usu erat apud
Cluniacenses Monachos . *Deus
miserere vestri , & benedicat :*
quam habes apud doctissimum
Martene de Antiq. Monach. Rit.
l. 2. c. iv. §. 2. pag. 161.

Pag. 32. lin. 27. (5) (*Dominico Epi-
scopo &c.*) Invenitur Dominicus
Episcopus Caprulensis apud U-
ghellium anno 1179 ; itemque
anno 1205. testis cujusdam do-
nationis Walteri Patriarchæ A-
quilejensis , factæ Coenobio S.
Nicolai in Littore . Idem etiam
Dominicus in quadam sententia
memoratur anno 1172. apud Cl.
Bernardum de Rubeis , in suo
libello *istorico Cronologico diplo-
matico* pag. 32. Idem Rubeis ibid.
pag. 46. quinque Episcoporum no-
minibus auct Ughellianam se-
ntentiam , inter quos *Dominicus* Mi-
nio Episcopus Equilinus ; idque
ex duobus documentis anno 1294.
& 1412.

Pag. 40. lin. 29. (6) (*Sic in Foroju-
lio &c.*) Doctissimus Societatis
Jesu Presbiter supralaudatus ,
laudator simul , & censor no-
stræ hujus epistolæ , hoc loco
primam contra nos de Evange-
lio S. Marci , quo caret Codex
Forojulienfis , differens , hanc mo-
vet difficultatem . In primo , in-
quit , ut vocant Inventario , con-
fecto de anno 1409. tres Codi-
ces , seu libri Evangeliorum li-
cet numerare . Eadem descriptio ,

pergit ille , legitur in alio Indi-
ce anni 1418. , hoc tantum di-
scrimine , quod alijs verbis idem
liber Evangelij S. Marci hic no-
bis exhibeatur . Inde Clariss. Cen-
sor sic ratiocinatur . Si , inquit ,
tres isti Evangeliorum libri una ,
& altera vice Forumjulium fue-
runt delati , nempe an. 1409. , &
an. 1418. , nescio qua ratione Pa-
ter a Turre scribere potuit : *An-
no igitur 1409. Codex noster
Evangeliorum* (qui secundo lo-
co in Indicibus habetur) *ex Aqi-
leja Forumjulium migravit ; Li-
ber vero Evangelij S. Marci
an. 1418. ?*

Age vero . Si doctissimus Vir ille
serio perpendisset , atque perpen-
det , quæ a nobis fuerunt litte-
ris mandata , admiratio sane om-
nis , questusve cessabunt . Nus-
quam profecto demonstraturum
putamus , in secundo Inventario
an. 1418. id ipsum legi , quod le-
gitur in primo , anni scilicet 1409.
Si id ostendat , & probet , cedo
manus . Nos itaque tres dedimus ,
& diserte distinxisse Indices sa-
crarum suppellectilium , libro-
rumve , quorum , quoad Sacrosan-
cta Dei Evangelia attinet , fide-
lem regestum protulimus . In pri-
mo itaque tres Nbrs Evangelio-
rum distinxisse ; in secundo unum
tantummodo signavimus ; inter-
tio demum nullum omnino de-
scripsimus : non nudum , ut ty-
pographi errore irrepsit , & vi-
dere est in fine ad *Errata Cor-
rige* . Quo facto clare , & satis
aperte in hæc verba concludi-
mus : *In primo itaque Inventario
tres Evangeliorum Codices
descriptos habemus .* Quod qui-
dem nullibi invenies , nos ne-
que de

que de secundo, minusve de tertio unquam affirmasse. Quinimo de secundo Inventatio verba facientes, *Lectionem monuimus*, in hoc inveniri descriptus Liber Evangelij S. Marci apertius, quam in primo, cum dicimus; *In secundo Inventario idem pariter, & magis aperte describitur*: Liber Evangeliorum scriptus manu B. Marci, textus argento deaurato. Verba sunt eadem, quae leguntur in primo Indice: quia idem est Liber, qui describitur. Quandoquidem autem, quum Codicem Evangeliorum Forojulensem, quem tunc prae manibus illustrandum susceperamus, innuere placuit, apertio sermone diximus, hunc inveniri in primo Inventario, non vero in secundo, neque in tertio; en verba, quae repetere non piget: *Ille vero (Codex) quem nunc illustrandum suscepimus videtur in primo Inventario anni 1409. secundo loco descriptus*. Hinc audacter ne dicam, mihi videor recte dicere potuisse, iterumque haec conclusio elici a me posse: quam Auctor Hist. Lit. se minime assequi profitetur: *anno igitur 1409. Codex noster Evangeliorum ex Aquileja Forojulium migravit: Liber vero Evangelij S. Marci an. 1418.* Quo anno paulo ante ostendebam, utrumque Codicem in Urbe nostra Forojulij jam extasse. Pag. 41. l. 7. a fin. (7) (*Sed difficultas qua &c.*) Pergit doctissimus Vir arguere nos super autographo Evangelij S. Marci, novamque ingerere difficultatem, quam etiam majoris ponderis aestimans, se minime assequi posse, iterum

ait, qua ratione Aquilejenses Canonici tanta desidia, oscitantia, vel rerum ignorantia fuerint, ut, si Evangelium S. Marci illud esset, quod in altero Codice, nunc nostro hoc Forojulensi, deerat: passi fuerint sibi obtrudi, ut illud dicerent, & crederent scriptum manu ipsius S. Evangelistae; quum & ex characteris similibus forma, nec non & ex membranae qualitate unum, idemque statuere, & cognoscere facillime valerent. Quid ad haec respondendum? Haec obiectio, jam a nobis olim praevisa, nec modo patitur ejus temporis Aquilejenses Canonicos a tanta rerum ignorantia excusare: ne eos bonos Viros cogamur adpellare. Quid igitur? Nisi, quod semel diximus, iterum necesse est affirmare; nempe & ipsos populari opinione fuisse deceptos, & vulgum sequuti, esse loquutos; atque adeo denuo statuere, hanc ipsam opinionem credente, ac volente populo, ab eo jam tempore, quo folia Evangelij S. Marci a tribus alijs Evangelijs, quae integrum Evangeliorum volumen conficiebant, coepisse, atque invaluisse. Quid ni quaeso? Si hodieque texti deberet Index pretiosissimarum suppellectilium vere Regij *Thesauri* S. Marci; putandum ne est alia ratione, vel ab iis, qui secus sentirent de autographo Codice ejusdem Evangelistae, ipsum fore designandum, quam hac, vel simili nota: *Liber Evangelij, scriptus manu B. Marci*? quia nimirum, in iis non nostrum sensum, sed aliorum, & quae vulgo feruntur sequi omnino solemus.

mus. Proptereaque huic objectioni satisfaciendum non dissimili argumento putamus, quo satisfactum iri posse jam credidimus, dicto scilicet factum opponendo. Haec porro singula de hisce antiquis Evangeliorum voluminibus dum tradimus, *si forte aliquibus videmur majorem habuisse veritatis, quam vulgaris opinionis rationem, sciant illi, hanc semper sacras litteras suis cultoribus praebuisse libertatem*. Blanchine Optime, & Clarissime, scias; & intelligas velim, hanc meam defensionem tuo sermone, & sententia concludere honorificum mihi esse debere; qui dum epistolam hanc meam Operi tuo, ex intimo sanctarum paginarum penu tanta eruditionis, & doctrinae laude deprompto, adjungere non es veritus, certa a te nostra probari non dubitamus, Quid porro Amicus noster Gorius? Quid alii doctissimi Viri etiam datis ad me epistolis, de hoc nostro qualicumque labore humanissime senserint, non est nostrum referre. Adde quod non multo post, quo haec tibi ego scripseram, V. C. Hieronymus Tartarotti Dissertationem edidit, de origine Ecclesiae Tridentinae, qui num. XIV. pag. 22. posteaquam egit de missione S. Marci Aquilejam, per Sanctum Apostolorum Principem factam; & de consecratione S. Hermagorae in ejusdem Civitatis Episcopum; nec actis ejusdem Ecclesiae, nec traditioni parcens, tamquam ejusdem figmenti recenser etiam ea, quae traduntur de Codice, ut fertur, autographo Evangelii S. Marci: qui nunc partim Ve-

netiis, partim Pragae, ut saepe diximus, asservatur, latinis quidem literis exaratus.

Longe quidem aliter fateor sentire Jacobum de Utino, Canonicum Aquilejensem in sua, quam inscripsit epistola Francisco Barbaro an. 1448. qui tunc patriae hujus Forojulienfis Provinciam administrabat. Sanctum Marcum, ait, Aquileja versantem manu sua Evangelejum graece scriptum ibi reliquisse (en pieae traditionis, vulgique errores); quod longo admodum aetate in sacris penetralibus Aquilejae resedit; postea vero hac nostra tempestate, vel aetate ab Illustrissimo Venetorum Senatu Venetias delatum — Hoc Evangelium, qui illud videre, graecis litteris scriptum narrant. Ignotorum hominum testimonio utitur, popularique opinione traducitur Canonicus Aquilejensis; vir inter aetatis suae doctos homines coeteroquin accensendus; mysterium later. Hujus epistolae Auctorem debemus Philippo e Turre Episcopo Adriensi in *Ad dendis de Colonia Forojulien*. qui illum deprehendit ex MSto Codice Reginae Sveciae N. 1878. nunc Bibliothecae Vaticanae. Eam epistolam edidit V. C. Jo. Joseph Liruti T. II. *Miscellaneae edisae*, Venetiis apud Jo. Mariam Lazzaroni an. 1740.

Interim dum haec agimus, silentio praetereundum haud existimamus, quae de nostra hac Epistolari Dissertatione edidit Auctor libri *Biblioteque Raisonnée*, Amstelodami an. 1750. §. II. pag. 416. ubi data opera auerum tuum Opus, Blanchine, expendere aggredditur. Laudat ille quidem ea, quae

quae de Codice Forojulienſi literis mandavimus; deque iis, quae de autographo, ut vulgo perhibetur, Codice S. Marci ſcripſimus, nobiſcum plane ſentit. Verum horum hominum laudes libenter reſpiciamus, minusve quaerimus, qui Catholicae Religioni obtreſcandi occaſiones ſemper ſibi praesto eſſe putant. Patrum igitur ſuorum coeca premeſſa veſtigia ad interitum perducunt, haec habet loco citato -- *Les preuves, que le P. de la Tour apporte pour le demonſtrer* (minime reperiri autographum Evangelii S. Marci) *etant incomparablement plus convainquantes, que celles par les quelles on nous veut faire accroire que la Sainte Chapelle de Lorette avoit ete une Chambre de la Maifon, que le S. Vierge habitoit a Nazareth.* Equidem & ſibi, & noſtris rebus melius conſuluiſſet, elatioraque redderet argumenta, & rationes omni exceptione majores A catholicus ille, qui doctrina & ingenio in ſui perniciem, & ſi fieri poteſt, in aliorum etiam abutitur; ſi tantam veritatis, atque certitudinis lucem iis ineſſe arbitraretur, quantis errorum, & falſitatis impia dogmata Lutheri, Calvini Zuſinglii, Melanctonis, Wicleſſi, ceterorumque hujus ſectae Sanctae Catholicae Romanae Eccleſiae infeſſiſſimorum hominum tenebris offunduntur. *Utinam ergo aliquando ſaperent, & intelligerent, & noviffima provide-*

Tandem accipe, V. Clarisſ. corollarii loco doctiſſimorum Virorum teſtimonia, qui praeterito anno

Codicem S. Marci Venetiis accuratiſſime explorantur; ſtatim, formam agnovimus, & qua materia conſtet periculum ſumſere; quae ſingula, unus eorum data epiſtola referens, quam latino ſermone reddimus, ſic ait; *Altitudo, & latitudo foliorum eadem omnino aſſeri debet cum Codice Forojulienſi. Ceterum Codex S. Marci conſumptus, putridusve non adeo apparet, ut maſſa, ſive intritum farinaceum, vulgo paſta dici queat; ſed potius minuſcularum partium acervus, quod ex contactu, digitorumque alterna converſione clariſius dignoſcitur. Urque ex qua materia ſit conſectus omne dubium tolleretur, ignem, & aquam adhibuimus; quo facta, membranaceum eſſe codicem, qualis nempe oculis, & tactu nobis apparuerat, certo certius deprehendimus. I. Aqua madefaſtaſ particulas, humidus humor eas minime pervadit, uti accidit chartae lineae, ſive etiam bombycinae. II. Fragmenta, ſive fruſta illa flammae ardentis cerei admota, ignem quoquo modo recipiunt, minime vero retinent; ſed parvi cuculli formam induere videres, ſive in parvulum volumen ſe contrahere: haec diſſiſſaeque pelles olent. Porro charta, ſeu papyrus ex lino, ignem non modo in ſe recipit, ſed retinet, ita ut ardeat; nunquam vero contrahitur. Haec inquam ſunt, Blanche, doctiſſimorum certa teſtimonia, ex quibus ſatis amplum mihi videor laborum mearum fructum collegiſſe.*

Ceterum V. C. utcumque ſe res habeat; nihil hoc noſtra epiſtola priorum hominum fidem immi-

nutam volumus. Maneat illorum pietas, cultus, religio; maneat erga Sanctum Evangelistam, quum vel sacras ejus exuvias in Templo vere Regio veneraturi, accedunt; vel antiquitate venerandum Codicem, in quo sanctum ejus Evangelium scriptum fuerat, intuentur, tanti Patroni recordatio maneat. Stare enim Venetam Remp. Divo Marco Evangelista Patrono certo credimus; in cujus cultum atque obsequium Senatam, populosque Venetos omnes effusus laeti semper conspiciamus. Non enim Poetas imitati doctas fabulas sectamur, qui Neptunum, falsum utique Numen, Venetam Urbem medio mari stantem, eiqueponentem jura, sibi fingunt vidisse. Deus Opt. Max. Unus, Omnipotens, cujus nutu terra famulantur, & aether, de Coelorum throno respicit Catholicam hanc Rempublicam; quam non dii, non homines posuere, sed illius dextera plantavit. Cui praeterea justitiam, pietatem, religionem, Dei legem demum integram, & absque ullo errore susceptam tenenti; imperium terra, marique late prolatum; quod ei barbaris nationibus, atque tyrannis justo bello devictis, subjecit, in aevum duraturum tuebitur, atque defendat.

Dum jam haec Typographo edenda traderentur, sero ad manus meas pervenit eximium, atque intima, praecipue sacrae eruditionis refertissimum opus Flaminii Cornelii Veneti Senatoris amplissimi, cui titulus -- *Ecclesiae Venetae antiquis monumentis &c. illustratae &c. Decadis Decimae Ter-*

tiae Pars Prior; quod legenti, gratulandum mihi fore videtur, ubi in eum locum devenio pag. nempe 176. & seqq. in quo de *Basilica Ducali S. Marci* agitur. Siquidem Vir Clariss. lectorem docet Codicem inibi asservari *venerandae quidem antiquitatis, in quo propria Sancti Marci Evangelistae manuscriptum fuisse Evangelium creditur*. Qua traditione testimoniis firmata, historiaque relata de ejus ab urbe Aquileja Forumjulium, a Foro julio Venetiis commigratione; variisque de Codicis hujus scriptura sententiis, atque etiam de ejus materia allatis: quam ex pergamentina esse non dubitat; experimento praecipue per ignem & aquam nuperrime per doctissimos viros (uti supra nos ipsi retulimus) habito; deque tandem donatione facta a Nicolao Patriarcha Aquilejen. Carolo IV. Imperatori aliquorum foliorum ejusdem Codicis, nonnulla tradita; dubius aliquando haeret Vir ingenuus, an inter sacra ejusdem ditissimi Cimeliarchii lipsana numerandus sit; ac proinde judicandum aliis relinquit. Nec silet Vir ille doctissimus de mea hac epistola tibi, Clariss. Blanchine, inscripta sed, & pro sua humanitate eam etiam voluit laudare. Verum, quod ad Codicem, sive Evangelium S. Marci attinet, meum haud praeterit assertum, de avulso nempe hoc Evangelio ab integro Codice Forojulien. Hincque anceps de rei veritate, sapientissime concludendum duxit; Codicem illum in Aede D. Marci, tamquam *antiquissimum, atque nobilissimum antiquitatis monu-*

men-

*mentum, inter pretiosiores Cime-
liarchii, res honorifice (& quidem
jure & merito) custodiri.*
Vale, iterumque vale Clariss. Vir;
& ad multa tempora sospes esto,

Romani Oratorii decus, Urbis,
& totius litterariae Reip. splen-
dor, atque praesidium; a quo
tantum amari me video, atque
ornari sentio.



A D D E N D A

Typographus, quod sui muneris erat, jam expleverat, quum *Notitia*, quam in finem dabimus, una cum specimine characteris Evangelii S. Marci in Cathedrali Ecclesia Pragensi summa religione adservati (estque pars nostri Codicis Evangeliarum Foro-Julienensis), munere, & gratia V. Clariss. & amicissimi Blanchini, ad manus nostras pervenit, ut jam diximus. Quae singula ejus rogatu Romam mittebantur ad Illustrissimum ac Reverendissimum Praesulem Jo. Carolum de Antonellis Episcopum Diocensem, Suffraganeum Velliternensem & Ostiensem; qui, ut est doctrina, ac pietate clarus, eos omnes amat, qui iisdem donis ornantur; interque ceteros Josephum Blanchinum summo studio, atque benevolentia prosequitur.

Ex hac itaque festiva, atque diligenti *Notitia*, sive enarratione, mirum profecto est, quam pulchre singula convenient, (& quomodo non convenient?) cum iis, quae a nobis adnotata fuere de Codice Evangeliorum Foro-Julienensi initio nostrae epistolaris Dissertationis.

Et primo quidem habemus integrum testimonium Caroli IV. accepti ab ipso doni a Nicolao Patriarcha Aquilejensi fratre suo, duorum quaternorum Evangelii S. Marci, qui sua propria manu, ut credebatur, erant scripti. Quod quidem testimonium ipse Rex Carolus ad posterorum memoriam in ipsomet Codice sua manu descripsit. Clarissimus Montfauconius istud publici juris fecit in suo Diario Italico. Nunc vero ex apographo Pragensi in relata *Notitia* integrum habemus, nempe, cum subscriptionibus trium Episcoporum; & si quae varia lectio in Montfauconiano apparet, eam uncis interclusimus. Marquardus Episcopus Augustensis, qui primus subscripsit, apparet, non alium credimus, quam Marquardum, qui decennio post, scilicet an. 1365. renunciatus fuit Patriarcha Aquilejensi; de quo vide Annales Henrici Rebdorff. inter Scriptores Rerum Germanicarum Frcheri; vide & de Rubeis Monument. Eccl. Aquil. cap. xvi r. col. 941. Frater Aegidius Episcopus Vicentinus secundus subscribit. Is est Fr. Aegidius Blasii de Cortona, insignis Theologus Ordinis Eremit. S. Augustini, electus Ep. Vicentinus an. 1348. de quo quidam Anonymus Pisanae rerum Scriptor refert, ad Pisanos legatum fuisse Caroli IV. Imperatoris an. 1355. qua legatione functus, par est credere, Carolo Romam eunti, indeque Pragam redeunti se comitem addidisse. Non desunt, qui ad Cardinalatus dignitatem precibus ipsius Caroli evectum fuisse Aegidium suspicentur. Videndus Ughel. l. v. Ital. Sac. inter Episcopos Vicentinos. Joannes Episcopus Lu-

cho-

chomischtiensis tertius subscribit Caroli Testimonium. Credimus & hunc esse Joannem, ex Marchionibus Moraviae, Caroli. IV. Imp. filium nothum, qui an. 1387. excepit in Patriarchatu Aquileiensi Philippum de Alenconio. Vide laudatum Cl. de Rubeis loc. cit. cap. cii. col. 980. quem antea gestasse insulas Civitatis *Litomisliae* in Bohemia, narrat.

Poro ex hoc Testimonio Carolus. IV. obtinuit a Patriarcha Aquilejensi & Capitulo duos quaternos ultimos Evangelii S. Marci; & alii quinque praecedentes, quos dicit remansisse, qua occasione & anno Venetias translati sint, diximus in nostra Dissert. Colligimus ex allata *Notitia*, duo illi quaterniones incipere a cap. xii. v. 21. his verbis - *Et secundus accepit eam & mortui est; & currere usque ad finem nullo versiculo intermisso. Quapropter ultimus versus erit. Illi autem profecti praedicaverunt ubique domino cooperante, & sermonem confirmante sequentibus signis.* Triennio post erogatum donum Regi Carolo, Nicolaus Patriarcha ad posterorum memoriam scripturam confecit, quam etiam in finem dabimus. Ex quo monumento, cum singula hic narrata probentur, tum monemur in eadem verba incipere duo illi quaterniones; desinere autem v. ult. supra allato - *Illi autem &c.* In quo tamen versu advertendum post *ubique* deesse *Dominum*, uti legitur in Vulgata aeque & in antiqua Hieronymiana versione. Hinc, quanti faciendus sit Codex Foro-Julienfis, quantumque pretii illi accedat, diligenti facta collatione cum Commentariis S. Doctoris Hieronymi, aliisque ejus Tractatibus, antequam Sancta quatuor Evangelia jussu Damasi Papae graecae fidei restitueret, mirifice ostendi posset. Quod, Deo favente, cum otium, & voluntas non deerunt, forsitan haec olim meminisse juvabit. Allatum testimonium, sive scripturam Nicolai Pat. vulgavit Jo. Petrus de Ludewig inter Reliquias Manuscriptorum omnis aevi T. v. lib. 3. Diplomatario Bohemico - Silesiaco N. LXV. ex cit. de Rubeis loc. cit. cap. 11. col. 20. Ad *Notitiam* redeamus.

Nos docet folia Evangelii S. Marci Pragensis esse membranacea; quadratae formae; magnitudine exhibiti speciminis characterum. Literas plenas vocat; nulla scilicet interrupta scribendi forma. Eadem folia ex utraque parte scripta admonemur esse numero sexdecim. Duos nempe quaternos obtinuerat Carolus IV. qui, uti in nostra Dissert. notavimus, singuli fere octo foliis, sive pagellis constantur. Addehis, & numerum XIX. linearum pro qualibet columnas quod pariter olim monitum voluimus, & ex specimine Pragensi clare probatur.

Atramentum, inquit, est nonnihil subflavum, & quasi rufum. Nos ipsi in Dissert. diximus, atramentum Codicis Foro-Julienfis ex nigro modo pallefcere, ut primo adspectu characteres aureos crederes. Addit, in aliquibus paginis superius in medio in facie una legi *secundum*,

dum, in altera *Marcum* caractere antiquo. Quod ita se habere & in tribus Evangelii Codicis Forojulienfis ex integra editione Blanchimiana apertissime colligitur. Ea est minusculi characteris scriptura; antiqua tamen & forsan ejuldem aevi. Dumque tradit, ea verba in *aliquibus* paginis superius in medio legi, non vero in omnibus; bene ostendunt etiam folia Pragenfis non integra, sed tonta superius fuisse, uti & per latera, & inferius esse nos ipsi monuimus; itaut marginales notae in Codice Forojulienfi alicubi omnino disiectae, alias dimidiatae appareant.

Signa marginalia, nempe numeri Capitulorum, & nos monuimus in Codice Forojulienfi esse rubri coloris, uti habet *Notitia* Pragenfis. Exhibuimus & ipsas Capitulationes numero XLVI. Cum vero hic fignetur num. XLIII. ac si esset ultimus Evangelii S. Marci, nulli negotium faceffat. Arbitror enim (si quando exscribentis error non irrepfit) XLV. & XLVI. minio illitos, vetustate fuisse consumptos; ut saepius & in Forojulienfi Codice animadvertimus. Quod tandem ultimo loco legitur de lineis duplicatis, ut scriptor commodius inter ipsas, & rectius posset scribere, & literas aequales formare; optime respondent iis, quae nos de earumdem literarum structura animadvertimus in Codice Forojulienfi semper aequali, eaque de causa lineolis duabus clausa, stylo ductis. Quid plura? alii videant, alii invicem conferant, Codices Codici opponant; nos, nec nobis fingere meliora possumus, nec ominari magis vera.

Quae interim haftenus longa nimis, si Diis placet, oratione disputavimus ad ostendendam veritatem unius ejuldemque Codicis Forojulienfis, Veneti, atque Pragenfis, si qui nondum fortasse probabunt, nec dictis velint acquiescere; dummodo e numero doctorum atque sapientum, necnon ingenuorum hominum sint, eorum judicio & sententia nos ipsi acquiescere non detrectamus.

NOTITIA DE EVANGELIO

S. MARCI,

*Quod in Metropolitana Ecclesia
Pragensi asservatur.*

Quando, quomodo, unde, & per quem hoc Evangelium praedicta Metropolitana Pragensis acceperit, indicat inscriptio in Codice eodem Evangeliorum manu propria Caroli IV. Germanorum & Bohaemiae Regis antiquo fracto caractere latine exarata, tenore sequentis.

„ Ego Carolus quartus, Dei gratia Romanorum Rex semper augustus & Boemiae Rex, vidi librum Evangeliorum S. Marci de „ sua propria manu scriptum, integrum ab initio usque ad finem, „ in septem quaternis (in septem quaternos) in potestate Patriarchae „ & Ecclesiae Aquilegensis (in potestate Patriarchae Ecclesiae Aquilegensis) qui liber in dicta Ecclesia fuit servatus a Beato Hermacora, & ab Ecclesia Aquilegenſi praedicta usque in hodiernum „ diem. Qui videlicet beatus Hermacoras, de manu B. Marci (de „ manu beati Petri) eundem librum accepit; sed a beato Petro, „ per resignationem, & intercessionem Sancti Marci, recepit praesulatum praedictae Aquilegensis Ecclesiae. De quo libro petitione „ mea apud Patriarcham & Capitulum dictae Aquilegensis Ecclesiae „ obtinui istos duos quaternos ultimos libri praedicti; & alii quinque praecedentes remanserunt (manserunt) in Ecclesia supradicta. „ Et haec scripsi manu mea propria, Anno ab incarnato verbo millesimo trecentesimo quinquagesimo quinto (MCCCLV.) in Vigilia „ omnium Sanctorum, Regnorum meorum anno nono.

Et ego Marquardus Dei gratia Episcopus Augustensis, in Testimonium veritatis praemissorum omnium manu mea propria me subscripsi.

Et ego Frater Aegidius Dei gratia Episcopus Vicentinus, & Comes, in Testimonium veritatis praemissorum omnium manu propria me subscripsi.

Et ego Joannes Dei gratia Luchomischtiensis Episcopus, in Testimo-

stimonium veritatis; præmissorum omnium manū propria me sub-
scripsi.

Evangelium hoc est scriptum in membrana, & parte utraque;
sic dimensuratum sicut nostrum exemplar ostendit.

Litterae sunt plenae, sicut exemplar hoc in primis duabus lineis
ad oculum indicat; & non sic quasi bifidae aut vacuae.

Incipit hoc Evangelium a Capite XII. & versu vigesimo primo:
Et secundus accepit, eam & mortuus est &c. & currit continuo us-
que ad finem S. hujus Evangelii, nullo versiculo intermisso.

Sunt folia talis magnitudinis sicut istud est (specimen characteris)
ex utraque parte scripta numero sedecim.

In toto hoc Evangelio prout hic habetur atramentum est non-
nihil sublavum, & quasi rufum: bene tamen legi potest.

In aliquibus paginis superius, in medio est scriptum in facie una
Secundum -- in altera -- *Marcum*. An sit idem character, ignoratur;
vetus est ut apparet.

Signa marginalia X L sunt rubri coloris

IIII

Demum observatur etiam in aliquot paginis posterioribus praefer-
tim lineae duplicatae, ut nempe scriptor inter ipsas commodius &
rectius posset scribere & litteras aequales formare.



TESTI-

57

TESTIMONIUM
NICOLAI PAT.
AQUILEJEN.

*Donationis factae Carolo VI. Imp. de duobus
quaternionibus Evangelii
S. Marci.*

Nicolaus Dei gratia Sanctae Sedis Aquilegiensis Patriarcha :
Notum facimus tenore praesentium universis, quod cum Seren. & invictissimus Princeps & Dominus Dominus Carolus, Romanorum semper Augustus, & Bohemiae Rex illustris, Dominus noster generosus, ante susceptam Imperialem dignitatem sub titulo Romani Regis, terras & dominium Patriarchatus accederet ad urbem Romanam pro adipiscendis Imperialibus infulis profecturus, ac ad Oppidum nostrum venit, cum Principibus, Baronum & Procerum copia declinaret, nosque sibi cum Episcoporum, Abbatum, Praelatorum, Cleri, ac populi copiosa multitudine obviam processionaliter venissemus: intra alias Reliquias, quae pro honore Dei & ad reverentiam tanti Principis videbantur ibidem, ipse Evangelium scriptum manu B. Marci Evangelistae oculis suae devotionis aspexit, & sibi oblatum osculis & amplexibus sub omni honore suscipiens, desideravit ut aliqua pars ejusdem Evangelii donaretur eidem, quo felix Regnum suum Bohemiae exultaret in Domino, & ejus Regnicolae in devotione suscepta consolationis Spiritualis grato subsidio in salutis suae compendia laetarentur. Nos igitur, devotione tanti Principis rite pensata, convocato nihilominus raptim Episcoporum, Praelatorum, & aliorum nostrorum Sapientum consilio sano, rei ipsius conditione examine diligenti cribrata, & deliberatione providae discussionis adducta, animo deliberato, & ibidem praesentium voto communi praefatorum Dominorum nostrorum, duos quaternos ejusdem Evangelii ultimos ipsius Majestati liberaliter duximus erogandos: quos ipse cum Dei timore reverenter accipiens, in tabulis certis auro, gemmis, margaritis pretiosis mirabiliter & magnifice ornatis reposuit, & sub magno celebritatis honore intra officii solemniam hujusmodi gratas sibi & desideranter quaesitas Reliquias quotidianae devotionis solertia veretur. Principium autem quaternorum est in haec verba: & sicutus incepit eam, & mortuus est. Finis autem talis est: Il.

est: Illi autem profecti praedicaverunt ubique; cooperante & sermonem confirmante sequentibus signis. Amen. In cuius rei testimonium praesentes fieri, & nostri sigilli robore iussimus communiri. Datum in nostro Castro Utini die xv. Mensis Novembris, anno Domini M.ccc.lvii. Indictione x.

F I N I S.

ERRATA

CORRIGE

Ad ep. Nuncupat.

Fac. 4. l. 10. cumiculo

Fac. 9. l. 3. piissimis

ibid. l. ult. optimi

Pag. 4. l. 33. Fere

pag. 7. l. 1. inquit

pag. 11. l. 17. *uitas Christi*

ibid. l. 25. F

pag. 43. l. 3. qua opus erat

pag. 46. l. 6. Liturgiarum

ibid. l. penult. col. 1. seu libri

pag. 47. l. 28. col. 1. Hinc auda-
cter ne dicam

ibid. l. 25. col. 2. esse loquutos

pag. 48. l. 23. col. 1. certa

pag. 49. l. 43. col. 2. meorum

ibid. l. penult. hoc nostra

pag. 50. l. 3. col. 2. devenio

pag. 54. l. 8. col. 2. alias

curricula

piissimis

optime

Fere

inquis

uitas christi

E

qua opus erat?

Liturgicarum

seu libros

Hinc audacter ne dicam?

esse loquuti

certè

meorum

hac nostra

deveni

alias

*Ex Mat-
thæi
Cap. XV.
versu V.*

VO SAUTEM DICITIS QUI
CUMQUE DIXERIT
PATRI VEL MATRI
MUNUS
Q̄D Ē EX ME TIBI
PRODERIT
ET NON HONORIFICA
UIT PATREM SUU ÷
AUT MATREM SUU ÷
IN RITUM FECISTIS
MANDATUM D̄I
PROPTER TRADITIO
NEM VESTRAM
HYPOCRITÆ
BENE PROPHETAUIT
DE VOBIS ESAIAS
Dicens
POPULUS HIC LABIIS
ME HONORAT

COR AUTEM MEORUM
LONGE EST A ME
SINE CAUSA AUTEM
COLUNT ME
DOCENTES DOCTRINAS
MANDATA HOMINU ÷
ET CONVOCATI S AD SE
TURBIS DIXITE IS
AUDITE ET INTELEGITE
NON QUOD INTRAT
IN OS
CO IN QUINAT HOMINE ÷
SED QUOD PROCEdit
EX ORE
HO CO IN QUINAT
HOMINEM
TUNC ACCEDENTES DIS
CIPULI EIUS DIXE
RUNTEI

*Specimen characterum insigni
Carolus IV. Imperator a N
ubi adhuc 1*

En forma characterum unius pagin

TUNC DISCIPU

*Ex Marci
Cap. XIV.
versu L.*

RE LINQUE

OMNES FU

ADOLESCENS

QUIDAM S

TURILLUC

AMICTUSSIN

PERNUDO

*Specimen characterum insignis Codicis Forojuliensis Eva
Carolus IV. Imperator à Nicolao Patriarcha Aquileje
ubi adhuc in Cathedrali Ecclesia Pr
En forma characterum unius pagine Pragensis Romam missa roga*

TUNC DISCIPULI EIUS

*Ex Marci
Cap. XIV.
versu L.*

RELINQUENTES EUM

OMNES FUGERUNT

ADOLESCENS AUTEM

QUIDAM SEQUEBA

TUR ILLUM

AMICTU SSINDONESU

PERNUDO

ET TENUERUNT EUM

AT ILLE REIECTAS INDONC

NUDUS PROFUGIT

AB EIS

ET AD DUXERUNT IHM

AD SUMMUM

SACERDOTE

ET CONVENIUNT OM

ES SACERDOTES

ET SCRIBAE ET SE

NIORES

angelii S. Marci. Hujus aliquot folia anno Christi 1355
iensis ex dono accepit, atque in Bohemiam detulit,
Pragensi religiose adservantur.
Joh. Blanchini ad Illusionem et Remum Praefulem Antonium Antonelli

PETRAUS AUTEM ALON
GE SECUTUS EST EU-
USQUE INTRO IN ATRI-
UM SUMMI SACER-
DOTIS
ET SE DEBAT CUM MI-
NISTRIS ET CALE-
FACIEBAT SE AD
IGNEM
SUMMI UEROSACER-
DOTESE TOMNE
CONCILIIUM
QUAE REBANT ADUER-
SUM IHUM TESTI-
MONIUM UTEUM
PERDERENT
NEC INUENIEBANT
MULTI ENIM TESTI-
MONIUM FALSUM

1. *Chrysomelidae* (Colorado potato beetle)
 2. *Curculionidae* (Colorado potato beetle)
 3. *Curculionidae* (Colorado potato beetle)
 4. *Curculionidae* (Colorado potato beetle)
 5. *Curculionidae* (Colorado potato beetle)
 6. *Curculionidae* (Colorado potato beetle)
 7. *Curculionidae* (Colorado potato beetle)
 8. *Curculionidae* (Colorado potato beetle)
 9. *Curculionidae* (Colorado potato beetle)
 10. *Curculionidae* (Colorado potato beetle)

СЛАТЕНКО

1950

СЕРИЯ МОЯ

STATIONARY

REBYTCCUCCI

TRISTELOTES

DEBYLSEY

003

[illegible]

LE 25 TO 0010

150000

BE BANTY DOLER

IT2ET00d00

SECRET

JO. BERNARDI DEROSI


A CASTRONOVO CANAPITII

S. TH. D.


DE PRÆCIPUIS CAUSSI,

ET MOMENTIS NEGLECTÆ A NONNULLIS
HEBRAICARUM LITTERARUM
DISCIPLINÆ

DISQUISITIO ELENCHTICA.



AUGUSTÆ TAURINORUM, MDCCLXIX.



EX TYPOGRAPHIA REGIA.

JOSEPHUS DE ROSSI

A. CASTRONOVO CANALITI
S. M. D.

DE PRÆCIPUIS CAUSIS

ET MOMENTIS NEGLECTE A NONNULLIS
REBRACIARUM LITTERARUM
DISCIPLINE

DISQUISITIO EPIGRAPHICA



AVGUSTE TAVINUS
10365

EX BIBLIOTHECA REGIA

EPIST. AD LECTOREM.

QUUM proxime elapsis autumnalibus feriis recreandi animi, elabendique otii gratia de excutiendis præcipuis his Neglectæ Hebraicarum litterarum Disciplinæ Caussis, & Momentis cogitarem, Lector humanis., sensi statim, quod & dein expertus sum, non eam esse hanc rem, quæ hac mea ætate, & exercitatione, aut exiguo adeo tempore facile absolvi posset.

ולכן יראתי לקרבה אל המלאכה
 פן לא אראה בה סימן ברכה
 ואך רוחי רהציקרני
 ואש עצור בעצמותי ושרפתני

*Quapropter veritus sum accedere ad opus,
 Ne forte non viderem in eo signum benedictionis;
 Tamen spiritus meus coarctavit me,
 Et ignis occlusus in ossibus meis accendit me (1).*

(1) Verba sunt R. Eliæ Levitæ in Præf. Rythm. ad Tisbi.

Scilicet quum videam, quo maior est harum litterarum usus, eo magis his eisdem momentis, & causis eludi, in quibus nulla vis est, nulla honestas, cohibere me non potui, quin elenchico horum examine æquam illarum defensionem adgrederer. Jam vero, si quempiam heterodoxum omit- tis a Wolfio in Bibliot. Hebræa memoratum, cuius tamen labores ad me non pervenerunt, ex nostris, quod sciam, nemo disquisitionem hanc peculiari opusculo, & data opera instituendam suscepit, aut si quispiam est, brevibus omnino se præfationis, aut unius capitis, & §., vel academicæ demum orationis limitibus continuit; ex quibus est Guarinus, Gerbertus, Pasinus, aliique. Dein etsi extarent plures, qui in vindicando a ceterorum momentis, & præiudiciis usu Linguae Sanctæ, excutiendisque impedimentis, neglectisque causis elaborassent, abundare nos oportet huius generis opusculis, quibus nostri Theologiæ candidati ad tantarum litterarum studia magis magisque inflammentur. Hic scopus meus est, hoc institutum, hæc mens, quam habui in hoc meo concinnando opusculo, Lector humanis., ut ma-

iori, si fieri potest & studio, & copia sacrosan-
ctæ hæ litteræ, in quibus maximum præsidium
situm est sive ad Bibliorum interpretationem, si-
ve ad Hebræorum, & Hæreticorum confutatio-
nem, a candidatis Theologiæ excolerentur. Pro
huiusce mei instituti ratione, & honestate beni-
gne jam excipe primum hunc, nescio ingenii,
an potius sollertiæ conatum, & æqui eum, bo-
nique consule. Si humilis is est, si immaturus, si
parvi momenti, nec rei dignitati respondens, pro-
ba tamen optimam Auctoris Reip., & Ecclesiæ
bono addicti voluntatem, & animum; quod sum-
mopere mihi est hoc tempore, & præcipue exop-
tandum. Ita fiet, ut plura, eaque graviora eni-
tar, si qui dat velle, det & ad sui laudem per-
ficere. Vale.

CONSPECTUS

TOTIUS OPUSCULI,

Seu Caussarum, & Momentorum,
quæ singulis Capitibus
discutiuntur.

C A P. I.

Nullam esse aut posse, aut oportere apud Christianos eius linguæ dignitatem, quæ ab humili, exosæque Hebræorum gente, & natione denominatur, uni ipsius ori, & studiis addicitur, seu peculiaris est, & propria eiusdem nationis, quæque eius sunt, unice pandit.

C A P. II.

Frustra Hebraicarum litterarum usum, & præsidium quæri in Hebraicis codicibus intelligendis, qui corrupti sunt, indigni prorsus, qui ut authentici a Christianis Theologis consulantur.

C A P. III.

Non posse Hebraicorum Codicum, & harum litterarum usum in illorum integritatis hypothesi stabiliri ob tot versiones accuratissimas a viris hebraice doctissimis ex ipsis eisdem Heb. fontibus elaboratas.

C A P. I V.

Potissimum ob Vulgatam Translationem, quam dum Tridentini Patres authenticam, & retinendam definire, non solum ceteris versionibus, sed & ipsis Heb. Codicibus usum, auctoritatem, & fidem ademerunt, tum vero & immunem ab omni mendo declararunt, ut nullus in ea fontium usus propterea esse queat.

C A P. V.

Decere Christianum Theologum Novi Test., quod non Hebraice, sed Græce conscriptum est, magis esse sollicitum, quam Veteris.

C A P. V I.

Hebræos, & Hæreticos eadem facilitate, & vi ex versionibus, & Vulgata, quam ex Hebræis fontibus revinci.

C A P. V I I.

Sed & perperam Hebraicarum litterarum usum ex disputationibus cum Hebræo, aut Hæretico confirmari, quæ nonnisi rarissimo contingunt; aut si contingunt, obstinatissimi tamen ii sunt, nec convertuntur; aut demum si quispiam convertitur, vel malus is Christianus est, vel turpiter redit ad pristinam superstitionem.

C A P. VIII.

Vix sola Biblia reperiri lingua sancta exarata; carere autem Hebræos libris in vario scientiarum genere impressis; aut, si quos habent, putidissimis tantum commentis scatere.

C A P. IX.

Non adeo porro esse Hebraicam linguam necessariam, ut facile ea carere nequeat Christianus Theologus illæso eius, sive interpretandæ scripturæ, sive redarguendorum hostium officio. Luculentissimo id plerorumque Patrum exemplo corroborari, Augustini præsertim, & Thomæ qui Heb. litteras ignorarunt.

C A P. X.

Hebræos vero harum litt. præsidio apprime instructos, pessimos tamen Theologos esse, & scripturarum explanatores.

C A P. XI.

Hebraicam linguam barbaram prorsus esse, & incomptam, quod ex ipso sacro Heb. Scriptorum stylo patet.

C A P. XII.

Demum & difficilem esse admodum, ut nonnisi gravi sive temporis jactura, sive ceter. studior. incommodo, ætate præsertim paullisper provecta, addisci queat.

I

DE PRÆCIPUIS CAUSSI,
ET MOM. NEGLECTÆ A NONNULLIS
HEBRAICARUM LITTERARUM
DISCIPLINÆ

P R Æ F A T I O.



Æpe miratus sum, & summopere do-
lui plures eorum, qui in divinas res
incumbunt, cum latinas, græcasque
litteras diligenter excolere videantur,
Hebraicas dein prorsus negligere, quæ
dignitate, necessitate, & usu adeo fa-
cile ceteras antecellunt. Aut enimea non sunt, quæ
Paullus enumerat (1), Theologorum officia, homines
παρακαλεῖν ἐν τῇ διδασκαλίᾳ τῇ ὑγιαίνουσῃ exhortari in doctri-
na sana, quod juxta eundem Paullum, & Tridentinos
Patres apta fit scripturarum expositione, & *τῶν ἀντι-*
λεγόντων ἐλέγχειν contradicentes sive Hebræos, sive Hæ-
reticos *arguere*; aut si ea sunt, unde tantus in iis He-
braicæ Philologiæ neglectus, quam Patres, Pontifices,
totque alii præclarissimi viri ad perfectam, sive bibli-

A

(1) Epist. ad Tit. Cap. I. 9.

cam interpretationem, five hostium convictionem tantopere commendarunt? Mirari tamen destiti, ut cœpi in eius rei gravissimas causas inquirere; quippe, quid est, quod ad Hebræam linguam suscipiendam movere eos debeat, ac trahere? Illius ne dignitas, & præstantia? Verum quæ isthæc eius idiomatis esse poterit, quod peculiare omnino juxta illos est gentis exosissimæ, a qua & nomen ipsum mutuavit? An sacrosancti Hebraici textus integritas? Hebræorum præcipue malitia corruptum putant. An vero eius consulendi necessitas in tanta versionum copia, & varietate? Non hoc necesse esse aiunt post tot doctissimorum hominum versiones, præcipue vero post Vulgatam, quam authenticam, & ab omnibus retinendam Tridentina synodus declaravit. Addunt & novi nos fœderis decere magis esse sollicitos, quam veteris, quos illud unice præmonstrabat. Si objicis, quod ad hostium redargutionem attinet, oportere Hebræos, & hodiernos Hæreticos ex Hebraico contextu revinci, eadem facilitate, & vi ex versionibus, ac Vulgata absolvi id posse, quam ex fonte arbitrantur. Præterea raro asserunt, & nunquam fortasse huiusmodi sibi pugnas contingere, & si contingant, obstinatissimos eos esse, & difficulter converti. Quid multa vero de mirifico harum litterarum usu in intelligendis Hebræorum scriptis occentas? Vix sola extant Hebraica Biblia, carentque Hebræi libris in vario, & multiplici scientiarum

genere impressis, aut si qui extant, putidissimis tantum commentis scatent, indigni plane, qui a christiano doctore evolvantur. Negant hanc linguam necessariam adeo ad constituta munera dici debere, atque Hebræos ob oculos ponunt, & Patres. Illi, utut hebraice doctissimi sint, pessimi tamen Theologi sunt; hi vero, etsi plerique Hebraicas litteras non noverint, optime tamen scripturas exposuere, quique erant fidei nostræ osiores, aptissime refutarunt. Demum barbara ipsis est hæc lingua, & difficilis admodum, ut grave nimis sit, ætate præsertim paullisper provecta, illius institutiones excipere. Atque hæ sunt, ni fallor, præcipuæ, graviorefque causæ, quæ nonnullorum animos a persequendis Hebraicis litteris vehementer abducunt. Eas nunc singillatim, distinctisque capitibus, sed breviter, quantum fieri poterit, excutiendas suscipimus, num illud momentum habeant in se, quod nostris hominibus videntur, solerter indagaturi. Ut enim ipse cum latinis Hebraica coniunxi, idem divinarum rerum perscrutatoribus censeo faciendum, ut apti sint ad utrumque, cuius superius meminimus, Theologorum officium; quamobrem & causas illas non sat roboris habere puto, quo quispiam ab Hebraica lingua arceatur. Quo quidem nostro instituto non adeo exiguum, ut videmur, nostris Theologiæ candidatis adiumentum adferimus, ut non modo latine, sive etiam græce, sed & Hebraice docti aptis-

cam interpretationem, five hostium convictionem tantopere commendarunt? Mirari tamen destiti, ut coepi in eius rei gravissimas causas inquirere; quippe, quid est, quod ad Hebræam linguam suscipiendam movere eos debeat, ac trahere? Illius ne dignitas, & præstantia? Verum quæ isthæc eius idiomatis esse poterit, quod peculiare omnino juxta illos est gentis exosissimæ, a qua & nomen ipsum mutuavit? An sacrosancti Hebraici textus integritas? Hebræorum præcipue malitia corruptum putant. An vero eius consulendi necessitas in tanta versionum copia, & varietate? Non hoc necesse esse aiunt post tot doctissimorum hominum versiones, præcipue vero post Vulgatam, quam authenticam, & ab omnibus retinendam Tridentina synodus declaravit. Addunt & novi nos fœderis decere magis esse sollicitos, quam veteris, quos illud unice præmonstrabat. Si objicis, quod ad hostium redargutionem attinet, oportere Hebræos, & hodiernos Hæreticos ex Hebraico contextu revinci, eadem facilitate, & vi ex versionibus, ac Vulgata absolvi id posse, quam ex fonte arbitrantur. Præterea raro asserunt, & nunquam fortasse huiusmodi sibi pugnas contingere, & si contingant, obstinatissimos eos esse, & difficulter converti. Quid multa vero de mirifico harum litterarum usu in intelligendis Hebræorum scriptis occentas? Vix sola extant Hebraica Biblia, carentque Hebræi libris in vario, & multiplici scientiarum

genere impressis , aut si qui extant , putidissimis tantum commentis scatent , indigni plane , qui a christiano doctore evolvantur . Negant hanc linguam necessariam adeo ad constituta munera dici debere , atque Hebræos ob oculos ponunt , & Patres . Illi , utut hebraice doctissimi sint , pessimi tamen Theologi sunt ; hi vero , etsi plerique Hebraicas litteras non noverint , optime tamen scripturas exposuere , quique erant fidei nostræ osiores , aptissime refutarunt . Demum barbara ipsis est hæc lingua , & difficilis admodum , ut grave nimis sit , ætate præsertim paullisper provecta , illius institutiones excipere . Atque hæ sunt , ni fallor , præcipuæ , gravioresque causæ , quæ nonnullorum animos a persequendis Hebraicis litteris vehementer abducunt . Eas nunc singillatim , distinctisque capitibus , sed breviter , quantum fieri poterit , excutiendas suscipimus , num illud momentum habeant in se , quod nostris hominibus videntur , solerter indagaturi . Ut enim ipse cum latinis Hebraica coniunxi , idem divinarum rerum perscrutatoribus censeo faciendum , ut apti sint ad utrumque , cuius superius meminimus , Theologorum officium ; quamobrem & causas illas non sat roboris habere puto , quo quispiam ab Hebraica lingua arceatur . Quo quidem nostro instituto non adeo exiguum , ut videmur , nostris Theologiæ candidatis adiumentum adferimus , ut non modo latine , sive etiam græce , sed & Hebraice docti aptis-

time aliquando, quod eos summopere decet, tum hostes arguant, tum vero scripturas interpretentur.

C A P. I.

Nullam esse aut posse, aut oportere apud Christianos eius linguae dignitatem, quæ ab humili, exosaque Hebræorum gente denominata, quæque eius sunt, unice pandens, uni quoque ipsius ori, & studiis addicitur, seu propria prorsus eiusdem est, ac plane peculiaris.

Quandoquidem Hebræorum natio divina ultione durum illud fatum subiit, ut penitus spoliata suo honore despectui omnibus sit, non dubito, quin & apud nonnullos, qui linguae dignitatem ex uno eius populo dimetiuntur, multum splendoris, dignitatisque Hebraica lingua amittat. Quam, inquit, apud hominem christianum existimationem, & cultum obtinere ex litteræ poterunt, quæ ab Hebræis nomen sortitæ uni humilis, abiectæ, neglectæque gentis ori addicuntur, quæque eius sunt, unice pandunt? Ecquæ tandem nostrum est conventio ad Judæos, aut quæ nostra est pars in Hebraicis libris, ut propterea linguam Hebraicam addiscere opus sit, qua illos intelligamus? Scilicet, ut apud quosdam, quia sciant Judæi, sciant & eorum scripta, atque hoc laborant infortunio, inquit Lightfootus (1), ne-

(1) Præfat. ad *Horas Hebraicas*, & *Talm.* in *Math.* T. II. Oper. p. 247.

scio quo singulari, ut etiam non lecta displiceant, idem de sanctissima hac lingua dicendum est, quam nostri homines ceu Judæorum peculiarem tantummodo intuentur. Verum nescio, an cuipiam isthæc eorum ratiocinatio probari possit populi ignominiam in idioma ipsum trahentium, ac verentium quodammodo, ne, dum Hebrææ litteraturæ vacant, Hebræi fiant, horumque probris submittantur; quod a crasso quodam, ac lepidio fane capite aliquando auditum esse prodidit Heresbachius (1): *nunc aliam quoque oriri linguam, quæ vocetur Hebræa, hanc qui discunt, plane illos effici Judæos.* Quod si placet linguæ Hebraicæ dignitatem ex Hebræorum gente dimetiri, non video item, quare potius ex hoc tempore eam repetamus, quo ubique terrarum attrita est, & humillimæ conditionis, quam ex eo, quo ceterarum omnium clarissima extitit. Dein nihil ne divina origo, aut usus ad linguæ dignitatem faciunt? Nihilne ad nos pertinet sacrosanctus biblicorum fons, ut cuncta Hebræorum scripta ad unos Judæos spectare merito dici queat? Quæ singula, quamquam ita sunt aperta, ut res nulla disputatione egere videatur, tamen sunt a nobis longius adhuc diducta oratione persequenda. Itaque non עברית *Hebraica* primum hæc lingua propterea appellatur, quod Heberum, aut Abrahamum, a quibus juxta binas dissentientes sententias dicti sunt עבריים *Hebræi*, auctores habeat,

(1) Apud Sennerti *Dissert. de ling. Heb. præmis. eius Hebraismo.* (1)

sed quia aut in Heberi familia incorrupta remansit, aut ab Abrahamo עברי *transfluviali* retenta. Altius enim, quam ab horum Patriarcharum temporibus illius exordium repetendum esse monent eruditi fere omnes, constituentes merito hanc ipsissimam esse הלשון האלהים, ut verbis utar R. Jehudæ Levitæ (1), הנרואה אשר למדרג האלהים לאדם ושם על לבנו ובלבנו *linguam Dei creatam, quam docuit Deus Adamum, & posuit super linguam eius, & in corde eius.* Confer scriptores, qui linguæ Hebraicæ præ Græca, Chaldaica, aut alia qualibet antiquitatem, & primatum invictissimis momentis ostenderunt (2). Quis autem digne non æstimet linguam, quæ Deo auctore, & creatore gloriatur? Ob hoc enim eam ברואה *creatam* vocat R. Jehuda, ut Muscatus exponit (3), כי איננה מוסכמת מבשר ודם כיותר הלשונו *quoniam non est illa instituta a carne, & sanguine, seu ab hominibus, ut reliquæ linguæ; unde & mundo ipsi coæva, & omnium linguarum mater jure prædicatur.* Verum an forte eam Deus Adamo tantum infudit,

(1) Cozri Parte IV. §. 25.

(2) V. Mayer. *Philol. S. Part. I.*, Pfeiffer. *Exercit. de Lingua Protoplastor.*, Holmium *de primæva l. H. antiq.*, Hulsium *de l. H. origine*, Junium *de l. H. Præstantia, & Antiq.*, Bartolocc. Tom. III. *Bibliot. Rabb.*, Calmet *de ling. primæva*, Fossium *Diff. de l. Eberina prima contra Huetium*, Natal. Alex. *Hist. Eccl. Vol. I. Æt. M. II. Diff. V. Prop. IV.*, Walton. *Appar. Bibl. Proleg. III.*, Steph. Morinum *Exerc. de l. primæva*, Vorst. *Diff. de lingua omnium prima*, aliosq. apud Wolf. *Bibliot. Heb. Vol. I. p. 622. sq. & Vol. IV. p. 308. seqq.*, Carpzov. *Crit. S. V. T.*, & Simonis *Intrad. Gram. Crit. in l. H. Cap. I. §. 4.*

(3) Perusc, seu Comm. in h. l.

ut ipse interim alio idiomate loqueretur? Quod æternum erit linguæ Hebraicæ decus, hac creat Deus coelum, & terram. Hac Adamum, & ceteros Patriarchas, Mosem, & reliquos prophetas alloquitur. Hac una suam ipsis voluntatem, divinaque aperit mysteria. Hac demum sacrosanctum quatuor litterarum nomen Mosi manifestat, δεκάλογον digito consignat, & divinam legem exarari jubet, quæ ipsi *לשון הקודש* *linguæ sanctissimæ* nomen promeruerunt. נקרא לשון הקודש, inquit apud Ephodæum R. Moses Nachmanides (1), מפני שדברי התורה ונבואה וכל דברי קדושה כלם בלשון ההוא נאמרו והוא הלשון שהקנה יתברך שמו מדבר בו עם נביאיו ועם עדהו אנכי ולא יהיה לך ושאר דברות התורה והנבואה ובו נקרא בשמותיו הקדושים אל אלהים צבאות ושם י' ד ה' א והשם הגדול ומיוחד ובו נברא עולמו וקרא שמות השמים והארץ וכל אשר בם ומלאכיו וכל צבאיו לכלם בשם יקרא מיכאל וגבריאל בלשון ההוא ובו קרא שמות לקדושים אשר בלשון *Vocatur lingua sancta, quia verba legis, & prophetiæ, & omnia verba sanctitatis cuncta hæc lingua illa dicta sunt. Hæcque est lingua, qua Dominus sanctus benedictus locutus est cum prophetis suis, & Ecclesia sua: ego, & non erit tibi, & reliqua verba legis, & prophetiæ, & in ipsa appellatus est nominibus sanctis El, Elohim, Tzevaot, &*

(1) Apud Ephodæum, seu R. Peripoth Duràn in *Maafseh Ephod* Cap. XXXIII. MS. servatur in hac Regia Taurin. Bibliot. & est inter cod. Hebraicos cod. XCVI. A 11. 21.

nomine Jod He (Jah), & nomine magno, & peculiari ipsi (Jeoàb), & in ipsa creatus est mundus eius, vocavitque nomina cœli, & terræ, & omnium, quæ in eis sunt, & angelorum, & omnis exercitus sui: omnibus his nomen imposuit, Michael, & Gabriel in hac lingua, & in hac vocavit nomina sanctorum, qui in terra fuerunt, Abraham, Isaac, & Scelomò, & ceterorum. Non est igitur cur dubitemus, num ratione suæ originis, & Dei ore suo Hebraicam linguam sanctificantis hæc לשון אלהים lingua divina appellari queat, aut לשון יהוה lingua Domini, quo eam nomine insigniri testatur Petrus Vignalius (1) Reginus olim harum litterarum in Parisiensi Academia Professor. Nec si ea primum loquentes respicimus, lingua Hebræorum, sed Adami potius (2), ac Sethi, ceterorumque Patrum nomine nuncupanda esset; nam eam, ut superius dictum est, non Hebero primum, aut Abrahamo, sed primo homini infusa fuit, quam omnes usque ad Heberum babelica ætate, aut usque ad Abrahamum ipsum sanctissimi posterii integram, & puram omnino retinuerunt. Porro quia aut in Heberi familia juxta nonnullos servata est, aut illam juxta alios Abraham עברי Hebræus, seu Transfluvialis ad posteros demandavit, lingua illa, quæ antea

(1) In Maamar, seu Sermone de lingua sancta Antiq., & Præstantia.

(2) Optime comm. Lightfoot Erubhim, seu Miscellan. Cap. XXX. Alia commendatione lingua hæc non eget, quàm quæ ei propria est, esse scilicet quoad sanctitatem linguam Dei, quoad antiquitatem vero linguam Adami. Deus enim illam invenit primus, Adam primus usurpavit.

tea communi tantum nomine שפת כל הארץ *labii universæ terræ* indigitabatur, coepit עברית *Hebraica* nominari (1). Dispicienda ergo ne hæc lingua ob tantum nomen, quod ab Hebero, aut Abrahamo viris sanctissimis obtinuit? Dein etsi ex eorum posteris, qui Hebræi dicti sunt, Hebraica diceretur, an contemnenda erit, quia peculiaris evasit populi electi, soliusque, qui Deum corde vereretur? Tantum hoc abest, ut potius multum illi ex tanto populo dignitatis accedat. Florentissimus enim tunc hic erat, in peculiare Dei patrocinium susceptus, bello, ac pace undique clarus. Hebræorum autem nomen ubique olim gloriosissimum fuit, ex quibus tandem, & quibus primum salus facta est; nam & Christus Hebræus fuit, atque ex hoc genere primi christianæ religionis procures a Christo ἀποστόλοι *missi* innotuerunt. Ex quo illud quoque intelligitur & nomen hoc summopere Deo acceptum fuisse, qui divinam illis præ ceteris gentibus tradidit legem, expectatæque reparationis cuncta revelavit arcana, feligens jugiter prophetas natione Hebræos usque ad Jesum nostrum verum τὸν χρίστον, per quem ceu æternam sui mentem novissime tandem homines est adloquutus. Nunc quidem divino Numine pœnas infidelitatis repetente universus Hebraicus populus attritus

B

- (1) Aug. de Civ. Dei Lib. XVI. Cap. XI. Quia ergo in illius (Heber) familia remansit hæc lingua, divis per alias linguas ceteris gentibus, quæ lingua prius humano generi non immerito creditur fuisse communis, ideo deinceps Hebræa est nuncupata.

est, ubique extorris, & miser. At quid inde ignominia sanctissimæ linguæ accedit? Attriti sint Judæi, exosi, omnibus invisi, omni dignitate, & splendore Dei judicio expulsi; non ob id est eorum ignominia ad Hebraicam linguam protrahenda, sed in mirum potius eius usum intendentes animum toto eam affectu venerari, atque æstimare debemus, quod nobis pandat omnem sapientiam divina apud Hebræos providentia servatam. Quis Græcorum linguam negligendam putet, propterea quod attriti sint Græci, turpique servitute devincti? Immo eam utiliter addiscimus, ut quæ omnium fere scientiarum sive auctores, sive excultores solertissimi Græci suis scriptis prodiderunt, in usum nostrum trahamus. Atqui eadem plane ratione, qua apud Græcos humana, apud Hebræos omnis divina sapientia servata est.

Et si quoque desit hæc lingua Hebræis esse vernacula; nec enim hodierni Hebræi Hebraica lingua nisi in sacris utuntur, cuiusque regionis, in qua degunt, idiomatici sese accommodantes. *Loquuntur illi, inquit Morinus (1), Gallice, Germanice, Italice &c. pro ratione locorum, in quibus nascuntur, & habitant; ceteras linguas, Hebræam præsertim omnes ignorant, præter paucissimos, qui illam a præceptoribus edocentur, ut latinam, græcamque nos Europæi.* Et longe ante Morinum Theodoretus (2): Τὰ Εβραίων παῖδια οὐ τῇ Εβραίων

(1) Exercitat. Biblic. Lib. I. Exerc. VI. Cap. III. n. 8. V. & Lightfoot loco prox. commem.

(2) Quæst. in Gen. Int. 61. Tom. I. p. 48.

ἐς τὴν εὐρεῖαν . . . ἀνεχόμενα φωνῇ, ἀλλὰ τῇ ἐκείνων παρ' οἷς ἐγενήθησαν
Hebræorum pueros nullos reperire est Hebraica dictione
loquentes, sed eorum, apud quos nati sunt. Vix attriti
sunt, ac dispersi Judæi, quod eorum testimonio im-
minuta quoque est eorum lingua, nec solum radi-
cum copia, sed & usu apud suos defecit: מצא אותה
כא שמצא נושאיה נתרללה בדלותם וצרה במיעוטם
accidit illi, quod accidit susceptoribus, seu subiectis eius,
attenuata est in attenuatione ipsorum, & angusta facta est
in imminutione eorum (1). Ita ipsi iidem fatentur se
hodierna die huius linguæ adfectiones, verborum
vim, vocalium sonum, ipsumque adeo lectionis mo-
dum ignorare, quorum catalogum, ut & ceterorum
omnium de Hebræorum ignorantia agentium nobis
exhibet Christophorus Wolfius (2). Unum ipse ibi
afferam clarissimum Hebræorum grammaticum R.
Peripoth Duran a Mahafsèh Ephòd Ephodæum vul-
go appellatum, quem Wolfius non attulit, etsi aliis
enucleatius suorum inscitiam ex Maimonide præfer-
tim persequi videatur. Ipse itaque Cap. VII. sui
Mahafsèh (3) ita fusa oratione ratiocinatur: וכתב
הרב במורה על השם המפורש ואפשר שיורה כפי
הלשון אשר אין אתנו ממנה היום אלא דבר מועט
וכו וכתב עוד פ' סו חלק ראשון שאנחנו היום בלתי
יודעים לשונינו . . . וזה כי אחר שנלו אנשים ונפוצו

B₂

- (1) R. Jehuda Lev. *Cozri* Par. II. §. 68. Eadem pene verba ab eo mutua-
 ta vide sub init. Cap. VII. *Maafsèh Ephod*.
 (2) *Bibliot. Hebr.* Vol. II. p. 1094. & 1099.
 (3) V. MS. Taur. cod. XCVI. fol. 29. col. 1.

זאגה וזאגה בין גויי הארצות הסתפקו בלשונות
 הגויים ההם והניחו לשונם הנבחר וישכחוהו וכמו שאמר
 וירצונו בגויים וילמדו מעשיהם והנה בשבעים שנה
 של גלות בבל שכתו קרוב לחצי העם לשונם . . .
 ואינם מכירים לדבר יהודית ואם בזמן ההוא הקצר
 קרה להם זה ומה גם עתה בגלות הארוך הזה אשר
 אבדו ספרינו וחבורינו רשע האמות הסכלות וזאבדו
 Et scripsit Doctor in More (1) de
 Scem Hemphorasc: fieri potest, ut doceat juxta linguam,
 ex qua non est nobiscum hodie, nisi parum; & adhuc
 scripsit Cap. LXVII. Partis I., quod nos hodie non su-
 mus periti linguæ nostræ Et hoc, quia postquam
 viri exularunt, & dispersi sunt buc, & illuc inter gentes
 regionum, occupati tantum fuerunt in linguis illarum gen-
 tium, & reliquerunt linguam suam electam, & oblii sunt
 eius; atque ut dictum est: immiscuerunt se gentibus, &
 didicerunt opera eorum; & ecce septuaginta annis captivi-
 tatis Babylonicæ oblita est fere dimidia pars populi linguam
 suam, nec sciebant loqui judaice; sique eo tempore tam bre-
 vi contigit illis hoc, quid dicendum contigisse nunc in cap-
 tivitate hac longa, in qua perierunt libri nostri, & scri-
 pta nostra impietate nationum stultarum, & perierunt sa-
 pientiæ multæ. Et sane præter Buxtorfium (2) testis
 est gravissimus R. Leo Mutinensis in italica sua præ-
 fatione ad גלות יהודה Ghelud Jehudàh (3) Judæos
 nunc, qui Robitim, seu Magistri sunt, דקדוק, vel

(1) Part. I. Cap. LXI.

(2) Synag. Jud. Cap. VII.

(3) Est Diction. Heb. Ital. Biblic. V. ej. testim. infer. allatum.

grammaticam institutionem in pueris instituendis omnino negligere; commemoratusque jam Ephodæus capite sui Mahafsèh Ephòd XXXII. (1), nec in ipso lectionis modo, & vocalium sono, qui antea obtinuerat, eruditos suos concedit: לא תתשוב כי אנחנו היום בקיאים בקריאת הכתוב ובתנועות האותיות על דרך שהיה אצל הקורמים מאנשי הלשון העברי Ne putes nos hodie peritos esse lectionis scripturæ, & punctorum litterarum juxta eum modum, qui erat apud priores ex viris linguæ Hebraicæ. Florere contra magis videtur apud christianos Hebraicarum litterarum studium, totque postremis hisce seculis grammatici, & lexicographi, tot Hebraicæ philologiæ undique doctissimi viri apud nos reperti sunt, ut facilius certe accadat e nostris Hebræos, quam ex Hebræis nostros linguæ sanctæ cognitionem exquirere. Quid vel unos Buxtorfios memorem? Quis est Hebræorum, qui aut elapso, aut ineunte etiam hoc seculo floruerint, qui se eis in dignoscenda, illustrandaque Hebraicorum verborum natura æquiparari queat? Scaligerum audi virum eruditissimum cum doctiore Rabbino Buxtorfium Patrem comparantem: *quum sit*, inquit (2), איש יהודי, מאבותיו, tamen ita aliquando Ἰουδαῖος loquitur, ut non judæus, sed tiro quidam de christianis esse videatur . . . Profecto oportebat eum non ad Rabbīnorum suorum, sed tuos pedes didicisse. Sane ille multa a te, tu nihil ab eo

(1) Taurin. MS. fol. 110. col. 2.

(2) Epist. CCXLIV. p. 481., quæ est ad ips. Buxtorf. Loquitur autem de David de Pomis, & eius lexico. V. & epist. 243.

discere potuisses. Igitur si usum, exercitationem, & peritiam huius linguæ respicimus, aut eius dignitatem ex gente sive ea loquente, sive quomodocumque perita deducimus, non est, cur ex eo, qui hodie apud Judæos extat, Hebraicarum litterarum usu, & peritia decus hæc suum amittant, aut linguam sanctam Hebræorum potius, quam Christianorum nomine appellemus.

Non eo tamen hæc attuli, quo demonstrarem non esse etiam inter Hebræos viros hanc linguam aptissime edoctos, aut eius cognitionem penitus inter eos postremis hisce temporibus defecisse. Nam merito ab auctore פתח דברי Pedach Devarai Grammaticos suos commendari puto, quod Hebraicam linguam posterioribus seculis corroborarint (1): כי במעט נשתכח הלשון *quia paullulum jam abfuerat, quin lingua oblitaretur.* Præsertim vero dignus R. Jehuda Chiug multis visus est, quem præ ceteris ob restitutam Hebraicarum litterarum puritatem R. Abraham ben Dior levita in Sepher Hakkabbalàh, seu libro traditionis prædicarèt (2). ר' יהודה בר דוד פאסי הנקרא *Chug*, qui constituit linguam sanctam in puritate sua; postquam oblivioni data fuerat in universa captivitate. Nunquam tamen præstare potuerunt viri solertissimi, ut ad fami-

(1) V. integ. ej. Test. apud Morin. Exercit. Bibl. lib. 1. Exer. VI. Cap. IV. num. 8.

(2) Sub finem, ubi de R. Jehuda Grammatico.

liarem illa suorum usum reduceretur, eamque peritiam, quæ olim obtinuerat. Et si illud consequi visi sunt, quod inficiari nos nulla ratione possumus, ut allatis præsiidiis viri inter suos Hebraice doctissimi florent, quot rursus hi sunt, quinam eorum usus, aut quæ demum recens inducta Hebraizandi via? Si in ipsorum copiam inquiris, vereor vehementer, ut ipsis illud Aben Esræ accommodari queat: **אחד ממשפחת** **ושנים מקרבתו** *unus ex familia, & duo ex civitate.* Et sapientiores ii sunt; nec alius huius linguæ usus, si nonnullas voces excipias, quas patrio cuilibet sermoni immiscent, a parentibus in filios emanatas, est apud eos a nostro, atque ab eo, quem eruditi faciunt; quamobrem & a nonnullis hæc lingua vocatur **לשון הר"מ** *lingua eruditorum* (1). Recentiores porro Hebræi communem & ipsi sequuntur eruendæ dictionum naturæ, & significationis rationem, ut patet ex commemorata jam præfatione R. Leonis Mutinensis ad suum Ghelud Jehudàh: non minus hærent aliquando & ipsi, dubii, incertique, & sæpe in explicatione vocum dissentiunt; quæ singula fuscè in biblicis suis Exercitationibus demonstravit Morinus. Quot innumera loca asterisco notavit in Hispanica Bibliorum translatione R. Abrahamus Usque, quo dubia, incerta, & varia pro sentientium varietate vocum Hebraicarum significatio indigitaretur? Nec

(1) V. cit. Petri Vignalii sermon. *de ling. H. præstantia*, ubi & de variis Heb. ling. nominibus agit, & Guarini *Præf. ad Gram. Heb. Ch.*

enim aliud hoc asterisco innuere is voluit, ceu in præfatione monet: *y es de notar que en los legares donde se viere esta estrella * es señal que ay duda en la declaracion del vocabulo y alguna vez diversos pareceres.* Jam vero christiani optimam quamcunque *Hebraizandi* viam, sive communem a Schultensio adversus Guffetium statutam (1), sive novam ipsius Guffetii (2) sequuti Hebraicarum radicum, & dictionum naturam, & vim ex veteribus Græcis præcipue versionibus, ex Chaldaicis Thargumim, ex affinis, & cognatis linguis orientis, ex collatione locorum similium summopere illustrarunt. Quæ autem Rabbini, doctioresque Hebræorum ad verborum explanationem ex suorum veluti traditione afferunt, cuncta, quantum fieri potuit, ex antiquiorum præcipue scriptis in usum nostrum vindicavimus. Quum ergo communia nobis ex æquo cum Hebræis sint hæc subsidia, & fontes, unde omnis huius linguæ scientia eruitur, & utrique ex his illustrandæ huic linguæ studeamus, quid peculiarem tantum Hebræorum eam dicimus, unique ipsorum sive ori, sive studio addictam?

Sane non video ipse, cur minus nos Hebraicarum litterarum solliciti esse debeamus, aut ad Hebræos eas magis, quam ad christianos spectare existimemus. Solvit ne Christus divinum fœdus, ut nihil

(1) In *vetere, & Regia via Hebraizandi* 4. Lugd. B. 1738.

(2) *Præf. ad Commentarios lin. Heb.*

hil propterea ad nos pertinere dicatur? Nihil ne ad nos pertinent prophetiæ, nil Patriarcharum, ac Sanctorum gesta, nil sacramenta, ac sacri ritus, quæ omnia ad evangelica tempora referebantur, & singula ad nostri pariter instructionem conscripta testatus est Paullus? Nil uno verbo sacrosanctus Hebraicus Bibliorum codex, quo ea cuduntur? *Multum a vero aberrant*, inquit recte Waltonus (1), *qui de Hebræis codicibus ita loquuntur, quos Judaicos vocant, quasi ad Judæos tantum pertinerent, non ad Ecclesiam Christi*. Atque ante Waltonum doctissimus Mariana longe & ipse aliter senserat. *Sit itaque fixum*, ait (2), *non minus ad Ecclesiæ curam Hebraicos, & Græcos codices, quam Latinos pertinere*. Immo quoniam reprobandus Deus Judæos nos vocavit hæredes testamenti sui, facti nunc nos veri Israelitæ non carne quidem, sed spiritu, ut olim demonstrabat Apostolus, uni quoque sumus modo divini fœderis, atque originalium verborum custodes. Hebræi autem capsaarii quidem sunt, sed capsaarii nostri, nec sibi, sed nobis sacrum codicem servant. *Nec aliter jam portant Judæi scripturam*, ait idem Waltonus (3), *quam cæci speculum, in quo alii multa vident, ipsi nihil*. An absque Hebraica lingua primigenios textus, unde omnes versiones emanarunt, evolvere, interpretari, quæque pandunt documenta, nobismetipsis, & aliis referare

C

(1) Appar. Biblic. Proleg. VII. n. 6.

(2) Tractat. de Vulg. lat. Cap. IX. apud eund. Walt. ib.

(3) Commem. superius loco,

potuiffemus? Eam ne linguam nihil ad nos pertinere asferemus, quæ est reparationis nostræ, angustique cuiuslibet mysterii sacrarium, sanctissimum divini beneplaciti, verbique instrumentum? Quo ergo meliori jure divina oracula, & Hebraicum Bibliorum corpus ad nos spectare, non ad Hebræos credimus, eo maiori contentione, ac studio in Hebraicas litteras nobis incumbendum est, quibus illa hucusque purissime custodiuntur. An Hebraicum nomen execraris? Quamquam gloriosissimum est, tamen alia hæc lingua nomina communi jam iudicio obtinuit, quæ singularem tibi eius existimationem concilient. Voca, si placet, לשון האלהים *linguam Dei*; nam & Deum, ut vidimus, auctorem habet, suosque servos ea jugiter adloquentem. Labet ne appellare לשון הצדיקים *linguam Justorum*, לשון אדם *linguam Adami*, לשון המלאכים *linguam Angelorum*? Singulæ ei appellationes istæ optime congruunt. Si ex peculiari populo eam denominari non vis, commune & ipsa in scriptura nomen habet שפת כל הארץ *labii universæ terræ*, quo a Patriarchis antiquitus appellabatur. Quid plura? Clarissimus est titulus לשון הקודש *linguæ sanctæ*, quo communiter decorari solet; propterea quod non solum Deum auctorem habeat, aut de divinis rebus, mysteriisque agat, sed & peculiaris sit populi sancti. Quo intelligimus eam nunc non Judaicum populum, qui de paterna domo expulsus, ut verbis utar Agobardi Lugdunensis Archie-

piscopi (1), nobis electum quondam suum nomen
 juxta Isaiaë vaticinium (2) dimisit, sed nos quam-
 maxime decere, οἱ ποτε οὐ λαὸς, νῦν δὲ λαὸς Θεοῦ (3),
 qui aliquando non populus, modo autem populus Dei su-
 mus, γένος ἐκλεκτόν Genus electum, ἔθνος ἅγιον Gens san-
 cta, λαὸς εἰς περιποίησιν Populus in vendicationem, vel
 acquisitionis, ut habet Vulgatus interpres.

C A P. II.

*Frustra Hebraicar. litterarum usum, & præsidium quæri
 in Hebraicis codicibus intelligendis, qui corrupti sunt,
 indigni prorsus, qui ut authentici a christianis Theo-
 logis consulantur.*

Potissimum Hebraicarum litterarum usum in con-
 sulendo Hebraico Bibliorum fonte, unde versiones
 prodire, merito eruditi omnes collocarunt; quam-
 obrem mirandum adeo non est ab illis necessario ve-
 luti eos arceri, qui Hebraicum textum Judæorum
 præcipue malitia, & fraude corruptum putant, in-
 dignum plane, quem consulamus. Nec enim video,
 qui Melchior Canus, alique, postquam primige-
 nium Textum impurum statuerint, multa adhuc de
 harum litterarum utilitate ad scripturarum interpre-
 tationem prædicent. Nam etsi multiplex est earum

(1) Lib. *De Judaicis superstitionibus* N. XXII. pag. 91. Oper.

(2) Isai. Cap. LXV.

(3) I. Epist. Petri Cap. II. v. 10. & 9.

usus, atque undique patens, omnis tamen, qui in Theologia præcipue fit, ab integritate fontis quodammodo pendet, atque ita ea continetur, ut ea ablata totus fere corruere videatur. Verum errant, qui sic sentiunt, eoque minori jure patiuntur se a lingua sancta abduci, quo clarius hac eorum sententia non divina solum providentia, sed & Ecclesiæ sollertia impetitur, nutat omnis Vulgatæ auctoritas, totumque evertitur fidei nostræ adversus incredulos fundamentum. Hebraicus ne textus corruptus? Quæ est ergo Vulgatæ nostræ translationis authenticitas, dum eam *ἀνθετίκην*, seu corruptis suis fontibus conformem declararunt Tridentinæ Synodi Patres? Quæ fides, & auctoritas, si ad corruptos fontes collata ea est (1), & correctæ? Nam, cum *variare reperta essent Vulgatæ versionis exemplaria*, inquit Lucas Brugenſis (2), *adhibita sunt Hebræa, & Græca, ut dignosci posset, quæ exemplaria lectionem servarint germanam*. Si in rebus parvi momenti vitium contigit in Hebræo textu, quem corruptum propterea appellas, quid de Vulgata ipsa, & ceteris omnibus versionibus dicemus, quas eiusmodi erratis sæpe scatere eruditissimi quilibet nostrorum interpretum observarunt? Atque recte olim Simonius arguebat (3), si propter eiusmodi vitia abiiciendus primigenius textus foret, abiiciendas quoque interpretationes omnes, nullumque

(1) Præf. ad Lector. Vulgatæ præmissam.

(2) Epist. Dedicat. in suas *Notationes* ad Vulg.

(3) Præf. ad *Histor. Crit. V. T.*

tandem scripturæ exemplar superfuturum. Sed & quare potius Hebraicum textum accuses, quum a versione differt, non video. An interpretes adstantem habuere divinum spiritum, divinaque inspiratione factæ sunt versiones, ut nullibi errare ipsi potuerint? At *quid jurat*, ait Mariana (1), *post tot secula novo commento novos prophetas comminisci?* Aliud est teste Hieronymo (2) vatem esse, aliud interpretem; nec ulla septuaginta viri, quidquid senserint nonnulli Patres, divina inspiratione acti sunt, nec Hieronymus ipse, ut luculenter inferius animadvertemus. Utrum ergo facilius erit? Corruptum Hebraicum textum, quum a versione discrepat, an hallucinatum interpretem, dum aliter vertit? Hæc ad tuendam olim Hebraici codicis integritatem monebat R. Joseph Albo (3): ואם נמצאת התורה באומות אחרות על זולת הנסח אשר בידינו או באזה שני בקצת דברים הנה השני הוא נפל מצד המעתיקים & si repetitur lex, quæ est apud ceteras gentes, diversa ab exemplari, quod est in manibus nostris, aut in ulla mutatione in aliquibus verbis, ecce mutatio ista cecidit ex parte translatorum, sive interpretum illarum nationum, qui non sat fuerunt in ea exercitati. Multa autem suadent facilius versiones ipsas vitiari, & mendum in translationes, quam in primigenium textum irrepere potuisse. Ut

(4) Tract. *De Vulg. Lat.*

(5) Præf. in *Pentateuch.*

(3) Lib. *Hikkarim* Parte III. Cap. XXII. apud Hotting. *Thef. Philol.*

enim optime observat Witasse (1), maior Hebraicorum bibliorum, quæ ceteris futura erant fundamento, Deo cura videtur esse debuisse; maior quoque fuit fidelium erga ipsos scripturæ fontes a Sp. S. profectos reverentia; sciorum vero audaciam, unde multa errata repeti queunt, verosimilius est in versiones potius, quam in Hebraicum ipsum textum grassatam esse. Demum interpretes etiam religiosissimi sive ad explicandum, sive ad connectendum primigeniorum verborum contextum solent exoticum quidpiam sacro textui inferere, virgulis, vel apicibus, sive etiam vario caractere inserta a textu distinguentes. Utrum tu facilius dixeris? Mutilari Hebraicum textum, an vero typographorum incuria huiusmodi apices, & virgulas omitti, atque interpretum tandem verba pro vero textu recipi? Adeo facile hoc contingere potest, ut doctissimus Hieronymus ab Oleastro, etsi interpretes, eorumque translationes damnare non auderet, hoc tamen summo opere in eis exoptarit, *ne, quod de suo suppleant, textui sacro infererent, quantumcumque illud virgulis, aut apicibus a textu distinguerent* (2). Equidem hæc singula tantam vim in Augustino habuerunt, ut, quamquam ipse esset LXX. versionis tenacissimus, cum tamen in Jonam expendit (3), legendum ne foret *tres dies* juxta Hebræum, an juxta LXX. Interpr. 40. dies, Hebrai-

(1) Tract. Theol. Q. I. Ar. V. Respons. ad Quar. 20.

(2) Præf. ad lect. præmiss. Comm. in Pentat.

(3) Lib. II. de Doct. Chr.

cum potius textum incorruptum, & sequendum putavit. Hieronymus item in Hebraicis suis quaestionibus super Genesim contendit illud (1) *exeamus in agrum*, quod LXX., Vulgata, & ipse Samaritanus textus habent, non ullam inferre in Hebraicum textum lacunam, & mutilationem, sed quoddam esse potius interpretum additamentum, quod ipse omnino improbat; etiamsi ibi in primigenio textu quaedam pischa extet, qua additio illa ad sensus perfectionem exquiri videatur. Quamobrem Hieronymi ipsius sententia non statim temere est Hebraici codicis lectio ob quarumlibet versionum, ipsiusque adeo Samaritani textus dissidium corruptionis accusanda; sed mendum, & tota discriminis causa in versiones, & ipsum Samaritanum textum reiicienda. Ex quo illud facile intelligitur, falsum admodum esse Morinum, qui ex discrepantia Hebraici codicis cum Samaritano illius integritatem inficiabatur. Porro eo magis hoc nobis a Morino concedendum est, quo apertius jam omnibus constat, maiorem Hebraeis fidem, quam Samaritis esse adhibendam. Ut enim illi sunt minimae cuiuslibet dictionis tenacissimi, ita hi quaedam textus verba certo immutare non dubitarunt, & Garizim pro Ebal obtrudere, quo sacri eorum montis dignitas, & divina constitutio ostenderetur. Immo ubi sensus non adeo perspicuus fuit, integros etiam eos versus

(1) Gen. IV. 8.

in Samaritano vero: **מאנא מנא** *die sexto*; unde melior, inquit ille, *sensus exurgere videtur*, præcipue cum Samaritanam lectionem LXX., & Syrus etiam interpretes confirment, non illud tamen sequeretur corruptum dici oportere ob id Hebraicum textum, aut ipsi Samaritanum universim anteponendum esse, quod olim Morino placuit. Nam si corruptus non est ob variantes lectiones, quas habet Hebraicus textus, nec ipsi propterea anteponi Samaritanus debet, quod variantes lectiones ille habeat, quibus hic caret, quod adversus eundem Morinum Simonius tuebatur (1), non video, quare in his locis, quæ ad variantes lectiones unius, eiusdemque textus (quoniam & textus Samaritanus textus Hebræus est) referri facile possunt, corruptus Hebraicus codex effingi queat.

Si vero in rebus fidei, & morum corruptum primigenium textum putas, corrupta pariter erit, non dixerim, LXX. interpretum translatio, aut Samaritanus textus, sed & ipsa Vulgata editio, quæ in his Hebraico textui, ut cuilibet attendenti patere potest, reperitur omnino consentanea. Quocunque ergo modo te explices, non sat Vulgatæ ipsius honori, auctoritatique videris consulere, qui Hebraicum codicem vitiatum contendis. Porro qui sunt, qui corruerunt? Dic & quo tempore, quo loco,

D

(1) Ead. Hist. Crit. lib. 1. Cap. XI.

seu quos textus in scripturis corruerint? Judæos ne gravissimi huius sceleris accusas, viros paternarum traditionum, receptæque religionis tenaces adeo, ut millenas vel unius apicis corruptioni mortes antepone-
 re testes habeamus Josephum Flavium (1), Philonem (2), immo & experientiam ipsam? Voluerunt ne omnes, an dumtaxat nonnulli? Si primum dicis, vide, num verosimile sit omnes iniquos in tantum crimen conspirasse, quin aliquis repertus sit vir timens Dominum, qui reluctarit, & ceterorum ausui impiissimo resisteret. Si nonnulli; quomodo potuerunt ii eos codices vitare, qui aliorum manibus terebantur nefas eiusmodi abhorrentium? Qui etiam nonnulli infinitos codices undecunque fufos corrumpere? *Absit*, inquit Augustinus (3), *ut prudens quispiam vel Judæos cuiuslibet perversitatis, atque malitiæ tantum potuisse credat in codicibus tam multis, & tam longe, lateque dispersis.* Hebræos ne corrupti facri codicis accusabimus, quos constat, ne ille corrumperetur, incredibilem quovis sæculo sollertiam adhibuisse? Nec enim alio tendebat Masora immanis Judæorum labor, quo libros non solum, aut sectiones biblicorum, sed cuiusvis sacri libri litteras, apices, initium, finem, & medium, & quævis minutissima adnotarunt, quam ut omnis sacri contextus corruptio præcaveretur (4). Sed quo eos tem-

(1) Lib. I. contra Appion.

(2) Apud Euseb. Lib. VIII. C. VI. & VIII. V. & Urfin. Antiq. Heb. Schol. Acad.

(3) Lib. XV. de Civit. Cap. XIII.

(4) Cozri P. III. §. 31. & 32. & R. Ios. Alb. Hikkar. P. III. Cap. XXII.

pore sacrosanctum fontem corrupisse adfirmas? Si ante Christum: miror ego quammaxime tantum crimen in Judæis Christum non redarguisse, qui leviora non reticuerat. Quod si aliquis dixerit, inquiebat olim Hieronymus (1), *Hebræos libros a Judæis esse falsatos*, audiat Origenem, quid in 8. volum. *explanationum Esaie* huic respondeat *quæstiuncula*: quod nunquam Dominus, & Apostoli, qui cetera crimina arguunt in Scribis, & Phariseis, de hoc crimine, quod erat maximum, reticuisissent. Et magis adhuc miror Christum turbam consuluisse (2), ut legis doctores audiret corruptas scripturas populo exponentes. Jam vero an & usus aliquando fuisset Christus Mosaicis libris, quibus doctrinam suam firmaret? Uti ne Apostoli, Evangelistæ, ceterique christianæ nascentis Ecclesiæ sanctissimi viri? Etenim *Apostolici viri*, inquit alibi idem Hieronymus (3), *scripturis utuntur Hebraicis: ipsos Apostolos, & Evangelistas hoc fecisse perspicuum est. Dominus, atque Salvator, ubicumque veteris scripturæ meminit, de Hebraicis voluminibus ponit exempla; quod patet præcipue ex ipsis postremis eius verbis in cruce prolatis Eli Eli lamma scavachtani non ex LXX. bibliorum Translatione, quæ interferit respice in me, sed ex Heb. cod. mutuatis. Dissimulasset ne Paullus, qui ait Judæis concredita τὰ τῶ Θεοῦ λόγια Dei eloquia (4),*

(1) In Cap. VI. Esaie. *

(2) Math. XXIII. 2.

(3) Apolog. adv. Ruffin. Lib. II.

(4) Epist. ad Rom. III. 2.

si malæ ii fidei custodes fuissent? Sed & fieri nulla ratione potuit, ut scripturas eo tempore corruperint, quo nulla erat occasio, quæ illos ad gravissimum hoc scelus perpetrandum adigeret; nam si nemo sit gratis malus, quod emolumentum ex sacrilego ausu reportassent?

Post Christi igitur tempora corruperunt; quo christianis Messia oracula ipsis opponentibus veritatem eriperent. At vero, præterquamquod *credibile non est*, ut præclare Augustinus ait (1), *ipso a codicibus suis voluisse eripere veritatem, ut nobis eriperent auctoritatem*, si corrupissent sacras litteras odio christianorum, non dubito, quin hoc in præcipuis locis, ac prophetiis tentassent. Atqui tantum abest, ut corruptus in illis sit Hebraicus textus, ut clariorem potius pro nobis esse, & luculentius Judæos urgere oculis ipsi nostris videamus? Atque ut exemplum aliquod proferam, Psalmo II. v. 12. extat in Vulgata *apprehendite disciplinam*; quæ lectio nihil de Christo magnificum prodit; in Hebraico autem textu *נשקו בר* *osculamini filium*, quo maxime nunc Hebræos urgemus. *Anne igitur credibile est*, inquit Belarminus (2), *Judæos mutasse scripturam, ut luculentius Dei filio testimonium perhiberent*? An, quum antea legeretur in Habacuc (3): *opus factum est in diebus vestris, quod nemo credet, cum narrabitur*, ita in Hebraico

(1) Lib. XIII. de Civ. Cap. XIII.

(2) Lib. II. de verbo Dei Cap. II.

(3) Cap. I. 5.

textu, ut extat, corruerunt, לא תאמינו כי יסופר
quod non credetis, quum narrabitur, quo nos eorum in-
 credulitatem apertissimo testimonio evinceremus?
 Unde Hieronymus, *pudet me*, inquit (1), *contentio-*
nis nostrorum, qui Hebraicam arguunt veritatem; Judæi
contra se legunt, & quid pro se sit, nescit Ecclesia. Quod
 idem Raymundus Martini, commemoratus Bellar-
 minus, alique fatentur. Sed utrum dicis scripturas
 Hebræos corrupisse? Ante, an post Hieronymi
 tempora? Si primum; te irridet Hieronymus, qui
 cum allatis a Christo, & evangelicis viris scriptura-
 rum testimoniis consentientem Hebraicum codicem
 intuebatur. *Sin autem dixerint*, inquit (2), *post ad-*
ventum Domini Salvatoris, & prædicationem Apostolo-
rum libros Hebræos fuisse falsatos, cachinnum tenere non
potero, ut Salvator, & Evangelistæ, & Apostoli ita
testimonia protulerint, ut Judæi postea falsaturi erant.
 Porro quomodo ex corrupto fonte latinam suam ver-
 sionem aggressus est sanctus Pater? Incorrupta ne
 erit Vulgata versio, quæ ex vitiatis fontibus prodiit?
 Nam illud apud omnes constat Vulgatam ob maio-
 rem sui partem Hieronymum auctorem habere;
 quod in caussa est, cur multi Hieronymianam eam
 appellent. Qui Hieronymus, & Augustinus ausi fuif-
 sent corruptum textum Hebraicam veritatem voca-
 re (3), consuluisse in varia, & dubia versio-

(1) In Cap. XVII. Jerem. p. 608. T. III. N. Ed.

(2) In Cap. VI. Isaïæ Tom. III. Oper. p. 64.

(3) Appellantur & sæpius codices Hebraici libri authentici V. epist. Hier.

num lectione ad illum confugere? Immo non reticissent sanctissimi Patres Judæorum scelus, si quod in sacros fontes admisissent. Jam vero omnes Patrum criminationes corruptæ a Judæis scripturæ in Græcas tantum eorum versiones cadere vel ex uno Justino patet, qui adversus Tryphonem disputans insimulatæ corruptionis exemplum posuit in voce *παρδένος* (1), cui immerito omnino *παρδένος* substituerunt. Ex quo illud facile intelligitur Justinum non Hebraicum textum, sed Aquilæ interpretationem reprehendisse (2). Quamobrem perperam Justinum, Irenæum, Tertullianum, Eusebium, & Origenem etiam Morinus in suæ sententiæ patrocinium adscivit, ut singillatim ostendit Richardus Simonius (3).

Si post Hieronymi tempora ais factam immutationem, facillimum est ostendere Hebraicum textum in quibusvis rebus ullius momenti cum Hieronymiana interpretatione convenire, totamque fere dissensionem ex varia lectione, aut verbi significato prodire. Atqui, si ulla immutatio contigisset, in insigniori aliquo textu adgressi illam Hebræi fuissent. An ergo Hieronymus vertit, ut Hebræi postea falsaturi erant? Rursus qui corrumpere eos codices potuerunt, qui christianorum manibus jam ubique

ad Sun., & Fretel. T. II. N. Ed. p. 630. & p. 643., & Tom. IV. Comm. in Ep. ad Tit. Cap. III. p. 437. Præf. ad Eccle. Hebr. text. appellat item fontem veritatis.

(1) Isai. VII. 14.

(2) V. Hotting. Thes. Philol. Lib. I. Cap. II. Sect. IV. Qu. 4. Bellar. de verbo Dei Lib. II. Cap. II., Muis de Heb. Ed. auth., & ver. præm. Comm. in Ps.

(3) Lib. I. Hist. Crit. V. T. Cap. XVIII.

volvebantur? Quomodo iterum Hebræi per omnes mundi plagas dissipati universos codices vitiare potuerunt? Quid Pagnini translationem, quæ ex hodierno Hebraico textu facta est, Adrianus VI. (1), & Clemens VII. (2) probarunt? Aut qua ratione factum est, ut Agobardus (3), alique sancti viri, qui post Hieronymum florere, Hebraicum textum Hebraicam adhuc veritatem appellent, tot autem clarissimi Theologi, & Interpretes eum consuluerint, verterint, & summis quoque laudibus illum, ut incorruptum, & purissimum celebrarint? Denique si *Judæi*, optime ad tuendam Hebraici codicis integritatem Glassius argumentabatur (4), *quocunque tempore voluissent falsare textum Hebraicum, multo magis id ipsum tentassent in Targumim, seu Paraphrasibus chaldaicis*. Nam tum primum clariores sunt chaldaicæ Paraphrases; dein & prodidissent ipsæ procul dubio Hebræorum dolum, ni & illas vitiaissent. Atqui incorruptæ eæ sunt, & ubique pro nobis clarissimæ.

Equidem Hebræi nec potuerunt, nec voluere sacros codices corrumpere; sed etsi voluissent, nihil ne divinæ providentiæ intererat Hebraicum textum incorruptum servari? Omitto Hebraicum textum eum esse, in quem Deus verba sua non vi solum, & energia, sed & mysteriis foecundissima conclusit.

(1) Die xi. Maii an. 1523.

(2) Die vi. Junii 1526.

(3) Lib. de Judaicis superst. N. XI.

(4) Philol. Sacra Lib. I. Tract. I. Par. I. arg. 2. p. 22.

Omitto si qua versione ulla natio, aut Ecclesia indiguit, ex eo potius, quam ex rivulis repeti debuisse. Omitto, si in versiones navi irrepant, corruptum fontem esse oportere, ad quem illæ emendentur. An non divinæ providentiæ est nostram apud Judæos fidem, nostrorumque dogmatum veritatem in judaico codice apud ipsos infensissimos hostes fervari, ut Etnico hæc pateat nos ea, quæ prædicamus, ex uno nostro cerebro proferre calumnianti? Audi Justinum Martyrem (1): *quod si quis obstinatus neget hos Judæorum libros ad se pertinere, qui usque hodie in ipsorum Synagogis asservantur, dicatque nos frustra inde pietatem discere, audiat ipsam scripturam, quod hæc doctrina non illorum, sed nostra sit: servari autem etiam nunc apud Judæos nostram religionem Dei erga nos est providentiæ, qui, ne maledicendi occasionem præbeamus iis, proferendo illos ex Ecclesia nostra, malumus illos e Judæorum Synagoga proferri.* Audi & Augustinum (2): *quando volumus ostendere prophetatum Christum, proferimus Paganis istas litteras. Et ne forte dicant duri ad fidem, quia nos illas Christiani composuimus, ut cum Evangelio, quod prædicamus, finxerimus Prophetas, per quos prædictum videretur, quod prædicamus; hinc eos convincimus, quia omnes ipsæ litteræ, quibus Christus prophetatus est, apud Judæos sunt, omnes ipsas litteras habent Judæi. Proferimus codices ab inimi-*
cis,

(1) Serm. ad Gentes apud Glaff. p. 25. Philol. S.

(2) In Psalm. LVI. n. 9.

cis, ut confundamus alios inimicos Codicem portat Judæus, unde credat christianus. Librarii nostri facti sunt. Alibi vero (1) baiulare Judæos asserit S. Doctor legem, & prophetas ad testimonium assertionis Ecclesiæ. Quomodo ergo sat Ecclesiæ honori, sat Evangelii veritati consultum esset, si corrupto primigenio textu solam latinam versionem a nobis ipsis confectam haberemus? Immo qui Vulgatæ dignitatem, & fidem adversus eiusdem osiores tuebimur, si corruptus est fons, unde eius puritas luculenter evincitur? Demum, ut illud quoque asseram, quo multum roboris inesse puto, parum ne Ecclesiæ ipsius intererat primigenios textus incorruptos habere, ut ad eorum conservationem nihil studii, nihil sollicitudinis adhibuerit? Nec enim minus ad Ecclesiæ curam Hebræi, & Græci codices, quam Latini pertinent; unde primo efficitur, recte concludit Mariana (2), neque eos codices potuisse in universum, vel in re maioris momenti corrumpi: continuo enim Ecclesia occurrisset.

Quinam vero sunt ii textus, quos ais Hebræos corrupisse? Num כַּאֲרִי Caarì loco כַּאֲרֻ Caarù, aut יְכָרָא Ichrà loco יְכָרֵחַ Ichareh (3)? Verum quid hinc corruptionis in priori exemplo sacro codici eveniet, si dicere cum Genebrardo vellemus (4) Caarì, & Caarù variantem lectionem esse, seu aliud Kerì

E

(1) Lib. XII. contra Faust.

(2) Tract. de Vulg. lat. Ed. Cap. IX.

(3) Prior locus Ps. XXII. 17. Posterior Esai. IX. 6.

(4) Comm. in hunc Ps. locum.

in margine, alterum vero Chediv in textu, ut Hebræi loquuntur? Nam optima, & antiquissima exempla habere **כארו** Caarù adductis Judæorum testimoniis idem Genebrardus demonstravit. Afferri solet R. Jacob Chaiim collector operis Masorethici Veneti, qui in eadem Masora lit. **כארי** sequens huic sententiæ testimonium perhibuit: **במקצת ספרים** **כארי** **מדיקים** **מצארי** **כתוב** **כארו** **וקרי** **כארי** *in quibusdam libris correctissimis inveni scriptum (in textu) כארו Caarù, & lectum (in margine) כארי Caari*; quod idem in nonnullis se exemplaribus vidisse Johannes Isaacus ex Judæo Christianus, & Felix etiam Pratenfis testati sunt. Et sane, quod maximum robur addit, favet Masora magna ad Num. XXIV. 9. **כארי** **ב' וס'** **כרע** **שכב** **כארי** **כארי** **די** **ורגלי** **כארו** **כתוב** *Caari extat in duobus locis; indicia sunt: incurvavit se, procubuit Caari sicut leo (1), Caari manus meas, & pedes meos (2); Caarù scriptum. Favent & vetustissimæ omnes versiones; nam LXX. verterunt ὀπισθεν, Syrus ܚܕܐ, Arabs تقبو, Chaldaus Paraphrasta נכתק, Latinus demum foderunt. Quæ omnia recte expensa multam vim habere videntur, & tantam olim apud Ximenium habuere, ut in Complutensi biblicorum Editione ab eo facta in Hebraico textu **כארי** Caarù supposuerit **כארו** Caarù. Verum necesse non est ab hodierna communi lectione **כארי***

(1) Num. XXIV. 9.

(2) Est controv. locus Pf. XXII.

recedere, ut ad diversam, quæ olim extiterit, lectionem confugiamus; quam valde dubitant viri clarissimi allatis momentis posse rectissime confirmari. Equidem commemoratus R. Jacob Chajim statim subdit: **אמנם בקשרי באינן מליך דכתיב ו' בסוף תיבות וקרי' ולא מצאתי נמנה בחשבונם וגם בחלוקה המקרא דיש בין מדניחא ומערבא ולא נמנה שם** *Profecto pervestigavi inter ea vocabula, quæ scriptum habent vau in fine dictionum, & leguntur per jod; nec inveni computatum in istorum numero. Etiam in varietate lectionis, quæ est inter orientales, & occidentales; nec numeratum est ibi. Quæ fane demonstrant nullam variantem lectionem olim fuisse, quam pauci codices, quos affert, sat statuere, ac stabilire nequeunt. Masoræ locum marginalem aliena manu assutum suspicatur Altingius (1); quod spectat saltem ad posteriora verba כִּאֲרוּ כְתוּב; quod quidem asserere non audet Glassius (2), sed tum ex ipso R. Chajim, tum ex Masora parva sat ostendi putat de quibusdam modo, & Masoræ quidem authoribus non probatis codicibus ibi agi. Opponitur Masora parva, quæ memorat Caarî absque ullo Chediv, & hodiernam lectionem luculenter confirmat. Versiones autem optime & Caarî legere potuerunt, quod hoc loco significare, non sicut leo, sed foderunt, ex ipsa etiam Masora ediscimus. Quidquid sit de nonnullis exemplaribus,*

(1) Dissert. Philol. de Integritate vocis Caarî. Inter ej. Dissert. V. n. 63. & seqq.

(2) Philol. Sacra Lib. I. Tr. I. Par. I. Sect. II. n. 48. p. 125.

quæ habuerint in textu Caarù , annon Cheri prævalet $\tau\tilde{\omega}$ Chediv? Semper ergo melior lectio Caari, quod lectum, non Caarù, quod scriptum tantum extabat, reputari deberet. Jamque hodie nullum apparet variantis huius lectionis, & antiqui Chediv vestigium, & recepta textus lectio est Caari, quam retinent e nostris viri in Hebraica philologia exercitatissimi, quin ullius corruptionis, & fraudis Hebræos accusent, aut ad variantem olim incertam plane lectionem confugiant, ita eam illustrantes, ut eundem habeat sensum cum Caarù, idemque prorsus afferat Religioni nostræ adversus Hebræos subsidium.

Glassius in eam sententiam aliquando devenisse testatur (1), quod כארי connecti deberet cum præcedentibus, & repeti dictionem הקיפוני Ikkiphuni, quam tamen, ut significaret *perfoderunt*, non a radice יקף , sed a נקף excidit, *perfodit*, repetit, quo significatu apud Jobum (2) occurrit. Illud forte exceperat Glassius a clarissimis Hebræorum commentatoribus R. Aben Ezra, & R. David Kimchì; quorum prior scripserat in hunc locum: וטעם כארי דבק *sensus vocis Caari* sicut leo coniungitur cum Ikkiphuni circumdederunt me, quod circumdederint quasi leo manus meas, & pedes meos. Alter vero ita exponit: $\text{כי הקיפוני כמו הארי}$ *quoniam circumdederunt me sicut leo*. Verum obstat gravif-

(1) Cit. loco p. 127.

(2) Job. XIX. 26. V. & Altmg. cit. Diff. n. 27. usq. ad n. 34.

fima Masoræ auctoritas in hunc locum (1) כְּאֵרִי
 כְּמֵצִין בְּהָרִי לִישָׁנִי Caari duplex est Kametzatum in
 duabus significationibus. Item Masora magna exhibens
 nobis catalogum dictionum, quæ bis tantum in
 scriptura occurrunt, כְּאֵרִי לִישָׁנִי sed sensu diverso,
 numerat inter alias & hanc nostram Caari. Atqui in
 altero Esaia loco (2), quem indicat Masora, Caa-
 ri significat proculdubio *sicut leo*, ut ex contextu ap-
 paret. Igitur controverso Psalmi loco alium omnino
 significatum obtinebit. Et quidem multi sunt, qui
 hodiernam textus lectionem כְּאֵרִי in diversa leonis
 significatione, in ratione verbi, non nominis, atque
 analogice prorsus ad sensum, quem Vulgata, anti-
 quissimæque illi versiones tribuunt, præclare defen-
 dunt. Singularis est opinio Ludovici de Dieu viri
 orientalium linguarum scientia clarissimi. *Quid*, in-
 quit (3), *de כְּאֵרִי statuendum dicemus? Ne ea quidem le-*
ctio mendosa est. Est enim כְּאֵרִי (Caër) infinitivus Piel,
eiusdem scilicet coniugationis, cuius est Syrorum כְּאֵרִי
(Caär), quod supra attulimus. Inde fit regulariter cum
affixo primæ personæ כְּאֵרִי manente Kametz, quia valet
Patach sequente daghes. Veritas licet deturpando me mani-
bus, ac pedibus meis, vel deturpando mihi manus meas,
ac pedes meos, quod construitur cum antecedenti præterito
 עֲדַת מְרַעִים הַקִּיפוּנִי congregatio maleficorum circumde-

(1) V. Masoram parvam.

(2) Esai. XXXVIII. 13.

(3) Animadv. in h. l.

derunt me. Scilicet de Dieu *aleph*, non epentheticum, ut ceteri arbitrantur, sed radicale esse maluit a כּאֵר Caar, quod a Syris mutuatur; unde est quoque כּאֵר *turpe*, quod in Hebraico suo lexico Tzemach David David de Pomis attulit. Aliam init viam Jo. Frischmuthus, qui in peculiari Dissertatione (1) de Messia manuum, & pedum perforatione tuetur & ipse hodiernam lectionem כּאֵר in sensu fodiendi; putat enim Caarì esse tertiam personam pluralem præteriti a rad. כּר, quin obstat vel epenthesis aleph, vel terminatio chirech. Nam demonstrat auctoritate Kimchi insolens non esse eiusmodi personis quiescentium secundæ aleph aliquando inferi, aut kirech terminari; ut Esai. X. vers. ult. נִשְׁאֵי, quod notat Masora esse loco נִשְׁאֵי.

Verum sat analogice, atque omnium optime exponi hanc dictionem ab Altingio (2) arbitror, qui statuit כּאֵר esse plurale masc. participii præsentis, seu Benoni in Kal a כּר, & poni pro כּאֵרִים *fodientes*. Etsi enim hæc radix lexicographis plerumque inusitata videtur, derivata tamen probant synonymam esse alterius כּר *fodit*, ut כּרם, & כּרם; quum ea, ut patet ex כּר *catino*, effodiendi sensum fortiantur. Quamquam hanc radicem præter recentiorem Stockium in suo dictionario Hebræo (3) af-

(1) Extat in Thef. Philol. Theol., seu Syll. Dissert. ad Sel. loca V. & N.T. Theologor. Protest. p. 611.

(2) Cit. Dissert. de Integrit. vocis Caarì n. 43. & seqq.

(3) Pag. 373. apud Glaff. Philol. S. Lib. I. p. 131.

fert Forsterus : כור *fodit, perfodit, excidit; congruit significatione cum verbis* קור, כרה, & קרת. Quare ergo non est כרים, ut קום, & רום habent in plurali Benoni קמים, & רמים? Optime Forsterus commemoratus : *verba habentia in medio vau litteram quiescentem eam aliquando solent commutare in aleph* (1); jamque omnes norunt vicissitudinem litterarum Ehevi, & frequentem unius in alteram immutationem. Exempla a Forstero, Altingio, Glassio plura adducuntur, e quibus unum affero קאם Hoseæ X. 14. a קום, & ראמה Zach. XIV. 10. a רום. Quæ erat porro, inquis, huius epenthesis, aut mutationis necessitas? Etsi nulla hæc esset, non ideo tamen illam possumus in dubium vocare; quum hæc ex scriptoris arbitrio, ac voluntate unice pendeant; verum, quod Altingius suspicatus est (2), hanc formam כארים loco כרים, ut analogia postulabat, regius vates usurpasse videtur, ne participium Benoni cum nomine כרים, quod significat *Paires familias, Proceres*, confunderetur. An non & Ezechiel, ut שטים verbum *flagellantes* differret a nomine שטים *remiges*, eandem plane & ipse formam usurpans non שטים, sed שאטים conscripsit (3)? De chaldaica forma Benoni non loquor; nam frequentissime hæc in scripturis occurrit; nimis insolens cuiquam forte videbitur defectus *mem*, & כארי Caari positum loco כארים Caarim.

(1) Ibidem.

(2) Cit. Diff. Num. XLVII. p. 199.

(3) Cap. XXVIII. v. 24.

Sed an inusitata fortasse est apud Hebræos in scripturis apocopata hæc pluralium terminatio? Audi, quid in suis Fundamentis punctuationis linguæ sanctæ (1) doceat commemoratus Altingius: *terminatio pluralis masculina ם . . . etiam interdum caret litera mem*, ם־הצי sagittas, *ubi in margine notatur legendum ם־הצי* I. Sam. XX. 38. *sic juxta Masorethas iter legitur עמי* Populi *pro עמים* 2. Sam XXII. 44. Pf. 144. 2. Lam. III. 14. Et post plura adhuc allata exempla huc quoque pertinere asserit nostrum כארי pro כארים. Sed & Hottingerus, ut a Pfeiffero observatum est (2), inter plurales masculinorum terminationes hanc etiam reposuit (3). Visne proferri doctiorem aliquem ex Hebræis grammaticum, qui id testetur? Hæc de plurali masculino ם in suo opere grammatico conscripsit R. David Kimchi: ם ויש שיבואו בחרק כמו שיבואו עם המם *sunt pluralia, quæ usurpantur cum solo chirech, quæ sunt ac si usurparentur cum mem superaddito*. Igitur quum auctoritate, & exemplis hæc apocope in pluralibus masculinis confirmetur, tot exemplis, subdit Altingius (4), nostrum כארי *adscribere quid impedit? Maxime cum nomen ab eadem radice descendens כרים* Patresfamilias, Proceres, *bis quoque isto ם plurali careat*, 2. Reg. II. v. 4. לכרי, ם 19. v. את הכרי *affirmantibus ibidem*

(1) Sect. V. de Nomine §. 71.

(2) Introd. in Orientem Diff. V. Qu. XIX.

(3) V. Gramm. IV. linguar. Harmon. Cap. VII. p. 29. & Erotem. p. 40.

(4) Cit. Num. XLVII.

commentatoribus R. Davide Kimchi, & R. Levi ben Gerson. Hæc, quæ hucusque adduximus, multum sane ponderis habere recentioribus etiam lexicographis visa sunt, ac cum primis Christiano Stockio, qui in Clavi linguæ sanctæ V.T. Altingii sententiam sectatur (1): כור fodere. Inde est participium plur. m. כורין fodientes Ps. 22. 17. pro כור, כ per apocopen resecto, & נ per epenthesein inserto. Jam vero si ita explicetur, atque illustretur hodierna huius loci Hebraici textus lectio, ut necessario exponi debet, atque adeo facile cuique est, & obvium, quæ ibi erit Hebræorum fraus, & malitia, quodnam corruptionis indicium?

De Ikrà vero loco Ikareh Esaia IX., qui alter fuit ullius quoque momenti abunde a nobis superius adductus bibliorum locus, longe minor est corruptionis suspicio. Nam Ikrà multis quidem seculis ante ullam Masoretharum punctationem legisse videntur Aquila, & Theodotio, qui non attendentes hebraïsmum, atque indolem linguæ sanctæ verterunt καὶ ἐκάλεσε & vocavit; quod ostendit eos nimis verbo adhæsisse, & fuisse literæ tenacissimos. Ceteri vero omnes interpretes legerunt & ipsi Ikrà, sed sensu τὸ Ikareh vocabitur; quemadmodum ibi manifestissime intelligi debet, & ex Hebræorum loquendi more, & formulis potest. Optime in hanc rem Guarinus (2):

F

(1) Sub rad. Cur.

(2) Præf. ad Gramm. Hebræo-Chald. §. 2. ad II. Argum.

si alias omnes Masoretharum insidias ex his unis licet cognoscere, illi sane de textus Hebræi corrupti crimine non modo purgare se facile possunt, verumetiam accusatores suos calumniæ, summæque primorum linguæ sanctæ idiotismorum ignorantia accusare. Quem enim unius, aut alterius mensis tyrunculum fugit, tertias verborum activorum personas cum singulares, tum plurales passive, & impersonaliter, ut loquuntur, sæpius accipi? Quod tamen nesciunt boni illi viri, qui Masorethas de textu Hebræi corruptione postulant, quod in eo Isaïæ loco voci קרא puncta vocalia activa supposuerint. Singularem hunc idiotismum animadverterunt, quotquot de idiotismis scripsere, Glassius in primis, qui in Philologia sacra agens de verbo hunc canonem constituit, & multis allatis exemplis confirmat. Activa verba quandoque passivorum significationem assumunt, peculiari linguæ Hebrææ idiotismo (1). Sane Gen. XVI. 14. activum verbum קרא passivam significationem obtinet. Nam si vocasset Agar, de qua in præcedentibus versiculis sermo habetur, non קרא, sed קראר scribi debuisset. Quamobrem Diodati in Itala sua translatione vertit: perciò quel pozzo è stato nominato; Gallica autem Genevensis versio: c'est pourquoy on a appellé ce puits. Et ipse textus verba perfecte verti crediderim: על כן קרא לבאר באר לחי ראי quapropter vocatum est puteo: puteus viventis videntis me; quem idiotismum re-

(1) Philol. S. Lib. III. Tr. III. Can. XXIII. p. 816. V. & Perer. in Gen. XV. Pineda in Job. III. 3. Ribera in Mich. II. 17. apud Hotting. Thes. Philol. Lib. I. Cap. II. Sect. V.

ticuit omnino Vulgatus interpres. Jobi tamen III. 3., ubi extat tantum in Hebraico textu activum **אמר**, præter allatas versiones idiotismum quoque expressit Vulgata, quæ habet: *pereat dies, in qua natus sum, & nox, in qua dictum est*. Item Mich. II. 4., ubi plura in uno versiculo exempla occurrunt, **ביום ההוא ישא עליכם משל**, idiotismum vertit Vulgata: *in die illa sumetur super vos parabola*; ut & LXX. Interpretes: *ἐν τῇ ἡμέρᾳ ἐκείνῃ ληφθήσεται ἐφ' ὑμᾶς παραβολή*. Passivo igitur sensu exponi potest, & debet contraversa dictio **ויקרא**, ut optime exposuere Chaldaus Paraphrasta, LXX. Interpretes, Symachus, & Hieronymus: quin ullum inde detrimentum patiatur Messia divinitas, quæ ex illo testimonio adversus Hebræos ostendi solet. Utique hodierni Judæi hebraismum non vertunt, quamobrem in Ferrariensi eorum Hispanica translatione Vaikrà active Deo referunt, qui admirabilis, ut est, Consiliarius, Deus, Fortis, Pater æternitatis, Messiam vocarit **שר שלום** Principem pacis: *y llamo su nombre el Maravilloso, el Consejero, el Dio barragan, el Padre eterno, Sar Salom* (2). Verum præter cl. eorum Doctorem Aben Ezra, qui candide fatetur videri sibi **כי כל אלה שמות ה'רד** cuncta hæc nomina puero congruere, fat ex Targum, immo ex Talmude ipso revincuntur, quod in

(1) Recte propterea ex mala hac versione Ferrariensem versionem notat Cassiodorus de Reyna in Præf. ad Hisp. suam Translationem, cui tit. La Biblia, que es, los sacros libros del vieio, y n. Test. trasladad en Español 4. 1622.

tractatu Sanhedrin (1) cuncta ea octo nomina simul ut appellativa recenset, & puero nascituro tribuit, in hoc dumtaxat turpiter errans, quod Ezechia ea tribuat; etsi insolens Thalmudistis nonnullis non est Ezechiam Messiam habere, quæque de Messia dicta sunt, Ezechia luculenter accommodare. Quod ex Hillele præcipue constat (2) דַּאֲמַר יֵאָזֵק מֶשִׁיחַ לְיִשְׂרָאֵל *qui dixit: non est amplius Messias Israeli, qui jam compotitus, vel fruius est eo diebus Ezechia.* Sat demum revincuntur ab iis omnibus suis Doctoribus, qui hebraica huius loci Messia nomina, quæ nos distinguimus, יוֹעֵץ אֱלֹהִים *Con-*
filiarius, Deus inepte connectunt, vertuntque in casu regiminis *Consiliarium Dei*. Sed abunde, ut puto, controversa, quæ nobis ipsi proposuimus, loca a corruptione vindicavimus; ex quibus poteris ad cetera argumentari. Nam si hæc loca, quæ præcipua sunt, & in quibus maximum momentum ad oppugnandam Hebraici contextus sinceritatem situm est, integra ea deprehendis, eiusdem prorsus cum vulgata versione significationis, idem quoque subsidium Ecclesiæ adversus Synagogam afferentia, qui alter erit primigenius textus, qui multo facilius vindicari, ac luculentius nequeat? Consule, si lubet, de integritate Hebraicor. codic. tres Muisii Assertiones veritatis Hebraicæ Morino oppositas, Voisinii observatio-

(1) Cap. XI. f. 94. apud eund. Guarin. cit. l.

(2) Tract. Sahed. eod. Cap. XI. Excerpt. Coccej. XXXVI. pag. 359. & 361.

nes ad Raym. Martini Pugionem fidei, Dupin Dissertation preliminaire sur la Bible (1), Natal. Alex. Histor. Eccles. (2), Witasse in Theologico Tract. de Scrip. S. (3), Guarini Præf. ad Gram. Hebræo-Chald. (4), hex eterodoxis Hottingerum Thes. Philol. (5), Glassium in Philologia Sacra (6), Sixtin. Amama Lib. III. Antibarbari Biblici, Leusden. Philol. Hebræo (7), & Waltonum in App. Biblico (8), ut paucos ex utroque genere memoremus.

C A P. III.

Non posse Hebraicorum Codicum, & harum litter. usum in illorum integritatis hypothesi stabiliri ob tot versiones accuratissimas a viris Hebraice doctissimis ex ipsis eisdem Heb. fontibus elaboratas.

At vero, inquiunt, utut Hebraicum contextum in-
corruptum ponamus, iniuria tamen nos quispiam
accusaret neglectæ Hebraicarum litterarum discipli-
næ. Quæ enim adhuc esse potest post tot optimas
versiones ex Hebræo fonte a viris hebraice doctissi-
mis elaboratas illius consulendi necessitas? Equidem

(1) Lib. I. Cap. IV. §. 4.

(2) Diff. XXXIX. ad Sæc. IV. Ar. 5.

(3) Quar. 9. 10. & 11.

(4) §. 2.

(5) Lib. I. Cap. II. Sect. IV. Qu. 3.

(6) Lib. I. Tract. I.

(7) Differt. XXXIII. Sect. 2.

(8) Proleg. VII.

is ego non sum, qui translationes damnem, ortasque in universo tenebras, ut cœperunt illæ institui, aut durum propterea jeiunium cum hebraïstis Hebræis indicendum putem. Nam multæ sunt interpretationes utilitatis, decebatque quammaxime, ut latina, & græca Ecclesia latinis quoque, ac græcis translationibus uteretur. Adeo tamen abest, ut hæ Hebraicorum fontium consultationem excludant, ut eam potius exigere necessario videantur. Ecquid primum consilii capies, ubi a vera interpretes primigeniorum verborum significatione abluant? Nunquam ne forte hallucinatos eos putas, aut peculiarem habuisse divinum spiritum, qui genuinum cuiusvis dictionis sensum evolverit? Si eiusmodi sunt, non disputo: at temere nimis istud a te audiretur, quod non solum interpretes singuli de se dici nolunt, sed & experientia ipsa contradicit. Hieronymus ipse Vulgatæ auctor, quidquid Canus, Titelmannus, alique sentiant, sat se prophetam non esse ostendit; nam dubitat aliquando Sanctus Pater de vero Hebraicarum vocum significatu, atque aliam interdum in suis Commentariis interpretationem ab ea, quam in versione retinuerat, persequitur. Translationes in Exaplis extantes consulit, præ ceteris vero sui ævi Judæos interrogat, eorumque dictata, & expositiones complectitur. *Hocine Prophetarum est*, inquit Rich. Simonius (1), *aut prophetam sapit?* Ni

(1) Hist. Crit. V. T. Lib. I. Cap. XI. V. & Dupin Dissert. Prélim. sur la Bible Liv. I. Chap. VII. §. 11.

forte Judæos illos, quibus usus est, prophetas quoque fuisse affirmes. Quid vero si ipse sanctus Pater falli se potuisse, & errasse revera fateatur, ut inferius nos animadvertemus? Interpretes ergo homines sunt, fallibiles omnino, eorumque versiones non peculiari Dei spiritu, & adfistentia, sed una hominum cura, & industria, unis consuetis Hermeneuticæ artis subfidiis elaboratæ in Ecclesia prodierunt. Atque hæc quum ita sint, an omnes in primis sat a natura instrumendi, ac facultatis sortiuntur? Quot interpretantur non sat adhuc primigeniarum linguarum periti, cuiusmodi latinos Græcorum codicum interpretes quondam fuisse tradidit Augustinus? *Ut enim cuique, inquit (1), primis fidei temporibus in manus venit codex Græcus, & aliquantulum facultatis sibi met utriusque linguæ habere videbatur, ausus est interpretari.* Sane ob unam hanc causam dubitavit aliquando cl. Huetius (2), *detrimēti ne plus in Rempublicam literariam invexerit interpretandi ars, an emolumentum.* Ut ut vero aptam rei gravissimæ utriusque linguæ scientiam consequuti sint, an adhuc omnes pari labore, ac diligentia valent? Sed quamquam sat eruditos interpretes existimamus, perspicaces ingenio, undique etiam sollertissimos, *difficile tamen est, inquit olim ad sui excusationem Hieronymus (3), alienas lineas insequentem non alicubi excidere.*

(1) Lib. II. de Doct. Chr. Cap. XI.

(2) De claris Interpr. sub init.

(3) Ep. ad Pammach. De Opt. gen. Interpret.

Μεδὲν ἀμαρτεῖν ἐς τὰ θεῶν, καὶ πάντα κατερθοῦν

Εν βιοτῇ μοῖραν δ' οὔτι φυγεῖν ἔπορευ.

Dii bene perficiunt, quicquid voluere, nec usquam

Errant; mortales aspera fata premunt (1).

Quum vero arduum in universum sit interpretandi genus, & difficillimum adsequi in omnibus auctoris mentem, tum in scripturarum præcipue interpretatione, quas Petrus lucernam lucentem ἐν ἀσχυρῷ τόπῳ in caliginoso loco (2) merito appellavit. וְיִירָד וְיִרְבֵּר *Ecquis scit genuinam verbi interpretationem, de divinis eloquiis jure cum Salomone exclamare possumus (3)?* Atque hinc Augustinus de scripturarum interprete sermonem instituens, & ex ambiguo linguæ præcedentis, inquit (4), plerumque interpretes fallitur, cui non bene nota sententia est, & eam significationem transfert, quæ a sensu scriptoris penitus aliena est. De LXX. non loquor; nam hodierna eorum versio, quod tamen suis auctoribus nolim omnino tribuendum, ita crebro aberrat, atque a suo fonte discedit, ut alicubi vix ullum primigeniorum verborum vestigium retinere videatur. Exemplo sit v. 3. Cap. Isaia XVIII. אֲשֶׁר בָּאוּ נְהָרִים וְאַרְצוֹ כָּל יוֹשְׁבֵי תֵּבֵל וְשׁוֹכְנֵי אֶרֶץ בְּנִשְׁוֹא נֹס רַגְלֵם תִּרְאֶוּ *Cui (genti) diripuerunt flumina terram eius. Omnes habitatores orbis, & qui incolitis terram, quum elevabitur signum*

(1) Apud Demosth. Orat. *De Corona.*

(2) Epist. II. Cap. I. 19.

(3) Eccle. VIII. 1.

(4) Lib. II. de Doct. Chr. Cap. XIII.

signum in montibus videbitis; quem ita habent LXX.:
 νῦν οἱ ποταμοὶ τῆς γῆς πάντες, ὡς χώρα κατοικυμένη. κατοικηθήσεται
 ἡ χώρα αὐτῶν, ὥστε σημεῖον ἀπὸ ὄρους, idest vertente Hierony-
 mo, nunc flumina terræ omnis (omnia) sicut regio, quæ
 habitatur: habitabitur regio eorum, quomodo si signum de
 monte eleveatur. Porro quanam est ibi Hebraici tex-
 tus imago, aut quæ comparatio?

Ad Hieronymum me confero virum, in quo non
 ingenium, non solertia, non demum profunda trium
 præsertim linguarum cognitio desideratur. Jam vero
 quamquam multis sanctus Pater præfidiis ad gravis-
 simum munus suffultus fuit, quæ non omnium so-
 lum, quotquot sequuti sunt, interpretum, sed & to-
 tius Ecclesiæ laudes ei pepererunt, tamen annon
 aliquando & ipse hallucinatur? Etsi eo minus hoc
 est sanctissimo Doctori exprobandum, quo clarius,
 ac sincerius eum habemus humiliter illud fatentem.
 Nam in Cap. XIX. Isaïæ, *melius reor*, inquit, *pro-*
prium errorem reprehendere, quam, dum erubescō imperi-
um confiteri, in errore persistere. Non ea huc affero
 loca, in quibus Hieronymus falsam plane peregrina-
 rum vocum interpretationem reliquit, ut testimonium
 habemus in Ægyptiaco Josephi nomine luculentissi-
 mum. Ubi enim habet Hebraicus textus (1) יִרְאָה
 פַּרְעֹה וְיֹסֵף אֶת־שְׁמוֹתֵיהֶם וְיִסְמֵם וְיִסְמֵם פַּרְעֹה
 & vocavit Pharao no-
 men Josephi absconsionis, seu absconditarum rerum reve-
 latorem, legit Hieronymiana versio: *vertitque nomen*

G

(1) Gen. XLI. 45.

eius, & vocavit eum lingua Ægyptiaca Salvatorem mundi. Prætereo S. Patrem ibi paraphrastam potius, quam interpretem agere; sed unde didicit is, etsi in Ægypto commoratus sit, צפנת פענח, aut totum Copticum

ⲡⲟⲛⲉⲟⲙⲫⲁⲛⲏⲭ Ægyptiace (1) significare

Salvatorem mundi? Aliter sentit Athanasius Kircherus eruditorum iudicio in Copticis literis facile princeps (2). Aliter Philo (3), Josephus (4), & auctor chronici Alexandrini (5). Aliter demum, & verius vertunt vetusti omnes interpretes a Kirchero allati. Nam Chaldaeus Paraphrastes Onkelos vertit נברא ליה דמסמין גלין vir, cui abscondita revelantur. Targum Jonathani tributum נברא דמין מפרש vir, qui abscondita explicat. Syrus: ܐܒܢܐ ܕܡܫܡܝܢ ܕܠܝܗ

ⲧⲁⲫⲛⲁⲛⲏⲭ Tzaphnàth phanech,

cui scilicet occulta revelantur. Arabs denique مفسر

(1) Bonjour anno 1698. Dissert. de hoc Jos. nomine evulgavit, qua Vulgata, & Hieron. defendere conatur, & demonstrare Tzaphnath Pahanach posse ægyptiace significare Salvatorem mundi. Verum, quæ attulit, meræ coniectationes sunt, quæ rem non conficiunt. Ce sont des conjectures, qui font connoître l'érudition de l'Auteur; mais qui ne peuvent pas passer pour des preuves solides. Dupin Biblio. des Aut. Eccl. ult. Tom. p. 355. de P. Bonj.

(2) In Prodro-mo copto Cap. V.

(3) Lib. de Joseph.

(4) Lib. non I., ut notat Kircherus p. 128. sed II. Antiq. Cap. III.

(5) Fol. 179. edit. Græco-Lat. apud eund. Kirch. p. 127.

الجنباة

qui pandit abscondita. Hæc tamen, ut dixi, non persequor, ut nec ea, quæ citra sancti Patris iudicium notant eruditi. Quoties vir optimus non sat recte vertit in textu, quod rite dein suis in commentariis exponit? Eſaiæ XXII. 17. הנה יהיה מטר-טלך טלטה גבר *ecce Dominus deportatione deportabit te, o vir, o tu, qui modo fidis viribus suis, ut explicat Vatablus (1), vertit, ut extat in Vulgata, Hieronymus: ecce Dominus asportari te faciet, sicut asportatur gallus gallinaceus.* De qua interpretatione audi ipsum Hieronymum (2). Geber, inquit, omnes virum interpretati sunt. Hebræus autem, qui nos in veteris instrumenti lectione erudit, gallum gallinaceum tranſtulit. Sicut, inquit, gallus gallinaceus humero portitoris de alio loco transfertur ad alium, sic te Dominus de loco tuo leviter asportabit (3). Unde ergo prodiit gallus hic gallinaceus, nisi ex Hebræorum cerebro? Nam præter commemoratum Hebræum Hieronymi præceptorem R. Salomò Jarchi de gallo gallinaceo גבר hoc loco usurpat, & de eo pariter illud *via גבר viri in adolescentula* Prov. XXX. 19. in Midras Mislè exponi jamdudum observavit Drufius (4). Annon quoque Hieronymus in Hebraicis suis quæ-

(1) In h. l. apud Polum in Synopsi.

(2) Lib. VII. Comm. Eſai. sup. h. l. p. 200.

(3) Arias Montanus contra in lib. Joseph, seu de Arcan. sermone sequitur versionem Hieronymi de gallo gallinac., in versione vero eam deserit.

(4) Lib. X. Observat. Cap. VIII. Crit. S. T. VIII. p. 266.

tionibus animadvertit מרחפר (1) potius *incubabat* significare, quam *ferebatur*? Atqui tamen posteriorem hanc interpretationem, quam in suis quæstionibus minus probat, in versione retinuit. Non est opus plura exempla afferre, quo demonstremus ipso etiam fatente sanctissimo Patre haud satis aptam aliquando eum translationem sequutum esse; quum fateantur viri religiosissimi in Hieronymiana versione non typographorum solum, sed & interpretis errata reperiri. Quod si de Hieronymo ex eius sententia, atque absque ulla iniuria dicimus, quid erit de ceteris latinis præcipue interpretibus sentiendum, qui cum Hieronymo comparari nequeunt.

Nunc quid dicam de interpretum licentia? Interpretes, si Huetio credimus (2), debet ita sententiis dare operam, ut verba non negligat, nec ita studere verbis, ut sententias labefactet. An, quum in omnibus translationibus exacte, accurateque hoc præstare adeo difficile sit, erit id in scripturarum interpretatione facillimum? Atque hinc alii, dum pressi, ac literalis interpretis laudem quærunt, evadunt in referendis sententiis obscuriores, ut intelligi vix possint; quod, quamquam eos unos commendare videantur Hebræi literæ, ac verborum tenacissimi, reprehendere tamen in celebri Ferrariensi eorum translatione non dubitavit R. Isaacus de Acoſta, &

(1) Gen. I. 2.

(2) De Opt. Gen. interpretandi §. 8.

libere de ea fateri (1), que su Traductor demasiado de exacto traduxo tan en rigor a la letra, que ademas del escabroso estilo, que causa la improporcion de algunos adverbos y terminos de una lengua con otra escurece de tal modo el sentido en algunas partes, que ò no puede entenderse la oracion, ò se entiende muy diferente. Alii vero liberiores detrahunt in interpretationibus, adii-
ciunt, interpolant, ut non interpretes, sed paraphra-
stas agere videantur. In mutilationis exemplum af-
ferri potest vers. 2. Capitis Jerem. L. הנירו בניו ; qui locus, inquit Boo-
tius (2), a Græcis indigne tractatus, ac non solum se-
cundo ושמעו, sed & integro illo commate, ob quod
eum hic adducimus, ושמעו נס mutilatus est: hanc ipso-
rum vel negligentiam, vel malam fidem unanimiter ar-
guentibus Syro, Chaldæo, & Hieronymo. Quod idem
Is. XIII. 2. reprehendit Bootius (3). Quippe, in-
quit, pro ויבאו פתחי נריבם reposuerunt ἀνοιχάτε οἱ ἀρχαίαι,
quæ interpretatio & a sensu loci plane aliena est, & tex-
tui Hebræo aptari nullomodo potest, nisi & integra vox
ויבאו ex eo deleatur, & פתחי in פתחו mutetur. In
quo eodem textu vertendo Syrus interpres, quod pu-
taret forte id sensum requirere, affixum secundæ per-
sonæ ad arbitrium addidit: **והנירו בניו**

Et quoniam de adiectionibus sermonem instituimus,

(3) Præf. ad Conjecturas Sagradas sobre los Prophetas primores.

(5) Animadv. Sacr. ad Text. Heb. V. T. Lib. I. Cap. VI. §. 2.

(3) Ibid. Lib. I. Cap. VIII. §. 10.

Gen. IV. 8., ubi Hebraicus textus habet: וַיֹּאמֶר
קַיִן אֶל הָבֶל וְיֵה בְרִיּוֹתֶיךָ בַשָּׂדֶה וַיֵּקָם קַיִן
אֶל הָבֶל & dixit, vel ut alii vertunt, locutus est, vel
colloquium tenuit Cain cum Abel fratre suo; accidit au-
tem, quum ipsi essent in agro, surrexit Cain adversus Abel,
פָּסַק פֶּסֶק pausam, seu sensus intercisionem supplere
LXX. Interpretes, addideruntque διέλθωμεν εἰς τὸ πεδῖον
egrediamur in agrum; quod idem porro non Vulga-
ta solum, sed ipse etiam Samaritanus exscriptor fe-
cit: וַיֵּקָם קַיִן אֶל הָבֶל וְיֵה בְרִיּוֹתֶיךָ בַשָּׂדֶה וַיֵּקָם קַיִן אֶל הָבֶל

וַיֵּקָם קַיִן אֶל הָבֶל & dixitque Cain ad Abel fratrem suum, eamus
in agrum. Nec in hunc tantum locum, ubi quaedam
veluti extat elyphis, additamenta instituerunt LXX.,
sed & in alia sæpius bibliorum loca, quæ tum ve-
tusti, tum recentiores critici solerter annotarunt.
Hieronymus suis olim criminatoribus Psalmum XXI.
obiiciebat, ubi LXX. primigeniis verbis intexue-
runt: πρόσχες μοι. Item Ps. XXVI. 6. καὶ ὅς ἰδὲ ὑψώσε
κεφαλῶν μου. Ps. XXX. 6. ὅτι σὺ εἶ ὁ υπερασπιστὴς μου κύριε.
Ps. XLIV. 6. τὰ βέλη σου ἡ κολλημένα δυνατὲ. Ps. XLVII. 5.
ὅς οἱ βασιλεὺς τῆς γῆς, ἰδὲ, κύριε, δυνατὲ, τῆς γῆς omnia ad-
ditia sunt, nec in fonte reperiuntur. Verum tot
eiusmodi additiones comparantibus græcam versio-
nem cum Hebræico textu, & tantæ occurrunt, ut
eam, qualis hodie extat, Hebræos LXX. viros reli-
giosissimos auctores nulla ratione habere facile cre-
diderit Pagninus (1): Nos summo studio, inquit, cu-

(1) Cap. IX. Ifagog.

ra, & diligentia LXX. interpretationem cum Hebræo contulimus, & tot invenimus addita, demta, depravata, immutata, & ab hebraico prorsus aliena, ut mihi persuadere nequeam, illam esse LXX. Interpretum. Ante Pagninum vero Hieronymus (1): longum est nunc revolvere, quanta septuaginta de suo addiderint, quanta dimiserint, quæ in exemplaribus Ecclesiæ obelis, asteriscisque distincta sunt. Quid faciemus ad authenticos libros, in quibus hæc non feruntur ascripta, & cetera his similia, quæ si proferre nitamur, infinitis libris opus est? An forte novum est & nonnullis recentioribus præcipue interpretibus immutare pro arbitrio originalia verba, & dum textum emendare putant, mendosa plane lectionem obtrudere? Ita suspicatus est Piscator II. Paral. XXVIII. 21. pro חֶלֶק legi debere לֶקֶח; quæ de re graviter a Bootio reprehenditur (2), qui optime ei obiicit lectionem hanc eo loci stare nequaquam posse, & accepit domum Domini pro accepit thesauros de domo Domini, durissimum esse, atque inauditum locutionis genus. Immerito autem Bootius reiicit versionem Græci, & Itali interpretis, quod putet hos verbi potius לֶקֶח, quam textualis חֶלֶק rationem habuisse. Quid enim significat itala phrasis *prender d' una cosa*, nisi partem ipsius rei sumere? Italus ergo interpres, seu Bruccioli, ut ipse intelligere videtur (3), חֶלֶק, non לֶקֶח expressit, dum vertit:

(1) Ep. ad Pammach.

(2) Animad. S. Lib. IV. Cap. XII. §. 18.

(3) V. Indic. Auctor. Animadversionibus præmiss. ad Italica.

*prese del tesoro del tempio; idemque prorsus innuit, quod altera Diodati: prese una parte de' tesori della casa del Signore. Græci vero codices vertentes ἐλάβε-
 τὰ ἐν οἴκῳ κυρίου verterunt non לקח, sed קח accepit
 aliqua, vel nonnulla in templo Domini. Nam τὰ etiam
 indefinite verti posse luculentum habemus in Ma-
 thæo (1) testimonium, αὶ δὲ ἐδίστασαν quidam autem du-
 bitaverunt, & Luciani exemplo, atque auctoritate
 Stockius (2) confirmat. Piscatori, ut eo redeamus,
 unde discessimus, & Tigurini accensendi sunt, qui
 futili ducti coniectura detrahentes mem pro מנחם
 Esaiæ V. 26. verterunt מנחם Genti; quibus opponun-
 tur vetustissimi omnes interpretes, Græci ἐν τοῖς ἑθνεσιν,
 Syrus ܡܢܚܡܐ, Chaldaus ܡܢܚܡܐ. Atque*

liberiori huic, quod usurpant interdum translatores,
 interpretandi generi fere totum discrimen, quod
 versiones, & fontem intercedit, tribuebat Dupi-
 nius (3). „ Il faut avouer, que souvent la diffe-
 „ rence qui se trouve entre la version, & l'original,
 „ & entre les versions mêmes, vient de ce, que
 „ les Interpretes ne se sont pas assujettis à suivre la
 „ lettre, & à traduire les mots à la rigueur, mais
 „ qu'ils se sont donnés la liberté de rendre le sens,
 „ qu'ils ont crû le plus veritable. Toute version est
 „ une espece de Paraphrase, & de commentaire,
 „ &

(1) Cap. XXVIII. 17.

(2) Clav. Ling. S. N. T. ad ἐς. Consule & Polum in cit. Mathæi loc.

(3) Dissert. Prelim. sur la Bible Lib. I. Chap. IV. §. 4.

„ & il est presqu' impossible, que l' interprete, quel-
 „ que fidele qu'il soit, ne prenne quelque fois l'effor
 „ en s' écartant de la lettre de son original.

Sed etsi versiones sint a viris linguarum scientia
 clarissimis, qui non hallucinentur, quique in interpre-
 tando liberiores non sint, quam par est, qui tamen
 adhuc primigeniorum verborum vim, emphasin,
 plures, quos fovent, sensus, & mysteria, ac pecu-
 liares demum modos, seu idiotismos valent nobis
 perfecte referre? Id universim quidem de omni in-
 terpretatione intelligi debet, in qua, quæcunque ea
 sit, semper verum erit, quod nos docet Pater La-
 my in suis Entretiens sur les sciences (1). „ C'est
 „ toute autre chose de voir soi même, & de voir
 „ par les yeux d'autrui. La verité s' altere en s' eloi-
 „ gnant de sa source, & se gâte, pour ainsi dire,
 „ en passant par tant des mains. Chaque langue a
 „ un tour, qui lui est particulier, & qu'on ne peut
 „ bien exprimer dans une autre langue. Ce qui
 „ fait, que le plus belles versions sont toujourns im-
 „ parfaites. Outre cela quoiqu'un auteur soit exact
 „ & qu'il prenne soin de ne rien dire, qui soit équi-
 „ voque, il lui echape toujourns quelque expression
 „ capable de plusieurs sens. Le traducteur ne s' ata-
 „ che qu'à un sens, il represente l'original par l'en-
 „ droit, par lequel il l'a vû. Il explique comme il
 „ l'a entendu. Ainsi il determine ce, qui n'est point

H

(1) Entret. I. p. 12.

„ déterminé ; de fort qu'en lisant sa version , on y
 „ voit ses pensées plutôt que celles de l'auteur. Il
 „ n'y a guere de traducteur qui conserve entie-
 „ rement le sens de l'original. Il le resserre , ou il
 „ l'étend Tout cela rend les langues absolu-
 „ ment necessaires à ceux qui aiment la verité. „
 L**ubet** hæc , quæ posuimus , doctiorum etiam Pa-
 trum gravissima auctoritate firmare. *Habet* , inquit
 Augustinus (1) , *omnis lingua sua quædam propria ge-
 nera locutionum , quæ quum in aliam linguam transferun-
 tur , videntur absurda. Alibi vero* (2) . *Sunt quædam
 verba certarum linguarum , quæ in usum alterius linguæ
 per interpretationem transire non possunt. Omnium vero
 luculentissime id docet Hieronymus ad Pammachium
 de optimo agens interpretandi genere : arduum (est) ,
 ut quæ in alia lingua bene dicta sunt , eundem decorem in
 translatione conservent. Significatum est aliquid unius ver-
 bi proprietate : non habeo meum , quo id efferam , &
 dum quæro implere sententiam , longo ambitu vix brevis
 viæ spatia consumo. Accedunt hyperbatorum anfractus ,
 dissimilitudines casuum , varietates figurarum , ipsum po-
 stremo suum , & ut ita dicam , vernaculum linguæ ge-
 nus. Si ad verbum interpretor , absurde resonat. Si ob
 necessitatem aliquid in ordine , vel in sermone mutavero ,
 ab interpretis videbor officio recessisse. Jam vero si hæc
 de qualibet interpretatione vera sunt , quid de iis
 interpretationibus dicemus , quæ ex Hebraico idio-*

(1) Lib. de vera Relig. Cap. L.

(2) Lib. II. de Doct. Chr. Cap. XI.

mate fiunt peculiarium idiotismorum fecundissimo? Quamobrem Jesus junior filius Sirach, qui optimum Avi moralem librum ex Hebræo in Græcum transtulit, excusat sese, si translatitia eius oratio eundem cum primigeniis verbis leporem, vim, & emphasin non servans legentium oculis valde ab Hebraico Textu deficere videatur. Hortor itaque, inquit (1), *venire vos cum benevolentia, & attentiori studio lectionem facere, & veniam habere in illis, in quibus videmur, sequentes imaginem sapientiæ, deficere in verborum compositione. Nam deficiunt verba Hebraica, quando fuerint translata ad alteram linguam.* Ambrosius suis in Psalmos Enarrationibus (2): *sensus nobis spectandus est semper, quem etiam ipsum frequens translatio ex hebræo in græcum, ex græco in latinum adinuare consuevit.* Hieronymus etiam occasione græcæ vocis περιποίησεως (3) multa adesse verba fassus est, quæ nec de græco in latinum transferri valent, nec de hebraico in græcum. Quod idem Origenes eodem referente Hieronymo (4) arbitrabatur, non posse quædam verba hebraica eadem vi transferri, qua apud suos dicta sunt, & multo melius esse non interpretata ponere, quam vim eorum interpretatione tenuare. Ex recentioribus vero translatoribus Judæis R. Mosceh Altaras in præfatione ad lib. De mante-

(1) In Prolog. ad Eccli.

(2) Enar. in Ps. 37. Tom. I. Oper. pag. 837.

(3) Ephes. I. 14. p. 333. T. IV.

(4) Epist. ad Marcel. de quibusc. Nomin. Heb. int. Ep. Crit. pag. 705. Tom. II. Oper.

nimiento de la alma, quem ex Hebræo in Hispanicum transtulit, *aun que parette, inquit, que toda hobra traduzida pierde la gravedad y gracia que en su original tenia, tanto mas en la Hebræa.* Atque quum id nequeant interpretes in quovis scripto Hebraica lingua exarato, facile ne id poterunt in sacro textu, cui plures adhuc sensus, & maiora Deus mysteria indidit? Nam pulcherrime aiunt Hebræi non esse in lege אפילו אות אחת שאין הררים גדולים נה תלום vel unam litteram, a qua montes magni non pendeant; quod & D. Bernardus confirmat (1). *Ego ut verum fatear, jam olim mihi persuasi in sacri preciosique eloquii textu nec modicam vacare particulam.* Hieronymus vero Lib. I. adv. Jovin. (2). *Et est in verbis simplicibus semper divinarum scripturarum sensus augustior.* Epist. XXII. ad Paulam (3): *nequeo satis scripturæ laudare mysteria, & divinum sensum in verbis licet simplicibus admirari.* Immo ad Pammachium scribens & ipsum in scripturis verborum ordinem mysterium esse asserere non dubitat. Quam ergo Hebraicæ Bibliorum dictiones sive vim, sive plures sensus, & mysteria foveant, non undique interpretes, ac perfecte referare nobis potuerunt.

Hoc eodem argumento ad ostendendam Hebraici textus præ versionibus dignitatem, atque emolumentum utebatur olim R. Joseph Caspi in suo שריון

(1) Serm. LXXII. in Cant. Tom. III. Oper. p. 117.

(2) Tom. IV. Oper. Nov. Ed. p. 164.

(3) Tom. IV. p. 57.

הכסף Sculchan Acheſeph, quod rariffimum MS. ab iis, qui Hebraicas Bibliothecas confuerunt (1), non memoratum in celebri hac noſtra Taurinenſi Bibliotheca cuſtoditur (2). Optimum argumentum a nemine Judæorum pertractatum, nec eruditis adhuc detectum juvat illis pandere ipſis Auctoris verbis, quibus ſuum Sculchan auſpicatur, & pretioſi ſimul MS. quoddam veluti ſpecimen aptiſſimo hoc loco exhibere. אמר יוסף אבן כספי רכונה בזה הספר לבאר דרוש אחד והוא מה יתכונן תורתנו ויתר ספרי המקרא מצד סדור הלשון וסדור המכתב רצוני הלשון העברי וסדר הכתיבה שבו נסדרו ונעשו על רמועתק מלשונינו אל לשון אחרת עד שיתבאר שמה הצד יש יתרון גדול להבנת הענינים במליצות ההם על הבנת זולתנו מיתר האומות שמעיינים באלו הספרים במועתק אל לשון אחרת אם הנצרים ורשומעלים או אולתם „ Dixit Joſeph „ Aben Caſpi. Intentio in hoc libro eſt dilucidare „ quaſtionem unam: & hæc eſt, quid confirmet, „ vel ſtabiliat legem noſtram, & reliquos libros „ ſcripturæ ex parte diſpoſitionis linguæ, & diſpoſi- „ tionis ſcripturæ, ideſt linguæ Hebraicæ, & ordi-

(1) Scilicet Buxtorſio, Hottingero, Plantavio, atque a recentiore Wolfio in T.I. & III. Eius autem argumentum memorare videtur Wolfius T.IV. p. 855. ex notitia, quam accepit ex Abbate Bencini, ut ipſe in Præf. ad eund. Tom. IV. teſtatur. Hallucinantur tamen utrique, dum agere Caſpi aſſerunt de Hebr. ling. excellentia.

(2) V. Catal. MSS. Taurin. Cod. XCVII. A. II. 22. fol. codicis 165. Argum. hoc de maj. dignit., & emol. Hebr. fontium præ verſionib. agit Caſpi tota Par. I. Sculchan a fol. 165. uſq. ad 178. ubi alteram probandi ſcilicet Prophetæ quaſtionem ingreditur.

„ nis scriptionis , quo dispositi sunt , & facti præ ulla
 „ versione , quæ fiat ex lingua nostra in aliam linguam ;
 „ donec illustretur , vel explicetur , quod ex hac parte
 „ est emolumentum maximum ad intelligentiam sen-
 „ suum , vel rerum in ea forma orationis præ intelli-
 „ gentia , quæ extra illam consequi potest , ex reli-
 „ quis gentibus , quæ student , vel perscrutantur in
 „ istis libris versis in aliam linguam , sive Christiani
 „ sint , & Turcæ , sive consimiles stulti . Et ego vo-
 „ cavi hunc librum Sculchan Acheseph , seu Mensam
 „ argenteam . „ Paulo dein inferius exponit occa-
 „ sionem , quæ cum ad opusculum hoc suscipiendum
 adegit . אמר פעם אחת שאלני הגמון נכבד מארצינו
 והיה בקי בספרי המקרא מדוע תבקשו אתם מן המלכים
 והפיפורים וההגמונים שיעשו כבוד והידור לספר תורת
 משה בהוצאתם אותו לפניהם בהכנס בעיר כאשר נוציא
 גם אנחנו להם צלמינו ומאזיה מעם מחוייבים אנו
 לעשות כבוד לספר תורת משה שבידכם ובאמת מורים
 אנחנו על היות חיוב לנו כלנו לעשות כבוד והידור
 לספר תורת משה ואחריה לכל ספר המקרא שחברו
 הנביאים הנמשכים אחר תורת משה אבל זאת התורה
 וכלה המקרא הנה אתנו היא כמו אתכם ואם מלכינו
 וגדולינו חפצים שיוצא להם ספר תורת משה או המקרא
 כלה אנחנו נוציאם כי הספרים ההם לנו הם כמוכם
 האם בהיות ספרי תורת משה כתובים בלשון ובכרוב
 עברי יש להם יתרון קדושה ומעלה על ספרינו ממנה
 עצמה הכתובים בלשון רומי ובכתב רומי אחד בכל
 „ Dixit : una vice interrogavit me Episcopus

„ clarissimus ex terra nostra, qui erat exercitatus in
 „ libris scripturæ: quare exquiritis vos a Regibus,
 „ & Pontificibus, & Episcopis, ut glorificent, &
 „ honorem tribuant libro legis Mosaicæ, quum vos
 „ producit is illum ante eos, dum in urbem conve-
 „ niunt, ut educimus etiam nos illis nostra exem-
 „ plaria? Ecqua ratione tenemur nos honorificare,
 „ vel æstimare librum legis Mosaicæ, qui est in ma-
 „ nibus vestris, aut unde sane edocemur nos onus
 „ nobis incumbere deferendi honorem, & gloriam
 „ libro legis Moſis, & post hanc omni libro scrip-
 „ turæ, quem composuerunt prophetae sequentes le-
 „ gem Mosaicam? Sed lex ista, & tota scriptura
 „ ecce nobiscum est, ut vobiscum, & si Reges no-
 „ stri, & Magnates nostri volunt, ut educatur ipsis
 „ liber legis Mosaicæ, aut universa scriptura, nos
 „ ea educemus; quia libros illos habemus nos, ut
 „ vos habetis. Num forte, quia sunt libri legis Mo-
 „ saicæ scripti lingua, & scriptura Hebraica, est ip-
 „ sis aliquod emolumentum, vel utilitas, aliqua san-
 „ ctitas, & excellentia præ libris nostris ex ipsa ea-
 „ dem scriptis lingua Romana, & Romana, vel la-
 „ tina scriptura, unoquoque ipsorum? „

Ita sentiebat, si Josepho Caspi credimus, Anoni-
 mus ille Episcopus, ut nostri homines sentiunt, nul-
 lum versiones inter, & Hebraicum fontem discrimen
 interesse, nec maiorem ullam fonti præ versionibus
 dignitatem, aut ad rerum intellectum utilitatem su-

peresse; adversus quem demonstrare conatur Caspi ex parte etiam mutationis idiomatis, quo facer quondam codex scriptus est, translationes deficere, nec apte satis Hebraicorum verborum vim, & sensum exprimere potuisse, Vulgatam nostram in exemplum assumens. לכן אמר עתה איך הספרים המועתקים מספר חסרו הכונה והשלמות מספרינו מצד שני הלשון ומצד שני סידור הכתוב ואמר מזה משל אחד ואז שנים לבד. אמר תחלת התורה בראשית ברא אלהים את השמים ואת הארץ הנה המתרגם לנוצרים העתיק אנפרסיפאו קריאוש (1) דיאוש צילום אירח טראם התחשוב כי הוראה אלו המלות החמשה איש איש על עבודתו כהוראת השמות שלנו אשר מכרם האל ית' עבדו. Idcirco explicabo nunc, quomodo libri versi ex libro deficiunt intentione, & perfectione præ libris nostris ex parte mutationis linguæ, & ex parte mutationis dispositionis scripturæ, & commemorabo de hoc exemplum unum, aut duo tantum. Dixit: initium legis est: Bereschith barà Elohim ed hascamaim, veed haaretz. Ecce interpres christianorum vertit: In principio creavit Deus tzelum, & terram. Putasne significatum horum verborum, unumquodque per se, esse, sicut est significatus nominum, quæ nos habemus, quæ tradidit Deus benedictus Mosi servo suo? Verum non est sic. Atque omittis, quæ fusa ipse oratione differit de prima voce Bereschith, quod nomen משורתף æquivocum esse putat; de verbo Barà sentit Caspi הוא בעברי שם כולל ענינים.

(1) Mendose in textu esse videtur קריאוש creausc.

comprehendere in Hebræo plures significatus, hacque dictione intendi juxta eius sententiam יצירת formationem rei formatione perfecta, non formatione tantum. וַיֵּצֵר ספק כי הברל גדול יש בין עשה בין יצר או ברא כי עשה לבדו נופל בכמה מקומות על המצאת החומר או הצורה חסר או יצר נופל על המצאת הצורה ועדן יתכן היות החומר או הצורה חסר אבל ברא נופל על המצאת הנעשה עם חומר וצורה ובתכלית השלימות: *Nec enim dubium est, subdit, quod discrimen maximum est inter Hascàh, inter Jatzar, aut Barà, quia Hascàh ex seipso tantum cadit in multis locis super existentia materiæ, aut formæ imperfectæ. Aut Jatzar cadit super existentia formæ. Et hætenus intelligitur esse materiam, aut formam imperfectam; sed Barà cadit super existentia accepta cum forma, & materia, & cum proprietate perfectionis. Non est autem creavit eiusmodi. Sane Hieronymus ab Oleastro (1), alique nostrorum interpretum jam dudum observarunt, simplicem, non perfectam, aut ex nihilo productionem frequentius, si ipsis credimus, hoc verbum denotare; quod allatis Tullii testimoniis confirmant. Quamobrem ad vocem creavit asserere non dubitavit Ludovicus Ystella (2): apud latinos non Theologos creandi verbum pro eo, quod est quocumque modo producere, semper fuit in usu. Verum etsi hoc loco, quod nobis*

I

(1) Comm. in Pentat ad h. l.

(2) Comm. in Sacr. Genes. in h. l.

probabilius videtur, aptissime Interpres noster hebraici verbi *Barà* vim omnem expreſſerit, non ita tamen de LXX. Interpretibus dicendum puto, qui non *ἐκτίσσε* verterunt, ſed *ἐποίησε* fecit contra vim hebraicæ vocis, ut olim a Procopio etiam animadverſum eſt. Nam præterquamquod *Hafcàh*, ſeu *ἐποίησε* creaturis etiam competit, *Barà* vero ſoli Deo, innuere ſic viſi ſunt univerſum hunc non ex nihilo, ſed ex præextante quadam materia conditum a Deo fuiſſe; unde Baſilius, & nonnulli Græci, ut Simonius notat (1), mundum alium inviſibilem huic noſtro præexiſtenteſt em oſtendebant.

Verofiſimilius, quod docet Caſpi de tertia voce Elohim *הוא גם בעברי כולל כמה הוראות* ipſam etiam hebraice plures ſignificatus comprehendere, atque aliquid magis ſignificare, quam latinum vocabulum *Deus*, pluribus noſtris interpretibus, & Theologis viſum eſt ex ea divinarum perſonarum plurali-tem adverſus Judæos ipſos arguentibus, quod ex noſtra quavis verſione non poterant. Quapropter hebraica verba *Barà Elohim* ſtriſte ſonare cenſuerunt *creavit Dii*, quod quum de Deorum copia, cui obſtat ſingulare *Barà*, intelligi nulla ratione queat, de pluribus hypoftaſibus videtur neceſſario intelligendum. Utut tamen infirmum hoc nonnulli exiſtimarint, qui obiecerunt pluralem formam nominis Elohim non ullum myſterium, ſed peculiarem idio-

(1) Hiſt. Crit. V. T. Lib. I. Cap. V.

tismum fovere, illud jugiter verum erit, peculiarem hunc idiotismum translationes nostras non referre. In ceteris vero scripturarum locis nomine Elohim non Deus solum, sed & iudices, principes, primates designantur. An adeo difficile est unum pro altero in versionibus obtrudi? Equidem, ubi translatio nostra legit filios Dei vidisse filias hominum, quod essent pulchræ, sunt, qui ibi Elohim non Deum, sed Principes significare contendant, atque apposite admodum, ut ipsis videtur, de filiis principum, & filiabus hominum vulgarium interpretentur. Huius sententiæ est clarissimus Maimonides, qui, postquam statuit אלהים non homines tantum, sed vulgum insuper, homines idiotas, & plebem vi sua innuere, in exemplum, atque eius, quod dixerat, illustrationem commemoratum scripturæ locum assumpsit (1). Ut autem ab Elohim ad cetera divina nomina transeamus, illud certum est variis, quæ in scriptura effervunt, Dei adpellationibus El, Jeoah, Elohim, Scadai, Adonai, Tzur &c. varia Dei ipsius attributa, & adfectiones denotari, unde eius natura colligitur. Atqui tamen interpretes plerumque vertunt ubique *Deus*, aut *Dominus*. Annon aliquid excellentius se præstitisse Mofi demonstrat Deus, dum ait se ei revelare nomen suum Jeoah, quod prioribus Patribus non indicaverat? Audi, si lubet, commem. Maimonidem (2): כל שמותיו יתעלה הנמצאים

(1) In Morè Nevoch. Lib. I. p. 18. Buxtorf. versionis.

(2) In cit. Morè N. V. Voisin. Theol. Judæor. Cap. V.

בספרים כולם נגזרים מן הפעולות וזה מה שאין העולם
 בו אלא שם אחד והוא יוד ה'א ו'או ה'א שהוא שם
 מיוחד לו יתעלה ולזה נקרא שם המפורש עניינו שהוא
 יורה על עצמו יתעלה הוראה מביארת אין השתתפות בו
Cuncta nomina Dei excelsi, quæ reperiuntur in libris, sin-
gula derivantur ab eius actionibus, vel operibus ad extra,
seu ab eo, quod non est in eo absconditum, sed nomen unum,
scilicet Jod He Vau He (Jeoàh) est nomen proprium, vel
unicum ipsius Dei excelsi significatione clara citra ullam ambi-
guitatem. Non Hebræi solum maius mysterium, maio-
 remque virtutem Tetragrammato huic nomini attri-
 buerunt, quod non audent propriis eius vocalibus pro-
 nunciare, sed christiani etiam illud ineffabile plane
 jugiter habuerunt, שם המפורש Nomen expansum,
 Nomen Dei prorsus peculiare, eiusque naturam, seu
 constitutivum, ut scholastico vocabulo utar, expres-
 sius evolvens; quippe quod emanat a rad. היה Ha-
 jàh, quæ significat esse, & singula quoque tempo-
 ra complecti videtur. Unde tamen ex versionibus
 dignoscimus, ubi voluerit Deus usurpari nomen Je-
 oàh sibi proprium, vel Jah, aut alterum Adonai,
 quum unius Domini nomine, & sensu singula ple-
 rique saltem (1) interpretes transtulerint? Mul-

(1) Nam & nonnulli reperiuntur, qui, quod multum hoc interesse arbi-
 trarentur, nomen hoc in suis translationibus immutatum servarunt.
 Ita præter Pagninum, & aliquos recentiores Franciscus Forerius reti-
 nuit jugiter Jeoàh, sui que consilii hanc eandem in Præf. ad Comm.
 If. attulit rationem. *Nam cum nomen id (Jeoàh) nulli creato convenire*
possit, non parvi momenti rem esse judicavi, si lector intelligeret, ubi id
nomen esset.

tum autem interest scire, num habeatur Jeoàh, aut Adonai; & Theologi, qui advertunt Hierem. XXIII. 5. Messiam in textu Hebraico vocari nomine non Adonai, sed Jeoàh, urgent Hebræos ad agnoscendam Messix divinitatem, quod tamen ex nostris translationibus non obtinent. Quid vero, ubi utrumque in textu occurrat & Jeoàh, & Adonai? Coguntur interpretes aut utrumque vertere, ut diximus, vocabulo Domini, aut, si nolunt geminare, alterum reticere, quod Vulgatus noster interpres fecit Isai LX. 4. *אֲדֹנָי יְהוֹה נָתַן לִי לִשָּׁן לְמוֹדִים* Adonai Jeoàh dedit mihi linguam eruditorum vertit ille Dominus dedit mihi linguam eruditam. Versiculis autem 5. & 7., ubi rursus reperitur utrumque Adonai Jeoàh, transtulit Dominus Deus, ac si extaret in textu Adonai Elohim. Item Deut. XXXII. 30. Moses post memorata Dei erga populum Israel beneficia subdit (v. 15.) increassatum esse dilectum, & turpitudine affecisse *צֹר יְשׁוּעָתוֹ* Tzur rupem, & fontem salutis suæ. Enumerans autem mala ingrato populo obventura: quomodo, inquit, persequetur unus mille, & duo fugabunt myriadem, nisi quia *צֹר מְכַרֵם* Tzuram rupes eorum, eorum Petra, qui antea erat eorum firmamentum, fortitudo, & propugnaculum vendidit eos? Scilicet hoc nomine Tzur innuere Moses voluit, ut ipsi impinguati eum Deum dereliquerant, qui tot ei beneficia præstiterat, sic hunc eundem Deum eorum rupem eos inimicis suis

traditurum. Vulgatæ tamen Auctor vocabulum Tzur vertit utrobique unius Dei nomine, & significato.

Jamvero si de allusionibus, & analogiis hebraicarum vocum in sacro codice extantium loquimur, unde scis, quia Eva possederit filium a Deo, appellasse ipsam cum קַן Cain, ni simul intelligas קַן a rad. קָן possessionem innuere, & legas in Hebraico textu כִּי קָנִיתִי אוֹתוֹ *chì chanìdi odò?* Aut vidisse Jeremiam Amygdalam, quod vigilaturus esset Deus super verbis suis, ni analogiam legas in eodem textu, quæ est inter שְׂקָר *Scachèd*, & שֹׁקֵר *Scochèd*? Quod si quispiam est, qui id velit in versione exprimere, ut fecit Hieronymus, quid quæso nomine virgæ vigilantis intelligis, quod ille usurpat? Et Adam de recens efformata muliere vocabitur, inquit אִשָּׁה *Iscàh*, quia ab אִשָּׁה sumpta est; quod frustra item Hieronymus significantiori viraginis vocabulo, aut alii barbara plane viræ, & latinis inaudita voce exprimere conati sunt (1). Atque hinc duo ad rem nostram ex hoc interpretum conatu deduci queunt; primum multum referre allusiones has, atque analogias intelligere, quas Deus, sacrique Auctores consulto adhibuerunt. Alterum vero non sat commode ab interpretibus servari eas in eorum translationibus potuisse.

Quandoquidem autem plures extant ex Hebræo codice elaboratæ translationes, & sæpe etiam inter

(1) Vide Drus. Quæf. Heb. Lib. I. Qu. 19. p. 16.

se, five ob sensuum copiam, quos fovent hebraica verba, five ob varium interpretum intellectum, valde dissentiunt, cui jam te committes; aut quam putabis melius auctoris mentem referre? Quod porro de ipsis præcipue vetustissimis, quæque maiorem auctoritatem, & usum obtinent, versionibus verum est, quippequæ ex hebraicis non punctatis codicibus factæ sunt varios sic sensus admittentibus. Etenim, ut præclare inquit R. Bechai (1), *ראותיות כשאינן מנוקדות סובלות כמה כוונות ומתחלקות לכמה ניצוצות* *literæ, quando non sunt punctatæ, suscipiunt multas intentiones, vel sensus, & in multas dividuntur scintillas.* Nec solum versiones, sed ipsa eadem unius, eiusdemque versionis exemplaria sæpe variant, ut, quæ nam sit vera lectio, certo statui nulla ratione queat, ni ad fontem confugiamus. Cuius rei exemplum attulit Bellarminus (2) in latinis nostris codicibus luculentissimum. Josue V. 6. plurimi codices Bellarmi-
ni ætate habebant: quibus juravit, ut ostenderet eis ter-
ram fluentem lacte, & melle. Alii vero: ut non ostende-
ret. Hanc posteriorem lectionem tum commemoratum Cardinalis, tum correctores Sixtini, & Clementini veriolem esse, & retinendam censuerunt, proptereaquod Hebraico textui sit consentanea. Atque ex hac interpretum varietate, & dissidio Heb. linguæ necessitatem, & necessariam Hebraicorum fon-

(1) In Lib. Num. II. 15. pag. 162. apud Hott, Thes. Phil. Lib. I. C. II. Sect. 7. p. 237.

(2) Lib. II. de verbo Dei Cap. XI.

tium inspectionem Augustinus ipse ostendebat (1). *Quæ sit*, inquit, *ipsa sententia*, quam plures interpretes pro sua quisque facultate, atque iudicio conantur eloqui, non apparet, nisi in ea lingua inspiciatur, quam interpretantur.

Quid præterea, si errata, quod sæpe fit, siue typographorum inscitia, & incuria, siue sciorum audacia in versiones irreparent? Unde scis, nisi ex Hebraico textu, in LXX. οδὸς I. Sam. XIV. 5. irrepsisse pro οἰκίας, τραφεὶς pro ταφεὶς Gen. XV. 15., οἰκίας pro κοιλίας Judic. XX. 15., δέκα ἀνῶν pro δέκα μῶν Gen. XXXI. 7., & alia eiusmodi? Unde in Vulgatam malitia pro militia Isai. XL. 2., eques pro equus Exod. XV. 19., ortu pro borto Job. VIII. 16., viduam pro victum Ps. CXXXI. 15., Jerusalem pro Israel Jerem. XXXIII. 7., novi pro novæ Thren. III. 23., quadraginta quinque pro quinque Gen. XVIII. 28., & similia, quæ fortuito acciderunt? Nec nisi ex Hebraici textus consultatione deprehenderunt Hieronymus ab Oleastro, Bellarminus, aliique irrepsisse olim in latinam translationem seculi pro saculi Prov. XVI. 11., fontem pro fortem Ps. XXVI., & XLI., exultationes pro exaltationes Ps. CXLIX., aut pax illius pro paxillus I. Esdræ IX., atque alia bene multa, quæ ex ipso primigenio textu dein emendata fuere. Porro hoc idem dicendum est de iis erratis, quæ in versionibus extant ex una quorundam sciorum audacia, qui putantes textum emendare

(1) Lib. II. de Doct. Chr.

emendare turpi eum hallucinatione corruperunt. Ita sciolus quidam audax ex Act. VII. 14., ubi ait Stephanus animas ingressas in Ægyptum fuisse septuaginta quinque, Græcum V. T. textum Gen. XLVI. 27., ubi septuaginta tantum, ut in Hebræo, ceterisque translationibus, legebatur, emendandum suscepit, correxitque *πάσαι ψυχαὶ . . . ἐβδουμήκοντα πέντε*. Ut autem id ex præcedentibus versiculis, ubi universæ illæ animæ figillatim enumerantur, robur omne fusciperet, adhuc audacior factus quinque animas, quæ eo iudice deesse videbantur, sacro textui inseruit:

ἐγένοντο δὲ υἱοὶ μαλασσῆ ὅς ἐτεκεν αὐτῷ ἡ παλλακὴ ἡ σύρα, τὸν μαχεῖρ. μαχεῖρ δὲ ἐγέννησε τὸν γαλαάδ. υἱοὶ δὲ ἐφραίμ ἀδελφεὶ μαλασσῆ, σταλαάμ, καὶ ταάμ. υἱοὶ δὲ σταλαάμ ἐδέμ.

Itaque quamquam optimæ extant in Hebraico textu versiones, quæ plerumque, atque in rebus præcipue maioris momenti cum eodem textu cohærent, tamen, ut singula hucusque constituta demonstrare videntur, eiusmodi non sunt, nec tanta sive interpretis primum industria, ac doctrina elaboratæ, sive typographorum solertia custoditæ, ut a quovis mendo immunes perfecte prorsus in omnibus suum fontem referre queant. Quod ab hominibus, non Prophetis prodierint, interdum a fonte aberrant. Aut nimis verbis inhærent, & sunt obscurissimæ; aut verba negligentes referendis sententiis vacant, & sunt liberiores. Addunt, & detrahunt, ut earum auctoribus visum est. Primigeniarum dictionum vim,

& emphasim, idiotismos sacri textus, allusiones, plures sensus, quæque fovet, mysteria plene non exprimunt. Multæ sunt, & sæpe inter se dissident. Typographorum demum, aut sciorum vitio plerumque fadantur. Quæ quo veriora sunt, eo luculentius postulant, & evincunt nostra studia in consulendo Hebraico textu, addiscendaque lingua Sancta impendi necessario oportere. Ubi enim errant, quacunque id causa fiat, unde erunt, nisi ad Hebraicum textum corrigendæ? Unde illustrandæ, ubi obscuriores, aut componendæ, ubi liberiores occurrunt? Ponamus vero nonnullas versiones perfecte cum Hebraico codice congruere, tum primum hæc puritas, & perfecta cum fonte congruentia nec dignosci, nec demonstrari ulla ratione posset, ni fons consuleretur, & solerter cum eo controversæ interpretationes compararentur. Nam veterum, qui translati sunt, librorum fides, de Hebræis voluminibus examinanda est, si Augustino, si Hieronymo, si Gratiano credimus (1). Tum vero non negligendus Hebraicus textus, ubi ipsa eadem Dei, & Prophetarum verba non translata custodiuntur, sed omni adhuc a nobis contentione, ac studio excolendus esset. Sed claudam jam orationem iis verbis, quæ præclare ad rem nostram Lib. III. De absoluta Col-

(1) Decret. Grat. Dist. IX. Can. VI. *ut veterum* ex ep. Hier. ad Lucin. De Glossa in hunc Can., quæ Hebraicor. codicum integritati in eo explicando detrahit, consule Erasmum Lib. IV. epistolar. ep. 7. ad Christoph. Fischer.

legii Ambrosiani in litteris Institutione scripta reliquit doctissimus Ecclesiæ Princeps Card. Fridericus Borromæus: *In magno, inquit, errore versantur ii, qui solis versionibus nos posse linguarum necessitati satisfacere arbitrantur.*

C A P. IV.

Potissimum ob Vulg. lat. translationem, quam, dum Tridentini Patres authenticam, & retinendam definire, non solum ceteris versionibus, sed & ipsis Hebraicis codic. usum, auctoritatem, & fidem ademerunt; tum vero & immunem ab omni mendo declararunt, ut nullus propterea in ea fontium usus hoc tempore esse queat.

Non hoc vehementer interest eorum, qui suam in Hebraicarum litterarum neglectu causam tuendam ex fontium oppugnatione superioribus capitibus susceperunt, solerter nunc inquirere, num in reliquis latinis præcipue translationibus quispiam Hebraicorum codicum usus esse queat. Nam nullam illæ universalis Ecclesiæ adprobationem obtinuerunt, aut peculiarem auctoritatem. Verum quum de Vulgata interpretatione sermo instituitur, quam Tridentini Patres authenticam, & in omnibus retinendam definierunt, negant ad Hebræos codices exigere eam post Concilii tempora aut posse, aut oportere. Pa-

tres lato decreto omnem illis auctoritatem, & fidem, & usum ademerunt, & dum unam Vulgatam probant, & sequendam decernunt, quævis alia biblia reprobant, & deferenda præscribunt; ut iniuria prorsus Hebraici libri, quamvis integerrimi, authentici in Ecclesia modo habeantur. Ecqui adhuc fingi potest post Tridentinam Synodum eorum in Vulgata usus? Num ut huius menda corrigantur? Atqui Patrum sententia ab omni errore immunis declarata est, quod ipsum authenticæ nomen, & dignitas postulat. Quæ ni singula hoc loco tum Doctorum auctoritate, tum ratione, & exemplis falsitatis arguamus, frustra sanctarum litterarum usum ad illustrandam ex Hebræo fonte versionum lectionem defendere videremur. Etenim, ut præclare Simonius ait de iis, qui existimant „ qu'il n'y a point d'autre „ Bible authentique dans l'Eglise que l'ancienne „ edition latine, qui a été déclaré telle par le Concile „ de Trente „ *sur ce préjugé ils regardent l'Hebreu & le Grec comme des meubles inutiles qui ne conviennent qu'à des grammairiens* (1). Non rectius porro usum Hebraicorum codicum non esse Patrum sententia sublatum demonstrari puto, quam ex eorum Theologorum testimonio, & declaratione, qui Æcumenicæ Synodo Tridenti habitæ interfuerunt. Alphonsus Salmero Paulli III., Julii III., & Pii IV. in eadem Synodo Theologus „ Jam secundo loco, inquit (2), ostendamus

(1) Tom. II. Epist. Sel. ep. 5. p. 33.

(2) Prolegom. Biblic. Proleg. III. p. 24.

„ non ita fuisse Vulgatam Hieronymi editionem
 „ approbatam, ut propterea reiecta sint intelligen-
 „ da vel Græca, vel Hebraica volumina: quod
 „ non est difficile ostendere. Nihil enim ibi de
 „ exemplaribus aut Græcis, aut Hebræis agebatur;
 „ tantum inter tot editiones latinas, quot nostra se-
 „ cula parturierant, quænam ex illis præstaret, fer-
 „ mo erat: & reiectis reliquis latinis unam hanc
 „ Vulgatam reliquis tanquam veriore, puriore,
 „ dilucidior, ac suis fontibus, unde orta erat,
 „ magis consentientem pronuntiavit . . . Liberum
 „ autem reliquit omnibus, qui scripturas profundius
 „ meditantur, fontes Græcos, aut Hebræos, qua-
 „ tenus opus sit, consulere, quo nostram vitio li-
 „ brariorum, vel temporum iniuria corruptam emen-
 „ dare valeant Licebit nobis salva Concilii
 „ Tridentini generalis auctoritate, siue Græci, siue
 „ Hebræi exemplaris lectionem variam producere,
 „ eamque uti verum bibliorum textum expendere,
 „ & enarrare; nec tantum bonos mores per eam
 „ ædificare; verumetiam fidei dogmata comproba-
 „ re, & stabilire; atque adeo ab illa sumere efficax
 „ argumentum, tanquam ex textu Spiritus Sancti.
 „ Item Andreas Vega, qui interfuit & ipse concilio,
 „ Nec tu, inquit (1), nec quispiam alius, propter
 „ hanc approbationem Vulgatæ editionis impeditur,
 „ quominus ubi hæsitaverit, ad fontes recurrat, &

(1) De Just. Lib. XV. Cap. XVI.

„ in medium proferat, quidquid habere potuerit, quo
 „ juventur, & locupletentur latini, & Vulgatam
 „ editionem ab erroribus repurgent, & quæ sensui
 „ sanctorum, & ipsis fontibus sunt magis consenta-
 „ nea, assequantur. „ Quibus quidem testimoniis
 quid luculentius esse potest, quo constet Tridentino
 canone nulla ratione eam fidem, auctoritatem, di-
 gnitatemque læsam fuisse, quam Hebraici codices
 ab universa antiquitate obtinuerant? Non longe post
 Tridentinum Concilium doctissimus Cardinalis Bel-
 larminus idem adversus Calvinum propugnabat, &
 putidum tantum eius mendacium vocat (1): „ de-
 „ crevisse Tridentinos Patres, minime esse audien-
 „ dos eos, qui ex fonte ipso purum liquorem pro-
 „ ferunt, & ex certa veritate falsum coarguunt.
 „ Hoc ideo mendacium voco, quod nihil eiusmodi
 „ in decreto Concilii legatur. Nēc enim Patres
 „ ullam fontium mentionem fecerunt, sed solum
 „ ex tot latinis versionibus, quæ circumferuntur,
 „ unam delegerunt, quam ceteris anteponerent. „ In-
 ferius vero (2) quatuor temporibus asserit Princeps
 Eminentissimus adhuc post Tridentini Concilii de-
 clarationem licere ad Hebræum fontem recurrere.
 1. Quum in nostris codicibus videtur esse error li-
 brariorum. 2. Quum latini codices variant, ut non
 possit certo statui, quæ nam sit vera Vulgatæ lectio.
 3. Quando verba, aut sententia in latino idiomate

(1) Lib. II. De verbo Dei Cap. X.

(2) Ibidem Cap. XI.

est anceps. Postremo vero ad energiam, & proprietatem vocabulorum intelligendam. Sequitur Serarius, qui tuetur & ipse (1) Synodum non antetulisse Hebræis fontibus latinam nostram translationem, & Adamus Contzen (2) libere adfirmans *versionem latinam ita probatam, ut tamen Græcis, & Hebræis fontibus maneat sua auctoritas*. Ita Tridentinorum Patrum mentem, & canonem plures, iique doctiores eius seculi, & posterioris etiam Theologi, & Interpretes exponunt. Consule Pallavic. Historia Concil. Trid. Lib. VI. Cap. XVII., Bonfrer. Præloq. in Script. Cap. XV. Sect. 3., Andrad. Defens. Concil. Trid. p. 363., Ribera ad Cap. IX. Ose., ex recentioribus Muissium De Heb. edit. veritate, Natal. Alex. Histor. Eccles. sec. IV. Diff. XXXIX. & XL. advers. Frassen., Witasse Tractat. Theol. Qu. I. Art. V. Quær. 16., Simonium Hist. Crit. V. T. Lib. II. Cap. XIV., Dupin Diff. Preliminaire sur la Bible Liv. I. Chap. VII. §. 3., Guarin. Præf. ad Gram. Heb. Ch. §. 2. ad III. arg.

Et quin id monuissent viri clarissimi, facillimum cuique nostrum est hanc Patrum mentem ex ipsis eorum verbis eruere. *Insuper, inquit (3), eadem sacrosancta Synodus considerans non parum utilitatis accedere posse Ecclesiæ Dei, si ex omnibus latinis editionibus, quæ circumferuntur sacrorum librorum, quænam pro au-*

(1) Proleg. Bibl. Cap. XIX. Qu. 12. Concl. 1.

(2) Politic. Lib. III. Cap. XXIII.

(3) Sess. IV. De Canon. Script.

thentica habenda sit, innotescat, statuit, & declarat, ut hæc vetus, & vulgata editio, quæ longo tot seculorum usu in ipsa Ecclesia probata est . . . pro authentica habeatur, & ut nemo illam reiicere quovis prætextu audeat, vel præsumat. Quis non videt ceteris solum latinis editionibus Vulgatam anteponi, suam autem fontibus dignitatem, qualem antea habebant, auctoritatem, & usum relinqui? Quæ autem erat antea apud Patres, & universam Ecclesiam Hebraicorum codicum auctoritas, & usus? Ut primum Ecclesiæ Deus non ullam versionem tradidit, sed ipsum Hebraicum textum, sic illa singulari jugiter studio concreditum sibi depositum custodiens nunquam debita eum fide, & honore fraudavit. Eo Christus, Apostoli, & apostolici quique, qui præcipue ex hebraismo venerant, Patres utebantur. Ut vero Græca LXX., aut Latina vetus Vulgata, communis, Itala apud Græcos, latinofque fideles usum obtinuerent, non propterea destitit fons, unde versiones illæ prodierant, authenticus esse, nec propterea cœpit suo usu, suæque dignitate deiici. Fidelis, accuratæque interpretationis laudem Ecclesiasticæ versionis concedens, quæ erat fontis propria, ut ad eum ea, quæcunque esset, exigeretur, suo jure jugiter vendicavit. Quamobrem ubi obscuræ erant translationes, ubi dissentiebant, ubi aberrabant, quovis non obsistente Ecclesiæ usu, aut ipsarum authentia, ad Hebraicum textum, quem Hebraicam veritatem appellabant, tanquam ad inconcussam,

concussam, & tutissimam fidei, & cuiuslibet versionis normam Patres confugiebant; cuius œconomia multa extant eorum testimonia. *Veterum*, inquit Hieronymus (1), *librorum fides de Hebræis voluminibus examinanda est*. Quod Hieronymi institutum, ne eius dumtaxat peculiari traditione, & doctrina innixum cuiuspiam forte videretur, non autem referret ecclesiasticam disciplinam, optime, & sapienter Gratianus inter Ecclesiasticos canones a se congestos reposuit (2). Alibi vero (3), in *veteri testamento*, inquit S. Pater, *si quando inter græcos, latinosque diverſitas est, ad Hebraicam recurrimus veritatem, ut quidquid de fonte proficiscitur hoc quæramus in rivulis*. Et Comm. in Cap. I. Abdiæ: *multum in hoc loco translatio nostra discrepat ab editione Vulgata*. Unde debemus in expositione historiæ (ideſt ſenſus literalis) hebraicam veritatem ſequi. Item Comm. in Cap. III. ep. ad Gal. Hunc morem habeo, ut quotiescunque ab Apostolis de V. instrumento aliquid ſumitur, recurram ad originales libros; & diligenter inſpiciam, quomodo in ſuis locis ſcripta ſint. Origenes, ut in ep. ad Sun. & Fretel. idem notat Hieronymus, ubi in Græcis codicibus quidpiam extare animadvertibat, quod in Hebraicis deerat, Obelon, ideſt jacentem præpoſuit virgulam, quam nos latine veru poſſumus dicere, quo ostenditur jugulandum eſſe, & confodiendum, quod in authent-

L

(1) Epist. olim XXVIII. ad Lucin. nunc 52. T. IV. p. 572.

(2) Dist. IX. Can. VI. *Ut veterum*.

(3) Ep. CXXXV. ad Sun. & Fretel. T. II. p. 626.

ticis libris non invenitur. Augustinus Lib. XV. De Civitate Dei (1); Fieri, inquit, nullomodo dubitarerim, ut cum aliquid diversum in utrisque codicibus invenitur, quandoquidem ad fidem rerum gestarum utrumque esse non potest verum, ei linguæ potius credatur, unde est in aliam per interpretes facta translatio. Lib. autem II. De Doct. Chr. Hebraicas a nobis litteras necessario perdiscendas docebat, ut ad exemplaria præcedentia recurratur; quæ nisi legantur, quis interpretum vera sequutus sit, dignosci nulla ratione posse. Cassiodorus demum Lib. I. Divin. Lect. (2), si aliqua reperiuntur absurde in versionibus posita, ad Hebræam scripturam emendanda esse censebat. Decet enim, inquit, ut unde ad nos venit salutaris translatio, inde iterum redeat decora correctio. Hæc erat Patrum, hæc orthodoxorum Theologorum ante Synodum sententia, & praxis, quæ usque ad Synodum ipsam jugiter in Ecclesia vixit. Ita ut paullo ante ipsam Driedo Lovaniensis Academiae doctus Theologus scribere adhuc non dubitarit (3): non arbitrentur absurdum esse sermonem sacræ scripturæ translationum ex suo fonte in linguam aliam examinare, recurrendo ad suam originem, & discutere, si forte interpret deviarverit a sensu eius, qui scripsit. Quare ergo, si Patrum decreto, non sublata, sed servata prorsus est Hebraicis codicibus ea dignitas, atque auctoritas,

(1) Cap. XIII.

(2) Cap. XV.

(3) Lib. II. De Translationib. S. Scrip. Cap. I.

quam antea obtinuerant, non licet nobis post Tridentinam Synodum, quod Patribus omnibus, Theologis, Interpretibus licebat, & adeo ipsis ad eruendum divinatorum verborum germanum sensum conducere videbatur? Nec aliter sane se gesserunt hucusque post Concilii tempora orthodoxi quique Theologi, & scripturarum interpretes. Juxta Patrum statuta, & Ecclesiasticam constitutionem prosequuti sunt Hebraicum textum, ut verum a Deo immediate profectum scripturae textum venerari, afferre novas ex eo interpretationes cudere (1), consulere, mendosas etiam ipsius Vulgatae lectiones corrigere, obscuras illustrare, dissidentes componere. Quodque magis mirandum esset, id Clemens VIII., & Clementini correctores praestiterunt. Ita ne summas eruditorum, totiusque Ecclesiae laudes reportassent religiosissimi viri, si fuisset usus Hebraicorum codicum Tridentinorum Patrum auctoritate, & sanctione sublatus?

Sed qui potuissent Patres Vulgatam versionem authenticam eo sensu facere, ut excluderentur fontes, eaque his praeferretur, si nec in eorum potestate erat Vulgatam eo sensu facere authenticam, ut aequalis esset cum illis auctoritatis, quemadmodum optime observat Natalis Alexander (2)? Num quod corruptum Hebraicum contextum putarint,

(1) Forerius novam ex Heb. T. versionem Concilii tempore suscepit, ipsisque iisdem Tridentinis Patribus in Concilio congregatis dicavit V. hanc ded. T. I. Crit. S.

(2) Hist. Eccl. Sec. IV. Diff. 39. Ar. 5.

cui purior rivulus præferendus esset? Adeo ne in divinam providentiam contumeliosi, & in Ecclesiam ipsam iniurii optimi Patres fuerunt, immo in universam antiquitatem, quæ Hebraicum textum Hebraicam, ut diximus, veritatem nominabat? *Nam tradidit Deus Ecclesiæ*, inquit præclare Simeon de Muis (1), *non primum versiones, sed textus primævos, eosque purissimos, & authenticos. Qui itaque tales hodie extare negant, non tantum in providentiam divinam, quæ Ecclesiæ nunquam deficit in necessariis, contumeliosi, sed & in Ecclesiam Christi sponsam iniurii sunt, quæ depositum hoc corrumpi sineret, cuius erat officium illud factum testum conservare.* Si ob menda parvi momenti Hebraicum textum dignitate, & usu deiecerunt, qui latinam editionem prætulissent, quæ eiusmodi mendis non erat immunis? Si vero in rebus ille gravioribus peccabat, non video, quomodo in universalem Ecclesiæ usum eam versionem introduxerint, quæ in illis cum Hebraicis codicibus consentiebat. Si vero incorrupti hi erant, nec id doctissimi Patres ignorabant, quod difficile non erat comparantibus cum Vulgata primigenium textum dignoscere, quo jure voluissent illi auctoritatem, & usum Hebraicis codicibus adimere? Vulgatam versionem ex Hebræo textu Hieronymus susceperat. Annon ergo Ecclesia Hebraicæ veritati, dignitati-que honorificum testimonium perhibuit, dum Hie-

(1) Affer. I. H. V. pag. 72. 73. apud eund. Natal. ibid.

ronimianam interpretationem ex ea emanatam authenticam, & retinendam definiit? Quod idem porro Pontifices nonnulli præstare visi sunt, qui Pagnini translationem ex Hebræo elaboratam amplissimis decretis approbarunt. Igitur tantum abest voluisse sive Pontifices, sive Patres Tridentinos eorum decretis Hebraicis codicibus auctoritatem, & usum eripere, ut ea potius novo, eoque luculentissimo testimonio corroborarint. Demum si a Tridentina Synodo Vulgatæ authenticam definiente Hebraicus textus excluditur, multo magis, & facilius id de Græca, reliquisque orientalibus versionibus dicendum videretur. Et tunc quomodo aut authentica LXX. Interpretum translatio dici posset, aut orientales Ecclesiæ, quæ non Vulgata, sed Græca, Syriaca, aliæque eiusmodi versione utuntur, veras Dei scripturas haberent? At vero, inquis, authentica in Ecclesia Biblia sunt Vulgata: plura autem in Ecclesia Biblia authentica esse nequeunt. Latina utique plura nunc authenticam non obtinent, quod Tridentina Synodus ceteris latinis interpretationibus usum, auctoritatemque in Ecclesia ademerit. At Græca LXX. authentica est, & in orientali qualibet Ecclesia, quæ cum Romana communionem servat, orientales versiones authenticæ sunt (1). Qua-

(1) Ita adhuc recenter in Sorbona propugnavit Philippus Du Contant in Theſibus Theologico-Hebraicis, Chal., Syr., Arab., & Græcis 4. 1765. p. 24. ex specimine, quod nobis exhibet le Journal des Sçavans pour l'an. 1766. Mai. *la version Grèque attribuée aux 70 est tres-*

re ergo Vulgata fidelis, & accuratæ interpretationis, textus vero Hebraicus fontis auctoritatem, & fidem simul in Ecclesia habere non poterunt? Quod incorrupti igitur essent, & incorrupti adhuc sint Hebræi codices, authentici erant, & authentici adhuc sunt, ad quorum normam controversiæ de fide judicentur, omnesque etiam versiones expendantur. Fontium semper auctoritate gaudent, & dignitate, qualem antea in Ecclesia obtinebant.

Quod tamen luculentius adhuc evincit usum Hebraici textus non fuisse a Tridentinis Patribus sublatum, multa Patrum ætate in Vulgatam menda irreperant, & nonnulla etiam num supersunt, ut inferius constabit. Porro ni ad fontem confugiamus, unde dignosci ea, aut emendari queunt? Nec enim Synodus, dum Vulgatam authenticam declaravit, immunem eam ab omni mendo fecit, ut nonnullis placuit, &, quod mirandum magis est, recentiori adhuc Patri Casini, qui in selectis eius Thesibus De Sacris libris Vulgatæ editionis Romæ impressis anno 1753. afferere, & defendere non dubitavit, *intendimento del Concilio esser stato di definirla autentica sì, e per modo che da ogni qualunque errore sia esente*, ut Auctoris mentem in litteraria sua Historia nobis pandit Pater Zacharia (1). Aliam Patrum mentem

ancienne & authentique . . . la version Syriaque authentique . . . comme néanmoins cette version Arabe est employée dans les offices Ecclesiastiques par quelques Catholiques de l'Orient avec l'approbation du S. Siège, on lui donne aussi le titre d'authentique, etiam authenticam declaramus.

(1) Stor. letter. d'Italia Vol. VIII. a Lul. ad Xmb. Lib. II. Cap. I. §. 1.

fuisse doctissimorum iterum testimonio confirmari potest. Idem superius commemoratus Andreas Vega, *che a quel tempo*, ut verbis utar Card. Pallavicini (1), *stava in Concilio, e che quantunque fosse Teologo consigliere, e non Vescovo giudice, fu nondimeno ascoltato con la debita stima*, ita olim latam Concilii sententiam de Vulgata editione Calvino interpretabatur (2). „ Ne erres, ut facis, circa approbationem Vulgatæ editionis factam in Sess. 10., nec „ frustra labores in ostendendis vitiis Vulgatæ editionis, audi obiter pauca, quæ & Philippo (*Melanctoni*) dicta velim, qui ante te graviter de hoc „ accusat Patres. Synodus non approbavit menda, „ quæ linguarum periti, & in sacris literis mediocriter versati in ea deprehendunt. Approbavit „ dumtaxat Vulgatam editionem repurgatam a „ mendis, quæ vitio scriptorum, vel calchographorum in ea obrepserunt. Nec eam tanquam e „ cælo delapsam adorari voluit. Interpretem illius, „ quisquis ille fuerit, sciebat non fuisse prophetam, „ nec nos meruisse hætenus quemquam, qui eodem in omnibus spiritu sacras literas a propria, „ & nativa lingua in alienam linguam transfuderit. „ Ac proinde nec cohibuit, nec cohibere voluit „ studiosorum linguarum industriam, qui aliquando docent melius potuisse aliqua verti, & uno „ eodemque verbo vel plures nobis suggessisse Spi-

(1) Hist. Conc. Tr. Lib. VI. Cap. XVII.

(2) De Just. Lib. XV. Cap. IX. apud Nat. Al. comm. l.

„ ritus S. sensus, vel certe alios commodiores, quam
 „ e Vulgata editione possent haberi. Sed in hono-
 „ rem vetustatis, & honoris, quem ei jam a multis
 „ annis detulerant Concilia latina, quæ sunt ea usa,
 „ & ut certo scirent fideles, quod & verissimum
 „ est, nullum inde haberi posse perniciosum erro-
 „ rem, & tuto illam, & citra periculum posse legi,
 „ ad coercendam etiam confusionem, quam affert
 „ multitudo translationum. . . sapienter statuit,
 „ ut ista uteremur. „ Hucusque Vega, qui superius
 allata auctoritate etiam comprobat Cardin. S. Cru-
 cis Michaelis Cervini, qui ut Pontificius legatus ipsi
 eidem sessioni præfuerat. Et Bellarminus de verbo
 Dei (1): „ nec ita tamen (*Ecclesia Vulg. versionem*)
 „ approbavit, ut asseruerit nullos in ea librariorum
 „ errores reperiri, sed certos nos reddere voluit,
 „ in iis præsertim, quæ ad fidem, & mores perti-
 „ nent, nulla esse hac in versione interpretum
 „ errata. „ In epistola vero ad Lucam Brugensem:
 „ scias velim Biblia Vulgata non esse a nobis accu-
 „ ratissime castigata. Multa enim iustis de causis
 „ pertransivimus, quæ correctione indigere videban-
 „ tur. „ Sixtus autem Senensis doctissimus il-
 lius ævi scriptor „ De erroribus vero, inquit (2),
 „ quos Hieronymus in veteri translatione annota-
 „ tavit, & recentiores in hac nova editione pariter
 „ annota-

(1) Lib. II. Cap. VI.

(2) Lib. VIII. Biblio. S.

„ annotarunt, ingenue fatemur & nos, multos
 „ errores a Hieronymo emendatos in veteri Tra-
 „ ductione, & similiter in hac nostra nova editio-
 „ ne nonnullas inveniri mendas, solœcismos, bar-
 „ barismos, hyperbata, & multa parum accommo-
 „ date versa, & minus latine expressa, obscure, &
 „ ambigue interpretata, itemque nonnulla superad-
 „ dita, aliqua omissa, quædam transposita, immu-
 „ tata, ac vitio scriptorum depravata. „ Verum quid
 „ plura Doctorum testimonia congerimus? Sixtus V.
 „ Summus Pontifex multa in Vulgata translatione
 „ menda sustulit, & quantum tunc pro temporis bre-
 „ vitate licuit, emendatam imprimendam curavit an-
 „ no 1590., sed quia „ fecit hoc, inquit Henricus
 „ Bukentopius (1), absque notabili recurſu ad textus
 „ originales, [ut liquet ex Bulla editioni isti præfi-
 „ xa, ex qua pariter constat, ipsum principaliter
 „ studuisse, ut Biblia Vulgata ederet juxta lectio-
 „ nem tunc temporis magis communem, qua de
 „ caussa permulta reliquit intacta, quæ merito cor-
 „ rigenda videbantur „ hoc uberius præstitit Cle-
 „ mens VIII., qui, quod præcipue animadvertendum
 „ est, ex Hebræis codicibus plura correxit, atque
 „ emendatiorem Vulgatam edidit anno 1592.; cuius
 „ quidem rei grave nobis non est quoddam in selectis
 „ Genesis locis specimen subiicere.

M

(1) Lux de Luce Præf. ad Lib. III.

*Specimen usus Hebraicorum codicum a Clementinis
correctoribus facti post Tridentinum Concilium
in selectis nonnullis Genesis locis
Sixti. Edit.*

Gen. I. 2. Habebat Sixtina *spiritus Domini*; ex Hebraicis codicibus, ubi extat *Elohim*, non *Adonai* repositum est in Clementina *spiritus Dei*.

Gen. I. 27. *Et similitudinem suam* ex Hebr. cod. sublatum est, ubi extat tantum *Betzalmò* ad imaginem suam.

II. 12. *Ibique invenitur*. Sublata est in Clementinis edit. copula, quæ in Hebr. codicibus non habetur.

III. 11. Sixtina: *cui dixit Dominus*. Omissum est in Clem. *Dominus*, quod a fonte aberat.

III. 19. *Vesceris pane tuo*. Quamquam conforme id est Græco textui, tamen, quod in Hebraico textu non legatur affixum, correctum est *vesceris pane*.

III. 23. *Emisit eum*. Addit Clementina copulam, quæ in Hebræo habetur.

IV. 7. *Peccatum tuum aderit*. Omissum est *tuum*, quod in Hebr. cod. omittitur.

V. 3. *Genuit filium ad &c.* Omiserunt Clementini correctores *filium*, quod Hebraici codices non habent.

V. 22. Addit ex Hebræo Clementina: & *ambulavit Henoch cum Deo*, quod in Sixtina deerat.

VII. 13. *Et uxores.* Addit Clementina tres ex Hebr. cod.

IX. 5. *Et de manu fratris eius.* Ex Hebr. omittit Clem. *de manu.*

XIII. 14. *Leva oculos tuos in directum.* In Clementina ex Hebr. omissum est *in directum.*

XIII. 17. *Surge ergo.* Ex Hebr. cod. omiserunt correctores *ergo*, quod redundabat.

XIV. 10. *Et Rex Gomorrhæ.* Omissum est *Rex*, quod ab Hebræo abest.

XIV. 14. *Persecutus est eos.* Iterum ex Hebr. omissum est *eos*, quod in Sixtina redundabat.

XIV. 15. *Percussitque . . . usque Hobe, & Phænicen.* Omitt. & *Phænicen*, quod non extat in Hebraicis codicibus. Hæc, & alia eiusmodi, quæ ex singulis V. T. libris afferri possunt, sat ostendunt Vulgatam non ita a Patribus Tridentinis authenticam declaratam esse, ut menda omnia, omnesque a fonte dissonantiæ excluderentur, &, quod caput disputationis est, Hebræorum codicum usus, & consultatio.

An vero Clemens VIII. omnia fustulit? Aliter ipse in Præfatione ad Vulgata Biblia nos docet; ubi asserit Summus Pontifex difficile esse, ea numeris omnibus absoluta pro humana imbecillitate adfirmare, & sicut nonnulla in iis consulto mutata sunt, ita & alia, quæ mutanda videbantur, consulto immutata relinqui. Sane, præterquamquod eruditi,

& idem, quem superius commemoravimus, Henricus de Bukentop (1) nonnulla loca animadvertunt in editione Sixtina magis Hebraico fonti ad verbum congruere, quam in Clementina, ex quibus pauca nos inferius delibabimus, Lucas Brugensis, Bellarminus, Muisius, Simonius, Natalis Alexander, Bukentopius plura errata, etsi minoris momenti (2), pluresque discrepantias in Clementinis editionibus notare, colligere, & ob eruditorum oculos ponere non dubitarunt, ut interpretes pene singulos reticeam. Verum, ut nil est exemplis efficacius, selecta ex Clementinis hodiernis Bibliis sive Vaticanis, sive Plantinianis loca subiicimus, quo efficiatur magis non eam primum Tridentinis Patribus mentem infidere potuisse, ut Vulgatam nostram ab omni prorsus nævo immunem declararent; tum vero, quod ab initio propositum nobis est, Hebraicorum in illis codicum usus luculentissime colligatur.

(1) Cit. Lib. Lux de Luce Lib. III. Cap. II. & III. Art. I.

(2) Iniuria plerorumq. aliter sentientium Hæreticorum sententia sat ipsis iisdem exemplis, atque utrorumq. codicum collatione redarguitur; præcipue vero testimonio, & laudibus doctiorum inter suos interpretum Vulgatæ nostræ fidei tributis. Waltonus Diss. De linguis Orient. n. 77. magni faciendam, nec temere reiiciendam existimat. Theod. Beza omnibus ceteris latinis versionibus præferendam fatetur. Lud. de Dieu Præf. Animadv. in IV. Evang. Auctorem Vulgatæ doctissimum esse iudicat, eiusque fidem, & iudicium admiratur. Hugo Grotius ait Vulgatum se latinum interpretem semper plurimi fecisse, & nulla dogmata insalubria continere; quod idem Fagius, Casaubonus, alique testantur apud eund. Walt. cit. l. Si porro minoris tantum momenti hæc Vulg. errata, atque a suo fonte *διαφορὰι* sunt, immerito sentiunt Hæretici imprudenti decreto a Tridentinis Patribus authenticam declarari, aut verum illam Dei verbum non continere, nosque falsis prorsus Bibliis

*Usus Hebraicorum codicum in selectis a fonte dissonantiis,
& mendis Clementinæ editionis, quæ
a Sixtina aberant.*

Gen. VIII. 9. Habet Clementina: *extenditque manum*. Sixtina vero: *extenditque manum suam*. Si Hebraicum fontem consulis, ubi est *Jadò*, facile colliges Sixtinam lectionem esse hodierna nostra accuratorem.

XVII. 25. *Ismael filius*. Sixtina: *filius suus*. Hebr. בן Græc. υἱός αὐτοῦ.

XXX. 25. *In patriam*. Sixtina: *in patriam meam*. Heb. T. אל מקומי

Lev. IV. 2. *Anima, quæ peccaverit*. Sixtina: *anima, cum peccaverit*. Heb. T. כי

VI. 9. *Ignis ex eodem altari erit*. Sixtina juxta Heb. T. *ignis in eodem altari erit*.

XXVI. 45. *Et filios Israel*. Sixt. juxta Heb. & *inter filios Israel*.

Num. XII. 4. *Locutus est*. Sixt. *locutus est Dominus*, ut est in Hebræo.

adhærere. Nam & Leusdenius Spicileg. Philol. Cent. II. Cap. X. Q. 9. de suis Bibliis scribere non dubitavit: *licet Ecclesia nostra reformata usque ad an. 1637. non habuerit Biblia satis correctâ: inde tamen non sequitur vel habuisse Biblia falsa, vel non habuisse in illis Bibliis omnia, quæ ad salutem erant necessaria. Quare ergo adeo nobis succenset iniquior ceteris, & præcipuus Vulgatæ obtrectator? Et in singulis Hebraici textus editionibus aliqua typographica parvi mom. menda reperiri omnes etiam Hæretici arbitrantur; quæ tamen divinam illius auctoritatem, & fidem non lædunt.*

XV. 36. *Obruerunt lapidibus*. Sixtina cum Hebr. T. *obruerunt eum lapidibus*.

Josue XVII. 12. *In terra sua*. Sixtina: *in terra ipsa*. Hebr. T. *הזאת*

I. Paral. VII. 15. *Accepit uxores*. Sixt. *accepit uxorem*. Hebr. *אשה*

I. Esdræ VIII. 3. *Secheniæ, filius*. Sixt. cum Hebr. T. *de filiis*.

Prov. XIV. 9. *Stultus illudet peccatum*. Sixt. *stultis*. Hebr. *אִילִי*

XXIV. 27. *Ut postea*. Sixt. & *postea* juxta Hebr.

XXX. 31. *Nec est Rex, qui resistat ei*. Congruentius fonti habebat Sixtina: & *Rex, cui non est, qui resistat ei*.

Jerem. XXVII. 16. *Vasa Domini*. Sixtina cum H. T. *vasa domus Domini*.

Dan. II. 23. *Patrum nostrorum*. Sixtina congruit cum fonte Chaldæo: *Patrum meorum*.

Ufus Heb. cod. in selectis Clem. edit. locis, quæ ob menda typograph., vel etiam interpretis ad Heb. T. exigui, atque Ecclesiæ auctoritate emendari posse eruditi notant.

Gen. III. 15. *Ipsa conteret caput tuum*. Hebr. T. *הוא ישופך ראש* *Ipsum*, scilicet semen mulieris, seu Messias ex uno mulieris semine prodeundus *conteret tibi caput*.

VIII. 4. *Vigesimo septimo die mensis.* Heb. T. *decimo septimo*; ut & Chald., Syr., Arab.

VIII. 7. *Egrediebatur (corvus), & non revertebatur.* Heb. T. *וַיֵּצֵא וַיֵּשֶׁב* & *exiit exeundo*, & *redeundo.* Ita Chald., Syr., Arab., Samar., & varii Lat. cod.

XI. 4. *Antequam dividamur in universas terras.* Heb. T. *פֶּן* *ne forte dispergamur super faciem univ. terræ*; quod prodit graviss. ædificantium peccatum reluctanti scilicet divino consilio, Deoque obsistendi, qui dividi Noe nepotes volebat, & terram inhabitari.

XVIII. 28. *Delebis propter quadragintaquinque.* T. Heb. *propter quinque*; quod sensus necessario exigit.

XI. 13. *Vixit, postquam genuit, trecentis tribus annis.* Heb. T. *quadringentos tres annos.*

XXXVI. 24. *Invenit aquas calidas.* Heb. T. *יַמִּין* *mulos juxta plerosque Exegeticos.*

Exod. VI. 3. *Nomen meum Adonai non indicavi eis.* Falso id dictum videretur, nam sub hoc nomine Patriarchæ priores jam Deum cognoverant. Hebr. T. *nomen meum Jeoab non indicavi eis.*

XV. 19. *Ingressus est enim eques Pharaos.* Heb. *סוס* *equus.*

XXXII. 28. *Quasi viginti tria millia.* Hebr. *quasi tria millia.*

XXXVIII. 29. *Æris quoque oblata sunt talenta septuaginta duo millia, & quadringenti supra sicli.* Id. falsum est, & incredibile omnino tantum æris obla-

tum esse Heb. T. *æs oblatum septuaginta talenta, & bis mille, & quadringenti scili.*

Num. XXXIII. 40. *Audivitque Chananæus Rex Arad, qui habitabat ad meridiem, in terram Chanaan venisse filios Israel. Heb. T. & audivit Chananæus Rex Arad & ipse habitans in meridie in terra Chanaan, cum venirent filii Israel.*

Ult. 7. *Et cunctæ fæminæ de eadem tribu maritos accipient, ut hæreditas permaneat in familiis. Hebr. T. & omnis filia possidens hæreditatem ex tribubus filiorum Israel uni ex familia tribus Patris sui erit in uxorem, ut hæredes fiant filii Israel unusquisque possessionis Patrum suorum.*

Josue XIII. 2. *Omnis Galilæa Philistiim. Heb. Col geliloth Happelisthim omnes termini, vel littora Philistinorum. LXX. ὅρια φυλιστιμ. Forte, quod Buentopius suspicatur (1), Hieronymus retinuit in versione Heb. Ghelilòth, ut alibi Asedoth, quod ab indocto amanuensi, qui illud non intelligebat, mutatum est in Galilæa, aut legit ille Gheliluth.*

XXII. 10. *Cumque venissent ad tumulos Jordanis in terram Chanaan. Rectius ad tumulos in terra Chanaan, seu existentes in terra Chanaan: qui enim venissent in terra Chanaan Rubenitæ, qui in eadem morabantur? Heb. T. venerunt ad limites Jordanis, qui sunt in terra Chanaan.*

XXII. 32. *Reversusque est cum principibus a filiis Ruben, & Gad, de terra Galaad finium Chanaan ad filios*

(1) Cit. Lux de Luce Lib. II. p. 158.

filios Israel. Heb. T. de terra Ghilbad ad terram Chanaan.

Jud. XXI. 10. *Decem millia. Heb. T. duodecim millia cum LXX., Ch., & Josepho Heb.*

XXI. 21. *De Tribu Ephraim urbes confugii Sichem, & Gazer, & Cibsaim. 32. De Tribu quoque Nephtali civitates confugii, Cedes in Galilæa, & Hammoth &c. An ergo & Sichem, & Gazer, & Cibsaim, & Cedes, & Hammoth sunt omnes civitates confugii? Heb. T. urbs confugii Sichem &c.*

Lib. III. Reg. XXI. 24. *Si mortuus fuerit Achab in civitate, comedent eum canes. Atqui Achab mortuus est, & sepultus in Samaria. Aliter Heb. T. habet: eum, qui mortuus fuerit de Achab in civitate, comedent canes.*

III. Reg. II. 28. *Venit nuncius ad Joab. Hebr. T. Pervenit שמעא fama, vel rumor. Græc. ἀκρόν'.*

I. Paral. VIII. 11. *Mebusim genuit Abitob. Non vertitur Hebr. particula. Ex Husim genuit. LXX. ἐκ τῆς Ὀσίβ.*

Prov. XXX. 19. *Viam viri in adolescentia. Hebr. viam viri in ערמה adolescentula virgine.*

Ifai. V. 9. *In auribus meis sunt hæc, dicit Dominus exercituum. Hebr., & Hieron. in auribus meis sunt hæc Domini exercituum.*

VII. 14. *Et vocabitur. Heb. & vocabis.*

XXVII. 6. *Qui ingrediuntur ad Jacob. Heb. T. qui egrediuntur ab Jacob.*

Omittimus, quod facile possemus, plura eiusmodi afferre, ex Psalmis præcipue, quorum translatio in Vulgata non est ex Hebræo a D. Hieronymo, ut omnes norunt, sed ex Græca LXX. Interpretum editione elaborata. Tamen tot hæc sunt, quæ attulimus, & eiusmodi, ut, si a quopiam attendantur, dubitare jam hic nequeat, num aliqua menda, & διαφωνία in Vulgata nostra etiam post Clementinam emendationem extent, quæ Hebraicorum codicum usum postulare videantur. Quid vero ad hæc, atque alia quævis loca, ubi Hebraicus textus, & Vulgata dissident, omnimodæ illius, admirandæque Vulgatæ puritatis assertores? *Vel in illis, inquit superius commemoratus Pater Casini (1), & similibus locis est contrarietas, vel sola diversitas. Si vera est contrarietas, & ita pugnant inter se textus originalis, & vulgata, ut conciliari omnino non possint; ex hac emendandus est ille, cum hodie, ut diximus, non sit authenticus . . . Si vero est sola diversitas, & utrumque potuit dicere Deus, utrumque dixit. Et tam propriæ ipsius locutiones sunt, quæ dixit latine, ut interprez; quam propriæ sunt eiusdem locutiones, quæ dixit Hebraice, & Græce, ut auctor ipsius scripturæ. Utrumque fecit, & fecit nomine suo, hoc est directe, & proxime ad manifestandos mentis propriæ conceptus. Hæc ad exempla. Quid porro ad tantorum virorum auctoritatem, qui in Vulgatis Bibliis menda notarunt? Providentia,*

(1) Pag. XI. earund. Thef.

inquit, eadem factum putamus, ut Bellarminus, & alii sapientissimi viri aliqua pertransirent, quæ correctione indigere videbantur, quia revera non indigebant, sed Vulgati interpretis autographum fideliter referebant. Ridicula hæc sunt, nec commemoratione, ne dicam confutatione digna. Sed persequamur jam selecta item nonnulla in Vulgata loca sive redundantia, sive omissa, sive demum obscura, & ambigua, ex quibus Hebraicorum codicum usus vehementius confirmatur.

Selecta, quæ eruditi ex Hebraicis codicibus notant, in Clementinis Bibliis redundantia loca, in quibus sive integræ sententiæ, sive verba redundant, a sciolis exscriptoribus, vel etiam ab interprete addita.

Gen. IV. 8. Exod. II. 22. Num. VIII. 2. XX. 6. XXXIII. 3. Josue XXI. 36. XVI. 8. Judic. I. 35. I. Reg. V. 6. 9. IX. 25. X. 1. XIV. 41. XV. 3. XXI. 2. XXX. 15. II. Reg. I. 18. aut 19. I. 26. V. 23. IV. 5. X. 19. XIII. 21. 27. XV. 18. 20. XXI. 18. III. Reg. V. 6. XVI. 7. XX. 38. I. Paral. I. 32. Prov. IV. 27. X. 4. XIV. 15. XV. 27. XVI. 5. XVII. 13. XVII. 16. XVIII. 8. I. Esdræ I. 8. IV. 23. Job. I. 21. I. 22. XI. 10. Jer. III. 1.

Selecta loca in Heb. codicib. extantia, quæ in Clementis Bibliis omittuntur.

Gen. XXXVI. 8. Omittitur nomen Esau, unde sensus ambiguus efficitur.

XXXIX. 22. Om. *Princeps carceris.*

XLI. 4. *Devoraveruntque eas, quarum mira species, & habitudo corporum erat.* Sensus ambiguus est, & obscurus, ni addas, quod in Hebræo legitur: & devoraverunt vaccæ malæ visu, & macilentæ, vel deficientes carne septem vaccas pulchras aspectu, & pingues.

L. 22. *Ei vidit Ephraim filios usque ad tertiam generationem.* Omittitur nomen Josephi, unde ambiguum est, num Ephraim, an vero Joseph viderit illius filios usque ad tertiam generationem. Heb. T. & vidit Joseph Ephraimi filios.

Jud. XII. 1 Omit. *super te.*

XVII. 7. Omit. nomen Jehuda; unde ambiguum fit, num adolescens ille, de quo ibi sermo habetur, fuerit de cognatione Michæ, an verò de cognatione Judæ.

Loca selecta in Vulgata ambigua, vel obscura, quæ ex Hebraico textu illustrari queunt.

Gen. III. 17. *Maledicta terra in opere tuo.* Scilicet, ut cuipiam videri posset, quum operaberis illam, & coles. De criminoso opere ibi agi intelligis ex

Hebræo textu, qui habet בעבור *propter te*, vel *propter transgressionem tuam*, tuumque peccatum. Hieronymus Quæst. in Gen. *Opera hic non ruris colendi, ut plerique putant, sed peccata significant, ut in Hebræo habetur.*

IV. 17. Cognovit autem Cain uxorem suam, quæ concepit, & peperit Henoch: & ædificavit civitatem, vocavitque nomen eius ex nomine filii sui Henoch. 25. Cognovit quoque Adam uxorem suam, & peperit filium, vocavitque nomen eius Seth. Ambiguum est, viri ne, an uxores nomina filiis imposuerint. Et posteriori quidem loco ex Vulgatæ contextu videtur Adam Setho nomen imposuisse. At vero ex Hebraicis codicibus deprehendes, illic Cain, hic Evam officium hoc præstitisse; propterea quod in priori exemplo habeant illi masc. Vatiçhrà: in posteriori autem fœm. Vatiçhrà.

XXXVIII. 2. Vidit filiam hominis Chananæi, vocabulo Sûe. Ambiguum est, num filia, an homo ille Chananæus Sûe vocaretur, atque ex interpunctione videtur potius filia eo nomine appellata. Rem dirimit Heb. T. שמו *nomen eius masc.*

XLIV. 20. De Beniamino Judas inquit: ipsum solum habet mater sua; ex quo colligi potest Rachellem adhuc eo tempore vixisse, quæ jam multo ante decesserat. Clarius Heb. T. *remansit ipse solus matri suæ.*

XLVI. 18. *Hi filii Zelphæ . . . & hos genuit Jacob.* Jacob ne, an Zelpha genuit? Heb. T. & ipsa peperit istos ליעקוב *Jacobo*. Item Exod. IV. 26.

Deut. VI. 7. *Meditaberis in eis dormiens, atque confurgens.* I. Reg. III. 15. *dormiuit autem Samuel usque mane.* Absonum videtur, siue dormiendo in lege meditari, siue dormiisse Samuelem, qui ter, & quarto a Deo vocatus tam stupenda ab eo prædici audierat. Utrobique habet Heb. T. verbum שכב *cubare*.

Jos. VII. 5. *Et ceciderunt per prona fugientes.* Ceciderunt ne a Cado, an a Cædo? Heb. T. ויכרו & percusserunt eos.

II. Reg. VII. 19. *Ista est lex Adam.* Non primus ibi homo voce האדם, sed homo in genere indigitatur.

II. Reg. XII. 24. *Quæ, scilicet Betsabee, genuit filium, & vocavit nomen eius Salomon.* Equidem videtur Bethsabee, non David nomen Salomoni imposuisse; sed aliter statuit Heb. fons, ubi habetur ויקרא & vocavit ille.

III. Reg. VII. 14. *Filium mulieris viduæ de Tribu Nephtali.* Ambiguum est, & videtur potius vidua hæc esse de Tribu Nephtali, cum tamen ex II. Paral. II. 14. effet de Tribu Dan. Heb. codices, qui interserunt הוּא *ipse*, fat tibi ostendunt, non viduam, sed Hiram viduæ filium de hac Tribu fuisse.

IV. Reg. V. 18. 19. *Hoc autem solum est, de quo depreceris Dominum pro servo tuo, quando ingreditur Dominus meus templum Remmon, ut adoret, & illo innitente super manum meam, si adoravero in templo Remmon, adorante eo in eodem loco, ut ignoscat mihi Dominus servo tuo pro hac re.* Quod in peculiaribus epistolis ad Tapinum suum, seu Diff. de Naamanis facto (1) jam dudum observavit Bochartus, & post ipsum Calmetus Diff. de prostratione Naaman coram Remmon (2), aliique etiam apud ipsum optime Hebraicus textus in hunc sensum verti potest, ut Naaman veniam non pro cultu adhuc Numini impendendo, sed pro antea impenso deprecetur. לדבר הזה יסלח יהוה לעבדך בבוא אדוני בית רמון להשתחוות שמה והוא נשען על ידי והשתחית בית רמון בהשתחית בית רמון יסלח נא יהוה לעבדך De hac re parcat Dominus servo tuo: quum veniebat Dominus meus in templum Remmon ad adorandum ibi, & innitebatur ipse super manum meam, & ipse adoravi, seu procubui in templo Remmon; de hac mea adoratione, vel prostratione in templo Remmon parcat quæso Dominus servo tuo in hac re; qua quidem lectione maxima Theologi difficultate liberantur, ut ut alias dein præferre cl. nonnullis viris videatur.

IV. Reg. XIX. 21. *Sprevit te, & subsannavit te virgo, filia Sion: post tergum tuum caput morvit, filia Jerusalem.* Obscurum est, num hæc verba dirigan-

(1) Tom. III. Oper. p. 892. & 899.

(2) Extat T. I. Dissert. in Scr. lib. p. 165.

tur ad filiam Sion, & Ierusalem, quod Sennacherib eam spreverit; an vero ad ipsum Sennacherib. Prius potius ex Vulgatæ interpunctione colligitur; & ita Liranus, & Cornelius a lapide (in Isai XXXVII. 22.) ea decepti intellexerunt. Ex Hebræo tamen alterum manifestissime eruitur, ubi verbum in fœm. genere sumitur, affixum vero masculini est, ut constet illud ad filiam Sion, hoc autem ad Sennacherib referri.

I. Esdræ III. 12. *Qui viderant templum prius cum fundatum esset, & hoc templum in oculis eorum fiebant.* Ambiguum est, num illud cum fundatum esset ad templum Salomonicum referatur, an vero ad Zorobabelicum; immo illud potius, quam istud intelligi videretur. Heb. T. *cum fundaretur hæc domus.*

II. Esdræ IX. 7. *Elegisti Abram, & eduxisti eum de igne Chaldæorum.* Quid, quæso, intelligis nomine ignis Chaldæorum? Appellative videlicet transferitur nomen proprium urbis Ur; unde erat Abraham oriundus.

Cardinalis Bellarminus, qui & ipse olim ex locis, ubi sermo in Vulgata est anceps, Hebraicorum codicum usum etiam post Tridentinam Synodum ostendebat, duo præsertim ex Psalmis petita exempla proposuit, quo illud efficeretur. Nec enim dubitandum est, quin ex illis luculentiora loca sumi queant, quæ egeant ex Hebraico textu illustrari; quippequi non ex hoc, sed ex græca tantum interpretatione

pretatione sint, ut superius monuimus. Verum ut ab initio propositum nobis est pauca tantum, selectaque hoc loco afferre, non erant hæc ex ea latinorum Bibliorum parte haurienda, quæ ex Hebræo proxime non haberetur, & ubi crebriores a fonte discrepantiæ occurrunt; ne cogi nos id facere exemplorum inopia videremur. Tum vero facillimum cuique jam est ex iis, quæ ex ceteris libris accuratioribus adduximus, ad ea, quæ ex Psalmis adduci possent, & nos reticimus, argumentari.

Quod tamen reticere hoc loco ad rem nostram non possumus, unde & Bellarminus usum fontis post Tridentinum statutum licere demonstrat, varia est Latinorum codicum lectio. Etenim variant alicubi Vaticana ipsa inter se; variant a Vaticanis Plantiniana, & cetera alibi terrarum impressa; ut certo statui vix queat, quænam alteri lectio anteponenda sit, ni ad fontem confugiamus. Ita editio Clementino-Romana anni 1592. Jos. VIII. 29. habet: *Præcepitque Josue*. Altera vero anni 1593. nomen Josue omittit. II. Reg. III. 20. illa *viri eius*, hæc *viris eius*. XIII. 28. illa *Amnon vino*, hæc *Amnon tantum*. XIX. 22. prior *fili Sarviæ*, posterior *filia Sarviæ*. XXIII. 25. habet illa *Elica de Arori*, altera vero *Helica de Harodi*. Jerem. L. 42. extat in priori *misericordes*, in posteriori autem *misericordes*, & alia eiusmodi, de quibus consule Henricum Bukento-

pium (1). Genesius vero XXXV. 8. habent Vaticana *super*, Plantiniana *subter*. Exod. VIII. 26. Vaticana *Domino Deo nostro?* Plantiniana *Domino Deo nostro*. Jos. XIX. 15. Vaticana *Jerala*, Plantiniana *Jedala*. III. Reg. XXI. 1. *quæ erat in Jezrabel* Vaticana legunt, Plantiniana vero *qui erat in Jezrabel*. XXII. 15. *illa tradet eum*, hæc *tradet eam*. Esther XV. 1. *illa quin esset Mardocheus*, altera *quin Esther Mardocheus*. Jer. XLIX. 3. priora Biblia *filia Rabbath*, posteriora *filii Rabbath*, & alia plura, quæ memorat Bukentopius (2), & facile est dignoscere utramque editionem comparantibus. Cuius quidem discriminis ea præcipua causa est, quod Plantiniani Typographi secuti sint notas, & correctiones Luca Brugenſis, quæ aliam ab autographo Romano anni 1593. lectionem referebant. Quamquam in epistola dedicatoria edito Romanarum correctionum libello præfixa fatetur Lucas has ex eo ipso Romano exemplari desumptas esse; quod si esset, nunquam Vaticana, & Plantiniana Biblia discreparent. Porro etsi plerumque Plantiniana lectio Vaticanæ præferenda videatur, in nonnullis tamen non adeo facile erant Vaticana exemplaria a Plantinianis typographis deferenda. Cap. Jerem. XLIX. 3. habebant Vaticana, & adhuc habent *clamate filia*, rectissime juxta & Hebraicos, & Græcos codices. Qui igitur

(1) Lux de Luce Lib. III. Cap. IV.

(2) Ibidem Cap. VII.

Plantiniani editores in Vulgatam mendosam lectionem *clamate filii* intruserunt, quæ plerasque recentiores editiones Plantiniana Biblia sequutas invasit? Ezechiel XXI. 28. optime cum fonte habet Vaticana *mucro, mucro evaginate, limate*. Lucas tamen Brugenſis fictitia poſitione, quod ita legeret exemplar Romanum anni 1593., & Plantiniani typographi ipſum ſequuti mendosam lectionem obtrudunt *mucro, mucro evagina te, lima te*. Atque hæc quum ita ſint, quis apte ſatis intelliget, utra vera vulgatæ lectio ſit, ni fontem conſulat?

Ex hodiernæ vulgatæ Clementinæ editionis ſive mendis, ſive ambiguis, obſcuriſque locis, ſive ea demum, quam proxime tetigimus, exemplarium varietate Hebraicorum codicum uſum etiam poſt Tridentinam Synodum, & definitam Vulgatæ authenticam aſſerere hucusque & vindicare conati ſumus. Quid vero ſi, ut ut perfectæ latinæ noſtræ translationis puritas latiffime concedatur, tantum tamen abeſt, ut aſſertum hæc uſum excludat, ut eum potius poſtulare neceſſario videatur? Nam unde niſi ex Hebraicis fontibus omnimoda illa integritas, & cum fonte congruentia ſive dignoſci a nobis, ſive vindicari adverſus Tridentini decreti hoſtes poſſet (1)? Clamant autem plerique hæreticorum abſurdam hanc interpretationem eſſe, quam

(1) Forerius ad confirm. auctor., & fidem Vulgati interpr. coactus eſt novam ex Hebræo verſ. illius oſoribus obijcere. V. ej. Dedic. & Præf. in Iſai.

Ecclesia communi fidelium usui consecravit, nec ullomodo cum fonte congruere; perperam a Patribus Pontificiis, qui hebraice ignorabant, ut suam ipsorum ad Hebraicam veritatem provocationem eludant, authenticam declarari. Quid porro hic consilii capiemus? Quibus omnibus efficitur, ut immerito prorsus ex allato Tridentinorum Patrum decreto definierit Melchior Canus (1) *non esse ad Hebraicam, & Græca exemplaria provocandum*. Præsertim vero ut immerito ab Hebraicarum litterarum disciplina arceantur, quotquot Hebraicorum codicum in Vulgatis Bibliis usum Æcumenicæ Tridentinæ Synodi auctoritate sublatum arbitrantur.

C A P. V.

Decere christianum Theologum Novi T., quod non Hebraice, sed Græce exaratum est, magis esse sollicitum, quam Veteris.

Dantur autem alii, animadvertit Krugerus (2), hanc linguam parvi pendentes, nihil quasi ad se putantes pertinere, consuevi dicere, cui bono jam est lingua Hebræa? Vivimus in Novo Testamento; hoc autem græce literis (ἱεραρχῆς) consignatum est, & ita de hoc plusculum sollicitos nos esse oporteat, quam de Veteri. Non id tamen ex ipsis Novi fœderis scripturis eruimus. In his repe-

(1) Lib. II. Locor. Theolog. Cap. XIII.

(2) Dissert. de Ling. Heb. Antiq., Util., Necess. p. 48.

rimus Christum Jesum novis fidelibus commendasse τὸ ἐρευνᾶν τὰς γραφὰς (1), seu scripturarum perscrutationem; quo quidem vocabulo Veteris proculdubio instrumenti volumina intellexit. Paullus item (2) omnia non Novi solum, sed & Veteris Test. ad nostram institutionem, & doctrinam æque scripta esse testatus est, omnemque scripturam divinitus inspiratam sive veterem, sive novam utilem esse ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus (3), summopere propterea ob studium, & operam in sacris Veteris Test. litteris collocatam Timotheum commendans. Quod Christus, Paullus, & Apostoli omnes usu, & exemplo firmarunt. Unde sane eorum veritas, quæ in Novo fœdere aut dicta, aut facta narrantur, nisi ex Veteris prophetiis confirmanda? Novum Testamentum est veteris complementum; quid jam impletum teneamus, si quod implendum erat, ignoremus? Aut quum Christus non venerit Mosaicam legem solvere, sed adimplere, ni ex Vet. Testam. præmonstremus adimplendam, qui nos impletam demonstrabimus? Modum hunc Christus, sacrique ipsius scriptores, & Patres omnes sequuti sunt. Atque Origenes (4) adducto Marci Evāgelii initio, quod hic ex Hebraicis V.T. scripturis desumpserat,

(1) Joh. V. 39.

(2) Rom. XIV. 4.

(3) II. ad Tim. III. 16. 17.

(4) Lib. II. contra Cels. T. I. Oper. p. 389.

fat hoc innuitur, inquit, ὅτι ἡ τῆς εὐαγγελίᾳ ἀρχὴ τῶν
 Ἰουδαϊκῶν γραμμάτων ἤρτηται *quod Evangelii initium a scrip-*
turis Judaicis pendet. Sic & adversus Hebræos præ-
 fertim se gerunt Theologi, qui universa Jesu facta,
 dicta, perpeffiones, mortem denique, quæ in No-
 vo T. exponuntur, tanquam veros dudum prædi-
 ctos ab eorum Patribus expectati Messiaë characteres,
 singula ex veteribus scripturis depromunt, ipsif-
 que incredulis, & cæcis intuenda obiiciunt. Eadem
 adversus Hæreticos est ratio; nisi aut Manichæi, aut
 Sociniani ii sint uni Novo fœderi adhærentes. An
 forte, ut impie olim iidem Manichæi effutiebant,
 ab eodem Spiritu, & Deo non est Vetus instrumen-
 tum, ut minus propterea venerari, & excoli de-
 beat? Audi, quid Marcellinum doceat Athanasius:
omnis apud nos sive nova, sive vetus scriptura Numi-
nis divini afflatu prodiit, & idonea est ad erudiendum
sub ea forma, specieque verborum, qua concepta est.
 Augustinus autem Tract. IX. in Joh. codices qui-
 dem duos, unum tamen spiritum esse asserbat. In-
 dex quoque divini placiti, ac voluntatis sunt vete-
 res libri, eodemque spiritu sanctitatis locuti sunt
 sancti Dei homines illorum auctores. In illis quæ
 de Deo enuntiantur, mysteria, & dogmata, æquis-
 simam Dei perfectissimi entis ideam fovant. Quæ
 narrantur Patriarcharum facta, singula sunt ad no-
 stram institutionem efformata, dirigendæque vitæ
 nostræ accommodatissima; ut quæ vetus scriptura

commendat, tanquam optima, veramque virtutem sapientia imitemur, quæ contra reprobatur, tanquam putida vitia omnino devitemus. Ibi moralia Dei præcepta rationi omnino consentanea, immo & ipsum perfectæ rationis, ac naturæ recte informatæ dictamen; unde & moralis nostra Theologia humanorum actuum sive bonitatis, sive malitiæ leges depromit. Ibi veræ Dei Ecclesiæ origo, & progressus. Ibi hominum Deum timentium sermones, & vita. Ibi expectati Salvatoris ratio, promissiones, semen, dignitas, adventus signa, vita universa, mors denique ipsa, & resurrectio. Ibi demum vaticinia omnia aut Christum, aut novam ab eo erigendam Ecclesiam, aut Judæorum reprobationem respicientia cuduntur. Minus ergo ne Veteris T. sollicitos propterea nos esse oportet, quod in Novo vivamus? Quid vero, si ad ipsum quoque Novum fœdus intelligendum Hebraica lingua requiratur? Atqui, inquis, græcis litteris consignatum est. Utique, si Matthæum excipis, ita est, ut dicis. Verum an ignoras infinitis illud scattere Hebraïsmis? Etenim, etsi græca lingua, a viris tamen non dicam Hebraizantibus, sed natione Hebræis conscriptum est, qui peregrinis litteris, ubi non erant undecumque periti, scribentes, facile coacti sunt, ut observat recte Castalio in Transl. Biblior. Defens., in patriam consuetudinem deflectere. Referuntur parabolæ, sermones, & dicta Christi, qui erat genere Hebræus, & Hebræos plerum-

que adloquebatur. Ipsi vero scriptores non solum, ut dixi, Hebræi erant & ipsi, sed Ex-Hebræos alloquuntur, atque ad ipsos primum instituendos sacrosanctum fœdus litteris consignarunt. In Hebraico autem textu V. T. legendo, vertendo, allegandoque versabantur. Quamobrem Novum T. necessario Hebraicis idiotismis abundare oportuit. Turpiter itaque falluntur Henricus Stephanus (1), Bebelius (2), atque, ut ceteros omittam, recentior Elias Palai-ret (3), qui non alias locutiones in N. T. admiserunt, nisi quibus omnes alii scriptores Græci usi sunt, & in confutandis propterea Hebraïsmis N. T. perperam operam suam collocarunt. Frustra vero præ ceteris laboravit Georgius, qui in *Dissert. De Hebraïsmis dictioni N. Test. immerito affixis*, & in *vin-diciis N. T. ab Hebraïsmis*, ad omnes Hebraïsmos ex Novo fœdere eliminandos plurimum studii conferre visus est. De Hebraïsmis N. T. multi scripserunt, quos in *Deliciis Hebræo-Philologicis* (4) attulit Schudtius. Apprime vero id præstiterunt Glassius in *Philologia sacra* (5); item in sua *Philologia* Joh. Vorstius (6), qui, cum ei non placeret Wyssii reductio Hebraïsmorum ad XIII. tantum classes, eos reduxit

(1) *Diss. De Stylo N. T. Græco Græcæ suæ edit. N. T. an. 1576. præfixa.*

(2) *In Exercit. de Phrasi N. T.*

(3) *In Observationib. Philologico-Crit. in N. T.*

(4) *Pag. 255. 256.*

(5) *Lib. I. Tr. IV. Sect. II. Can. II. p. 328.*

(6) *Id duab. Part. Philolog. S., quarum prior edita est Lugd. B. 1658. Altera Amst. 1665.*

reduxit ad classes XXXI. Quibus addendi sunt Georgius Pafor, qui agens in Gram. Græca de N. T. dialectis varia Hebraïsmorum exempla ex eo collecta exhibuit, & Joh. demum Leusdenius, qui in singulari libello (1) accuratissime hoc argumentum persequutus est. Consule de Hebraïsmorum scriptoribus in utramque partem Johannis Simonis Introductionem Grammatico-Criticam in linguam Græcam Sect. XI. (2) Cap. I. §. 8. seqq., & Joh. Lamium recentiorem scriptorem Florentinum Cap. X. & XI. De Eruditione Apostolorum, ubi de peculiari sacrorum N. fœd. scriptorum stylo, & phrasi differit. Quæ si ita sunt, etiam ad penitiorem N. T. intellectum Hebraicæ linguæ præsidium necessario adferendum est, quod in Johannis præsertim scriptis Toletus (3) postulabat. *Is, inquit, minus, quam ceteri Evangelistæ græce loquutus est, Hebraicis phrasibus abundat, unde fit, ut Hebræi sermonis peritia, non minus quam Græci ad sensum sententiarum assequendum sit necessaria.*

- (1) De Dialectis N. T. singulatim de eius Hebraïsmis. Extat in eius Philol. Græco. Seiunctim vero cum aliis libellis viror. Doct. edidit Rhenferdus in Dissertationum Philol. Theol. De Stylo N. T. Syntagmate. Postremo avulsum edidit Fischerus 8. Lips. 1754.
 (2) Quæ est de Lingua, & Textu N. T. Græco p. 243. seqq.
 (3) Argum. Comment. in Johan.

Hebræos, & Hæreticos eadem facilitate, & vi ex versionibus, & Vulgata, quam ex Hebraicis fontibus revinci.

DE hostium redargutione, quod alterum officium, & caput est, unde Hebraicarum litterarum usus arcessitur, idem sentiunt nonnulli, quod de scripturarum interpretatione. Nam eadem facilitate, & vi, si ipsis credimus, ex versionibus, & Vulgata, quam ex Hebraico textu Judæi, & Hæretici revincuntur, idemque prorsus subsidium translationes, Hebræique codices afferunt. Quod quidem falsissimum est, siue id fieri intelligant, quod apud Hebræos, & Hæreticos illæ æque ac hi, authenticæ sint, & Vulgatam recipiant, siue quia momenta, quibus ad eos oppugnandos utimur, eadem omnino in utrisque & copia, & vi, & claritate cudantur. Primum quod attinet, Hæretici proculdubio solum Hebraicum textum *ἀπὸ τῆς ἑβραίων* habere, nullam vero interpretationes putant, quæcumque tandem ex sint, ut ex selectis, quæ hic subiicimus, eorum testimoniis constat luculentissime. *Aliam itaque auctoritatem*, inquit Waltonus (1), *versioni Græcæ non tribuimus, quam aliis versionibus, quarum nulli authenticam proprie convenire existimamus, sed auctoritatem tantum humanam.* Scripsit

(1) Appar. Bibl. Proleg. IX. n. 56.

item Altingius (1) *quancumque versionem, quantacunque etiam fide, ac industria elaboratam, auditoriam tamen non habere, quia humana versio est, eaque propter ad divinum textum, quem auctoritatis divinæ, & ἀξιότητος ergo prælectum audirissent (auditores), jugiter esse revocandam, atque examinandam.* Et Sixtino Amamæ putare latinas versiones mentem Spir. S. referre quintus est error, & omnis barbariei fons, ut ex eius Antibarbaro colligitur (2). Sane si quæ versio est, quæ apud heterodoxos Lutheranos præcipue maximi habeatur, nemo dubitat, quin ea sit, quam Lutherus eorum antesignanus evulgavit; de qua adfirmat Pfeifferus (3): *nobis expertissimum est, nullam sub sole meliorem dari.* Nunquam ne propterea eam carpunt? Immo vero & carpunt, & ad libitum deserunt. *Aberrationes etiam diversarum interpretationum commostro,* ait Starkius (4) . . . *neque minus ipsius Megalandri nostri Lutheri.* Et David Fridericus Megerlinus in Fasciculo observationum miscellan. (5), *uti interpres, inquit, nulli prorsus translationi cæcam debet obedientiam; ita nec nostræ B. Lutheri, quam & ad*

(1) Dissert. Philol. II. De versionib. Sac. Scrip. §. XXXIX. Eius Dissertationum p. 147.

(2) V. Lib. I. Antib. Bibl. Hottingerus vero in Præfatione ad Godvini Mosen, & Aaron, *sunt quidem, inquit, nobis versiones, nulla tamen fonti accomparanda. Aliæ magis, aliæ minus a textu originali recedunt; immo nec expectanda, quæ vim, & ἰσχύον plene exprimat.*

(3) In usu Ling. S. Catholico in Theol. Exeget.

(4) Præf. ad Biurè Amichrâ, seu Not. Sel. Crit. in loca dubia, ac diff. S. Scrip.

(5) §. IX.

fontem originale[m] exigere ei licet, & ab eadem interdum discedere. Ita profecto ei non integrum modo est, sed necessarium quoque ab illa dissentire in Ps. LXXX. 16. & 18. Johannes autem Fabricius in sua Bibliothecæ Fabricianæ (1) de Lutheri Germanica translatione sermonem instituens: neque tamen pro infallibili, seu tali est habenda, quæ nullum habeat erratum. Nam nec ipse Lutherus hoc sibi tribuit, nec alii quotquot veritatem amant. Commemoratus vero Pfeifferus post allata verba, suis vero, subdit, eam interim non carere nævis facili negotio ostendi posset, nisi verenda venerandi Patris revelare religio foret. Quam tamen religionem innumeri alii non habuerunt; immo Pfeifferus ipse, qui ibi erga Lutherum adeo religiosus videtur, alibi, quum necessitas tulit, non erubuit adserere (2): amicus Lutherus, amicus Philippus, sed magis amica veritas. Itaque si ipsam Lutheri interpretationem deserunt Hæreticorum ministri, reprehendunt, ad Hebraicum textum exigunt, quæ altera fingi interpretatio poterit, cui fidant ipsi in disputatione, nec ad Hebraicos primigenios codices provocent? An Vulgata, quæ corrupta illis est, nobis favens, nec solum recipiunt, sed iniquo plane ausu & eam, & Tridentinum decretum, quo authentica in Ecclesia declaratur, conviciis proscindunt (3)? Igitur Hæretici,

(1) Tom. I. univ. X. p. 27.

(2) Introd. in Orient. Diss. IX. Qu. 2. sub fin.

(3) V. Leusd. Philol. Hebræo-Mixto Diss. I. Glaff. Philol. S. Lib. I. Tr. I. pag. 32. Hotting. Thes. Philol. Lib. I. Cap. III. p. 380., Amama in

qui Traditiones omnes, Patres, Concilia summa temeritate reiicientes (1) patiuntur se ex uno bibliorum textu refutari, solum Hebraicum textum, ut infallibilem veritatis lancem, divinæque auctoritatis admittunt (2). Nulli versionum, nec Lutheri ipsius, divinam authenticam attribuunt; Ecclesiasticam vero, qua nos utimur, accusant insuper, & turpiter traducunt. Ut fucum nobis faciant eorum iudicio hebraice inscientibus, ut securius vincant, non ver-

Antib. Bibl., aliosque ej. Causæ accusationis ab ipso Leusdenio ibidem exponuntur: *canonizavit* (Syn. Trid.) *versionem infinitis fere scatentem vitiis*. Infer. Quær. IV. *versio Vulgata multis in locis confirmat fidem Pontificiorum, cum in textibus originalibus ipsorum fides refutetur, & Reformatorum stabiliatur*. Verum, quod ad primum illud attinet, jam Cap. IV. animadversum est errores sive olim tempore Conc. Trid., sive modo in Vulg. extantes non esse magni momenti, nec fidem, & mores attingere, nec porro ullo modo a Tridentinis Patribus approbari, qui immo solerter ab iis emendandam Vulgatam præscripserunt. Jure autem authentica, idest suo fonti in his, quæ ad fidem, & mores pertinent, conformis declarari a religiosissimis viris & potuit, & pro necessitate debuit, quod revera in illis cum Hebraicis codicibus perfecte congrueret. Quamobrem & falsum est alterum, quod subiicitur, maius nobis ex Vulgata, quam ex Hebraico textu præsidium emergere, aut quempiam reperiri in Vulgatis Bibliis pro fide nostra locum, qui idem nobis non afferat in Hebraicis, ne dicam luculentius subsidium; quod cuilibet suspecta allata a Leusd. Vulgaræ loca cum fonte comparanti facile patere potest. Vide Eccle. IX. 1. Gen. XXXVII. 25. XLVIII. 16. XIV. 18. IV. 13. &c.

- (1) Luth. *neque alia doctrina in Ecclesia tradi, aut audiri debet, quam purum Dei verbum, hoc est Sacra Scrip.* Zvingl. *mox incipis clamare, Patres, Patres, nempe Patres sic tradiderunt, sed ego non Patres tibi refero, non matres, sed Dei verbum requiro.* Consule hæc, & alia plura in hanc rem Hæresiarcharum testimonia apud Leon. Allat. in Hottingero fraudis, & imposturæ convicto.
- (2) *De originario, & authen. textu gloriantur (Hæretici), Græcos, Hebraicosque codices ostentant, istos solos ut sinceros apud gregales venditant; latinos vero nihil pensi habent, ut putidum fungum aversantur, & convitiis quibuslibet onerant,* Morin. Exerc. Bibl. P. I. Cap. I.

sionibus, sed ipso primigenio textu, cui omni studio, & contentione vacant, nos Pontificios aggrediuntur; quo Hebraica litteratura, in qua dexterimi potius sunt, & grammatica primigeniarum dictionum vi, & significato, cuius sunt tenacissimi sectatores, falsa, si queunt, dogmata tueantur. Hebraicum vero textum, quippe qui incorruptus est, utrique admittimus, estque tum apud nos, cum apud heterodoxos omnes authenticus, & indubie omnino fidei, auctoritatisque, unde pro suo quisque nostrum placito ratiocinatur. Qui ergo solis versionibus, aut etiam Vulgata absque Hebraico textu, absque Hebraicarum litterarum praesidio Theologica cum Haeretico doctore a nobis concertatio institueretur? Quod idem porro multo magis de Hebraeis dicendum est. Nam omnibus constat, reiectis quibuscumque versionibus, uni eos Hebraico textui tenacius adhuc adherere. Hebraicorum autem fontium praeter qualibet versione usum, dignitatem, vim, atque emolumentum data opera persequi in suo Sculchan Ache-soph R. Aben Caspi superius deteximus: quo opusculo suorum veluti Hebraistarum disciplinae honestatem ostendit. Vulgatum vero interpretem מִתְּרַגְּמָן a Judaeis appellari jamdudum eruditi observarunt. Sed quis unquam putavit aut Vulgatam, aut aliam quamvis ex nostris praecipue translationibus apud Hebraeos fidem, auctoritatemque obtinere, aut posse ipsos alio ab Hebraico textu revinci? Unde Origenes, *conamur*, in-

quit (1), non ignorare, quas habent scripturas, ut cum *Judæis* differentes non proferamus ea, quæ in eorum exemplaribus desunt, sed simul utamur iis, quæ penes se habent ... Si enim eiusmodi fuerit noster ad ea, de quibus nos inter & ipsos controversia est, apparatus, non contemnent, neque, prout solent, irridebunt eos, qui credunt ex gentibus, quod vera, & quæ apud illos scripta extant, ignorent. Frustra ergo ad eludendum Hebraicarum litterarum usum, qui necessario ad Hebræorum, sive Hæreticorum convictionem requiritur, usus versionum proponitur.

Quod ad alteram vero quæstionem spectat, Hebraici codices ullo procul dubio maius nobis adversus Hebræos præsertim, quam Vulgata, ceteraque versiones præsidium afferunt; quod præstantissimi etiam nostræ communionis Doctores non diffitentur. Pudebat Hieronymum contentionis quorundam, qui hebraicam arguebant veritatem, ac si ab Hebræis corrupta esset. Nam *Judæi*, inquit (2), *contra se legunt, & quid pro se sit, nescit Ecclesia*. Raymundus vero Martini celebris Judæorum oppugnator, *rusus vero*, inquit (3), *noverint, qui eiusmodi sunt, in plurimis sacræ scripturæ locis veritatem multo planius, atque perfectius haberi pro christiana fide in litera hebraica, quam in translatione nostra; quam Raymundi sententiam in eruditis suis ad eius Pugionem Observationibus, & notis præclaro exemplo ex Habacuco*

(1) Epist. ad African. T. I. p. 17.

(2) In Cap. XVII. Jerem.

(3) Pug. fid. §. 14.

petito confirmat Voisinius, quod & nos inferius afferemus. Bellarminus etiam utroque recentior eadem fassus est (1): *sæpe codices Hebræi magis vexant Hebræos, quam Græci, aut Latini.* Quod facillimum nobis est selectis productis exemplis corroborare.

Gen. I. 1. Habet Vulgata: *creavit Deus.* Hebraici autem codices: *creavit* אֱלֹהִים *Elohim*, quod nonnullis nostrorum Theologorum maximum ad evincendam adversus Hebræos divinarum personarum pluralitatem præsidium videtur adferre. Etenim plurale est *Elohim*, & ut optime inquit R. Chuna in Berescith Chetanà super hæc verba, *nisi hic sermo scriptus fuisset, nunquam licuisset dicere* ברא אֱלֹהִים *creavit Dii.* Et R. Scimnon apud Buxtorfium (2) ab eius filio R. Elihefer de ea, quæ ibi subest siue anomalia, siue mysterio interrogatus, coactus est tandem in hæc verba erumpere (3): *חדי הוא דמלה רלתא דרגין אינן וכל דרגא דרגא בלחודי ואף עלגב דכולא חד ומתקשרי בחד ולא מתפרד* *adverte secretum dictionis: tres gradus sunt, & quisque gradus per se distinctus, seu ex seipso est, & nihilominus omnes unum sunt, & colligati in unum, neque unus ab altero separatur.* Quo spectat quoque Cabbalistarum expositio, quos vocant Hebræi Chachamè Emeth *sapientes veritatis.* Porro hi dementes literam *jod* ex *Elohim*, qua decem divinæ juxta ipsos *midoth*,
seu

(1) Apud eund. Voif. Observ. ad Pug., ubi de Heb. T. Integr.

(2) Sub fin. Gram. Chald. Syr.

(3) Zohar in Lev. Sect. Acharè moth col. 116.

seu proprietates innuuntur, legunt אל הם El hem Deus ipsi. Quamobrem R. Bechai in Gen., אלהים, inquit, על דרך הקבלה . . . שתי מלות אל הם Elobim caballistice constituit duas dictiones El hem. Quacunque via hoc fiat, & quodcumque sit præsidium, quod ex hac voce personarum pluralitati comparamus, ex uno id tamen primigenio textu, non ex nostra translatione suscipimus.

Gen. III. 25. *Ipsa conteret caput tuum.* Heb. T. הוא ipsum semen mulieris, vel Messias ex una muliere prodeundus. Unde salutare hoc Christi officium, quod Hebræi inficiantur, adversus ipsos urgemus.

Gen. IV. 1. *Possedi hominem per Deum.* Heb. T. קנית איש את דוה, quod nonnulli vertendum putant: *possedi hominem Deum*; quo Evæ de Messia divinitate traditio, & fides luculenter ostenditur. Ita vertit Lutherus, si Simonio (1) credimus, *aquisivi hominem, qui Dominus est*, secutus juxta eundem Simonium Cabbalisticos quosdam Doctores, qui ita reddiderant, de Messia agi ibi existimantes.

Eccle. XII. 1. *Memento Creatoris tui.* Heb. T. בוראך Creatorum tuorum. Item Eccle. II. 12. *Quid est homo, ut sequi possit Regem factorem suum.* Heb. T. אשר כבר עשיתי Qui jam fecerunt eum. Et Ps. CXLIX. 2. *Lætetur Israel in eo, qui fecit eum.* Heb. T. בעושי In factoribus suis. Isaïa demum LIV. 5. *Quia dominabi-*

Q

(1) Hist. Crit. V. T. Lib. II. Cap. XXIII.

tur tui, qui fecit te, Dominus exercituum nomen eius, & Redemptor tuus. Heb. cod. עוֹשֵׂךְ; & נוֹאֲלֶךְ in plurali; ex quibus iterum Theologi adversus Hebræos argumentantur.

Psal. II. 12. *Aprebendite disciplinam.* Extat in Hebræo נִשְׁקוּ בֶרֶךְ *osculamini filium*, quo nil luculentius ad ostendendam Messia divinitatem afferri adversus Hebræos potest. Nam inferius beati etiam dicuntur, qui in eo confidunt. Optime Antonius Brucioli (1). *Baciate. In questo verso ultimo quello che dice, baciate il figliuolo è uno iropo, per il quale dal segno si intende quello, che pel segno si rapresenta, perche nel baciare la mano de' Re, o gran Signori, anchora hoggi si testifica volere essere nella fede, e potesta del Re. Et dice figliuolo perciocche esso indusse di sopra il padre dicente figliuolo mio sei tu E nessuno può negare che il Propheta habbia cantato di questo figliuolo, non essendo David altro che buono, per la quale cosa non sarebbe beato ma maledetto chiunque si confidassi in esso. Adunque questo Re, & figliuolo del quale canta questo psalmo sotto la figura di David è l'unigenito di Iddio Christo Giesu Iddio vero, nel quale coloro che confidano hanno vita eterna.*

Psal. XXXIX. 7. *Aures autem perfecisti mihi.* Adversus Hebræos conditio servi a Messia suscipienda luculentius ex Hebraicis codicibus evincitur אָזְנוֹי

(1) Ex Ital. eius Comm., quod cum litterali ej. Italica Biblior. interpret. prodiit Ven. 1540. ad h. l. Tom. II.

כִּרְיָת *aurēs perforasti mihi*, habita ratione vetustā apud Hebræos consuetudinis, qua mancipia voluntaria, quæ 7. remissionis, & libertatis anno e dominorum domibus non egrediebantur, juxta divinam legem (1) perforatis ipsis auribus perpetuæ hoc signo servituti addicebantur.

Isai. IX. 7., ubi de Messia: *multiplicabitur eius imperium*. Habent codices Hebraici: לְסֹרֶכָה cum *mem* clausa in medio dictionis, secus ac grammatica analogia postulare videatur. Postquam Talmudistæ in Tract. Sanhedrin (2) christianos Theologos docuerunt ullum hic Messia mysterium foveri, plura hi ex ea voce eruerunt, præsertim vero tempus statutum sexcentorum annorum ab eo tempore ad Messiam, nomen matris Messia, & ipsius virginitatem. Consule Galatinum De Arcanis Catholicæ veritatis (3), & Glassium in Philologia sacra (4).

Isai. LIII. 4. *Percussum a Deo*, scilicet Messiam, de quo sermo ibi a Propheta instituitur. Heb. T. מוֹכָה אֱלֹהִים, quod nonnulli præclare pro Messia divinitate commode verti posse existimant *percussum Deum*.

Jer. XXIII. 6., ubi iterum de Messia agitur: *hec est nomen, quod vocabunt eum, Dominus justus noster*. Ad agnoscendam Messia divinitatem urgentur

(1) Consule Deut. XV. 16. 17. & Exod. XXI. 6.

(2) Gemarà Sanhed. Cap. XI. Excerpt. Coccei. XVII. p. 324.

(3) Lib. VII. Cap. XIII. & XIV.

(4) Lib. I. Tract. I. §. 1. n. 2.

Hebræi ex primigenio textu, ubi extat Scem Hemphorasc, vel tetragrammaton nomen Jeohà, יהיה צדקו quod uni Deo tribuitur, vel ut recepta Rabbiorum expressione utar, הוא שם מיוחד לו יתעלה *nomen est proprium ipsius Dei excelsi*. Ita, ut unum e multis afferam, R. Jos. Albo in libro Hikkarim (1), postquam demonstrat cetera nomina dici de Deo, & de aliis etiam præter Deum, שם בן ארבע אותיות, subdit, אי אפשר שיצדק על זולתו כלל בשום צד, לפי שהוא שם יאמר עליו ית מצד חיוב מציאותו *nomen 4. litterarum impossibile est, ut dicatur de alio præter Deum ulla ratione, quia hoc nomen dicitur de Deo ex parte, vel respectu necessariæ ipsius existentie, aut ut præclare inquit R. Dav. Kimchi (2), כי שמו הוא quia nomen eius est ipsemet, & ipsemet est nomen suum, scilicet nomen τετραγραμματον*. Urgentur Crellius, ceterique Ebionitæ, perperam propterea contendentes in scripturis nunquam Dei filium sacrosancto eo nomine appellari, ne, si istud concederent, Deum fateri cogerentur, quem purum hominem, & creaturam arbitrabantur. Item nomen אל de solo Deo dici, ut יהוה, demonstravit jam Hieron. ad Cap. Esai. IX., eo quod apud eundem Proph. Cap. XLV., ubi dicitur: *Ego sum Deus, & non est alius præter me*, nomen ibi אל usurpetur. Iterum ex eo Es. Capite, ubi Messiae nomina, & characteres describuntur, maximum ex pri-

(1) Part. II. Cap. XXVIII.

(2) Comm. in Ps. VIII. 1.

migenio Heb. T. pro Christi divinitate adversus eius hostes momentum eruitur; quod ex versionibus nequit, ex quibus non sat intelligimus nos, num **אל** extet in sacro textu, an vero **אלהים**, quod creaturis etiam, & hominibus accommodatur.

Dan. IX. 26. *Deficiet hostia*, quod nonnulli de ipso Messia accipiunt in medio hebdomadis defecturo. Hebraici codices adversus Hebræos docent Messiam morte sua, quæ est sacrificium pro peccatis nostris Deo Patri offerendum, aboliturum vetera omnia sacrificia, & oblationes. **ישבית זבח ומנחה** *Cessare faciet, vel abolebit sacrificium, & oblationem.* Optime Hebraicum textum refert Syriaca versio:

סגולא, במא, סגולא.

Habacuci I. 5. *Admiramini, & obstupescite: quia opus factum est in diebus vestris, quod nemo credet cum narrabitur.* Quam luculentius ad ostendendam Judæorum incredulitatem habent primigenii codices! **רמחו כי פעל. פועל בימכם לא האמינו כי יסופר** *Obstupescite; quia opus operor in diebus vestris, quod non credetis, cum narrabitur.*

Demum Math. II. 23. *Et veniens (Jesus) habitavit in civitate, quæ vocatur Nazareth, ut adimpleretur, quod dictum est per Prophetas: quoniam Nazaræus vocabitur.* Ut Hebræis respondeant sacrum nostrum scriptorem confictæ a se prophetiæ accusantibus, ad Samsonem nonnulli confugiunt Messia typum; qui

Jud. XIII. 7. *puer Nazaræus ab infantia sua appellatur*; verum non animadvertunt hi Nazaræum in Evangelistæ textu non dici quasi נִיר cum zain segregatum, Deo dicatum, sed נוצרי cum tzade Natza-
renum, seu incolam Natzareth, ut præter Syria-
cam versionem ipsum etiam Hebraicum Evange-
lium a Tilio editum refert למלא מרה שנ' על פי למלא מרה שנ' על פי
הנביא כי נצרת יקרא. Luculenter ex Hebræo fonte
ora iniquis obtrectatoribus obturantur, ubi Is. XI. 1.
vocatur Messias nomine נצר Netzer. ויצא חוטר מנוע
Et egredietur virgula de trunco ישי ונצר משרשיו יפרי
Isai, & Netzer, sive surculus ex radicibus eius efflo-
rescet, unde argumentari adversus Hebræos allego-
riis, & analogiis studentes, & pro methodo ea æta-
te recepta Mathæus potuit. Nam & civitas Naza-
reth, cuius incola fuit Jesus; ab Hebræis Netzer
appellabatur, unde ille נוצרי Notzeri Nazarenus di-
citur. Quæ singula porro ipsi iidem Hebræorum do-
ctores fatentur. David de Pomis in Lexico (1):
נצרי מן שנולד בעיר נצר הגליל רחוק מירושלים
Notzeri, seu Nazarenus, qui na-
tus est in urbe Netzer Galilææ distante a Hieros. iti-
nere trium dierum. Et R. Elias Levita in suo Tisbi (2)
נוצרי הנצרים אומרים שישו נולד בבית לחם
ונתגדל בעיר הנקראה בלשונם נצורית ובלשוננו
Notzeri. Nazareni, seu Christiani dicunt Jesum

(1) Cit. a Spanhem. Dub. Ev. Part. II. p. 602., & ex eo ab Alting. Schild
p. 264.

(2) Ad hanc voc. pag. Edit. Hebræo-Lat. Fagii 119.

natum esse in Bethlechem, & adolevisse in urbe appellata lingua eorum Nazareth, sed lingua nostra Netzer. Immo recte jam observavit Altingius (1) in Sanhedrin (2) quempiam Jesu discipulum nomine Netzer Magistri causam, & innocentiam, quem haud inusitato Talmudistarum more (3) suo nomine Netzer vocat, & intelligit, hoc eodem Efaia loco tueri, ex allusione & ipse, atque analogia argumentans occidendum non esse Netzer, quod dictum sit Netzer, idest furculus *e radicibus eius germinabit*. Consule Hier. ad citat. Mathæi locum, Huet. Dem. Ev. Prop. IX. Cap. XVI., & Alting. Schilò Lib. IV. C. XII. & XIII.

Quod de Vulgata diximus, idem porro de ceteris versionibus dicendum est. Nam & Ps. II. 12. verterunt LXX., aut saltem auctores Græcæ interpretationis LXX. viris tributæ, quicumque ii sint, δραξαοδε παιδείας; quodque adhuc magis mirandum est, Isaia IX. 6., ubi in primigeniis, translatisque aliis codicibus vocatur Messias Admirabilis, Consiliarius, Deus, Fortis, Princeps pacis, Pater futuri seculi, cuncta pene reticet eiusmodi Messia nomina, unde eius divinitas, aliaque eruuntur, Græca LXX. Interpretum translatio; expressis enim prioribus per Μεγάλης βουλῆς ἄγγελος, cetera iis verbis complectitur ἄξω γὰρ εἰρήνῃ ἐπὶ τὰς ἀρχοντας, καὶ ὑγίαν αὐτῶ, quæ nihil ma-

(1) Cit. superius loco.

(2) Cap. VI. fol. 43. r. apud eund. Alting. Cap. XII., & Schoëtgen. Horis Heb. Talm. de Messia Lib. IX. Cap. II. §. 16.

(3) Eod. Tract. Sanhedr. Cap. XI. Exc. Cocc. 36. p. 359. Doctores suo eorum nom. Messiam appellant, Schilà Schilò, Chaninà Chaninà, Jannai Jinnon &c.

gnificum de Messia portendunt, & vehementer a fonte recedunt. Ita & Haggai II. 6., ubi habet Hebræus textus *אחך מעט היא* *ad hoc unum parum, vel pusillum est*, ut veniat desiderium cunctarum gentium, quo adeo Hebræi ad agnoscendum proximum Messia adventum urgentur, legit versio

Syriaca: *ܐܕܬܝܢ ܡܥܬ ܐܝܢܐ* *ad hoc semel, adhuc ali-*

quando, vel adhuc unum tempus; in quibus verbis totum perit, ut quisque videt, maximum illud præsidium pro brevi Christi ortu, quod in hebraicis reperitur. Sed sat, ut puto, exemplis confectum est, nec eadem facilitate, & vi, eodemque præsidio religionis hostes ex versionibus, quam ex Hebraicis codicibus posse aptissime refutari, quod posteriori loco demonstrandum suscepimus. Quæ si ita sunt, iniuria a nonnullis, qui aliter sentiunt, Hebraicarum litterarum usus ad fidei nostræ hostium convictionem contemnitur.



CAP. VII.

Sed & perperam Heb. lit. usum ex disputationibus cum Hebræo, aut Hæretico confirmari, quæ nonnisi rarissimo contingunt, aut si contingunt, obstinatissimi tamen ii sunt, nec convertuntur, aut demum si quispiam est, qui convertatur, vel malus is Christianus est, vel turpiter redit ad pristinam superstitionem.

Atqui, regerunt, raro omnino contingit eiusmodi cum Hebræo, aut Hæretico disputationem inire. Et si contingit, obstinatissimi ii sunt Hebræi præcipue, & rarissimo convertuntur; ut frustra jam laboraremus, & absque ullo emolumento difficillimam linguam addiscere. Si vero quispiam est, qui fidem nostram suscipiat, constat jam vix reperiri inter eos, qui constans in fide bonus Christi affecla esse videatur. Quot enim conversionem simulant, & dum in Christianorum corpus admitti exterius patiuntur, animo tamen Judaïsmum profitentur? Plurima huiusce simulationis, & fraudis exempla in memorabilibus Judaicis (1) Schudtius, & in notis ad Thieriacam Judaicam Zalman Zevi (2) Joannes Wulferus attulerunt. Quot hinc relabuntur turpiter, quorum iterum exempla habes apud Difenbachium (3).

R

(1) Par. III. Lib. VI. Cap. XXIX. p. 83. & seqq., & Par. I. p. 144.

(2) Pag. 333. & seqq., & 207.

(3) In Judæo convertendo p. 5. seq.

Serpilium (1), Bafnagium (2), & eundem Schudt. (3)? Itaque, quoniam præcipue nihil hic per disputationem efficitur (4), satius est nos nullam disputando eorum conversionem tentare, sed rem totam divinæ gratiæ, ac dispensationi committere; ne dum una disputatione, non divina motione trahuntur, malos Christianos, & Apostatas communioni nostræ acquirere videamur. Hæc ad eludendum eum Hebraicæ litteraturæ usum, quem superius constituimus. Quæ singula examinanda nunc breviter, & excutienda sunt. Et primum quidem haud intelligo, quare tam raro fieri, ac difficulter putent, ut nulla nobis cum Heterodoxo, aut Hebræo controversia contingat. *Frequenter accidit*, inquit Hieronymus (5), *ut habemus pugnas legis*. In medio nostrum tum Hebræi, tum Hæretici reperiuntur. Quid facilius, & frequentius Hebræum, vel Hæreticum adloquentes in controversorum dogmatum sermonem incidere? Immo raro sibi occurrere, ac convenire videntur Religionis hostes, quin aliquod de ea colloquium instituant. Nec enim alia res adeo homini cordi est, quam sua religio; ut propterea etiam eo ferri plebeiorum, & muliercularum sermones, si occasio contingat, ocu-

(1) In Judæo perverso, & converso p. 24. seq.

(2) Histoire des Juifs T. IX. p. 1094. Hebræor. reditum ad-pristinum vomitum Concilii etiam Agathen. Cap. 34., & Nicen. II. Act. 8. auctoritate confirmat, & clariorum nonnull. virorum exemplis p. 1096. seq.

(3) Memorab. Jud. Par. IV. Continuat. II. p. 250. apud Wolf. Biblio. H. Tom. II. p. 1056. & 1058.

(4) V. Schudt. ib. Par. II. Lib. VI. p. 117. seq.

(5) In Ep. ad Tit. III. T. IV. Oper. p. 438.

lis ipsi nostris intueamur. Quis ignorat impudentiores esse Hebræos, & Hæreticos, quam ut aliquis mente assequi valeat? Atque Hebræi quidem suam ipsi impudentiam fatentur in Tractatu Betza (1), ubi tres enumerat R. Scimhnon ben Lakisc res impudentia celebres, *Israelitas inter populos, ranas inter animalia, & gallum inter volucres*. Quare ergo adeo dubitabimus, quin sint ipsi nos etiam quum primum non cogitamus, aggressuri? Aggrediuntur heu! nimium, & eo facilius, securiusque, quo Hebraicarum litterarum inscientes nos magis intelligunt, ut fucum nobis faciant, & malam causam in nostra ignoratione felicius patrocinentur. In una linguæ sanctæ peritia adeo hostes nostri gloriantur, ut unum eorum, sive Rabbinum dixeris, sive Ministrum, millenos Romanos Theologos facile superaturos aperte, & sæpe clamitantes audiverim. Unde bone Deus! tanta fiducia, nisi ex nostra linguarum inscitia, & despectu? Quid miramur hæreticos suum in hac re auctorem, & parentem sequutos? Lutherus ob unam cum hostibus suis, nobis præcipue, ineundam disputationem adeo in hac lingua fidebat, ut aperte nolle se ea carere infinitis aureorum millibus fateretur. Audi, si placet, Hæresiarchæ verba (2): *si aliqui futuri sunt Theologi, sicut necesse est, . . . oportet eos esse munitos contra Papam, & aliud odiosum homi-*

(1) Pag. 25. apud Wolf. in Observ. Miscell. de Judæis Tom. II. Biblio. H. pag. 1105.

(2) In Psal. XLV. Tom. III. Lat. Jen. edit. fol. 444.

num vulgus, qui cum unam hebræam vocem sonare didicerunt, statim putant se magistros huius sanctæ linguæ. Ibi nisi eam nos tenuerimus, tanquam asinis illudent, & insultabunt; si autem nos quoque muniti fuerimus cognitione huius linguæ, poterimus eis impudens os obstruere. . . . Ibi certe cognitione linguæ Hebrææ opus erit; scio enim quantum mihi contra hostes meos profuerit, quare hac quantulacumque cognitione infinitis aureorum millibus carere nolim. Quod nunc igitur observare iuvat, scientia linguæ sanctæ quandam adversariis nostris in disputando fiduciam, & securitatem tribuit, quæ eos allicit ad ineundam eo frequentius pugnam, quo securiorem victoriam expectant. Quod si etiam raro eiusmodi controversiæ contingant, parum ne erit vel semel nobis, sanctissimæque fidei nostræ turpissimam ignominiam parare? An parum hanc hostibus gloriam, hoc falsæ sectæ subsidium, atque emolumentum adquirere, quæ omnia fiant illis vel ex uno eventu perpetua, nobisque æternum exprobranda? Si raro jam contingit cum Gentili, cum Hæreticis disputare, quare ergo adhuc ipsi Gentilium, Hebræorum, Hæreticorum confutationi studemus? Itaque si in hoc, non eius, quod accidit, rationem habemus, sed eius potius, quod aliquando accidere potest, quare idem in pari causa sentiendum non est, etiamsi raro, etiamsi nunquam pugna ipsa, & concertatio contingat? Christophorus Cellarius hanc eandem quæstionem instituens in præfa-

tione ad suam Sacrae Philologiae Sciagraphiam, qua illius necessitatem persequitur. Ego vero, inquit, sæpissime dixerim, & toto die Theologo viro cum adversariis, non viva quidem semper voce, attamen muto congressu depugnandum esse. Legenda, interpretanda, examinanda, refutanda sunt adversariorum scripta. Qui hoc digne præstabit linguae ignarus, ex qua illi sua fundamenta depromserunt?

Quod attinet autem ad ea, quæ subiiciuntur, quis in primis omnes Hebræos, aut Hæreticos eiusmodi esse asseverare audeat, cuiusmodi sibi fingunt, qui ad vitandam harum litterarum disciplinam superius ratiocinabantur? Et Judæorum quidem conversorum catalogum nobis plurimi auctores contexuere, quos commemorat Christophorus Wolfius (1). Nihil ne ad eorum conversionem contulerunt disputationes, quas cum illis clarissimi viri habuerunt? Nihil Philebræorum nostrorum conciones, & sermones, qui commendabili Pontificum, & Principum zelo, & solertia in præclarissimis Europæ urbibus factæ sunt, & jugiter fiunt? Immo omnes alii conversionum modi miri sunt, & singulares, hi autem per concionem, aut disputationem crebriores sunt, quotidiani, consueti, quibus in Judæis convertendis eorum salutis promotores communiter utuntur. Pertinet porro ad Theologum eos confutare, os occludere, momenta dissolvere; convertere autem quis nescit totum esse

(1) Bibliot. Heb. Tom. II. p. 1057.

verticordis gratiæ opus? Esto ergo nunquam etiam converterentur:

*Corpora magnanimo satis est prostrasse leoni :
Pugna suum finem , cum jacet hostis , habet (1).*

Victores semper erimus , sive convertantur illi a stultitia sua , sive luci obstinatissimi resistent. Possumus nos intellectum suadere , productisque mōmentis convincere. Si in eis voluntas rationi reluctans huius dictamen sequi nolit , reluctantem trahere solius Dei est , cuius est hominum conversionem , & salutem operari. Interim vero quis divinæ gratiæ , ac voluntati limites , & modum ponat? Deus eorum mortem non vult , sed potius ut convertantur , & vivant. Et si nunc , ut testimonio nobis sint , & codices veritatis in eorum , quæ profitemur , confirmationem nobis portent , pravis eorum sensibus , doctrinæque relinquit , tamen sperandam Hebræorum conversionem plurimi ex scripturis præcipue scriptores confirmant , quorum nomina idem , quem supra commemoravimus , Wolfius exhibuit (2). Jam vero quamquam nolit modo Deus universalem illam eorum conversionem ultimis diebus eius dispositione reservatam , quid nihilominus vetat , quominus a divina miseratione , & clementia particulares conversiones expectemus? Non cœpit nunc Deus erga Israeliticum populum immitiorem se ostendere. An-

(1) Ovid. Trist. Lib. III. Eleg. V.

(2) Biblio Heb. Vol. II. p. 1067. seqq.

tea tamen plurimæ, eæque insignes Hebræorum conversiones contingere. Non est ergo, cur debeamus conversionum media negligere. Relabantur nonnulli; quot Ex-Judæi sinceri, & constantes in Ecclesia, susceptaque fide perseverant (1)? Sed mali, inquis, Christiani sunt. Bonorum utique copia erit jugiter longe minor. Sique pauci sunt, nec tu miraris, ex Christianis ipsis, qui optimos se, & perfectos Christi sectatores gerant, an in exiguo convertorum Judæorum numero multos expectas? Mali sint; in luce tamen sunt, & via, qua possunt, si velint, salvari, quod in Judaismo non poterant. Quod nemo dubitat, quin maximum sit beneficium, unde omnis eorum beatitudo, & salus, si pœniteat illos, & conterantur, expectari queat. Verum utut obstinatissimi hostes fingantur, qui convertantur difficulter, aut si convertuntur, redeant ad pristinam superstitionem, illud tandem certo eorum confutatione obtinemus, quod nequit non duci gravissimum impensæ operæ emolumentum; ut fideles nostri, si qui sunt nutantes, in fide firmantur, arguantur contradicentes, impudentia mentientium ora obstruantur, sanctissimaque demum religio, & fides ab obtreptatorum dictariis, & contumeliis vindicetur. Quo quidem officio quid Theologo dignius, tuendæque Ecclesiæ dignitati, fideique honori accommodatius excogitari potest?

(1) V. Scudt. Memorab. Jud. Par. IV. Contin. II. p. 287. seqq. Par. II. Lib. 6. c. 29. apud Wolf. ib. p. 1058.

Vix sola Biblia reperiri lingua sancta exarata ; carere autem Hebræos libris in vario scientiarum genere impressis, aut si quos habent, puerilissimis tantum commentis scatere.

Equidem, ut apposite omnino superiori capite monebat Cellarius, etsi exterius ulla cum Hebræis fidei concertatio non contingat, tamen eorum scripta legenda nobis sunt, quo ipsorum sive sententia, sive momenta dignosci a nobis, ac refutari queant. Quod quamquam non contemnendum sit, usus nihilominus Hebraicorum librorum multiplex adhuc est, & latius patens, ut inferius constabit ; unde alterum Hebraicar. litterar. emolumentum repetitur. Verum quod olim universim de linguis Orientalibus asseruit Hottingerus vix eas habere hostem periculosiorem, quam *vanissimum paupertinæ suppellectilis opprobrium* (1), nec vulgus tantum, sed ipsos quandoque eruditos ægre capere, quod in illas operam, studiumque nostrum impendamus, cum non sit operæ pretium, ob unius, alteriusque libri examen tempus πολυτέλεσται ἀνάλωμα alius subtrahere occupationibus, utinam in Hebraicis litteris locum non obtineret? Sunt enim, qui ab his abducuntur, proptereaquod vix sola Biblia reperiri putant lingua sancta exarata, carere autem Hebræos libris

(1) Bibliot. Orient. Cap. I. sub init.

libris in vario scientiarum, ac literaturæ genere impressis; cuiusmodi plures extant apud ceteras nationes Hebræorum gente longe cultiores. Aut si qui extant, existimant tamen nonnisi putidissimis commentis scatere. *Quotusquisque fere est, inquit Cartvrightus (1), qui si de Rabbinis mentionem faciat, non de iis ita se sentire ostendat, quasi præter commenta, ac fabulas frustra quicquam in eis quæreretur?* Nec obscuros tantum, sed & clarissimos viros id sentire dolebat olim vehementer Petavius scribens ad Voisinum (2). *Sunt plerique nec obscuri, nec contemnendi ceteroquin homines, quibus Hebraismi studium vel omnino displicet, vel tantum in eo collocari operæ minus profecto placet; quod ipsum . . . sentire illos animadverti . . . quod ita persuasum habent nihil in reconciliatore Rabbino- rum suppellectili præter commentitias res, & aniles, ac ludicras contineri fabulas.* Porro ad primum quod attinet, quot, & quam optimi ab Hebræis libri prodierint, quin longam hic texam eorum seriem, abunde, & præclare demonstrant, quotquot Hebraicas, & Rabbinicas Bibliothecas ediderunt. Bibliothecam ea multo ampliorem, quam Buxtorfius reliquerat, vulgavit commemoratus Hottingerus (3), quam Hebraicæ, & universim Orientalis literaturæ exprobra-

S

(1) Præf. ad Electa Targumico-Rabbinica.

(2) Extat hæc Petavii ad Vois. Epist. præfixa Theol. Judæor. eiusd. Voisin.

(3) Est II. Pars III. Lib. Smeg. O., & seorsim edita sub tit. Promtuar. . .
sive Biblio. Orient. 4. Heild. 1658.

toribus opposuit (1). Sed quid Buxtorfium, & Hottingerum memoro? Ut nihil de Plantavio dicam (2), sequuti sunt Bartoloccius, & Wolfius (3), qui diligentiore navata opera immensam adeo Hebraicorum librorum, atque auctorum segetem oculis nostris obiecerunt, ut prorsus mirari subeat, Hebræos duræ servituti subiectos, & miseros tot, & tanta, quæ non solum legi, sed nec commode numerari queunt, conscribere potuisse; & quidem potuisse in omni literarum, ac scientiarum genere. *Ut de Hebræis fidem faciamus, confidenter dicimus, nullum esse genus literarum, quod Judæi suis ætatibus, & gradibus reliquerint intactum*; verba sunt commemorati nuper Hottingeri (4), qui id, quod dixit, plenissime demonstravit, incipiensque ab iis, qui in Theologia Biblica, Talmudica, vel Traditionali, Didactica, Elenctica, Leiturgica, Practica, & Catechetica, tum demum in Kabbalistica floruerunt, distinctis classibus, rectoque ordine ad enumerandos aliarum scientiarum auctores, & libros processit. Et nisi insignis esset Judaicorum scriptorum numerus, unde, quæso, tot ubique terrarum Hebraicæ Typographiæ etiam a primis huiusce artis temporibus, quarum

(1) Ita hunc suum scop. explicat Cap. I. Bibliot.

(2) Post Florileg. Rabbinic. exhibet Bibliot. Auct. Hebr.

(3) Bartolocc. edid. Biblio. Rabbinic. Mag. Romæ IV. Vol. fol., cui Imbonatus supplement. addidit, quod efficit Volumen V. Wolfius Hamburgi edidit 1715-33. 4. IV. Tom.

(4) Com. Cap. I. Biblio. O.

loca innumera idem Wólfius enumeranda suscepit (1)? Quod si sola Hebraica Biblia extarent, negligenda ne hæc lingua propterea foret? Nisi negligendi sint sacrosancti Bibliorum fontes, ut nulla eos ratione in tanta versionum dissensione, & obscuritate consulere, nec adversus Ecclesiæ hostes solis fontibus addictissimos uti iisdem teneamur. Nec nos porro in Hebræorum scriptis intelligendis, sed in sacris eorum codicibus præcipuum, ac potissimum huius linguæ usum collocavimus.

Quoad alterum vero, quod obiicitur, siquæ extant Hebræorum scripta, nonnisi putidis ea commentis scatere, mirandum adeo non est ita sentire eos, qui hebraice imperiti in illis pervolutandis, legendisque operam nullam, nullumque studium posuere. Miror potius, quod iniquiorem adeo ceteris omnibus in ea se prodiderit Forsterus, qui erat in Hebraicis litteris versatissimus, atque hebraicorum librorum contemptum is foverit, & auxerit, cuius intererat quammaxime illorum usum vindicare. Nam non solum asserit Rabbinos, quod ad sacræ scripturæ intellectum, atque etiam linguæ Hebraicæ cognitionem attinet, præstitisse, *quod laudem mereatur, omnino nihil* (2), sed Christianorum insuper incogitantiam, & socordiam in iis legendis admiratur, *in quibus nulla lux, nulla notitia Dei, nullus spiritus, nulla ullius disciplinæ, seu artis vera, ac solida scientia,*

(1) Biblio. Heb. Vol. II. p. 959.

(2) Præf. ad suum Lexic. Hebr.

nulla linguarum, ac nequidem Hebrææ linguæ est cognitio. At merito Forsterum inscitix, temeritatique eruditorum plerique, & quotquot ullam in Rabbīnorum lectione exercitationem obtinuerant, accusarunt. Etsi enim Hebræi a fabulis excusari nequeunt, quod in ipsis jam suo tempore reprehendebat Apostolus (1), tot tamen, & tanta utilia, & sana, quæ in usum nostrum trahamus, in eorum scriptisprehenderunt, ut haud ipsi intelligerent, cur laboris in horum lectione infumpti pœnitere eos oporteret. Quot sunt scripturarum loca, difficillima sane, & obscurissima, quibus maximam lucem afferunt Rabbīnorum Commentaria, & optime explicant? Norunt id, si Forsterus ignorat, qui iis utiliter usi sunt, Lyranus, Burgenſis, Maſius, Watablus, Munſterus, Junius, Leo Juda, Malvenda, Drufius, Grotius, De Dieu, Genebrardus, Steuchus, Serrarius, Bonfrerius, Vilalpandus, sexcentique alii tum ex nostris, tum ex heterodoxis sacri critici (2), & interpretes, qui, quod maximi sibi usus fuerint Judæorum scripta, summis propterea ea elogiis, ac laudibus extulerunt. Ita Maſius Judæos *acutos scripturæ explanatores* appellat (3). Cunæus (4) eorum per-

(1) Ad Tit. I. 14.

(2) Vide, si lubet, magnum, & cel. Sacrorum Criticorum opus, in quod curarunt Angli plerorumque labores exēgeticos congerere, qui ad sacram exegesi linguarum peritiæ, & Rabbinicæ lectionis gravissimum subsidium attulerant.

(3) Comm. in Jos. Cap. XIV. confer eum & in Cap. I. p. 14.

(4) De Rep. Hebræor. Lib. III. Cap. III.

sæpe in biblico contextu interpretando esse admirandam industriam asserere non dubitavit. Ludovicus autem Capellus, non puto, inquit (1), quemquam esse, qui aliquatenus scripta Rabbinica legere possit, qui ea in locis obscurioribus non consulat, & id quidem non incassum, & sine fructu. Sunt enim homines illi in scripturæ sacræ lectione exercitatissimi, atque ex ea, & diligenti locorum similium collatione significationis vocum, & phraseon plerumque sunt peritissimi, ut eorum expositionibus non parum juvari possit Christianus in genuino scripturæ sensu literalis percipiendo. Quis nisi imperitus, id neget? Sed quid recentiores nomino (2)? Ipse Origenes, inquit Hieronymus (3) & Clemens, & Eusebius, atque alii complures, quando de scripturis aliqua disputant, & volunt approbare, quod dicunt, sic solent scribere, referebat mihi Hebræus; & audiui ex Hebræo, & Hebræorum ista sententia est. De Origene vero peculiariter, nec dedignatur, subdit, Hebræam scripturam interpretans per singula loca, quid Hebræis videatur, inferere. De Hieronymo non loquor, qui optima quæque clarissimis suis commentariis inserta Hebræis, quos habuit in scriptura præceptores, & explanatores, cuncta refert accepta. Testis est mihi Dominus,

- (1) Defens. Crit. Sect. 42. Eadem pene habet Drusius Lib. I. Observat. Cap. XXII. Hebræos qui cum iudicio leget, leget non sine fructu. Nam quod quidam scribit οὐδὲν ὠφέλιον in illis esse, præstabo hominem illum aut nunquam legisse scripta eorum, aut si legit, non intellexisse.
- (2) Hæc Cunæi, & Capelli, & alia plurima Hebræor. Encomia ipsi a Christ. auctorib. tributa vide Tom. I. Crit. Sac. post Præfationes.
- (3) Apolog. in Ruffin. Lib. I. Tom. IV. p. 363.

inquit S. Pater (1), *me Hebræorum sequi expositionem, a quibus non modico tempore eruditus debeo meis simpliciter indicare, quæ didici.* Et Lib. I. Apol. adv. Ruffin. *mibi non licebit, inquit S. Pater, in Commentariorum opere latinos docere, quod ab Hebræis didici?* Atque hæc quidem universim. Præsertim vero quam illustrant Hebræorum scripta veteris Testamenti ritus, ceræmonias, loca, personas, & alia huiusmodi? Quis diiudicare valet, quod his intelligendis subsidium attulerint *φιλεβραίων* virorum Dissertationes amplissimo Ugolini Thesauro comprehensæ? Tamen earum auctores Hebraicarum litterarum præsidio ex unis fere Hebraicis scriptis, ut cuique patet, scripturas illustrare conati sunt. In Novo autem fœdere maximam laudem ab eruditis, ut ceteros præteream, Ligtfootus, Schoetgenius ob suas Horas Hebræo-Talmudicas reportarunt. Plures enim parabolæ, & Christi sententiæ apud Hebræos in eorum scriptis receptæ, & proverbiales occurrunt. Quod si de Masora loquimur, cuius sunt Hebræi tenacissimi custodes, quid ea nobis utilius esse potest, quæ nobis Biblica volumina facta tectâ servat, estque verissime, ut eam Hebræi appellant, *סֵפֶר הַתּוֹרָה* *legis sepimentum*? Jam vero quid de iis scripturarum locis dicam, quæ ad Messiam spectant, quæque Hebræi aliquando fidei nostræ congruenter admodum interpretantur; unde maximum adversus eos Ecclesiæ præsidium emergit?

(1) Comm. in Nah. Cap. II. sub init. Tom. III. Oper. p. 1568.

Nisi antiquam suorum traditionem in exponendo de Messia Psal. II. suis in Commentariis nobis aperiret R. Scelomò Jarchi, an luculenter adeo ex eo Psalmo Hebræos urgeremus? Sed quæ, & quot ex eorum scriptis in nostræ fidei præsidium peti queant, sat ostendunt Raymundi Martini, Porcheti, Galatini, aliorumque labores adversus Hebræos ex ipsorum præcipue documentis, & libris concinnati. Præterea unde quæso poteris argumenta, quibus ipsi Religionem nostram oppugnant, aut se tuentur, intelligere, ni legas eorum scripta, ut sunt Commentaria Abarbanel, Nitzachon R. Lipmanni, Chisuch Emunàh R. Isaaci, & alia huiusmodi? Denique nihil ne ad eruendam verborum proprietatem, & vim conferunt Hebræorum scripta? Hunc eorum usum, atque emolumentum nec ipse Morinus inficiatur, ut ut in Rabbinos, & Rabbinica opera insensissimus. *Utiles*, inquit (1), *grammaticas, utilia dictionaria composuerunt; utiliter etiam plerumque dictionum Hebræicarum nativæ significationi eruendæ operam suam commodaverunt.* Atque hæc quum ita sint, quamquam non fusa admodum oratione persequuta, qui ait nullam esse in Hebræorum codicibus, & libris pervolvendis utilitatem, nullum usum, næ ille Hebræorum libros nunquam pervolutavit; aliter sane iudicaturus, quum in diligenti eorum lectione versabitur. Forsteri olim auctoritate præoccupatus sinistre ad-

(1) Exercit. Biblic. Lib. I. Exerc. I. Cap. III.

modum de Rabbinicis scriptis Schickardus fenserat, ut ipse de se testatur (1); quem tamen capto experimento multum pœnituit. Cuius, inquit, *immaturi iudicii mei, quod tunc tabellis 25. mearum Inst. Heb. præpropere tuli, merito me nunc dispudet. Jam enim postquam per Dei gratiam in quotidiana illorum lectione, inter medias nugas multa quoque præclara, & Christianismo nostro contra ipsos Judæos plurima profutura reperio, illis longe factus sum æquior. Atqui, inquis, Forsterus erat & ipse in Hebræorum scriptis exercitatissimus. Ita equidem est, si ipsi credimus sic de seipso in commemorata Præfatione prædicanti: si quis est, qui facultates suas in Rabbinos profudit, qui in ipsorum Synagogis longo tempore versatus est, qui domi propriis impensis præceptores aluerit, qui ipsorum Commentaria studiose evoluit, Forsterus est, & tamen (Deum, & conscientiam meam testor) nihil eximii, & quod singulari laude dignum esset, reportavi. Eram illis initio adeo addictus, ut alius quisquam, sed quo olim illis fui addictior, hoc nunc sum factus infensor, quod omnem operam, & oleum me perdidisse vere, sed non sine dolore fateor. At evolvisse ipsum Hebræorum scripta haud adeo facile sibi suadent eruditi, nec Schickardus ipse in Hebraicarum litterarum professione octavus eius successor. Non ita crebro, inquit hic (2), & interdum pueriliter impegisset, si Rabbinicarum Commentationum vel solum exordium legisset.*

(1) Apud Cartwright. cit. loc. Elect. Talm. Rabb.

(2) Bechinath Happerusc. p. 107. apud eund. Cartwright. ib.

gisset. Non potuisset eum fugisse, quod Aben Ezra statim in frontispicio Gen. I. 5. ad vocem לילה rectissime notavit: ה"א לילה נספ. כי הו"א מלעיל ולעולם לשון זכר הוא *idest*, He dictionis Lailah est paragogicum; ratio est, quia vox illa est penacuta, & proinde semper generis masculini. Si, inquam, hæc obiter saltem inspexisset, vocem ליל frequentius in forma foemina ללילה legi p. 416. sui lexici nunquam scripsisset, nec se tyronum risui exposuisset. Vide, si lubet, & Cl. Pasinum nostrum in Oratione ad Sacram scripturam, & linguas Orient. (1) idem audacissimo homini exprobrantem. Quid ergo valent Forsteri dicteria, & convicia viri in legendis Hebraicis libris non exercitati præ tot, tantorumque virorum judiciis, qui iis legendis, vertendisque addicti eorum usum auctoritate, & exemplo confirmarunt, & summis eos laudibus extulerunt? Ecqui adeo laborassent doctissimi viri, ut tot, quot extant jam, Hebræorum scripta sive latine, sive alia quavis vernacula lingua nobis exhiberent? Quare non potius reliquissent ineptissimos foetus in bibliopolarum officinis atro pulvere consumi? Atqui undique exquiruntur, non a Judæis solum, sed & a doctioribus Christianorum, maximi fiunt, & pluris emuntur. Apposite Cartvvrighus post memoratum illud Martialis distichon, quo Lucanum ita de se loquentem inducit: *sunt quidam, qui me dicunt non esse Poetam, sed qui me vendit, Bibliopola putat;*

T

(1) Reperitur ad calc. eius Gram. Heb. V. pag. Orat. 12. & 13.

ita sane, inquit (1), quidquid alii de Rabbiniis censent, Bipliopolæ, qui eos vendunt, non ita contemnendos esse authores sciunt. Si quicquid studii eis impenditur, perditum esset, baud ita, opinor, eveniret, ut eorum libri tam caro venderentur. Consule de Hebraicorum scriptorum dignitate, utilitate, & usu eundem Cartvvrighum in commemorata Præf. ad Electa Targumico-Rabbinica, Augustum Pfeifferum in Critica Sacra (2), Leusdenium in Philologo Hebræo-Mixto (3); quibus adde e nostris Cl. Pasinum (4) a restaurata hac Taurinensi Academia primum sacrarum scripturarum, & linguar. Orient. in ea Professore, quem Deus jugiter tueatur, & Antonium demum Zanolini linguarum Orient. in Patavino Seminario Professore in Disputatione de Targumim præfixa eius Lexico Chaldaico-Rabbinico. Quid vero si putidissimis tantum figmentis scatere Hebræorum libros concederemus? Annon adhuc dignosci hæc commenta debent, refutari, obiici, quo Rabbinorum dementia, futilisque, atque inepta prorsus eorum doctrina detegatur? Qua exercitatione quæ dignior, aut utilior christiano Theologo esse potest ad abduccendos a suorum fabulis tot Judæorum animos, qui singulari earum studio abrepti salutarem veritatis, & lucis viam misere sibi occludunt?

(1) Comm. Præf. ad Electa Targ.

(2) Sect. II. Quæst. V.

(3) Dissert. XVI.

(4) Cit. Oratione.

C A P. I X.

Non adeo porro esse Hebr. ling. necessariam, ut facile carere ea nequeat Christianus Theologus illæso eius sive interpretandæ scripturæ, sive redarguendorum hostium officio. Luculentissimo id plerorumque Patrum, qui Heb. litteras ignorarunt, Augustini præsertim, & Thomæ exemplo corroborari.

Non tamen hæc, quæ hucusque de Hebraicarum litterarum usu disputavimus, necessario hunc instituendum suadere nonnullis videntur, qui optimam quidem rem arbitrantur, & utilem admodum fontes consulere, & dulcior, si iis credimus,

ex ipsis hauritur fontibus unda;

quamobrem & qui primigenii sermonis disciplinam suscipiunt, quammaxime commendant. At facile ea carere se posse putant, quin officio defint; quod gravissimo Patrum exemplo comprobant. Etenim omnes Patres, & Doctores si unum, aut alterum excipis, penitus Hebraicam linguam ignorarunt. Ignorarunt autem, qui ceterorum veluti aquilæ habentur, Augustinus, & Thomas. Ergo ne non sat recte scripturas interpretati sunt, aut infelici prorsus exitu Ecclesiæ fidem adversus eius hostes propugnarunt? Si vero, quod ullo proculdubio fatendum est, sanctissimi viri illæso eorum officio, & honore hisce litteris carere potuerunt, quare & idem ipsi non poterunt? Nam

eadem utrisque præsidia sunt, quæ eos æque faciant ab iis addiscendis immunes. Quod hominum genus etsi in eo est commendandum, quod Hebraicarum litterarum utilitatem non neget, quum de suscipienda tamen earum institutione agitur, non valde a ceteris dissentire videtur: facile enim patitur hac utilitate privari. Et ego quidem Hebraicam linguam Theologis non utilem modo, sed & necessariam puto, qua in statutis perfectæ sive Biblicæ interpretationis, sive hostium convictionis muneribus carere nequeant. Quamquam non loquor de necessitate ita absoluta, ut nullam propterea laudem etiam anebræus quispiam in aliquo sive scripturarum textu interpretando, sive redarguendo fidei hoste consequi possit. Ut enim multa loca in Ecclesiasticis versionibus, eaque præsertim, quæ fidem, moresque respiciunt, æque clara sunt, nec ullo gravi interpretis, vel fortuito errore fœdata, multa non solum textui primigenio prorsus consentanea, verum & ipsius vim, atque emphasim plene exprimentia, multa demum, in quibus nullus peculiaris linguæ sanctæ idiotismus fovetur, ita inconsiderate omnino videremur in singulis scripturarum locis recte intelligendis necessario Hebraici idiomatis usum postulare. Quod idem porro de Hæreticorum præcipue confutatione dicendum est. Nam si ostensa prius Traditionis existentia, aut Vulgatæ ex communi veræ Ecclesiæ usu, dignitate, & integritate,

hac, aut alia etiam naturalis rationis via utaris, quare multum in agenda Ecclesiæ causâ non proficies? Quare item si harum litterarum & ipse ignarus hostis te non provocet, adigatque ad fontes, aut quoniam sunt inter heterodoxos, qui Vulgatam magni æstimant, hanc acceptet, & in nullum fidei discrimen adducat? Sed iis, qui perfecte, plene, profunde singulos sacrosancti eloquii textus perscrutari volunt, omnemque eorum vim, & sensum exhaustire; Hebræos autem, vel Hæreticos ordinaria, ut inquit, via ex iis, quos admittunt, fontibus refutare, non dubito, quin necessario Heb. linguæ præsidium adferendum sit, quod & ea, quæ superioribus capitibus constituimus, luculenter evincunt. Ubi enim vitiata est Vulgatæ lectio, obscura, ambigua, redundans, ubi dissentiant latinæ translationes, & Vulgatæ exemplaria, quæ singula auctoritate, & exemplis superius confirmavimus, ex Bellarmino, atque quod magis adhuc attendendum est, ex Hieronymi, Augustini, & Patrum omnium sententia Hebraici codices adeundi, & consulendi sunt. Quid vero, si percipienda sit divini sermonis energia, & pulchritudo, si evolvendi idiotismi, seu dicendi modi eius linguæ omnino peculiares, quibus universa scriptura abundat, si propria sive virorum, sive locorum nomina, quibus sæpe mysteria subsunt, intelligenda, si varia demum Hebraicorum rituum, & antiquitatum habenda sit notio? Etenim hæc singula ad

perfectam scripturarum illustrationem, & intellectum requiri videntur. Frustra id te absque Hebraici sermonis peritia conari sentiunt commemorati Patres. Utamur jam Augustini testimoniis & auctoritate. Maximi enim valere debet, quippe quæ eius Doctoris est, qui, ut ita sentiret, nullo earum litterarum, quas ipse possideret, studio abduci potuit. In libris de Doctrina Christiana, quos ad Theologorum scripturarum interpretum institutionem sanctus Doctor conscripsit, tum vero, inquit (1), *facta quadam familiaritate cum ipsa lingua divinarum scripturarum, in ea, quæ obscura sunt, aperienda, & discutienda peragenda est.* Paulo inferius Cap. XI. *Contra ignota signa propria magnum remedium est linguarum cognitio. Et latinæ quidem linguæ homines, quos nunc instruendos suscepimus, & duabus aliis ad scripturarum divinarum cognitionem opus habent, Hebræa scilicet, & Græca, ut ad exemplaria præcedentia recurratur; si quam dubitationem attulerit Latinorum interpretum infinita varietas. Quamquam & hebræa verba non interpretata sæpe inveniamus in libris: sicut Amen, & Alleluia, & Racha, & Hosanna, & si qua sunt alia, . . . sed non propter hæc pauca, quæ notare, atque interrogare facillimum est, sed propter diversitates, ut dictum est, interpretum illarum linguarum est cognitio necessaria.* Et Capite XII. *Item illud eiusdem Esaiæ Prophetæ: nisi credideritis, non intelligetis, alius interpretatus est: nisi credideritis,*

(1) Lib. II. De Doct. Chr. Cap. IX.

non permanebitis; quis horum vera secutus sit, nisi exemplaria linguæ præcedentis legantur, incertum est. Et Cap. XIII. Sed quoniam & quæ sit ipsa sententia, quam plures interpretes pro sua quisque facultate, atque iudicio conatur eloqui, non apparet, nisi in ea lingua inspiciatur, quam interpretantur; & plerumque a sensu auctoris devius aberrat interpretes, si non sit doctissimus, igitur aut illarum, ex quibus in latinam scripturam pervenit, petenda cognitio est, aut habendæ interpretationes eorum, qui se verbis nimis obstrinxerunt; non quod sufficiunt; sed ut ex eis libertas, vel error dirigatur aliorum. Item Cap. XIV. Aut ignotum verbum facit hæere lectorem, aut ignota locutio. Quæ si ex alienis linguis veniunt, aut quærenda sunt ab earum linguarum hominibus; aut linguæ eædem, si & otium est, & ingenium, ediscendæ. Cap. XVI. In translatis vero signis si qua forte ignota cogunt hæere lectorem: partim linguarum notitiæ: partim rerum investiganda sunt. Et Lib. III. De ead. Doct. Chr. Cap. XXIX. Quamvis superius id jam admonuerim, idest in secundo libro, ubi de linguarum necessaria cognitione differui. Ita porro contra Julianum (1) de Hieronymo loquitur: Sic in Ecclesia laboravit, ut eruditionem Catholicam multum in latina lingua multis, & necessariis literis adiuveret. Quibus quidem Augustini testimoniis quid ad stabiliendam harum litterarum necessitatem eorum etiam Patrum auctoritate, qui illas ignorabant, luculentius afferri poterat? Nec

(1) Lib. II. Cap. XXXVI.

sane optimi, & meliores interpretes aliter se gerere visi sunt; sed omnes, quotquot ullam in scripturis laudem reportarunt, Augustini monito, & sententiæ obtemperantes Hebr. linguæ præsidium ad earum investigationem attulerunt. Eorum autem commentaria adeo abest, ut in intelligenda scriptura necessario quæsitam huius linguæ notitiam suppleant, ut immo absque ea nec ipsa perfecte intelligi queant. Porro usus item Hebraicæ litteraturæ, qui in nostrorum Hostium redargutione fit, sive Hebræi, sive Hæretici, si quidem ex iis, quæ ipsi concedunt, confutandi sunt, necessarius omnino videtur. Ut enim animadvertimus, solis hi Hebraicis codicibus authenticam attribuunt. Vulgatam vero corruptionis, & malæ fidei accusant. Sunt autem in hac lingua dexterrimi; utrique in concertatione grammatici, & primigeniarum dictionum vis, & naturæ tenacissimi sectatores. Jam vero, quæ Hebræi, & Hæretici sive pro se, sive adversus nos Theologica scribunt, ea absque Hebraicæ linguæ subsidio intelligi nequeunt. Nam illorum propria ea lingua est; hi autem in suis scriptis illius eruditionem perpetuo ostentant. Consule interim e nostris præter Guilelmum Postelli (1) Guarinum in priori parte Præfationis cl. eius Grammaticæ Hebræo-Chaldaicæ præfixæ (2), ubi hanc propositionem breviter sibi demon-

(1) Præf. De ling. Phœnicicæ, sive Heb. Excell., & De Necessario illius Usu ap. Wolf. Biblio. H. Vol. IV. p. 308.

(2) §. 1. ej. Præf.

monstrandam assumpsit: *ad scripturam perfecte intelligendam non solum utilis, verum etiam necessaria est lingua Hebraica cognitio*; Gerbertum in suo ad Eruditionem Theologicam Apparatu (1), Henr. a Porta De Linguar. Orient. Præstantia (2), & doctiss. nostrum Pasinum, qui commem. brevi quidem, sed disertissima oratione huius linguae necessitatem ad sacrarum litterarum expositionem evicit. Ex heterodoxis autem sexcenti de ling. Heb. necessitate scripserunt, quorum elenchum contexuere Wolfius Bibliot. Heb. Tom. II. p. 622. seqq., & Tom. IV. p. 308. seqq., Schudtius in Deliciis Hebræo-Philologicis p. 180. seq., & Joh. Simonis Introd. Grammatico-Critica in ling. Heb. Sect. I. Cap. II. §. 11.

Jam vero quod ad Patres *ἀνεβραϊστὸς* attinet, nec eorum exemplo tuto adeo abuti potes, ut videris. Si quispiam neget plerosque Patrum hanc linguam ignorasse, qui eos inscitiae convinces? An ex eorum scriptis, & commentariis in illorum præcipue gratiam, qui celestibus, divinisque rebus addicebantur, concinnatis, & mysticis plerumque, ceu illorum temporum recepta expositionis methodus ferebat? An vero ex eorum homiliis, vel sermonibus inconditis populi auribus accommodatis, in quibus nulla item erat ostendendæ Hebraicæ eruditionis necessitas, & occasio? Si ita est, non video, quare in

V

(1) Toto Cap. XI. p. 133. seqq.

(2) §. 1, 11. seqq., 32. 37. &c.

Philebræorum censum Origenem Hieronymus, & Eusebius retulerint. Sane apostolici Patres, quod Hebræi plerique natione essent, immerito Hebraicæ linguæ inscientes fingerentur. Nec porro posteriori ævo multi quovis sæculo viri hebraice periti Ecclesiæ defuerunt, qui ex hebraismo item convertebantur; cuiusmodi fuit Hieronymi adhuc juvenis in hisce litteris institutor, frater, ut eum appellat Hieronymus (1), *qui ex Hebræis crediderat*. Nullus ne extabat olim sacrosancti fontis, Hebraicæ veritatis usus, quoniam nulli erant ecclesiastici viri, qui eo uterentur, & pro necessitate consulerent? Ita ne ausus fuisset Augustinus necessarias hasce litteras Theologis obtrudere, nisi optimos præ oculis Patres iis utiliter addictos habuisset? Nam ipse eas omnino ignorabat. Quamobrem minus considerate loquuntur, qui vetustissimos omnes Patres, & Ecclesiasticos Doctores, ut hebraice prorsus imperitos traducunt. Plerique tamen sanctam hanc linguam non calluerint, quod verosimile videtur, & haud difficulter eruditi concedunt. Ergo ne propterea eam sibi nullam ratione necessariam senserunt? Atqui, si ita argumentari licet, nec utilem existimarunt, quod contradicis. Aut, si ita ii, qui ignorarunt, juxta te arbitrati sunt, qui itaque didicerunt, dubitandum jam non est, quin necessariam agnoverint. Jam vero quantum apud nos etiam præ reliquis omnibus valere

(1) Ad Rustic. Monachum De Vivendi Forma.

debet, non dicam Origenis Ecclesiarum magistri, sed vel unius Hieronymi exemplum, & auctoritas, qui ut hanc linguam obtineret, nullis ipse vigiliis, nullis gravissimis laboribus pepercit?

Verum Hebraicarum litterarum inscitia in obiectis plerisque Patribus non est proculdubio indicium neglectæ ab his earundem disciplinæ, aut quod minus hæc necessaria haberetur; quod Augustini exemplo confirmari potest. Etenim huius linguæ necessitatem luculentissime adstruit, nec de eius mente, & animo dubitare nos sinunt multa, eaque clarissima in hanc rem sancti Doctoris testimonia, quæ superius attulimus. Dein vero patet id ex laudibus tum ab eodem Augustino, tum a ceteris hebraice imperitis Patribus Hieronymo, Origeni hebraice doctis tributis. Nam non Augustinus solum asseruit Hieronymum eruditionem Catholicam multum in latina lingua multis & necessariis litteris adiuvasse, sed & Prosper honorifice admodum de eo scripsit (1):

*Hebræo simul, & Graio, Latioque venustus
Eloquio, morum exemplum, mundique magister.*

Quodque demum summopere animadvertendum est, ipsam suam inscitiam doluere ii Patres, & Augustinum rerum æstimatorem æquissimum, inquit Natalis Argonensis (2), & probandæ quavis occasione veritatis

(1) Apud Walt. App. Bib. Proleg. X. n. 3.

(2) De Optima legendorum Ecclesiæ Patrum Methodo Par. II. Cap. II.

studiosissimum toto vitæ suæ cursu pænuit, quod linguas Orientales non didicisset. Quamvis enim existimaret utilius interpretari scripturas, quam scire linguas, norat tamen optime unum sine altero consistere non posse, atque in Ecclesiæ Doctore linguarum, & interpretationis scientias coniunctas esse debere. Et Georgius Faber (1): Certe Augustinus suam hac in parte infelicitatem acerbè deplorassee dicitur, quod linguæ Ebraicæ ignarus fuerit. Quid ergo jam de Augustini, & Anebræorum plerorumque Patrum animo, doctrina, ac sententia dubitamus? Atqui in ipsis quid docuerint, quid senserint, quid commendarint, magis attendendum est, quam quod egerint. Nam aliquando quod alios docent, & in aliis laudant, ipsi præstare non potuerunt.

Quapropter plerique saltem, qui obiiciuntur Patres, excusandi sunt, non accusandi, si hanc linguam non didicerunt. Ut multa sunt, quæ eos excusant, & simul maximum, quod inter illa, & nostra hæc tempora intercedit discrimen, luculenter evincunt. Unde primùm tanta erat illorum Patrum ætate eius linguæ addiscendæ necessitas? Nec enim eos Hæretici ulla Hebraicorum fontium consultatione, & usu exagitabant. Latina & ipsi versione utebantur; nullus tunc in disputatione Hebraicæ Philologiæ usus; nec præcipuum hoc erat contradicentium studium. Quamobrem optime olim Patrum exem-

(1) Epist. Dedic. ad Instit. Gram. Heb. Consule & Erasmi. Roterodamum Lib. XXXI. Epistolar. Ep. XLII. ad Martin. Dorp.

plum obiiicienti ita reposuit Cellarius (1): *Dispar est ratio. Plurimi antiquorum Hæreticorum rudes erant Ebrææ linguæ; . . . hodie vix ullus sectarius ἀνεβραῖος vult haberi.* Quod sane in caussa est, cur Augustinus, ut ut hanc linguam ignoraret, summam tamen in Hæreticorum sui temporis confutatione laudem pro perspicacissimo, quo S. Doctor pollebat, ingenio sit consequutus. Raro autem pugna Hebræum inter, & Christianos eos Patres contigit; aut si ulla concertatio intercessit, is forte Hellenista Hebræus fuit, non Hebræo, sed Græco textui addictus, ignarus & ipse Hebraicarum litterarum. Atque hæc de Hostium redargutione.

Quod ad sacrarum vero scripturarum expositionem attinet, ut nos ad sensum præcipue, quem littera refert, huiusce idiomatis usum postulavimus, quis non observat morem ea ætate obtinuisse sacras litteras mystice potius, quam literaliter, ut ita dicam, explanandi, ut etiam ii Patres, qui hebraice sciebant, hunc expositionis modum sequerentur? Id, quin alios memorem, sat ex Origene confirmatur, qui certe a Hieronymo (2), & Eusebio (3), contra ac sentiat Huetius (4) laborasse & ipse dicitur, *ut etiam Hebraicam linguam contra ætatis, gentisque suæ naturam edisceret*, & quin dixissent, ex eius Exaplis

(1) Præf. ad Sciagraphi. Philol. S.

(2) De Scriptorib. Eccles. ad Origen. V. & ej. epist. 25. ad Paul.

(3) Hist. Eccl. Lib. VI. Cap. XII.

(4) Origenian. Lib. I. Cap. II. n. 3., & Lib. II. Cap. I. n. 2.

constare poterat. An tamen Hebraicæ linguæ subsidio literalem est, & historicum scripturæ sensum secutus? Immo vix est alter Patrum, qui adeo mysticus sit, & allegoricis expositionibus studuerit. Quod in Origene excusat Simonius, nec quisquam porro est, qui in ceteris etiam Patribus reprehendat, proptereaquod ita ætatis consuetudo ferret, & *experiretur ille suas allegorias attentos sibi auditores efficere* (1). Et Bossuetus doctissimus Meldensium Episcopus de Augustino loquens, cuius causam adversus eundem Simonium Ecclesiasticæ in hac re antiquitatis criticum liberiolem tuebatur, *Il a, inquit* (2), *des allegories comme tous les Peres, selon le goût de son siecle, qu'on a peut être poussé trop avant; mais qui dans le fond étoit venu des Apôtres, & de leurs disciples.* Sed audi iam, quid de universa hac re te doceat Auctor De Optima legendorum Ecclesiæ Patrum methodo (3): „ Quamvis Ecclesiæ Patres fa-
 „ cræ scripturæ literam non neglexerint, spiritum
 „ tamen sapius secuti sunt: tum enim excitandis
 „ auditorum animis præcipue studebant, tum etiam
 „ consentaneum non erat illis temporibus Populos
 „ critices, atque grammatices quæstionibus detine-
 „ re, quibus nec meliores, nec sapientiores fieri
 „ potuissent, quum plerique huic eruditionis gene-
 „ ri parum apti viderentur . . . Ad ætatem usque

(1) Simon. Hist. Crit. V. T. Lib. III. Cap. IX.

(2) Defence de la Trad., & de SS. Peres contre Rich. S. Liv. IV. Chap. XVIII.

(3) Par. III. Cap. IV. pag. lat. Taur. ed. 232.

„ Diodori Tharsensis Episcopi, eiusque auditoris
 „ Divi Chrysostomi, qui primum literali solum sen-
 „ sui incubuisse videntur, Patres Ecclesiæ vel Chri-
 „ sti Domini, & Apostolorum exemplo ducti, vel
 „ ingenii sui vi, suæque ætati morem gerentes, ni-
 „ hil fere proferebant, quod mysticis coloribus,
 „ atque significationibus non exornarent. Quum
 „ enim alloquerentur ethnicos, qui mysticis poeta-
 „ rum fabellis assueverant, Hellenistas Platonico-
 „ rum ideis imbutos, Christianos in fide parum
 „ adhuc exercitados, atque nutantes, ne vilesceret
 „ illorum oculis Christiana religio, spiritali sensu
 „ scripturam exponere cogeabantur. Quippe litera
 „ durior est se sola, atque spinosior, quam ut eius
 „ ope in illorum animos sese insinuarent, atque apud
 „ eos fidem nostram in existimationem adducerent.
 „ Suam obtinet unaquæque consuetudo ætatem, &
 „ imperium: ac quemadmodum iniquus foret, qui
 „ Recentioribus exprobarer, eos allegoricum styllum
 „ veteribus sacrum deseruisse; sic iniuria, & im-
 „ merito reprehenderentur veteres, quod Religio-
 „ nem allegorice exposuerint, ut iis temporibus mos
 „ erat communi auctoritate firmatus. „ Quod nam
 „ ergo erat obiectorum Patrum in interpretandis scrip-
 „ turis institutum, & scopus? An ut cuiusvis sacri
 „ textus litteram plene, ac profunde intelligerent? An
 „ illud demum, quod in Theologo nos scripturarum

interprete absolute postulavimus, ut necessario Hebraicis is litteris egere diceretur? Dilatandæ religionis studiosissimi hoc laborabant præcipua religionis capita in suis scripturarum explanationibus illustrare, atque exponere, ut eos erudirent sive Catechumenos, sive Fideles, sive Paganos, & Judæos, qui eorum sermonibus intererant. Aut si Fidelibus loquebantur, & scribebant, omne in id studium, & contentionem ponebant, ut ad divinas res, & celestes eorum animi spiritali ermenia, seu interpretatione dirigerentur. Quamobrem, ut superius monuimus, eorum commentaria aut institutionem illorum sapius complectuntur, qui celestibus divinisque rebus erant addicti, aut homilias inconditis populi auribus accommodatas. *Ανεβραίων* igitur Patrum institutum vix Hebraicam litteraturam postulare videbatur.

Quid vero, ubi in scripturis fidei dogmata, mysteria, præcepta cuduntur? Recepta apud eos ab ipsis Apostolicis viris traditione in iis intelligendis dirigebantur. Nec obscure ibi sunt scripturæ, aut ambiguae, quæ egeant ex fonte illustrari, nec adeo deficientes, & imperfectæ versiones, ut ob id ad Hebraicas litteras confugere cogerentur. In reliquis autem textibus una eos fidei analogia in illorum sensu firmabat. Quamquam fatendum est universim in interpretandis scripturis alia Anebræis Patribus subsidia

fidia fuisse, quibus nos hodie caremus. Scilicet *Origenis Exapla*, inquit Calmetus (1), quæ præ illorum manibus versabantur, thesaurus quidam erant, qui plurimorum voluminum vices gereret. Ibi varias textus eiusdem versiones conferebant; atque inde sententias suas hauriebant ex Hebraicorum librorum sensu, quorum linguam plerique ignorabant. Possevinus vero in Bibliotheca selecta (2) de lingua Hebraica, ad quam toto nos studio cohortatur, sermonem instituens de Patribus, qui eam ignorarunt, ita loquitur: *quamquam scio Spiritum Sanctum divitias suas effudisse etiam in eos, qui minus hanc linguam calluerunt, quod in Sanctis Bernardo, & Thoma, atque aliis cernimus; sed hoc ut minus erat forte necessarium iis temporibus, quibus erat unum fidei labium in universa Europa, sic potentissimi illi pietate viri a mandatis Dei intellexerunt, quorum ad cor sæpius locutus est Deus, quam ad oculos per libros, vel ad aures per præceptores.*

Honestior adhuc fit Sanctorum Patrum excusatio, quum animadvertimus nullam Hebraicæ linguæ addiscendæ consuetudinem, aut usum in Christianorum scholas illis temporibus invaluisse. Deerant quoque huius linguæ subsidia, grammatici, & lexicographi. Hebræos autem magistros conducere, a quibus linguam, & scripturæ expositionem perciperent, piaculum forte viris optimis videbatur. Tum

X

(1) Præf. general. in V. T. libros.

(2) Lib. II. Cap. II. p. 154.

vero gravissimum hoc erat, nec sine magno ære, immanique labore perfici poterat. Vix demum reperire quempiam ex Hebræis hebraice eruditum fas erat, cui fidem in docendo adhiberent. Quæ singula Hieronymi testimonio, & exemplo præclare confirmantur. Porro ex nostris neminem adhuc edocendæ Grammaticorum more ea tempestate huius linguæ provinciam suscepisse vehementer olim conque- rebatur Reuchlinus (1); ex quo intelligitur medio- rum defectum per XV. sæcula usque ad Reuchli- num ipsum perdurasse, qui primus Christianorum linguæ Heb. rudimenta una cum lexico per Tho- mam Anshelmum haud sine incredibili, ut ipse fate- tur (2), diligentia, & ære non parvo in lucem emisit anno 1506. Atque anno adhuc 1520. dole- bat Augustinus Justinianus Nebiensis Episcopus scri- bens ad Poncherium, & Guillelmum parvum (3), quod laborarent hætenus eius auditores librorum penuria. Quis ergo non credat omnibus fere subsi- diis destitutos Patres adeo linguam hanc difficilem existimasse, ut frustra se diuturnos labores, ac vi- giliis adgredi arbitrarentur? Quod idem (4) de An-

(1) Præf. ad Lexic. Heb. *Neque tamen ex omni literatissim. hominum numero in hunc usq. diem inventus sit unus, vel item alter, qui pro Sac. Theo- logia linguam Heb. grammatico more Christianis demonstraret.*

(2) Præf. ad VII. Psalmos Pœnit.

(3) Extat hæc epist. ap. Wolf. Bibliot. H. vol. II. p. 950.

(4) Cl. Fleury in suo Tract. *du Choix, & de la Conduite des Etudes* §. VII. loquens de Sec. XII., quod proxime Sec. D. Th. antecessit, *il est vrai, inquit, que la connoissance des langues, & de l'histoire est necessaire pour entendre bien les Peres, & l'écriture même, mais ils ne s'en appercevoient*

gelico Doctore dici a fortiori potest; proptereaquod Angelici Doctoris temporibus Hebraicarum litterarum disciplina maxima adhuc Scholasticarum doctrinarum, quæ inoleverat, opinione, & studio præpediri, & deiici quodammodo videretur. Unde aptissimam eruditiss. noster Anfaldi (1) suorum excusandi causam assumpsit, si aliqua tempestate remissa sunt apud illos linguarum Orient. studia. *Sensim nempe*, inquit, *apud Ascetarum vulgus crevit adeo scholasticarum, ut aiunt, Doctrinarum opinio, ut duobus posterioribus denum sæculis mirum vix, si præ scholasticorum Præceptorum scriptis nil ultra legendum crederet, nil ultra venerari posse videretur, nil habere aliud quod edisceret, imitaretur, illustraret, propugnaret; quumque Præceptores illi maximi linguarum peritia plurimum carerent, imitatores non turpe modo eas nescire haud duxere, sed vanum potius de illis cogitare, & adversus eam, quæ nimium denique obtinuerat studiorum methodum, cui adacti erant plusquam militari sacramento.* Commemoratus vero Natalis Argonenfis, Divus Thomas, inquit (2), *Scholarum Angelus Græcæ linguæ ignorance (idem de Hebraica dicamus) laboravit, quod tamen eius incuriæ tribuendum non est, sed ignorantia, ac feritatis sui temporis, quo Græcus sermo res apud omnes mon-*

pas, ou bien la difficulté incroyable d'acquérir ces connoissances par le manque des dictionnaires, des glossaires, des commentaires, & par la rareté des textes mêmes leur en faisoit perdre l'esperance.

(1) In Præf. ad Diff. De Loco Joh. apud nonn. Patres a Vulgata diversimode lecto.

(2) Cit. Lib. De Optima Legend. Eccl. PP. methodo Par. II. Cap. II.

strosissima habebatur, a qua sibi omnes, veluti a scopulo carvere deberent; Græcum est, non legitur. Nec solum anno 1500. reperti sunt, si Heresbachio, Sennerto, aliisque credimus, qui inscients deblaterarent, qui discerent Hebraicas litteras, plane illos effici Judæos, sed & Ludovicus Vives Valentinus de caussis agens corruptarum artium (1) coactus est nonnullorum item delirium refutare linguas errorum esse quoddam veluti seminarium turpiter asserentium (2). Quis igitur miretur jam istis temporibus, quibus ridiculæ adeo sententiæ invaluerunt, Hebraicam linguam non sat fuisse excultam? Quare didicisset D. Thomas, si non solum nulla erat opportunitas, nulla consuetudo, si non modo non necessaria, & plane inutilis, sed & per summum nefas perniciofa reputabatur? Ætatis, & temporis vitium hoc est, non eorum hominum, qui in illud inciderunt.

Quis quoque non putet sanctissimos viros non censuisse sat se Vulgatæ, quæ ab universa Ecclesia

(1) Lib. II. Extat Tom. I. Oper. p. 362. edit. Basil.

(2) *Aiunt linguas errorum esse quoddam velut Seminarium eeu vero in sermone sita sit hæresis, & non in intelligentia Quasi non omnes pene hæreses e pravo sanctarum litterar. intellectu nascantur: quod necesse est iis contingere, qui linguas eas ignorant, quibus scripturæ sunt productæ. Mirum ni Basilius, & Gregorius Nazianzenus, & Chrysostomus quanto Ario eloquentiores fuerunt, tanto hæreticiores existimentur: tum Hieronymus hæreticus sit, qui Latinos, Græcos, Hebraicos, Chaldæos scriptores plures evoluit Vigilantius vero, Jovinianus, Ruffinus Catholici, qui minus Græce, ac Latine, quam ille, noverant, & quos Hieronymus velut linguarum imperitos insectatur, tanquam errores ex ignorantia hauserint: & revera ita erat: nam ut de aliis taceam, Vigilantius si scivisset, qui vocarentur hebraice fratres, & vim illarum vocum novisset Primogenitus, & antequam, non illa adversus puritatem sacra virginis deblaterasset.*

recipiebatur, honorem, dignitatemque servare, si eam ad Hebræorum scripturas adigerent? Et multos sane ex Patribus contradicentes invenit Hieronymiana versio, quum viderent in Ecclesiam novam interpretationem intrudi, ut ut accuratior hæc esset, & fonti conformior. Religioni ergo ducebant ab ea versione vel minimum recedere, quam Ecclesiæ auctoritas, & usus confirmaverat. Origenem ipsum, qui Hebraice scivisse tot eruditus visus est, observabat olim Hieronymus (1) in popularibus homiliis exacte semper sequi translationem LXX. Interpretum, qua Ecclesia utebatur, nec nisi in magnis suis disputationibus Hebræos fontes adire. Quod adeo mirandum non est illis temporibus, quibus plerique Ecclesiasticam interpretationem afflante Dei Spiritu elaboratam existimabant; Hebraicus contra textus a nonnullis saltem corruptus reputabatur. Aut quoniam Nazareni eo utebantur, Hæretici omnium Hebraicarum legum, & rituum cum Evangelio tenacissimi, aut quotidie illud Hebræi in Synagogis legebant, an adeo tutum erat religiosissimis viris Hebraico textu libere uti, quo in nostrorum conspectu Nazareni, aut Hebræi etiam religione viderentur? Decebat ne, quum omne studium ab Ecclesia poneretur, ne in ulla re veteri Synagogæ assimilaret, in hac ad eandem se conformare? Hæc & alia eius-

(1) Proem. Quæf. in Genes.

modi si attendantur, excusari sat puto eos Patres, qui nullam in Hebraicis litteris operam, & studium collocarunt. Porro ita ne hæc singula, quæ de Patribus diximus, jure dici de nobis hac tempestate poterunt? Obsolevit communior ea interpretandi ratio, quæ adeo erat olim in deliciis, & toti nunc in eruenda, intelligendaque scripturarum littera versatur. Maximus vero harum litterarum usus jam a seculo XV. & XVI. tum apud nos, tum apud ipsos nostros Hostes invaluit. Totque jam Præceptores, & libri, tot subsidia undique extant, ut plura exoptari nequeant. Perperam ergo omnino quispiam nostrum se Patrum exemplo in Hebraicæ linguæ neglectu tueretur.

Interim vero obiecti Patres utrumque sive redarguendorum hostium, sive explanandæ scripturæ officium pro tempore, & eorum instituto aptissime præstiterunt. Et commendandi summopere sunt, quod tempori se aptarint, eamque methodum sectati sint, quæ optima ea ætate communiter habebatur, nec nos nisi summa temeritate reprehenderemus. Sed si in persequenda scripturæ littera præcipuum illorum Patrum studium fuisset, quis dubitet, quin singulare iis præsidium ad rectam, perfectamque illius adsequutionem defuisset, & defuerit revera in iis locis, in quibus litteram non ulla traditione, sed consuetis hermeneuticis legibus, & mediis conaban-

tur inquirere? *Quoniam vero*, inquit commemoratus Natalis Argonensis (1), *ut æquum de antiquitate ex eiusdem antiquitatis monumentis iudicium fiat, plus ei tribuendum non est, quam res, & veritas ipsa concedat, inficiari non possumus; in exponenda funditus scripturæ littera nonnihil necessariæ eruditionis antiquis Patribus desiderari. Et clarissimus interpres Hieronymus ab Oleastro afferere non dubitavit linguarum, in primis vero Hebraicæ ignorantiam in caussa olim fuisse, quod multi ex antiquis Patribus alioqui doctissimis, & ingeniosissimis genuinum sacræ scripturæ sensum assecuti non sunt* (2), quod optime dein (3) ad vitandam offensionem de iis sensibus explicat, qui ex linguarum peritia pendent, non de revelationibus, seu non de iis, qui traditioni divinæ innitebantur. Si enim, subdit, *sententiæ cognitio ex modo loquendi pendet, quomodo eam cognoscere potest, qui illius scientiæ peritia destitutus est?* Sane clarissime docuit Augustinus Hebraicæ linguæ scientiam maximum, & necessarium præsidium scripturarum explanatoribus afferre; quid ergo dubitemus, quin ad eruendam scripturæ litteram, & penitus intelligendam illud idem adiumentum in Anæbreis Patribus defuerit, quod Augustinus, & eruditi omnes in ceteris Patribus hebraice scientibus concedunt? Sed sit exemplum in doctiore aliquo

(1) Com. Lib. De Optima &c. Par. III. Cap. V.

(2) In Positione, seu enumeratione Canonum ad sacr. litt. lectionem, & lucidior. cognitionem perutilium præmissa eius Comment. in Pentat.

(3) Sub fin. Comm., seu Annot. in Genes. p. 178.

Patre, qui has litteras ignorarit; sitque is Augustinus ipse, cui in ubertate ingenii, ac subtilitate nullus reliquorum Patrum comparari potest. Nihil ne facultatis, ac necessariæ eruditionis defuit ingeniosissimo Doctore in exponenda *Genesi ad litteram*? Immo, quod eruditi plures observant (1), ipse idem sanctus Pater litteralem Geneseos interpretationem aggressus sua se statim linguarum imperitia contrahi sensit, & in Retractationum libris fatetur necessarias dotes ad tantum opus in se desiderari, & esse se susceptæ provinciæ omnino imparem. *In iis scripturis exponendis tyrocinium meum sub tanta sarcinæ mole succubuit & nondum perfectò uno libro, ab eo quem sustinere non poteram, labore conquievi* (2). Quæ sanctiss. viri loquendi ratio quamquam singulari eius modestiæ, humilitatiq; tribuenda videtur, ulli tamen facultatis in eo, & Hebraicæ eruditionis defectui etiam inniti docti quilibet fatentur, quorum propterea laudes non in litter. potissimum scripturarum interpretatione, sed in controversiis reportavit; *neque mos unquam fuit*, inquit comm. Auctor de opt. legend. Eccl. Patr. Methodo (3), *in disputationibus de sacri textus historia, & literali expositione ad eum confugere*. Quæ eadem porro de Divo Thoma Aquinate dicenda sunt.

Hierony-

(1) V. Rich. Simon. Hist. Crit. V. T. Lib. III. Cap. IX., & Nat. Argon. De Optima &c. cit. sup. loco.

(2) Lib. I. Retract. Cap. XVIII.

(3) Par. I. Cap. VIII.

Hieronymus contra Ecclesia, Patribus, Augustino ipso, atque doctissimis quibuslibet viris fatentibus ob linguarum, sed Hebraicæ præcipue scientiam, quæ in eo eminebat, aptius est, & felicius scripturas interpretatus, aliisque Patribus communi jam judicio anteponitur. *Propter trium linguarum peritiam tantus*, inquit Salmero (1), *in Ecclesia Dei ab omnibus habitus est, ut eius unius interpretatio ceteras omnes versiones, etiam illam LXX. interpretationem quodammodo obscurasse, & post se reliquisse videatur.* Scilicet Hieronymus Hebraicarum litterarum præsidio apprimè instructus sinceriorem scripturam Ecclesiæ dedit, unde clarius veritas, divinaque voluntas, & planius erueretur. Judæis vero, & Judaizantibus Hæreticis omnem calumniandi, fallendique ansam præripuit. In suis autem commentariis Hebræorum instituta, ac traditiones persequitur, hebraismos, atque Hebraicas phrasas, & veterum sententias illustrat, nomina propria virorum, Provinciarum, urbium explanat, implexa, & obscura explicat (2), detorta demum, & male intellecta solertissime vindicat. Quæ si paullisper attendantur, quis miretur jam, quod Hieronymus in exponendis sacris scripturis Doctor Maximus (3), mundi-

Y

(1) Proleg. XIII. p. 243.

(2) V. Epist. 130. ad Marcel., ubi exponit, quid sit Ephod, & Theraphim, Epist. 137. de *Alleluia*, & *Amen*, Epist. 138. de voce *Selà* &c.

(3) Ecclesia in propria ej. Oratione.

que Magister (1) prædicetur, qui Catholicam eruditionem multum in Latina lingua Hebraicis litteris adjuvarit (2)? Augustinus sane perspicacioris ingenii, & acutioris fuisse videtur, quam Hieronymus: cuius intuitu optime notat Michaelis, quod si sanctus Doctor adhuc potuisset Hebræum sibi idioma adsciscere, quod scienti Punicum haud adeo difficile videbatur (3), *il auroit mérité l'honneur de passer pour le père de la Philologie Orientale* (4). Tamen, relicta Augustino singulari in controversiis, confutandisque heterodoxis laude, maiorem Hieronymus in exponendis scripturis obtinuit. Ita Glossa in Canonem VI. Dist. IX. Decreti Gratianæ, qui incipit *Ut veterum, inter istos tres, inquit, Augustinum, Hieronymum, & Gregorium, Augustino magis credendum est in disputationibus, Hieronymo in historiis, & translationibus. Gregorius in moralibus proponitur; quia non omnes in omnibus, sed certi per certa.* Atque hæc de scripturarum explanatione diximus.

(1) S. Prosp. super. cit.

(2) August. sup. item cit.

(3) Nam si non eadem omnino juxta Lucianum Syrum in Pseudomanti cum Hebraica est, profecto ab eruditis parum olim distasse reputatur; quod constat ex verbis Hannonis Poeni apud Plautum. V. Walt. App. Bibl. Prol. III. n. 16., Selden. De Diis Syr. Proleg. Cap. II., Scalig. Jos. Ep. ad Steph. Uberr. Lib. IV. Epist. Ep. 362. p. 643. & idem Augustinus Tract. XV. in Joan., *Cognata, inquit, sunt lingua ista, & vicina, Hebraea, Punica, & Syra.* Quod alibi Mammonæ, Messæ, aliisque productis exemplis confirmat. V. Serm. XXXV. De Verbis Dom., II. Lib. de Serm. Dom. Cap. XIV., & Lib. III. contra lit. Petiliani.

(4) Dissert. de l'Influence des opinions sur le langage Sect. I.

Porro, ut pauca nunc de Hostium confutatione dicamus, omitto Patres in angustias adegisse Arianam hæresin, quæ illum Prov. VIII. (1) versiculum juxta LXX. opponebat ὁ κύριος ἔκτισέ με, quo Dei filius a Patre e nihilo conditus ipsi nec coæternus, nec consubstantialis ostenderetur. Nam ex unis Hebraicis codicibus revincuntur iniqui Christi Divinitatis obtrectatores, ubi non habetur verbum כרא, quod respondeat τῷ ἔκτισε, sed יהוה קנני *Dominus possedit me*; ex quo juxta Hieronymum (2) eruitur quidem pro Christi divinitate filium ab æterno in Patre, & Patrem in filio fuisse, non vero, quod ex obiecta versione Ariani contendebant, recenter a Patre conditum, qui prius non erat. Quid de Hebræis dicemus, qui ea quoque tempestate Ecclesiasticam Vulgatam versionem, ut ineptam, nec Hebraico textui, quo ipsi utebantur, consonam traducebant, quique idcirco ab ea ad primigenium eorum codicem nostros Patres provocabant? Nec enim dubitare nos finit Hieronymus, quin præcipua hæc causa fuerit, quæ eum moverit, ut accuratorem ex Hebræo translationem aggrederetur: *ne Hebræi de falsitate scripturarum Ecclesiis diutius insultarent* (3). Ni igitur Hieronymus Hebraice doctissimus os calumniantibus Hebræis obturasset, qui alter quispiam Patrum, qui Hebraicarum litterarum

(1) Est vers. 22.

(2) Epist. ad Cyprian., & Comm. in Ep. ad Ephes. C. II. p. 343. T. IV. Oper.

(3) Hier. Præf. in Isaiam.

præsidio careret, Hebræos latinam versionem accusantes, atque ad Hebr. textum provocantes feliciter omnino sive aggredi, sive confutare poterat? Atque hæc habui de Patribus dicere, quo iis fieret satis, qui eorum exemplo a sanctis hisce litteris abducuntur. Universi Patres in tres veluti classes distinguere commode queunt. Nonnulli hanc linguam necessariam senserunt, & superatis gravissimis, qui eo tempore exigebantur, laboribus, impensis, peregrinationibus simul quoque didicerunt. Alii existimarunt quidem necessariam, sed sive quod curis munerum suorum præpedirentur, sive quod occasio, opportunitas Præceptorum, & subsidia deessent, consequi eam non potuerunt. Alii demum, seu quod corruptum Hebraicum contextum putarent, nec sibi ulla ratione consulendum, seu quod essent Ecclesiasticæ versionis, quam a viris *ῥεωτρευστοῖς* elaboratam credebant, tenacissimi, & nefas ducerent ab ea discedere, linguam hanc minus sibi necessariam arbitrati sunt, atque ab ea addiscenda superfederunt. In primo Patrum genere utriusque est nobis habenda ratio & eius, quod docuerunt, & eius, quod egerunt. In altero quid docuerint potius animadvertendum est, quam quod fecerint. Tertiū vero generis Patres, quos unus ab harum litterarum disciplina error abduxit, trahi in exemplum nec possunt, nec debent. Quibus porro placet in hac re ad aliorum se exempla componere, animadvertant jam

quo minor fuit inter Patres eorum copia, qui Hebraicæ linguæ vacarunt, eo plures post Patrum ætatem hebraice doctissimos inter Theologos reperiri, qui illis successerunt. Unus Paullus Colomesius Ruppellensis in editis suis Gallia (1), Italia, & Hispania Orientalibus (2) longum adeo texuit clarissimorum virorum catalogum, qui non sat bonos se Theologos existimarunt, nisi Hebraicas litteras consequerentur, ut mirandum prorsus sit tot in Occidentalibus plagis Orientales litteras sectatores obtinuisse. Etenim ut cœperunt jam diu juxta Vienneſis Concilii statutum Pariſienſis, Bononiensis, & Salamantina Academiæ Hebraicam linguam excolere, sapiens institutum multæ deinceps ſequutæ ſunt; ut nullam nunc ullius nominis reperire fas ſit, in qua plures non ſint hebraice doctiſſimi. Quorum proſecto in hiſce litteris excolendis nec auctoritas negligenda eſt, nec exemplum. Sed cetera jam perſequamur.

(1) Int. cet. Colom. Opera edidit Alb. Fabricius 4. Hamb. 1709.

(2) Ex *αὐτογράφῳ* Auctoris primum edidit Chriſtophorus Wolfius 4. Hamb. 1730., qui notis inſuper utramque illuſtravit, & omiſſos in Indice præmiſſo exhibuit.

Hebræos vero harum litterar. præsidio apprime instructos, pessimos tamen Theologos esse, & scripturarum explanatores.

Composita Patrum quæstione Hebræorum nunc exemplum excutiendum est. Nam optime animadvertit Buxtorfius nepos in suis Catalectis Philologico-Theologicis (1) inter momenta, quibus nonnulli usum linguæ sanctæ ad Theologiam, & scripturarum interpretationem eludere conantur, & illud esse *religis aliquanto speciosius*: si tantum esset eius linguæ emolumentum, *Judæos optimos fore Theologos, & scripturæ interpretes*; nunc contrarium potius verum esse, cum compertum sit, *Judæos optimos esse Hebræos, & pessimos Theologos*. Ac si in una Hebraicarum litterarum peritia totum ad rectum Bibliorum intellectum præsidium a nobis collocaretur. Etenim multa alia, eaque maioris adhuc momenti requiruntur, quæ si in Hebræis desiderentur, nunquam ii, ut ut hebraice etiam doctissimi fingantur, bonorum interpretum laudem obtinebunt. Et primo quidem præclare omnino monuit Salmero (2) debere in primis scripturarum studiosos vera fide eminere. Potissimum enim hoc est eruendæ in illis veritatis consilium, quod ipse

(1) Num., vel §. 268.

(2) Proleg. I.

Apostolus Paullus constituebat (1). Τίς ἔγνω τοῦ Κυρίου
Quis cognovit mentem Domini? Ψυχικός ἄνθρωπος *Animalis* homo solo naturæ, vel rationis lumine collustratus, humano ductu cuncta dimetiens, nec per veram fidem ad altiora Dei, ipsique consentanea mysteria evectus οὐ δέχεται τὰ τῷ πνεύματος τῷ Θεῷ non percipit ea, quæ sunt Spiritus Dei; ὁ δὲ πνευματικός ἀναρρίπτει
 ... πάντα at *spiritualis*, qui scilicet verum Dei Spiritum induit, mentemque habet veraci divina fide edoctam, ac directam *diiudicat omnia*. Quod porro non diffitentur Hebræi ipsi, qui propterea solum Hebræum, Judaica videlicet juxta ipsos vera Dei fide imbutum, aptum Biblici studii candidatum existimant. Ita Tract. Sanhed. (2) כותי שמרנו עסק בתורה חיי מיתה *Cuthæus*, seu Gentilis, non religione Hebræus, qui operam dat legi, vel scripturis, reus est mortis. Et sane recta fides mentem illustrat, ut cuncta ad eius ductum intellecta, nonnisi sane, & rectissime intelligantur. Hanc ergo si in Hebræis semoves, ut necessario faciendum est, quid jam censes optime ab his sacras scripturas interpretari? Quid si ablata fide, suis Judæis sensibus relictis, adeo ingens cœcitas justo Dei iudicio in ipsorum mentes inducta sit, ut etiam contra conscientiam cæco impetu in errorum labyrinthos corruant (3)? Et huius quidem

(1) Ep. 1. ad Cor. II. 16.

(2) Fol. 59. 1. ap. Hartm. ad Cap. III. §. 11. Pirchè av.

(3) Verba sunt Buxtorffii Patris in quadam Oratiunc. MS. De Studio L. H. habita anno 1616., atq. a Nepote inter Bibliot. reliquias casu inventa; ubi ad hoc Judæor. exem. apte respondet. V. Buxt. Nep. cit. I.

Judaicæ cœcitatîs , atque indurationis gravissimas
 causas si semel perpendimus , præcipue vero repro-
 bationem Sancti Israelis , mirandum non est Judæos
 in reprobis de Deo sententias abiisse , atque irre-
 pentibus Rabbinicis fabulis , tota ad Talmudis do-
 ctrinam adacta scriptura , Doctorum ineptiis corrupta
 Orali traditione , purissimam illam Theologiam ami-
 sisse (1) , quæ apud vetustissimos Patres servabatur.
 Adeo verum hoc est , ut clarissimus Hebræorum
 Doctor Maimonidès , etsi aliam causam afferat ,
 multum tamen pristinam Theologiam apud suos de-
 fecisse , & plura mysteria turpissimæ oblivioni a suis
 tradita præclare doceat in More Nevochim (2) .
 דע כי החכמות הרבות אשר היו באומתנו באמת
 אלו העניינים אשר באורך רחמן ובשריו
 האומות הסכלות עלינו ובהיות העניינים ההם בלתי
 מותרים לבני אדם כלם כמו שבארנו . . . וזאת
 היה הסבה המחייבת להפסק אלו השרשים העצומים
 מן האומה ולא תמצא מהם אלא הערות קטנות
 ורמזות באו בתלמוד ובמדרשות והן גררי לב מעט
 עליהם קליפות רבות עד התעסקו בני אדם כלם
 בקליפות ההם וחשבו שאין ההתם לב בשום פנים
 Scito, inquit ex Buxtorfii filii versione , *multas egre-*
gias scientias , quæ in gente nostra olim fuerunt , de ve-
ritate istarum rerum (3) *partim longitudine temporis ,*
partim

(1) V. Iken. Antiq. Heb. Par. I. Cap. VI. §. 11.

(2) Par. I. Cap. LXXI.

(3) Ephodæus ad h. l. באמתת אלו העניינים ר"ל לבאר ענייני מעשה

longitudine temporis, partim infidelium, & stultorum populorum in nos dominatione, partim etiam quod non cuius concessa erant (sicut exposuimus), periisse, & in oblivionem devenisse ... Atque hæc vera causa est, propter quam solida illa fundamenta, eximiique Religionis nostræ articuli inter nos perierunt, & nonnisi pauca admodum doctrinæ illius veteris vestigia, & indicia comparent, quæ in Talmud, & Medraschoth sparsim hinc inde extant, quæ tamen ipsa sunt velut grana cordis parva (hoc est, explicat Buxtorfius, nuclei parvi) magnis cincta corticibus, ita ut omnes fere homines in corticibus illis enucleandis laborantes existiment nullum prorsus illi inesse cor (hoc est sanæ doctrinæ nucleum, vel medullam). An clarius adhuc lubet defecisse jampridem apud Hebræos veram legis expolitionem, & pristinam Theologiam ab ipsis Misnicis Auctoribus audire (1)? משמת ר' יוחנן בן זכאי בטל דיו החכמה Quam mortuus est R. Jochanan ben Zachai, cessavit splendor sapientiæ; quumque mortuus est Rabban Gamaliel senior, cessavit gloria legis. Quamobrem Talmudistæ facta posteriorum cum prioribus comparatione ita de seipsis prædicare solebant (2): אין הוין קדמוי מלאכת

Z

מרכבה וחכמת האלהות ונבאר בכופת כציאות יתעלה ואחרות

De verit. islarum rerum, idest ad explicandas res Operis Currus, & Sapientiæ Divinæ, seu Theologiæ, & exponemus de demonstratione existentie Dei, & Unitatis eius &c.

(1) Tract. Sotà Cap. IX. Excerpt. י"ד edit. Hebræo-Lat. Wagenfeil.

(2) Scabbat fol. 112. col. 2. & cod. Scekalim Gemar. Hierof. Cap. V. apud Ugol. Thef. Tom. XVIII.

אֵין בְּנֵי אִינֶשׁ וְאֵין רִחוּק בְּנֵי אִנֶּשׁ אֵין חֲמוּרִין אָמַר
 ר' מְנַא בַּהֲהִיא שְׁעָתָא אָמַרִין אֶפְּלוּ לַחֲמוּרְתֵּיהּ דְּרַבִּי
 פִּינְחָס בֶּן יֵאִיר לֹא אִדְמִין *si priores fuerunt angeli,*
nos sumus filii hominis, & si illi fuerunt filii hominis,
nos sumus asini. Dixit R. Menna ea hora: dicamus:
etiam asinæ R. Pinchas filii Jair non sumus similes. In
 una ergo caussa ab Hebræis dissentimus, quod nos
 irato Numini in eorum excœcatione pœnas infideli-
 tatis repetenti hoc tribuamus, illi verò aliud fatum,
 & causam assignent. At convincuntur Judæi, qui
 a Deo hoc sibi in gravissimi sceleris pœnam factum
 esse pervicaciter negant, præclaro Isaïæ vaticinio (1):
 הַשֶּׁמֶן לֵב הָעָם הָזֶה וְעֵינָיו הַשֶּׁעַ פֶּן יִרְאֶה בְּעֵינָיו
pinguescere fac cor populi huius, & oculos eius illinito, ne
forte videat oculis suis. Boni ergo ne Judæi divina-
 rum rerum perscrutatores erunt, si semel iratum,
 atque aversum illud cordium lumen constituimus?
 Aliter & ipsi sentiunt Hebræorum sapientes, qui ut
 biblicum studium recte cedat, humilem ad Deum
 orationem, & fusas preces a Candidato expostulant.
 Ita Ephodæus hunc biblicæ interpretationis optime
 instituendæ canonem posuit (2), ut instituamus
 הַתְּפִלָּה אֶל הָאֱלֹהִים וְהַתְּחִנָּה וְהַבְקָשָׁה מִמֶּנּוּ יִתְבָּרַךְ
orationem ad Deum,
& deprecationem, & preces a Deo benedicto, ut rectam
faciat ante nos viam suam in cognitione legis suæ. Lo-

(1) Is. Cap. VI. 10.

(2) Præf. ad Maasseh Ephod sub fin., ubi de Modis recte instit. studii legis;
 Modo XV.

quens autem Ephodæus de acuta rerum discussione,
 & profundo intellectu, & perceptarum rerum cu-
 stodia, ושני אלה, subdit, התארים הם מתת אלהים,
 ואין כל אחד זוכה אליהם אם לא מי שחננו יהוה
 חן ושכל טוב ולכן היתה התפלה גאליו ית' עליהם
 ראויה ומחויבת והוא שנקש דוד משיח צדקו גל עיני
hæc duo necessario a Deo con-
cedi debent, nec quisque est dignus, qui illa suscipiat;
nisi is, cui Deus gratiose impertitur hanc gratiam, &
intellectum bonum; ideoque est oratio ad Deum bened.
propter illa conveniens, & necessaria; & hoc est, quod
exquisivit David unctus justitiæ eius (vel justitia eius):
revela oculos meos, & videbo mirabilia de lege tua. Et
 fane, si Salomoni, eique, qui in eo loquebatur,
 spiritui, credendum est, יהוה יתן חכמה מפיו דעת
 ותבונה *Dominus est, qui dat sapientiam, & ex ore eius*
scientia, & intelligentia (1). Cetera ergo etsi in He-
 bræis non desiderarentur, frustra tamen absque Deo,
 eiusque per rectam fidem illustratione optime de
 Deo ratiocinatuos existimamus. Hebraicæ linguæ
 ope legunt quotidie sacros libros; sed excœcata men-
 te toti in eorum intellectu cœcutiunt. Optime Au-
 gust. Lib. IV. De Doct. Chr. Cap. V. *Sapienter di-*
cit homo tanto magis, vel minus, quanto in scripturis
sanctis magis minusve profecit. Non dico in eis multum
legendis, memoriæque mandandis (quod Hebræi faciunt),
sed bene intelligendis, & diligenter earum sensibus inda-

(1) Mislè, seu Prov. II. 6.

gandis. Novum autem foedus, quod olim Buxtorfius Pater animadvertibat (1), cuius collatio est lux splendidissima, Testamenti Veteris umbras vivide collustrans, reiiciunt, & detestantur. Ita miseri omnem sibi salutaris adsequendæ veritatis viam occludunt.

Dēin ex ipsorum Rabbīnorum mente ad scripturarum intellectum studium exterius, scientiarum scilicet, & disciplinarum necessario addendum est. Isthæc præ ceteris mens est cl. Maimonidis in More Nevochim, ubi distinctis Capitibus (2) luculenter demonstrat non esse ad contemplationem rerum divinarum accedendum sine præeunte cognitione, & intelligentia aliarum scientiarum, quod longius diducta oratione per varia disciplinarum genera, cuiusmodi sunt logica, methaphysica, physica, arithmetica, geometria &c., accurate persequens concludit tandem frustra absque exoticis hisce scientiis divinarum rerum speculationem assumi: *qui sine illis, inquit (3) ex Buxtorfii versione, speculatur, similis est ei, qui pedibus suis ad certum aliquem locum ambulans, & contendens in profundam admodum fossam incidit, e qua exeundi nulla ipsi est facultas, nullumque consilium, donec moriatur.* Porro quæ nam est quæso in universa philosophia, in chronologia, historia, aliisque eiusmodi disciplinis Hebræorum exercitatio? Sane ex Rabbino-

(1) In com. superius Orat. de studio linguæ Heb. apud Nepotem cit. I. Catal. Philol.

(2) Par. I. Cap. V., & Cap. XXXIII.

(3) Cap. XXXIV. p. 47. edit. Buxt.

rum in his incertitia eos, si alicubi errarint, excusandos suscepit R. Azarias De-Roffi (1), cuius testimonium habes apud Voisinium in eius ad Raym. M. Pugionem fidei observationibus. Atque ex hoc eodem Capite obiectum Judæorum exemplum in Hermeneutica sacra discussit olim Augustus Pfeifferus. *Lingua Ebræa*, inquit (2), *exegetam sacrum ad suum finem provehit, si non desint cetera . . .* Non mirum proinde, quod homo ἀφιλόσοφος quantumvis ebraismi callentissimus, non modo in conspectu cum adversariis, sed etiam in explanatione sacrarum literarum hæreat, quoniam ad expositionem scripturæ sacræ, & defensionem eiusdem non modo requiritur consideratio λέξεως, & φράσεως, quam supeditat lingua Ebræa, sed etiam συναφείας, quæ diiudicanda beneficio logices, & philosophiæ, adeoque notitia linguæ Ebraicæ debet esse stipata notitia philosophiæ . . . Ita etiam non mirum Judæos, quantumvis Ebraice doctos, in expositione sacrarum literarum cæcutire.

Jam vero quid speciatim de Arte Grammatica dicemus? אנחנו, præclare omnino inquit R. Aben Ezra (3), חייבים לדעת דקדוק לשון הקודש הטב. *Nos tenemur scire artem grammaticam linguæ sanctæ accurate, ne labamur.* Kimchi vero in fine Michlol (4):

(1) In Meor. Henaim Cap. XXVII.

(2) Herm. S. Cap. IV. §. 10. ad 11.

(3) Perusc. seu Com. in Cap. V. Eccle. apud Guar. Præf. ad Gr. Heb. Ch. Par. I. §. 2.

(4) Apud eund. Guarini cit. l.

אשר למד ותורה לו לקנין
ולא למד יסוד דקדוק ולא בן
כמו חורש אשר יתג שורים
ידו מבלי מלמד ודרך

*Qui discit, ut lex sit ei in possessionem,
Et non discit fundamentum Grammaticæ, neque in-*
telligit,

*Is est sicut arator, qui agit boves,
Et manus eius sine baculo, aut stimulo.*

Atqui Grammaticam hanc institutionem negligi ab Hebræis in scripturarum expositione testis est gravissimus R. Leo Mutinensis in præfatione ad suum Ghelud Jehuda. *Ho considerato più volte, inquit, la maniera, che noi teniamo in insegnar l'interpretatione delle nostre scritture a nostri figliuoli, che è per forza d'una pura pratica leggendo, e interpretando parola per parola nel linguaggio, ove ne ritroviamo peregrini abitanti, senza, com' altri fanno, farli prima apprendere le regole della Grammatica; poichè alcuni stimano questo troppo perdimento di tempo. Plittacorum ergo in morem Robitim discipulos scripturam interpretandam verbatim edocent, quin eos prius in verborum radicibus, in nominum ætimologiis, in accurata, & varia eorundem significatione indagandis solerter instituant, nullis prorsus adhibitis, ut Buxtorffii verbis utar (1),*

(1) Synag. Judaic. Cap. VII.

præceptis Grammaticis, ex usu legentes, loquentes, scribentes, exponentes.

Visi sumus hucusque penitus approbare Hebræos malos adeo esse scripturarum interpretes. Quamobrem & omne studium in exponendis eius rei præcipuis, gravioribusque causis collocavimus. Nec porro dubitandum ullomodo est, quin in interpretandis iis præsertim locis, quæ Messiae conditionem, & characteres respiciunt, toto ii Cœlo a veritate aberrant; quippequi temporalem ab eo liberationem, mundanum regnum, & carnalia tantum beneficia expectant. At vero ubi hæc, & alia similia mysteria in V. T. non foveantur, sed de ritibus, ceræmoniis, sacrificiis, aut quopiam etiam facto, & aliis eiusmodi agitur, tantum abest, qui inter Hebræos rectissime has litteras calluerunt, ut inepti ii, & mali explanatores sint, ut immo communi jam eruditorum omnium iudicio optimi iudicentur, digni undique, qui a nostris utiliter consulantur. In quot obscuris, ac perplexis locis Hebræi doctioribus nostris interpretibus ductores ipsi fuerunt, & magistri? Nec adeo iniqui erga eos Christiani Commentatores fuerunt, ut amplissimum beneficium a Rabbinis acceptum non faterentur, quorum nonnullos nos VIII. Capite attulimus; Hieronymus in primis, qui multa optima, & singula fere, quæ ad propriorum præcipue nominum, vel rituum Hebraicorum illustrationem in suis Commentariis affert,

Hebrais, quos habuit in scripturis præceptores, retulit accepta. Quot perplexa loca penitiori linguæ Hebraicæ, seu Hebraicarum radicum, verborum, & nominum naturæ, ac vis cognitione illustrarit unus Maimonides, testis est ille liber, quem propterea מורה נבוכים Moreh Nevochim, sive Doctorem perplexorum voluit appellari, de quo Scaliger scribere non dubitavit (1): *Moreh Nevochim liber plenus bonæ frugis abstrusæ eruditionis, & Theologis Christianis apprime necessarius.* Sed testes præcipue sunt, ut superius monebamus, tot nostrorum Theologorum, & Interpretum Dissertationes, quæ sive Ugolini Thesauro, sive Sacris Criticis Londinensibus concluduntur. Hi enim optima quæque Hebraicas antiquitates, & ritus, universumque Vetus fœdus illustrantia ex Hebrais scriptoribus acceperunt. Quare ergo negemus illis multum adhuc subsidium ad Bibliorum intellectum Hebraicam linguam adferre?

C A P. X I.

Hebraicam linguam barbaram prorsus esse, & incomptam, quod ex ipso sacro Heb. Scriptorum stylo patet.

Ab Hebraicis litteris dimovet nonnullos singularis quædam, quam animo præconciipiunt, illarum barbar-

(1) Epist. ad Steph. Uberr. Lib. IV. Epistolar. Ep. 362. p. 646.

barbaries; de quibus in Hebraicis suis Institutionibus (1) Georgius Faber, *aurem*, inquit, *mibi velle care videntur Gnostici quidam contendentes linguam hanc esse barbaram, horridam*. Nec enim eam eo sensu barbaram appellant, quo appellavit aliquando Hieronymus (2), aut Amelius Græcus scriptor (3), quod scilicet externa sit, ab aliena natione, atque in aliis regionibus usitata. Nescio tamen, unde efflata hæc barbaries desumi queat. An ex huius linguæ auctoribus, & ea loquentibus hominibus? Sed pudet commemoratum Fabrum barbaram eam linguam nominare, *qua Deus ter optimus, terque maximus locutus, qua דברי תורה digito suo exaravit*, aut horridum illud labium dicere, quo usus est *sacer sacrorum Patriarcharum, ac Prophetarum chorus*. Ergo ne Deus, qui in rerum exordio omnia in mira perfectione sapienter prorsus, ac provide disposuit, eam demum linguam, quæ omnium barbara esset, selegit, ut ea ipse loqueretur, & primo homini inderet? Nihil ne hunc loquela etiam, & sermone cultum condere Dei, eiusque providentiæ intererat, aut qui intellectiva facultate perfectissima eum instruxerat, ineptum dein ei labium aptavit, quo suos conceptus ederet? Si vero barbariem repetis ex exterarum vocum, ac verborum commixtione, purissima ea est eruditorum omnium φιλεβραίων iudicio.

Aa

(1) In Epist. Dedic.

(2) Quæst. Heb. in Genes. Tom. III. p. 73.

(3) V. infer. ej. test.

Nullas enim, inquit Waltonus (1), habet extraneas voces admixtas: unde hanc solam puram, reliquas omnes mixtas scribit Gesnerus in *Mitbridate* (2). Ex aliarum linguarum radicibus voces suas non derivat. Frustra autem ex inepta conceptuum, rerumque naturæ, & indolis expressione barbaram Hebraicam linguam diceremus, quippequæ ita apte, & accommodate quaslibet res exprimit, ut eiusdem Waltoni, & Erpenii sententia nulla ei alia comparari possit. Quis est, cui in scripturis res non tam narrari, quam cerni, atque ab oculis poni non videantur? Quid ergo? An barbara ea est, idest incompta, Rethorici figuris, eloquentiæ flosculis, ac leporibus, eaque elegantia, & pulchritudine destituta, quam habent ceteræ? Ita recentiori adhuc cuidam scriptori Bonifacio Finetti visum est, qui, quod magis miramur, aliter sentientes ad Biblicum ipsum stylum provocat. *Per poco*, inquit (3), *che leggasi la sacra scrittura in tal lingua, agevolmente a mio credere, da chiunque non sia soverchiamente preoccupato a di lei favore, scorgesi in essa poca, o niuna pulitezza, e coltura.* Et ego facile concedam sacrorum scriptorum sermonem plerumque simplicissimum esse, nec scripsisse eos universim ἐν πειθοῖς ἀνθρωπίνης σοφίας λόγοις in *suaforiis humanæ sapientiæ verbis*, aut ut saperent ὑπεροχὴν λόγου ἢ σοφίας *sublimitatem sermonis, aut sapientiæ*, ut Paul-

(1) Appar. Bibl. Proleg. III. §. 27.

(2) Cap. I. p. 3.

(3) Trattato della Lingua Ebraica, e sue Affini Cap. I. Sez. I. n. 5.

lus testatur (1), sed potius ostensionem spiritus, & virtutis; quamobrem & nonnullorum stylum inelegantem plane esse, agrestem, incomptum. Etenim Sanctus Spiritus cuiuslibet scriptoris labio, & loquelæ se accommodavit, suosque afflatus ad ingenium prophetarum, & hominum mores temperavit, ut optime docet Maimonides in Morè Nevochim (2): *scito unumquemque prophetam peculiare quid habere, & ea lingua, eaque loquendi ratione, quæ ipsi est familiaris, & consueta, impelli a prophetia sua ad loquendum ei, qui ipsum intelligit.* Id est, ut præclare ex Hebræis Commentatoribus ad hunc Maimonidis locum notat Buxtorfius filius (3), *si purum, & ornatum sermonem, vel stylum habet, eodem modo prophetiam suam eloquitur; si minus ornatum, minus ornate quoque prophetiam suam profert.* Quo fit, ut uno eodemque spiritu afflati scriptores unus tamen disertus sit, alter vero rudis, & inconcinnus: *quemadmodum flatus, inquit doctis.* Huetius (4), *uno ore emissus pro calamorum varietate varios sonos edit e fistula.* An forte Amosum disertum appellabimus. Quia pastor ipse erat, & rusticus, hinc eloquio ceteris multo incomptior videtur. Legatur tamen Isaïas. Quæ in dicendo efficacia, qui sermonis color, & pulchritudo, quæ phrasium elegantia, quæ maiestas ubique conspicitur! *De Isaïa*

(1) I. Cor. II. 4. & 1.

(2) Part. II. Cap. XXIX. fere sub init.

(3) In lat. vers. ej. Moreh p. 264.

(4) Demonstr. Evangel. Prop. IV. Cap. XIV. p. 338.

sciendum, sic Paullam, & Eustochium monebat Hieronymus (1), quod in sermone suo disertus sit: quippe ut vir nobilis, & urbanæ eloquentiæ, nec habens quidquam in eloquio rusticitatis admixtum; unde accidit, ut præ ceteris florem sermonis eius translatio non potuerit conservare. Nec enim, ut eruditi observant, ullos reperire fas est apud Tullium singulares, animumque mulcentes dicendi modos, ullos tropos, & rhetoricas figuras, ullas locutionis formas ad suadendum concinne excogitatas, aut ad feriendum mire compositas, quæ omnia in Esaia vaticiniis, & stylo non reperiantur. Testor hic, inquit Mornæus (2), quicumque eadem mente, eodem animi statu utrumque legerunt; quid ad Esaiam Cicero? Et quid Ciceronis blandæ illæ insinuationes, & pueriles ignorantiae excusationes ad viva, & gravia, venerandaque ipsa maiestate Esaia exordia? Et productis Esaia verbis, quibus universam prophetiam auspicatur, *Audite Cæli, & auribus percipe, terra, Quantum pauca hæc*, subdit, ingenuitatis, & eloquentiæ, humilitatis, & grandiloquentiæ, rationis, & affectus habent? Quanto vero magis, quibus tum lingua ipsa, tum naturalis accentuum concentus nota sunt? Ita & Bibliander in Esaia verbis hebraicæ sacrorum scriptorum eloquentiæ, ac leporis exemplum ponebat luculentissimum (3): non neglecta est ab iis numerosa compositio orationis, ut præter vulgarem con-

(1) Præf. in Transl. Isaia.

(2) De Verit. Relig. Christ. Cap. XXVI.

(3) Apud Glaff. in Præf. ad Philol. S. p. 21.

ſuetudinem multa enunciarent in aurium gratiam. Cuius rei ſatis certam fidem Eſaiæ voces bellæ, compoſitæ, & emblemata teſſellata Cap. XXV. poſita facient, quæ ſic meas aures demulcent, ut non putem Iſocratis tinnulam compoſitionem maiori ſuarvitate blanditam vel delicatiſſimis Græcis; cumque cernam artis rhetoricæ normas, ad quas exigitur compoſitionis lepor, alluſionem, & repetitionem vocum, ſimiles exitus, parilitatem ſyllabarum, non puto me hic habere Midæ auriculas. Sic enim clariffimus in eloquio ſacro Rhetor locutus eſt (1):

ועשה יהוה צבאות
 לכל העמים בהר הזה משה שמנים שמרים
 Veasà Jehovà memuchaim memuchaim memuchaim
 Zevaoth lechol haanim babar aſeh miſcthe ſchemanim;
 miſcthe ſchemarim, ſchemanim memuchaim, ſchemarim
 meſukkakim. Non puto quemquam ſic jacenti aure, vel ſacræ literaturæ adverſum, quin fateatur, in hoc, & innumeris aliis id genus Ebraico ſermoni etiam eſſe ſuas veneres, & gratias. Conſule, ſi lubet, Salomonis Glaſſii Philologiam Sacram, ubi agens præcipue de ſacrorum ſcriptorum Grammatica, & Rhetorica, accurate prorſus ſingulas ſive grammaticas, ſive rhetoricas, quas illi in ſacroſancta hac lingua uſurparunt, figuras perſequitur, productiſque uberrimis exemplis illuſtrat (2). Hinc edifcet Pater Finetti, quique ob effectam Hebraicarum litterarum barba-

(1) Cap. XXV. verſ. 6.

(2) Joannes etiam Baldovius Orationem auſpic. habuit, & edidit, in qua adſtruitur Hebraam linguam eſſe pronuntiati ſuaviſſimam, elegantius utiliſſimam. 8. Lipſ. 1624.

riem patiuntur se ab illis abduci, non male elegantes eas, cultasque posuisse Waltonum virum in hac litteratura exercitatissimum, quo earum perfectio evinceretur: *veneres etiam suas habet* (ling. Heb.), *quas nulla alia lingua exprimere potest* (1).

C A P. X I I.

*Demum & difficilem esse admodum, ut nonnisi gravi
sive temporis jactura, sive ceter. studior. incom-
modo, ætate præsertim paullisper pro-
vecta, addisci queat.*

Inter gravissimas causas non susceptæ a nonnullis Hebraic. litt. institutionis dubitari nequit, quin locum obtineat singularis quædam, ac pene incredibilis conficta ab iis eius adsequendæ difficultas; quam propterea hoc loco excutiendam adgredimur. Idem enim in Hebraicis studiis contingit, quod in Rabbinicis testatur Adrianus Relandus (2) nulla re æque ab iis deterreri, *quam insuperabili, quam sibi imaginantur, difficultate*. Ita Secundus Lancelloti de Hebraica lingua sermonem instituens, *stando*, inquit (3), *nell' Hebrea va di pari in essa la divinità, e la difficoltà d' impararla*. Quod quum proposito Hieronymi testimonio, atque Augustini huius linguæ ignoratione con-

(1) App. Bibl. Prol. III. §. 27.

(2) Prolegom. ad Analecta Rabbinica.

(3) Hoggidi, ovvero gli Ingegni non inferiori a passati. Dising. IX.

firmasset, tandem concludit: *il che tutto mostra, che'l darfi a questo studio sia da ingegno grande, e non ordinario.* Erasmus etiam scribens ad Joannem Coletum (1) cœpisse se afferebat & Hebraicas litteras attingere, peregrinitate tamen sermonis deterritum destitisse. Quod idem & multos candidatos cohibet, ne disciplinam hanc laudabiliter adeo susceptam persequantur. Nec porro is sum, qui aliquam non requiri industriam, & solertiam in addiscenda hac lingua existimem. Laboribus enim cuncta nobis venduntur bona juxta Xenophontis effatum, quodque præclarum est, idem quoque est arduum, si Tullio credimus (2). Et magis demum *condecet*, ut præclare olim ad Damasum scribebat Hieronymus, *ob veritatem laborare paullisper, & peregrino aurem accommodare sermoni, quam de aliena lingua fictam ferre sententiam.* Tanta tamen non est difficultas, animique defatigatio, ut absterreri propterea debeamus. Quod clarissimorum virorum, qui experti sunt, testimonio comprobari potest. Tandem, inquit Waltonus (3), *si linguæ tantæ dignitatis, perfectionis, elegantiae, & utilitatis, etiam addiscendi facilitatem addamus, quid amplius desiderari potest?* Ita Guarinus in Præfatione ad suam Grammaticam Hebræo-Chald. (4) ex eius huius linguæ facilitate nos ad eam adhortatur: *eo majori stu-*

(1) Lib. Epistolar. X. Cap. VIII.

(2) De Amicit., & 3. Tusc.

(3) App. Bibl. Proleg. III. §. 28.

(4) Parte I. ej. Præf.

dio ad linguæ huius cognitionem adipiscendam ferri debetis, quod sit omnium facillima. Immo plures editis peculiaribus Dissertationibus de huius linguæ facilitate egerunt, ut Lehmannus (1), Gudius (2), Schudtius (3), Baumeisterus (4), Sixtinus Amama (5), aliique adhuc memorati sive a Christoph. Wolfio in Bibliot. Heb. (6), sive a Joh. Simonis in sua Introduct. Grammatico-Critica in ling. Heb. (7).

Si sane tempus exiguum, quo quisque Heb. ling. sibi comparare facile potest, si eius naturam, & in legibus analogiam, si exiguam vocabulorum, ac radicum copiam, si subsidia optima, & plurima, quæ hoc tempore extant, si demum puerorum, senum, & foeminarum etiam in ea profectus, quis facillimam eam non fateatur? Quod ad tempus attinet, *talis est hæc lingua*, ait Waltonus (8), *ut haud decimam temporis, & laboris postulet, quam Latina, vel Græca, ut tradunt eius insigniores Magistri; si quis enim menses aliquot in eam impendat (menses, non annos, sic Erpenius) facile bonos progressus in ea faciet.* Sixtinus autem Amama apud Waltonum bimestrem, vel trimestrem industriam sufficere asserbat, ut mediocriter

(1) Diff. De Heb. L. facilitate 4. Erfurti 1708.

(2) Diff. De Præc. Studii Heb. L. Impedimentis §. 24.

(3) In Deliciis Hebræo-Philol.

(4) Diff. De L. Heb. maturius addiscenda §. 7.

(5) In Paræn. De Excit. S. Ling. Studiis.

(6) V. Tom. II. p. 309. seqq.

(7) Sect. I. §. 10. p. 20. seqq.

(8) Commem. Proleg. III., & cit. §. 28.

diocriter quispiam hanc linguam addisceret. Neque enim, ut eius facilitatem evincamus, inconsiderato eorum testimonio egemus, qui longe minus temporis spatium institutioni circumscribunt. Quanquam singularia in viris singularis quoque ingenii, ac facultatis exempla non desunt; nam Picus Comes Mirandulanus in Epistola ad Marsilium Ficinum asserit se unius tantum mensis spatio ita Hebraicas litteras didicisse, ut Hebraicam Epistolam citra erratum dictare potuerit. De Origene vero testatur Hieronymus (1) universam Græciam in illo miratam esse, *quod in paucis, non dicam, mensibus, sed diebus ita Hebrææ linguæ vicisset difficultates, ut in discendis, canendisque Psalmis cum matre contenderet. Quod non est adeo, cur in ingeniosissimis præcipue viris miremur; qui perperam propterea in exemplum a nobis traherentur. Vehementer potius miror nonnullos extare, qui commode Hebraicam linguam intra vigintiquatuor horas, aut (mirabile dictu!) etiam intra horam unam addisci posse definiant. Ex quibus est recentior Grammaticus Weitnauer Soc. Jesu in Hora Hebraica (2): Horam unam, inquit, lector benevole, si mihi spondes, viam tibi ostendam usque adeo brevem, ut divinorum librorum partes omnes, utique ope lexi, sed sine alio magistro, sine labore alio novo, sine temporis dispendio ullo per te ipse interpretari tibi,*
Bb

(1) Epist. ad Paullam ep. 22.

(2) In Modo addisc. intra breviss. temp. linguas Gall., Hisp., Græc., Heb. &c. Præf. ad Horam Heb.

aliisve possis. Et quod mirabilius est, interpretetur optimo, & felici successu, quin vel Hebraica verba pronunciare cognoverit: ego vero, inquis, ne pronunciandi quidem modum tam peregrinum intra unius horæ intervallum didicero. Assentior hoc tibi, lector; sed tantum non peto. Sine pronunciandi notitia intelliges tamen omnia, & explicabis. O mirandum doctorem! Sed interim valde vereor, ne hanc brevem adeo addiscendæ huius linguæ viam ipsis ignavis probare queat, quibus se solum scripsisse ingenue fatetur: ego iis loquor, qui labori parcere desiderant. Et ipsi enim ridiculum tantum præceptorem habebunt. Non horum diximus testimonio nos egere; ni difficiles adhuc ex litteræ dicendæ sint, in quibus diligenti iis navata paucorum mensium opera non contemnendos tamen progressus effecisse visi sibi sunt eruditi moderatiores.

Jam vero si Heb. linguæ naturam, & adfectiones perpendimus, *Quis eam, ut Guarini verbis utar, & demonstratione (1), quod sit difficilis, merito conquerratur? Longe paucioribus anomalis, quam alia pleraque idiomata, laborat; & quæ in ea reperiuntur, illæ maiorem sui partem regulis ad analogiam facile revocantur. In illa non variantur nominum casus. Verba, si variam temporum inflexionem attendas, destituuntur modis: septemplex eorum flectendorum ratio, quæ inexpertos terrere solet, & faciliior, & brevior est, quam vel unica latini verbi acti-*

(1) Cit. Præf. ad Gram. Hebræo Chald.

va, aut passiva coniugatio. Vocum in oratione series institutum a natura sequitur ut plurimum ordinem; neque illæ, ut in Græca, & Latina lingua fieri solet, fere traiciuntur. Denique in uno Veteri Test. continentur vocabula omnia, quæ supersunt, pura puta Hebraica. Ex quo fit, ut qui mensium aliquot laborem hoc in studio impenderit, is haud mediocrem Hebræi codicis adepturus sit intelligentiam. Quod idem de lingua Hebræa, quam barbaram Græcorum more appellat, agnovit, & prodidit Amelius Græcus scriptor Plotini discipulus: ἔχει δὲ, inquit (1), βαρβαρα ὀνόματα, πολλῶ μὲν ἔμφασι, πολλῶ δὲ συντομίαν, ἀμφιβολίας τε ἐλάττονος μετέσχηκε, καὶ ποικιλίας, καὶ τῇ πληθὺς τῶν λέξεων habet autem, quæ barbarata vocatur, multam quidem emphasim, multam vero brevitatem, & ambiguitatis in sermone minus particeps fuit, & minus varietatis, & copię dictionum. De exiguuo autem Hebraicarum dictionum, & radicum numero audi R. Peripoth Duran Ephodæum vulgo dictum in Mahasseh Ephod (2). וממה שזורה על קצורנו בלשון העברי שאתה רמזת כי כל שרשי המלים שמות ופעלים ומלות הטעם במה שנמצא אצלנו היום ממנו לא יעלה מספרם לשנים אלה ולא יעלה מספר הפעלים מהם לאלה ושרש מאות Et id, quod demonstrat brevitatem nostram in lingua Hebraica est, quod tu invenies omnium radicum dictionum, nominum, & verborum, & dictionum sensus, quantum ex iis hodie apud nos reperitur, non ascendere earum nume-

(1) Apud Nicol. Caussin. Lib. XV. De Eloq. Sacra, & Hum. p. 955.

(2) Cap. VII. sub fin. fol. 30. p. 2. MS. Taurin.

rum ad duo millia , nec ascendere numerum verborum ex illis ad mille , & tercenta. Et quod ad omnes Hebraicas voces , quæ reperiuntur , attinet , Leusdenius , numeratis etiam Chaldaicis , tantum 5642. computavit , cum contra lingua Græca ultra vocabula 80000. complectatur ; Arabica vero adhuc multo plura , ita ut obiiciente Cozri maiorem præ Hebraicæ Arabicæ amplitudinem , ex hac illam commendare olim non potuerit R. Jehuda Levita (1).

Ad hæc si subsidiorum copia accedat , quæ nostris hisce temporibus summo litterarum bono non tam multa , quam optima reperiuntur , quis adhuc dubitare audeat , quin nostra hac tempestate facilis omnino hæc lingua evaserit ? Tot jam nobis præsto sunt Grammatici , & lexicographi , & Philologi Hebræi , ut ceteros , qui linguas Orientales illustrarunt , facile numerare queas , qui autem in eruenda Hebraicæ linguæ natura , & proprietatibus laboraverint , nullomodo valeas. Hodiernos quidem longa producta Auctorum serie , qui de Hebraicis litteris scripserant , suo jam tempore confutabat comm. Lancelloti ita eos alloquens (2) : *Volete toccare con mano , che gli Ingegni Hoggidi sono altra cosa , che non erano intorno a questa difficilissima arte ancora ? Eccovi come un catalogo degl' Ingegni , che la seppero benissimo , e l'insegnarono abbondantemente a loro coëtanei , ed a posterì per mezzo delle stampe ponendo fedelmente , ed in latino l'in-*

(1) Cozri Parte II. §. LXVII. & LXVIII.

(2) Hoggidi , ovvero gli Ingegni non inferiori a passati. Dising. IX. p. 120.

scrittione delle loro Opere. Nicolò Clenardo Tabulæ in Gramm. Hebræam &c. Verum vix centesimam eorum partem attingit, qui nostris hisce litteris lucem attulerunt. Consule de Hebraicarum institutionum, & lexicorum, quæ innumeris auctoribus, & locis, & temporibus prodire, copia Richard. Simon. in *Historia Critica V. T.* (1), Pfeifferum in *Præf. ad Method Heb.*, Auctorem Anon. *Examinis Danzii Litteratoris* (2), Christian. Stokium in *Præf. ad Clavem Linguae Sanctæ*, Le-Longium in *Bibliotheca Sacra* (3), Christophor. Wolfium tum in *Historia Lexicorum Hebraicorum*, tum vero in *Biblioth. Heb.* (4), Carpovium, qui in *Animadversionibus Philologicis* a Wolfio omissos recensuit (5), & Joh. denique Simonis in *Introductione Grammatico-Critica in ling. Heb.* (6). Mirum sane, quot, & quanti viri publicæ utilitati, ac commodo in hac re consuluerint, & quot nostris votis, & quanta pro Heb. lingua subsidia accefferint! Sed quod fere adiuumentum est, quod institutioni nostræ una Buxtorfiorum familia desiderandum reliquerit (7)? Nam

(1) Lib. I. Cap. XXX. & XXXI. enumerat Grammaticos Hebr.

(2) Sect. II. recensentur Gram., & Lexic.

(3) Sub fin. postrem. Edit. in fol. veluti Append. loco memor. subsidia L.L.OO.

(4) Vol. II. p. 600. & seqq. usq. ad p. 621., Vol. IV. p. 272. seqq. enumerat huius ling. Grammaticos; enum. vero Lexicogr. Vol. II. p. 548. & seqq. usque ad p. 565., & Vol. IV. p. 233. usq. ad 248.

(5) Gramm. a Wolf. omiss. recenset p. 47. & seqq., Lexicogr. p. 50. seqq.

(6) Sect. I. Cap. IV. §. 27. & 28. de Gramm. §. 29. & 30. p. 46. seq. de Lexic.

(7) Ante Buxtorf. Philebræis multa adhuc libror. præcipue subsidia defuisse colligi potest ex Epist. 243. Jos. Scaligeri ad eundem Buxt. *Quod mi-*

non solum optimum, & accuratiorem huius linguæ Grammaticum Thesaurum (1), aut in Tironum gratiam Heb. Gram. Epitome (2) ab iis obtinuimus, sed & Profodiam Metricam tum fusius, tum vero accuratius multo, quam antea, pertractatam (3). Porro lexicon Hebræo-Chaldaicum Biblicum edidit Pater (4), cui sub finem & Rabbinicum adiectum est. Eius autem Manuale Hebraicum, & Chaldaicum (5) Basileæ item lucem adspexit; ut nihil de Florilegio Hebraico, aut de lexico Talmudico-Rabbinico Patris, & filii triginta annorum laboribus celebrato opere (6) dicam. Hebraicarum epistolarum corpus aliquod, quo ad exercitationem adiuuaretur Philebræa juvenus, postulante vehementer Scaligero in lucem Pater edidit (7). Edidit & præter Institutionem epistolarem Hebraicam Tractatum de Abbreuiaturis Hebræorum, quo in legendis, interpretandisque Hebraicis scriptis, ubi eæ crebro occurrunt, non adeo ad aquas hæreere amplius cogemur (8). Jam vero ut Hebraica scripta, eorum-

nus in Hebraicis profecerim, id partim ingenioli tenuitati, partim librorum, & Magistr. penuriæ adscribo.

- (1) 8. Basil. 1619. 1629. 1651. 1663. &c.
- (2) Basil. 1605. 1613. 1616. 1629. 1640. 1658. &c.
- (3) Sub fin. Thesauri, & in Calc. Cozri Buxt. edit.
- (4) 8. 1607. Basil. & sexcent. dein recus.
- (5) 12. An. 1612. 1619. 1630. &c.
- (6) Fol. Basil. 1639.
- (7) Epistolar. Decadem edidit primum an. 1605. dein edita est ann. 1660.
- 8. Bas. Institutio Epistolar. complectens 100. Epist. Heb.
- (8) Primum cum Bibliot. Rabb. 1613. 1640. 1696. ac denique Herbornæ

que auctores, & editionem dignosceremus, vulgavit & Rabbinicam Bibliothecam (1). Quid adhuc post tot præsidia peroptandum nobis supererat? An ut Biblia Hebraica cum Targum, Masora, & præcipuis Rabbinorum commentariis in nostri commodum, & usum accuratissime ederet? An ut eius studio Hebraicas sacri textus concordantias, & clavem insuper totius Masoræ haberemus? In omnibus his votis nostris adfuit vir solertissimus (2). Filius vero sequens & ipse Patris vestigia præter multa, quæ de huius linguæ origine, & antiquitate, eius conservatione, & propagatione, eius demum litterarum, punctorumque vocalium antiquitate disputavit (3), optimas reliquit versiones nonnullarum Abarbanelis Dissertationum (4), Moreh Nevochim Mosis Maimonidis (5), & libri Cozri R. Jehudæ Levitæ (6).

Quot vero præter Buxtorfios in illustranda hac lingua optime operam suam collocarunt? Quot innumeris modis unam Hebraicorum vocabulorum vim, & naturam aperuerunt? Erat ne hæc ex locorum,

1708. 8. Eius supplem. exhibet Wolfius Bibliot. Heb. Vol. II. p. 575. seqq., & Vol. IV. p. 251. seqq.

- (1) Basil. 1613. 12. Accuratius dein hoc Hotting., Bartoloc., & Wolf. præstiterunt.
- (2) Biblia Hebræo-Rabbin. Basil. 1619. fol. IV. Vol., Concordantiæ Heb. fol. Basil. 1632., Tibérias, seu Comment. Masor. fol. & 4, Bas. 1620. &c.
- (3) In Dissertationib. Philol. Theol. Basil. 4. 1662., & Tract. De Punctor. Voc. Orig., Antiq. &c. 4. Basil. 1648., & Anticrit., seu Vind. Verit. Heb. 4. Basil. 1653.
- (4) Adnexæ sunt Dissert. Philol. Theol.
- (5) 4. Basil. 1629.
- (6) 4. Ibid. 1660.

qui in Hebræo textu occurrunt, collatione, aut ex Rabbinorum, & vetustiorum Hebræorum scriptis repetenda? Id Reuchlinus omnium primus, & post ipsum Pagninus, Mercerus, Cevallerius, Bertramus, Aquinas, Plantavitius, Cocceius, alique plurimi præstiterunt. Sed si cuiquam absonum forte id videatur Rabbinorum expositionibus fidere, censeatque ex solis Bibliorum thesauris unice eruendum esse vocum significatum, in illius gratiam hoc perfecit Forsterus. Quemadmodum & eorum votis, qui nomina propria ex plerisque lexicographis omissa exoptare videbantur, Marcus Marinus adfuit in sua **תבת נח** Arca Noach. Si expetuntur vocum analyses, præsto est lexicon Hebraicum Henrici Opitii; si in singulas radices, & voces V. T. observationes Philologico-Theologicæ, adest Eduardi Leighii Critica Sacra; aut, si placet juxta capitum, & verbum Biblicorum seriem in Hebraica verba inquirere, Clavis Hebræi Codicis Joachimi Langii. Quid vero si Hebraicarum vocum significatio ex Græcorum interpretum translationibus sit illustranda? Id Bernardus de Montfaucon, & Guarinus in suis lexicis intenderunt. Quid si origines Hebraicæ ex Arabicæ penetralibus revocandæ? Id præ ceteris Schultensius, & Clodius perfecerunt. Harmoniam cum matre Hottingerus, Castellus, Gerhardus, Nicolai, alique adhuc persequuti sunt; speciales vero vocum significationes a generalibus, proprias ab impropriis accurate

accurate distinguendas susceperunt Stockius, & Rechembergerus. Si demum alicuius labor exquiratur, qui reiectis communibus fontibus, unde ceteri omnes Hebraicarum dictionum, & radicum significatus dimetiebantur, Hebraicam linguam in seipsa, & suo fonte metaphysicis rationibus speculetur, novam hebraizandi viam in suis huius linguæ commentariis pandit Guffetius. Quæ igitur alia illustrandæ Hebraicorum vocabulorum naturæ via, aut ratio superest post tot, & tantorum virorum studia? Si vero *in hoc litteraturæ genere*, quod sentit Saubertus (1), *facilius discitur ספרים ולא מפי סופרים* ex ore scribarum, siue præceptorum, quam ex ore librorum, nequit fane hac tempestate doctorum inopia difficilem reddere Hebraicarum litterarum adsequutionem; quum dolendum potius eruditis sit, non doctores discipulis, sed doctorum sedulitati, & institutioni candidatos deficere. Porro hæc adsequendæ huius linguæ disciplinæ siue librorum, siue præceptorum commoda, & subsidia non aderant Hieronymi tempore; quamobrem & sancto viro difficilis fane in hisce litteris institutio contigit, ut ipse testatur Epist. IV. *Quid ibi laboris insumpserim, quid sustinuerim difficultatis, quoties desperaverim, quoties cessaverim, & contentione discendi rursus inceperim, testis est conscientia tam mea, qui passus sum, quam eorum, qui mecum du-*

Cc

(1) Præf. ad Interp. lat. I. Paraschæ Genesis R. Jacob ben Itzhach, quam ipse edidit, apud Wolf. Bibliot. Heb. Vol. III. p. 469.

xerunt vitam, & gratias ago Domino, qui de amaro semine litterarum dulces fructus capio. Male ergo, & præter rem Hieronymi exemplo, & testimonio usus est Lancelloti, ut linguæ Heb. difficultatem adstrueret.

Sed quis præterea non miraretur in tanta, quæ fingitur, huiusce linguæ difficultate tenellos adhuc pueros, provectosque etiam senes nullo eam negotio didicisse? Quot mulieres quoque singularem plane in Hebraicis litteris laudem sunt adsequentæ? Celebrantur ab eruditis in Gallia Princeps Anna Rohannia (1), Domina de Guimene (2), Domina de Calonges (3), Maria Molinæa (4); in Hispania Juliana Morella (5), Loisa Sygæa (6); in Germania vero, Batavia, Anglia, aliisque regionibus multæ florere Hebraice doctissimæ. Unam ex omnibus nominasse sufficiat Mariam Annam a Schurman Coloniensem, cuius Hebraicam eruditionem edita eius opuscula invictè demonstrant (7). Ergone difficulter adeo nos poterimus, quod tot mulieres facillimo negotio, & laudabiliter potuerunt? Sed experire jam, quisquis ab addiscenda hac lingua ob eius difficultatem deterreris, & miraberis sane, quomodo tam brevi tempore tot in ea fructus subiti tibi, ac inspe-

(1) V. Colom. Gallia Orient. edit. Fabr. p. 165.

(2) Ibid. p. 261.

(3) V. Test. Bocharti apud eund. Colom. ib. p. 271.

(4) Ibidem p. 272.

(5) V. Colom. Hispan. Orient. p. 251.

(6) Ibid. p. 237.

(7) V. l'Advocat Diction. Histor. Tom. III, p. 316.

rati contingant. Schultensius quoque, is, qui in litteris Arabicis Erpenium ipsum si non superavit, at certe æquavit, antequam illas adgrederetur, hoc præjudicio tenebatur, quod omnium difficillimas arbitraretur, nec Erpenio aliter suadenti crederet. Verum quum experiri cœpit, tum cœpit etiam incredibilem in iis addiscendis facilitatem non tam agnoscere, quam admirari. *Quum jam satis firmus, inquit (1), mihi viderer pro Arabicis, quæ omnium difficillima imaginabar, non sine admiratione legebam in Præfatione cl. Erpenii ad Rudimenta linguæ Arabicæ eam a magno illo viro studiosis Theologiæ commendari, ut omnium dialectorum facillimam. . . . Mentem percussit Paradoxum; & quiescere non potui, donec incredibilis rei experimentum cæpisssem. Cæpi, & manductione Amici spatio unius mensis usus verissimum esse comperi, quod cl. Erpenius de mira ista facilitate dixerat, simulque demirari cæpi, litteraturæ Orientalis agrum tam divitem, ac fertilem adeo paucos cultores reperire. Hæc Schultensius de litteris Arabicis, quæ profecto Hebraicis sunt difficiliores. Itaque quoniam imaginaria tantum in te est harum litterarum difficultas, evanescet hæc statim, quum ab animo arcebitur falsa opinio, & tetra fictæ difficultatis species auferetur. Tum demum (linguæ) faciles sunt, inquit Christianus Ravius (2), quando omnis falsa species iis adempta, omnis terror ex alie-*

(1) In Vetere, & Regia via hebraizandi num., vel §. 9. p. 5.

(2) Panegyrica I. De LL. Orient.

no metu dependens, communes esse cæperint. Optime, & ad rem Terentius (1):

*Hæc dum incipias, gravia sunt,
Dumque ignores: ubi cognoris, facilia.*

Sed quoniam sunt nonnulli, qui ætate saltem paulisper provecta difficilem Hebraicarum litterarum institutionem arbitrentur, gravem admodum, eaque pene dixerim indignam, nequeo, quin iis plurimum, non provectæ tantum ætatis, sed & ingravescentis senectæ virorum exempla obiiciam, qui, quod huius linguæ necessitatem agnoverint, senes ut erant, & curis undique circumsepti, maxima tamen cum laude eam didicerunt. Erasmus plures eiusmodi se suis temporibus enumerare potuisse testatur scribens ad Martinum Dorpium (2): *possem tibi permultos enumerare nominatim, qui cani jam cæperint in his litteris (Hebraicis, & Græcis) repuerascere, quod tandem animadvertissent sine his mancum, ac cæcum esse litterarum studium.* Perfecit id autem Buxtorfius Nepos in Philologico-Theologicis suis Catalectis tmemate CCXXX. (3), quod propterea operæ pretium ducimus integrum afferre. „Memini, inquit, me legere exempla quorundam, „qui cum ipsis jam in senium ætas vergeret, aliorum, qui in extrema senectute linguam Heb. non

(1) In Heautont. Rumen. Act. V. Scen. V.

(2) Lib. Epist. XXXI. Epist. XLII.

(3) Pag. 284.

„ infeliciter didicere, quæ cum memoratu digna
 „ sint, hinc illinc collecta referre non pigebit, non
 „ quidem, quod in senium differendum esse putem
 „ huius linguæ studium, sed ne ii, quorum floridior
 „ ætas occasione, & mediis discendi destituta fuit,
 „ animum prorsus despondeant. Et de Origene qui-
 „ dem Hieronymus in catalogo scriptorum Eccles.
 „ testatur illum jam grandævum *contra naturam æta-*
 „ *tis, & gentis suæ* Hebraice didicisse. De Johanne
 „ Sturmio magni nominis viro refert Sixtinus Ama-
 „ ma in *Parænesi ad Synodos, Episcopos, & superin-*
 „ *tendentes Ecclesiarum Protestantium* eum septuagesimo
 „ ætatis anno ad linguam Hebræam sese applicuis-
 „ se. Celebris Dominicanus Bannesius alicubi (1)
 „ ait se, ne amplius ab Hæreticis rideretur, in
 „ extrema senectâ Hebraicam linguam didicisse.
 „ Desiderius Erasmus se anno ætatis quinquagesimo
 „ tertio studia Hebraica recoluisse affirmat. Cl. Sal-
 „ masius pene senex Hebraica didicit, *cum animad-*
 „ *verteret illa studiis suis deesse*, uti scripsit ipse ad
 „ Hugon. Grotium. Eruditissimus Rhenferdus in il-
 „ lustri Frisiorum Academia Professor hodie cele-
 „ berrimus in Ep. quadam ad Sam. Koenig. huius
 „ *specimini Disputationum Gemaricarum* annexa com-
 „ memorat, illustris Scaligerum sexagenarium Ju-
 „ dæis magistris usum fuisse. „ Quibus non dubito,
 „ quin plures adhuc a Buxtorfio omitti addi queant,

(1) Id ait Bannes in I. Par. D. Th. q. 1. ar. 8. p. 56. concl. 7.

propterea quod in eius notitiam non venerint. In primis Joannes Parvus, quem novissime tantum sibi observatum nonnisi tmemate CCLXIX. commemorat, de quo Nicolaus Clenardus (1): *is cum annos natus esset sexaginta duos, non contentus græcis literis, quas occupatissimus templi functionibus didicit, a me etiam initiatus est Hebraicis, quas nocturnis vigiliis tam ardentè concupivit, ut paucis mensibus sine cortice naret, ut utar verbis Horatii.* Dein & addendus Cardin. Caietanus, de quo Arnold. Bootius in sacris suis Animadversionibus (2), *cæpit, inquit, hoc studiorum genus undecim ante mortem annis, ac Commentarios in Psalmos tribus ante ipsam annis vulgavit anno 1530. ipse natus tunc annos 63.* Ut Rudolphum Agricola præteream, quem memorat Simonis (3) senem ex Judæo Wormatiensi Hebraicas litteras didicisse, aliosque eiusmodi, qui plures enumerari possent. Quis porro renuat tantos viros invicte imitari? Quibus profecto nec difficile, nec grave, nec indignum denique fuit sanctas has litteras provectissima etiam ætate addiscere. Quod enim semel necessarium est, id quacumque ætate, & tempore, & quovis modo comparari debet. Et si juxta Senecæ monitum (4): *tandiu discendum est, quandiu nescias, & si proverbio credimus, quandiu vivas,* aut juxta Arabes (5) exqui-

(1) Apud Colomes. Gallia Or. ad Joh. Parv. & ap. eund. Buxt. ib.

(2) In Indice Auct. iisd. Animadv. præfixo sub Caiet.

(3) Introd. Gram. Crit. in ling. Heb. Sect. I. §. 25.

(4) Epist. LXXVI.

(5) Apud Hotting. Hist. Orient. Lib. II. Cap. VI. p. 531.

renda est scientia *من اسلم الى الذبي*

a cunis ad sepulchrum, patet jam nullum esse ætatis nostræ tempus, quod excolendis litteris non sit aptissimum, & quo perdisci a nobis aut nequeat, aut non debeat id, quod ignorari illæso officio nostro nulla ratione potest. Hæc habui, quæ de Hebraicis litteris, earumque usu adversus præcipuas causas, & momenta neglectæ a nonnullis illarum disciplinæ disputarem. Quæ, quamquam pauca sunt, exercendique animi gratia brevi temporis spatio congesta, videntur tamen instituto nostro quoquomodo consentanea. Quotquot sive interpretandis penitus scripturis, sive Hebræis, vel Hæreticis redarguendis studemus, tantarum jam litterarum præsidio nos instruamus. Hoc Augustino, & ceteris Patribus, hoc Summis Pontificibus, hoc Regibus religiosissimis, hoc demum universæ Ecclesiæ exoptandum summopere est, ut quam Deus linguam dignitate adeo, ac necessitate præstantem voluit, hanc adgrediamur, hanc in singulare tum nostri, tum totius Communions nostræ bonum omni contentione, & studio excolamus.

FINIS.

I N D E X

Præcip. Auctorum, eorumque Operum, & Editionum,
quibus usus est Auctor, & sparsim in hoc opus-
culo afferuntur.

In grat. τῶν φίλων βιβλιογραφίας.

- A**ben Ezra (R.) *Perusc Teil.*, & *Cohel*. Extat in Bibliis M. Rabbinic. Bomberg., Buxtorf., & post. ed. Amst. 1724. sub tit. Keiloth Mosce.
- Abraham (R.) ben Dior Levitæ Harifcon *Sepher Hakkabalah* 4. Amst. An. m. f. 471. C. 1711.
- Aben Caspi V. Caspi.
- Advocat (Mr. l') *Dictionnaire Historiq.* 8. 3. vol. Paris. 1765.
- Agobardi (S.) Lugdun. Archiep. *Liber de Judaic. Superstitionibus*. Ext. p. Oper. 76. edit. Paris. 8. 2. vol. 1666.
- Allatii Leon. *Joh. Henr. Hotting. fraudis, & impost. convictus* 8. Romæ 1661.
- Altaras (R. Mosce) *De Mantenimiento de la Alma* 4. an. 5369. C. 1609. Venet.
- Altingii Jacobi *Fundamenta Punctationis Linguae Sanctæ* 8. Francf. ad M. 1746.
- *Dissertatio De Integritate vocis Caari*. Est V. inter eius Dissertationes Philol. 4. Groning. 1671.
- *Diff. De Versionibus Sacræ Scripturæ*. Est II. Diff. Acad. Philol. ib.
- Albo (R. Joseph) *Sepher Hikkarim* 4. Lublini an. min. supp. 357.
- Amasæ (Sixtini) *Antibarbarus Biblic.* 4. Frânequer. 1656.
- Ambrosi. *Enarrationes in Psalmos T. 1.* p. 837. ej. Oper. ed. Maur. 2. vol. fol. Paris. 1686.
- Anfaldi Casti Inn. O. Pr. in hac nostra Taur. Acad. Reg. Theol. Profess. *De Eaco Johannis taliter atque habet Vulgata à notissimis Patribus lecto Diff.* 4. Brixia 1746.
- Augustini Opera affer. ex edit. Maurin. Tom. 11. fol. Paris. 1689.
- Bartolucci *Bibliotheca M. Rabbinica* fol. cum suppl. Imbonati 5. vol. ann. 1675-78-84-93-94.
- Bellarmini *De Verbo Dei*. Extat Tom. 1. Oper. fol. 3. Vol. Lugd. 1590.
- Bernardi (S.) *Sermon. in Cant.* Ext. Tom. 3. Oper. edit. Paris. fol. 1645. 5. Tom. in 2. vol.
- Bocharti Opera fol. vol. 3. Lugd. B. 1692.
- Bonjour Guill. *Diff. De Ægyptiaco Josephi Nomine Tzaphnath Pahaneach a Pharaone imposto* 4. Romæ 1693.
- Bootii Arnoldi *Animadversiones Sacræ ad Text. Heb. V. T. 4.* Lond. 1644.

- Bonfrerii Jac. *Præloquia in S. Script.* Præmittunt. ej. Comm. in Pentat. fol. Antv. 1625. Extant & cum Menoch. Comm. fol. Paris. 1719.
- Borromæi (Card. Frider.) *Libri De Absoluta Colleg. Ambros. in litteris Institutione.*
- Bossuet Meld. Ep. *Défence de la Tradition, & des SS. PP.* Cont. Rich. Sim. Extat Tom. 15. postrem. edit. Liege cæptæ ann. 1766.
- Brucchioli Anton. *I Sacrosanti Libri del vecchio Test. tradotti dalla Ebraica verita in ling. Ital., e con pio, e catolico commento dichiarati.* Vol. 3. fol. Ven. 1540.
- Bukentop (Henr. De) *Or me-Or Lux de Luce libri tres* 4. Bruxel. 1710.
- Buxtorfii Patris *Synagoga Judaica* 8. Basil. 1712.
- *Oratiunc. MS. De Studio Ling. Heb.* Ex Buxt. Nepot. Catalect. n. 268.
- *Grammatica Chaldaico-Syriaca* 8. Basil. 1650.
- Buxtorfii Filii *More Nevochim Doctör Perplexorum* Maimon. Latin. vers. 4. Basil. 1629.
- *Liber Cozzi R. Jehudæ Lev.* Lat. vers. 4. Basil. 1660.
- Buxtorfii Nepotis *Sepher Hachevutzim, seu Catalecta Philologico-Theologica.* 8. Basil. 1707.
- Calmeti *Præfatio Generalis in V. T. libros.* Extat Tom. 1. ej. Comm. in S. Scrip.
- *Dissertationes in omnes S. Scrip. libros* fol. 2. vol. Ven. 1734.
- Cani Melch. *De Locis Theologicis* 4. Viennæ 1754.
- Capelli *Defens. Criticæ S. Subiic.* ej. Crit. S. fol. Paris. 1650.
- Cassini *De Sacris Lib. Vulg. Edit. Sixti V., & Clem. VIII. auctoritate recognitis Theses Selectæ* 4. Romæ 1753.
- Cartwright Christoph. *Præf. ad Electa Targumico-Rabbin.* Extat Tom. 1. Critic. Sacr.
- Carpovii Pauli Theodori *Animadvers. Philologico-Critico-Sacræ* 4. Lips. 1740.
- Caspi (R. Joseph Aben) *Sculchan Hachefeph, seu Mensa Argentea.* Extat MS. in hac Reg. Taur. Bibliot. Cod. XCVII. a. II. 22. pag. cod. 165.
- Cassiodori *Institutiones Divinar. Lætion.* 8. Antv. 1566.
- Cassini Nicolai *De Eloquentia Sacra & Humana.* 4. Lugd. 1643.
- Chaiim (R. Jacob) *Opus Masoreth, seu Collectio utriusq. Masoræ.* Reperitur in Bibliis Rabbin. Bomberg. aliisq. edit.
- Cellarii Christoph. *Sciagraphia Philologiæ Sacræ* 4. Jenæ 1678.
- Coch, vel Cocceii Jo. *Duo Tituli Thalmudici Sanhedrin, & Maccosh* 4. Amst. 1629.
- Codices MSS. Bibliothecæ Regiæ Taurinensis Athenæi* fol. 2. vol. Taur. 1749.
- Colomessii Pauli *Gallia Orient.* inter eius opera ex edit. Fabricii 4. Hamb. 1709.
- *Italia, & Hispania Orientalis* ex edit. Christ. Wolfii 4. Hamb. 1730.
- Critici Sacri cum Thesauris fol. 13. vol. Amst. 1698. 1732.
- Cunxi *De Republ. Hebraor.* 12. Amst. 1666.

- De Dieu Lud. *Animadv. in N. T. libros omnes* 4. Leidæ 1648.
- De Rosli, vel lat. De Rubeis (R. Azarias) *Meor Henaim. sive lumen oculorum* 4. Mantuæ 334. Chr. 1574.
- Druſii Jo. *Libri Observat.* 8. Antv. 1584., & Critic. S. Tom. 8. p. 179.
- *Quæſtionum Hebr. libri* 3. 12. 1599.
- Driedo *Libri De Translationib. S. Script.* est 11. liber 4. libror. Ifagogic. de Eccl. ſcripturis fol. Antv. 1543.
- Dupin Eliæ *Diſſertation Preliminare ſur la Bible* 4. Amſt. 1701.
- Ej. *Bibliot. des Auteurs Eccleſ.* 4. Pariſ. 1693. vol. 11.
- Eliæ Levitæ (R.) *Tisbi*, ſeu *Lex. Heb.-Chald.* Select. voc. ex edit. Hebr.-Lat. Paulli Fagii 4. Baſil. 1557.
- Ephodæi V. R. Peripoth Duran.
- Eraſmi Roterod. *Epistolæ* fol. Lond. 1642.
- Fabri Georg. *Epist. Dedic. præfixa ej. Inſtitut. Gram. Heb.* 8. 1626.
- Fabricii Jo. *Hiſtoria Bibliothecæ Fabricianæ* 4. Wolfenbutteli an. 1722. 6. vol.
- Finetti *Trattato della Lingua Ebraica, e ſue Affini* 8. Ven. 1756.
- Fleury Cl. *Traité du Choix, & de la Conduite des Etudes* 8. Pariſ. 1753.
- Forerſii Franc. *Præſ. in Comm. Iſ.* Ext. T. 1. Critic. Sac.
- Forſterii Jo. *Præſ. ad Diſſion. Heb.* Nov. fol. Baſil. 1557.
- Frifchmuthi Jo. *Diſſert. De Meſſiæ manuum, & pedum perforat.* Extat p. 611. Tom. 1. Theſauri Theol. Philol., ſeu Syll. Diſſert. ad Selecta loca V., & N. T. Theologorum Proteſt. fol. 2. vol. Amſt. 1701.
- Galatini *De Arcanis Cath. veritatis, hoc eſt in omnia diffi. loca V. T. ex Talmude, aliſq. Hebræor. libris Commentarius* fol. Baſil. 1561.
- Genebrardi *Comm. in Pſal.* 4. Colon. Agrip. 1615.
- Gerberti Martini *Apparatus ad Erudition. Theologic.* 8. 1764.
- Glaſſii Salomon. *Philologia Sacra* 4. Lipſ. 1705.
- Gratiani Decret. Diſt. IX., & ej. Gloſſa.
- Guarini Petri *Præſ. ad Gramm. Hebræo-Chald.* 4. 2. vol. Pariſ. 1724.
- Guffetii *Commentarii Ling. Heb.* fol. Amſterd. 1702., & 4. Lipſ. 1744.
- Hartmanni Pirchè av. *Capitula Patrum, ſeu Ethica Hebræa* 4. Gieſſæ 1708.
- Henrici Stephani *Diſſ. De Stylo N. T. Græco* ej. edit. N. T. Græcæ 1576. præfixa.
- Hieronymi Opera afferuntur ex edit. Martianay Pariſ. 1693 - 1706. 5. vol. fol.
- Hottingeri Jo. Henr. *Grammat. IV. LL. Hebr. - Chald. &c. Harmonica* 4. Heild. 1659.
- *Theſaurus Philologicus, ſeu Clavis Scripturæ* 4. Tiguri 1696.
- *Bibliotheca Orient.* 4. Heild. 1658.
- *Præſ. ad Godvini Moſen, & Aaron.* Tom. 3. Ugolin. Theſ.
- Huetii Dan. *De Claris Interpretibus, & De Optimo Genere interpr.* 12. Ven. 1758.
- *Demonſtratio Evangelica* 4. 2. vol. Ven. 1754.
- Jehuda Levitæ (R.) *Cofri* ex edit. Heb. L. Bux. V. Buxt.

- Jesús Junior. *Ecclesiastici Interp. Prologus ad Eccli.*
 Ikenii Conradi *Antiquit. Hebraica* 8. Bremæ 1741.
 Josephi Heb. Flav. *Antiq. Heb., & contra Appion.* fol. Genev. 1611.
 Isaac (R.) de Acolta *Conjecturas Sagradas sobre los Prophetas primores* 4.
 • Lugd. B. 482. C. 1712.
 Justiniani Augustini Nebiens. Ep. *Epistola ad Poncherium Parvum.* Extat. ap.
 Wolf. Bibliot. Heb. vol. 11. p. 950.
 Kircheri Athanas. *Prodromus Coptus, sive Ægyptiac.* 4. Romæ 1636.
 Kimchi (R. David) *Perusc*, seu *Comm. in Ps.* ex Bibliis M. Rabbin. var. ed.
 — *Michlol Ven.* fol. an. m. f. 305. Chr. 1545.
 Krugeri *Diff. De Ling. Heb. Antiq., Util., Nec.* 8. Guelpherb. 1739.
 Lamy Bern. *Entretiens sur les Sciences* 8. Lyon 1706.
 Lamii Joh. *De Eruditione Apostolorum liber sing.* 8. Florentiæ 1738.
 Lancelloti Secundi L' Hoggidi, ovvero gl' Ingegneri non inferiori a passati 8.
 Ven. 1662.
 Leonis (R.) Mutinensis *Ghelud Jehudah Novo Dictionario Hebr., e Ital.* 4.
 - parv. Venet. 1612.
 Leusdenii Jo. *Philologus Hebræo-Mixtus* 4. Ultraj. 1682.
 — *Philologus Hebræus* 4. Basil. 1739.
 — *Spicileg. Philol. adnex. Philol. Hebræo-Mixto.*
 — *De Dialectis N. T. singulatim de eius Hebraïsmis* ex edit. Fischeri 8.
 Lips. 1754.
 Le-Long Jacob. *Bibliotheca Sacra* fol. Paris. 1723. 2. vol.
 Lighfooti Jo. *Horæ Hebraicæ, & Talmudicæ* in Math. Tom. 2. Oper. p. 24.
 edit. 2. vol. fol. Roterod. 1686.
 — *Erubhim*, seu *Miscellan.* T. 1. Oper. p. 195.
 Lucæ Brugensis *Epif. Dedic. in Notat. ad Vulg.* l. ed.
 Lutheri *Comm. in Psalm.* Tom. III. lat. Jen. edit. ej. Oper.
 Masii Andreae *Josue Imper. Historia illustrata* fol. Antv. 1574.
 Martini Raymundi *Pugio Fidei* fol. Lips. 1687.
 Maimonidis (R. Mosis) *More Nevochim* ex lat. Buxt. edit., & Heb. fol.
 Sabionetæ An. m. f. 313.
 Mariana *Tract. De Vulg.* lat. V. eiusd. *Tract. Histor., & Theologicos* fol.
 Colon. 1609.
 Megerlini Dav. Frider. *Fasciculus Observationum Miscellanear.* subiunct. *Tract.*
De Scriptis, & Collegiis Orient. 4. Tubing. 1729.
 Michaelis (Mr.) *De l' Influence des Opinions sur le Langage, & du Langage*
sur les Opinions 8. Brem. 1762.
 Mornæi *De Verit. Relig. Christ.* 8. Lugd. B. 1592.
 Morini *Exercitationes Biblicæ* fol. Paris. 1669.
 Muscati (R. Jehuda) *Perusc in Cozzi R. Jehudæ Lev.*
 Musii Sim. *Affertiones tres verit. Heb.* l. an. 1631., alt. 1634., III. 1639.
 prodier. Paris. 8.

- Natalis Argonenfis *De Optima Legendor. Eccles. PP. Methodo ex Gall. in*
 lat. vers. 8. Taur. 1742.
- Natal. Alexandri *Histor. Eccles.* fol. 9. vol. Ferrar. 1759.
- Oleastro (Hieron. ab) *Comm. in Pentat.* fol. Lugd. 1586.
- Origenis Opera fol. 4. vol. Paris. 1733.
- Pallavicini *Histor. Conc. Trid.* fol. Romæ 1656.
- Palairot Eliæ *Observationes Philologico-Criticæ in Sacrosf. N. fæd. libros 8.*
 Lugd. B. 1752.
- Pasini Jos. Sacrarum antea in hac Academ., & Orient. litterarum Professo-
 ris, Regiæ nunc Bibliothecæ Præsidis cl. *Oratio ad Sacr. Script., & LL.*
 OO. ad calc. Gram. Heb. 12. Pat. 1721.
- Pfeifferi Augusti *Introductio in Orient., seu Synops. QQ. Nobil. de Orig.,*
Nat., usu, & admin. LL. OO. 8. Jenæ 1715.
- *Lingua S. Usus Catholicus.* Extat. Tom. ej. Oper. II. p. 1183.
- *Critica Sacra 8.* Dresdæ 1680.
- *Hermeneutica Sacra, seu Thesaur. Hermeneut. de Leg. Scrip. Interp. 8.*
 Francof., & Lips. 1726.
- Pedach Devarai *Apertio Verbor. meor.* Incerti Auct. 8. Ven. an. m. f. 306.
- Peripoth Duran (R.) Ephodæi vulgo dicti *Mahasseh Ephod, Opus Ephod*
 MS. in Bibliot. Taurin. Cod. XCVL a. II. 21.
- Petavii Dion. *Epist. ad Voisin.* præfixa huius Theol. Judæor. 4. Paris. 1647.
- Plantavittii *Florilegium Rabbinic.* fol. Lodov. 1645.
- Poli Mathæi *Synopsis Critic. Sacr.* fol. 5. vol. Francf. ad M. 1712.
- Posslevini *Bibliot. Selecta* fol. Romæ 1593.
- Porta (Henr. a) *De LL. OO. ad omne doctrinæ Genus Præstantia 4.* Me-
 diol. 1758.
- Ravii Christiani *Panegyrica I. LL. OO.*
- Relandi Adriani *Analcëta Rabbinica 8.* Ultraj. 1702.
- Reucolini *Præf. ad Lexic. Heb.* fol. Basil. 1537.
- *Præf. ad VII. Ps. Pœnitent. 8.* Tubing. 1511.
- Rèyna (Cassiodor. de) *La Biblia, que es los Sacros Libros del Vnio y N.*
Test. trasladad en Espannol 4. 1622.
- Salmeronis Alphonsi *Prolegomena Bibl.* fol. Colon. Agrip. 1612.
- Sauberti *Latin. Interpr. I. Paraschæ Comm. R. Jacob ben Isaac Hemst. 8.*
 1660.
- Scaligeri Jos. *Epistola 8.* Francf. 1628.
- Sçavane *Journal pour l'an. 1766. Mai.*
- Schultensii Alb. *Vetus, & Regia Via Hebraizandi 4.* Lugd. B. 1738.
- Skickardi Guill. *Bechinath Happeruscim, hoc est examinis Commentationum Rab-*
binic. in Mosen Prodomus 4. Tubingæ 1624.
- Schudt. *Memorabilia Judaica* Francof., & Lips. 1714-17.
- *Deliciæ Hebrao-Philologica 8.* Francof. ad M. 1700.
- Seldeni *De Diis Syris Syntag. 8.* Lond. 1617.

Senecæ *Epistolæ ad Lucil.* Tom. 2. Oper.

Sennerti *Diff. de Hebrææ L., necnon OO. Origine, Antiq. &c.* eius Hebraismo præmissa.

Simonii Rich. *Historia Critica V. T. e Gall.* in lat. versa a Nat. Alb. De Verse Paris. 1681.

—— *Ej. Epitres Choif.* 8. 4. vol. Amst. 1730.

Simonis Jo. *Introductio Grammatico-Crit. in ling. Græc.* Halæ Magdeb. 1752.

—— *Introductio Gram.-Critica in ling. Heb.* ibid. 8. 1753.

Sixti Senensis *Bibliotheca Sancta* fol. Neap. 1742. 2. vol.

Stockii *Clavis Linguae Sanctæ Veteris, & N. T.* 8. maj. Lips. 1712. 2. vol.

Starchii Henr. Bened. *Biurè Hammuchra, sive Notæ Selectæ Criticæ Philologicæ in loca diff. Pentat., Josue &c.* Lips. 1714.

Talmudici *Tract. Betza, Scabbath, Sekalim, Sanhedrin, Sota &c.*

Theodoreti *Quæstiones in Gen.* Tom. I. post. edit.

Toleti Franc. *Comment., & Annot. in Evang. Joan.* 4. Romæ 1590. 2. vol.

Versiones *Scripturæ Arabica, Syr., Samar. &c.* ex *Bibliis Polygl. Waltoni* afferuntur 8. vol. fol. cum Lex. Cast. Lond. an. 1657.

Versio Hispan. Ferrar. *Biblia en lengua Espan. traduzida palabra por palabra de la verdad Hebraica por muy excel. letrados.* Ferrar. an. m. 1. 313.

Ugolini Blas. *Thesaur. Antiq. Heb. Sacr.* fol. Venet. vol. 28. 1744-65.

Vives Lud. Valent. *De Causis corruptar. art.* Extat Tom. 1. Oper. p. 362. edit. Basil. fol. 1555.

Vignalii Petri *Maamar, seu Sermo de L. Sanctæ Antiq., & Præst.* præfixus Institutionib. ling. Heb. Jo. Quinquarbori 8. Lut. 1621.

Voisinii *Observationes ad Raym. Mart. Pug. Fidei.* Reperiuntur in utraque edit. Pugionis Paris., & Lips., & Tom. 1. Thes. Ugol.

Waltoni Briani *Appar. Biblicus* fol. Tigur. 1753.

—— *Dissert. De Linguis Orient.* 12. Davent. 1658.

Wagenseil *Tract. Talm. Sotâ* 4. Altorf. 1674.

Weitnauer *Modus addiscendi intra breviss. tempus Linguas Gall., Ital., Hisp., Græc., Heb. &c.* 4. Francf. ad M. 1756.

Witasse Car. *Tract. Theologici* 7. vol. 4. Ven. 1738.

Wolfii Christoph. *Bibliotheca Hebræa* 4. vol. 4. Hamb. 1715-33.

Ystellæ Lud. Valent. *Commentarii in Sacram Genes.* fol. Romæ 1601.

Zachariæ *Storia Letteraria d'Italia* vol. 8. a Lul. ad tot. Decemb. 1753.

8. Mutinæ 1755.

Errata

Corr.

- Pag. 2. lin. 17. quos illud, quod illud.
- Pag. 8. lin. 16. Nam eam, Nam ea.
- Pag. 13. lin. 5. התשור, תחשור
- Pag. 45. lin. 5. hex eter., ex heter.
- Pag. 129. lin. 18. memoralibus, memorabilibus.
- Pag. 192. not. 6. Tom. II., Tom. IV.

Imprimatur

Joannes Dominicus Piselli Ordin. Præd. S.T.M. Vicarius
Gen. S. Officii Taurini.

V. Franciscus Ferrerius Collegii Theologor. Taurinens.
Præses.

V. Se ne permette la stampa

GALLI per S. E. il Sig. Conte CAISSOTTI di S. Vittoria
Gran Cancelliere.